

S U M M A T H E O L O G I Æ

AD USUM SCHOLÆ ACCOMODATA

TOMUS QUARTUS,

QUI DUOS COMPLECTITUR TRACTATUS:

I. DE GRATIA DEI.

II. DE JUSTIFICATIONE ET MERITO.

AUCTORE

NICOLAO L'HERMINIER

SACRÆ FACULTATIS PARISIENSIS DOCTORE,
INSIGNIS ECCLESIE CENOMANENSIS CANONICO THEOLOGO,
ET IN EADEM ECCLESIA ARCHIDIACONO DE PASSAIO.

EDITIO PRIMA VENETA

AD POSTREMAM PARISIENSEM


Ab innumeris mendis expurgata, ac Lapidibus locupletissimis aucta.



V E N E T I I S

MDCCCLXI

TYPIS JO. BAPTISTÆ PASQUALI.
CUM APPROBATIONE ET PRIVILEGIO.



3

TRACTATUS DE GRATIA DEI.

PRÆFATIUNCULA.

Postquam pro modulo, & satis ut opinor copiose ea tractavimus quæ Incarnationem Verbi divini spectant; nunc animus est differere de Gratia Dei, quæ ut ex fonte rivus, sic ab Incarnatione proficiscitur; tunc enim vere nos qui in tenebris & in umbra mortis habitabamus; tunc, inquam, hausimus aquas in gaudio de fontibus Salvatoris, cum Verbum caro factum est ut habitaret in nobis: vere tunc apparuit benignitas Dei & super nos misericordia ejus tanquam pluvia in vellus descendit, cum exinanivit semetipsum, forma servi accipiens, in similitudinem hominum factus & habitu inventus ut homo.

Hic autem Tractatus, quem nemo est qui difficilem & operosum esse ultero non fateatur, facilis tamen ex omni parte foret, si in hoc uno positus esset omnis labor, ut errores Pelagianorum, Semipelagianorum & Socinianorum refellerentur: quid enim promptius est magis, ut ita dicam, ad manum, quam innumera reperire in Scripturis & Sanctis Patribus testimonia, quibus necessitas divinæ gratiæ inviolabilissime stabiliatur? At quæ centum abhinc annis inter Theologos exortæ quæstiones sunt, quæ stabilita hinc & inde systemata in explicandis divinæ gratiæ nervis & motibus, sic totam rem implicuerunt, sic offuderunt eisdem tenebras & caliginem, ut nonnisi cum ingenti studio & acri labore tractari nunc ista quæstio & explicari possit.

Nos qui ab omni studio partium abhorremus, qui cupimus placere omnibus, ut omnes lucrificamus, materiam hanc spinis & vepribus horridam sola necessitate ducti aggredimur; ne scilicet mancum aliqua ex parte & imperfectum opus nostrum videatur; sic de gratia Dei differemus, ut in omnibus duces sequamur S. Augustinum, a quo ne latum quidem unguem discedere pievolum.

Definitio & divisio Gratiæ.

Missis gratiæ variis acceptionibus quæ passim usurpantur in sacris paginis, ubi nonnunquam accipitur pro venustate; ut Plal. 44. *diffusa est gratia in labiis tuis*. Aliquando pro complacentia, qua quis alteri placet, qua voce utitur Moyses Deum alloquens Exodus 33. cap. *Si inveni gratiam in conspectu tuo*. Per hæc vero pro misericordia & bona Dei voluntate; ut cum legitur Rom. 4. *Fidem reputari ad justitiam secundum propositum gratiæ Dei*. Ac denique pro vita æterna, ut habetur ad Rom. 6. cap. *gratiæ autem Dei vita æterna in Christo Jesu*, quam gratiam S. Augustinus lib. de gratia & libero arbitrio appellat gratiam pro gratia.

Gratia hic sumitur universim pro dono gratis collato creaturæ ex mera Dei liberalitate sine ullo merito ex parte creaturæ, juxta hæc Apostoli ad Roman. 11. cap. *Si autem gratia, jam non ex operibus, alioquin gratia jam non esset gratia*.

Gratia sic accepta primum duplex distinguitur, nimirum naturalis & supernaturalis: prior est omne donum naturale intra naturæ limites contentum, qualia sunt dona creationis, natura v.g. humana in homine cum suis facultatibus, quæ cum sit indebitum Dei beneficium, recte dicitur gratia, ut non uno in loco observavit S. Augustin. *sic ergo*, inquit lib. de Prædest. SS. cap. 5. *gratia natura attributa qua sumus animantia rationalia, discernimurque a pecoribus; sit etiam gratia natura attributa, qua in ipsis hominibus a deformibus pulchri vel ingeniosi discernuntur a tardis, &c.* quod idem docet Epist. 177. posterior vero gratia est donum supernaturale, hoc est supra naturæ limites positum, a Deo datum in ordine ad vitam æternam, ad salutem consequendam.

Gratia hæc supernaturalis iterum duplex, externa & interna. Externa, quæ extra hominem posita est, cum ei auxiliatur, ut lex, prædicatio Evangelii, exemplum, & miracula Christi. Interna vero est intra hominem posita, quales sunt illuminatio mentis & inspirationes voluntatis, quibus nempe cor nostrum ad bona pietatis opera movetur.

Quamquam negare videantur nonnulli scientiam divinæ legis inter Christi gratias reponendam, tum quia scientiam divinæ legis, Christi gratiæ & charitati opponit Apostolus 1. Corinth. 8. cap. *Scientia inflat, charitas adificat.* Et 2. Corinth. 3. *Littera occidit, spiritus vivificat.* Tum quia, inquirunt, ob id merito damnata fuit Pelagii doctrina, quod Christi gratiam in lege & doctrina collocabat. Tum denique quia ejusmodi scientia legis divinæ & morum per solum laborem & industriam naturalem acquiri potest; unde sequitur eam non esse gratiam supernaturalem.

At certe legitur expresse in Scriptu-

ris sacris scientiam legis seu mandatorum, esse aliquod Dei beneficium seu gratiam, Psalm. 93. *Beatus homo quem tu erudieris Domine, & de lege tua docueris eum.* Psalm. 118. sic Deum orat David, *da mihi intellectum ut sciam testimonia tua.* 1. Corinth. 1. *Gratias ergo*, inquit Apostolus, *Deo meo semper pro vobis & in gratia Dei quæ data est vobis in Christo Jesu, quod in omnibus divites facti estis in illo, in omni verbo & in omni scientia.* Quibus simillima continentur etiam apud Sanctos Patres & Concilia.

Neque vero ullius momenti sunt argumenta quæ huic sententiæ opponuntur.

Ac primo quidem, ut præfata intelligantur divi Pauli testimonia, supponendum est mentem nostram non esse, scientiam omnem legis divinæ qualemcumque & qualitercumque habeatur, esse gratiam Christi, sed solummodo quatenus homini salutaris est: quod quidem contingit, ut docet Eustius, quando incipit esse conjuncta cum bona voluntate faciendi legem, in iis nimirum qui scire legem & mandata cupiunt, ut ea deinceps implicant gratiæ Christi beneficio adjuti, qualis certe non est scientia quæ inflat, & occidit.

Ad secundum dico Pelagium non idcirco habitum fuisse tanquam hæreticum, quod scientiam legis reputaret Christi gratiam, sed quod aliam gratiam non agnoscebat præter legem & doctrinam, quæ sententia manifeste hæretica est, quia, ut dicemus postea, ad bene operandum præter Evangelii prædicationem requiritur insuper illuminatio intellectus & pia motio voluntatis.

Tertium argumentum nihil omnino difficultatis continet; cum enim dicitur hominem per solas naturæ vires acquirere posse cognitionem legis, id verum est de scientia quadam sterili & curiosa, non autem de scientia quatenus pro-

promovet ad pietatem & ad salutem conducit.

Gratia iterum dividitur in gratum facientem & gratis datam.

GRATIA interna, alia est gratum faciens, alia vero gratis data. Gratum faciens est ea quæ ad propriam accipientis sanctificationem primario confertur a Deo, quales sunt omnes gratiæ tum habituales tum actuales, quæ ad hominis salutem ordinantur. Gratis data est, quæ ad utilitatem & salutem aliorum primario confertur a Deo, cuiusmodi sunt dona prophetiæ, linguarum, &c. Gratia gratis data sic dicitur, non quod gratia gratum faciens non sit quoque gratis data, nam omnis gratia eo præcille quod gratia est, censetur gratis data, alias gratia non esset; sed fortasse quia Christus ipse, quando ejusmodi gratias seu dona contulit Apostolis, eas appellavit gratis datas, Matth. 10. cap. *Gratis accepistis, gratis date.*

Novem earum species enumerat Apostolus primæ ad Corinth. 12. cap. his verbis. *Alii quidem per Spiritum datur sermo sapientiæ: alii autem sermo scientiæ secundum eundem Spiritum: aliter fides in eodem Spiritu: alii gratia sanctorum in uno Spiritu: alii operatio virtutum: alii Prophetia: alii discretio spirituum: alii genera linguarum: alii interpretatio sermonum.* Ubi cum S. Thomas observare juvat fidem inter gratias gratis datas annuerari, non prout virtus est hominem in seipso iustificans; non quatenus est Dei donum quo rebus a Deo revelatis adhærescimus; eatenus enim est gratia gratum faciens, sed prout importat supereminenter quandam fidei certitudinem ex qua homo fit idoneus ad alios instruendos.

Notare item est gratias gratis datas non semper conjungi cum gratia gratumfaciente; nonnamquam enim ad sa-

lutem aliorum procurandam, seu per prædicationem Verbi divini, seu per prophetiam perverſi homines deputati sunt; Num. 23. cap. Balaam dicitur prophetasse qui tamen erat homo nequam. Lib. 1. Regum, Saul erat inter Prophetas. Denique Joan. 13. Caiphas prophetasse legitur.

Est etiam observandum potestatem administrandi Sacramenta non esse gratiam gratis datam, quia non est a Deo immediate collata Ecclesiæ ministris. Vel secundum alios Theologos administratio nostrorum Sacramentorum quædam est gratia gratis data quæ revocatur ad operationem virtutum.

Notandum insuper gratiam gratum facientem esse nobiliorem & excellentiorem qualibet gratia gratis data; tum quia postquam Apostolus gratias gratis datas enumeravit capite mox citato Epistolæ 1. ad Corinth. docet aliud esse donum longe excellentius, quæ charitas est, tum quia Lucæ 10. ipse Christus Dominus dicebat Apostolis, *Ece dedi vobis potestatem calcandi super serpentes &c. veruntamen in hoc nolite gaudere, quod Spiritus vobis subjiciuntur, gaudere autem quod nomina vestra scripta sint in caelis.* Quæ verba aperte significant hoc secundum altero longe melius, eique præferendum.

Si vero quæzatur num gratiæ gratis datæ sint actuales vel habituales. Respondeo quasdam esse actuales, quæ scilicet cessante operatione & ipsæ cessant, nec permanenter insunt, ut patratio miraculorum, discretio spirituum &c. Alias vero esse habituales propter rationem oppositam, quia permanentes sunt in hominibus adinstar habituum, ut scientia, sapientia, donum linguarum.

*Gratia dividitur in habitualem
& actuaalem.*

Gratia habitualis ea dicitur quæ per modum qualitatis cujusdam permanentis confertur homini, qualis designatur in multis Scripturæ locis. Joan. 14. *Si quis diligit me*, inquit Christus, *sermonem meum servabit, & Pater meus diligit eum, & apud eum veniemus, & mansionem apud eum faciemus*. Rom. 5. *Charitas Dei diffusa est in cordibus nostris per Spiritum sanctum qui datus est nobis*. Ad Titum 3. cap. *Salvos nos fecit per lavacrum regenerationis & renovationis Spiritus sancti quem effudit in nos abunde*. Et si enim in ejusmodi Scripturæ testimoniis nomen habitus non legatur, in iis tamen gratia aperte designatur tanquam habitus, hoc est tanquam fixa quedam & permanens qualitas homini inextinguens.

Unde mirum est eo devenisse Novatores nostros, ut dicerent inutilem omnino esse gratiæ habitualis infusionem in justificatione, quam fieri censent per solum iustitiam imputativam, siquidem sine talis gratiæ habitualis infusione explicari non potest justificatio Infantis baptizati, qua ex causa Patres Tridentini definiunt scilicet 6. cap. 7. Justificationem non esse, solum remissionem peccatorum, sed etiam sanctificationem & renovationem interioris hominis per infusionem gratiæ & donorum; de his plura dicemus in tractatu de justificatione & merito ad calcem hujus voluminis.

Gratia actualis est ea quæ datur a Deo per modum actus seu motionis ejusdem transcurrentis ordinatæ ad actionem; ea est gratia quæ ad agendum dicitur necessaria etiam in iis qui supponuntur per gratiam sanctificantem recte dispositi, quemadmodum lux requiritur ad videndum etiam in oculo per-

fecto sano, ut ait S. Augustinus lib. de natura & gratia cap. 48. illa ipsa est gratia de qua toties loquitur S. Augustinus adversus Pelagianos, per quam novimus faciendæ, & cognita facimus, quæ in nobis agit ineluctabiliter illuminando intellectum & movendo voluntatem.

Observeat Estius disputatum a quibusdam, num sit de fide gratiam habituaalem seu sanctificantem, qua iustificamur & Deo grati sumus, verum esse habitum in nobis inherentem; atque partem negantem tenere quosdam Theologos; eo quod illud nec expresse habeatur in Scripturis sacris, nec manifestum sit ex traditione, nec ullo demum Concilii decreto sancitum. Unde etiam, ut ajunt, Concilium Tridentinum eum definitivè hominem iustificari per aliquam iustitiam cordibus nostris infusam, prudenter & consulto abstinent a nomine habitus, quomodo sentiunt & ratiocinantur Dominicus Soto, qui Concilio Tridentino interfuit, l. 2. de natura & gratia cap. 17. & Medina in 2. q. 110. art. 2.

Arbitratur iste definire tantum voluisse Patres Tridentinos contra hæreticos, Deum in justificatione peccatoris non solum illi remittere peccata non imputando ea ad poenam, uti docebant hæretici; sed etiam interiori eos secundum animam renovare ut sancti & iusti fiant, qua in re necesse non est admittere qualitatem aliquam permanentem, quia talis renovatio fieri potest per motionem actualem gratiæ.

Respondet tamen Estius hanc Medinæ opinionem propugnari non posse tum propter auctoritatem Concilii Viennensis, tum propter definitionem Patrum Tridentinorum.

Concilium quidem Viennense decrevit eam opinionem quæ docet tam parvulis quam adultis. conferri in baptismo & quoad habitum infundi gratiam informantem & virtutes, eligendam esse

tan-

tanquam probabiliorum & dictis sanctorum Patrum & modernorum Theologiae Doctorum magis consonam, id habetur in Clementina tit. de summa Trinitate & Fide catholica.

Sic vero loquuntur Patres Tridentini, cum materiam justificationis prosequuntur & explicant in sessione sexta, ut nemo sanæ mentis eorum verba explicare possit cum opinione solius gratiæ actualis, cujus beneficio fieret justificationis, ea enim aperte denotant infusionem rei fixæ & permanentis.

Porro non sine causa, inquit idem Eclius, tam Viennenses Patres quam Tridentini, in his suis decretis abstinuerant a nomine habitus, quia licet agnosceretur gratiam sanctificantem esse qualitatem permanentem per modum habitus, tamen dubitatur an vere & proprie sit habitus, an vero qualitas permanens alterius cujusdam conditionis ab illa qualitatibus quas solemus appellare habitus; cum præsertim non satis appareat parvulus per virtutes infusus, postquam adoleverint, inclinari ad actus pietatis, uti postulare videtur natura habituum proprie dictorum.

Quæres quodnam sit subjectum gratiæ habitualis, utrum essentia animæ vel voluntas?

Respondeo gratiam habitualemente esse in voluntate tanquam in subjecto; 1. quia habitus operativi sunt in facultatibus, non in ipsa animæ substantia, debent enim illas determinare ad agendum: sed gratia habitualis habitus est operativus, ut vulgo censent Theologi, ab ea enim tanquam principio procedunt bonæ actiones: igitur. 2. quia formæ oppositæ sunt in eodem subjecto, sese enim expellunt a subjecto: sed peccatum gratiæ sanctificanti oppositum, residet in voluntate tanquam in subjecto: igitur.

Gratia actualis dividitur in prævenientem & subsequens.

HÆC divisio verbis conceptis legitur apud S. Aug. in Enchiridio c. 32. *Nam utrumque, inquit, legitur in sanctis eloquiis, & misericordia ejus præveniet me, & misericordia ejus subsequetur me, nolentem prævenit ut velis, volentem subsequitur, ne frustra velis. Et revera hæc habentur apud Psalmistam, Psalm. 58. Misericordia ejus præveniet me. Pl. 22. Misericordia ejus subsequetur me.*

Gratia præveniens ea est quæ prævenit omnem voluntatis nostræ actum. Gratia vero subsequens quæ hunc primum voluntatis nostræ actum subsequitur. Et ita subsequens non est sic intelligenda quasi sequatur priores voluntatis humanæ motus, ut enim fulsissime ostendimus infra, ipsum boni operis initium est a Deo excitante per gratiam, non est a libero voluntatis arbitrio nulla gratia adjuvo; ait enim Apostolus, *quid habes quod non accepisti?* Quapropter sic explicatur utraque gratia, ut præveniens initium cujuslibet boni operis producat, subsequens vero idem gratiæ divinæ opus augeat & perficiat, quomodo iterum de gratia præveniente & subsequente scribit S. August. lib. de natura & gratia cap. 32. his verbis: *prævenit ut sanemur, & subsequitur ut sanati vegetemur, prævenit ut vocemur, & subsequitur ut glorificemur. Prævenit ut pie vivamus, & subsequitur ut semper cum illo vivamus.*

Altera divisio gratia in operantem & cooperantem.

Utramque hanc gratiam copiose & eleganter describit S. August. lib. de grat. & lib. arbit. c. 17. his verbis: *Et quis istam etsi parvam dare caperat charitatem, nisi ille qui preparat voluntatem, & cooperando perficit, quod operando*

rando incipit? Quoniam ipse ut velimus operatur incipiens, qui volentibus cooperatur perficiens. Propter quod ait Apostolus (Certus sum, quoniam qui operatur in vobis opus bonum, perficiet usque in diem Christi Jesu.) Ut ergo velimus, sine nobis operatur, cum autem volumus, & sic volumus ut faciamus, nobiscum cooperatur; tamen sine illo vel operante ut velimus, vel cooperante cum volumus ad bona pietatis opera nihil valemus. De operante illo ut velimus dictum est (Deus enim qui operatur in vobis & velle.) De cooperante autem, tum jam volumus & volendo facimus. (Scimus, inquit, quoniam diligentibus Deum omnia cooperatur in bonum.)

Gratia igitur operans ea est quæ sola bonam voluntatem in hominibus operatur, qua Deus sine nobis operatur, ita ut nondum concipiatur voluntas nostra cooperari; is ille est primus & indeliberatus motus voluntatis quem Deus sine nobis operatur in nobis. Quod non est tamen sic intelligendum, quasi homo simul in primum illum bonæ voluntatis motum non influat, sed quod nulla operetur prævia voluntate qua petat, desideret, pulset.

Gratia cooperans est ea per quam Deus cum volumus, & libero nostro arbitrio cooperamur, perficit quod volumus, sive illa gratia sit parva sive sit valida; quæcumque enim conjunctum habet nostrum consensum cooperans dicitur, videlicet propter cooperationem liberi arbitrii.

Hæc divisio est perfecte adæquata, quia omnis gratia seu motio actualis per quam Deus hominem excitat ad bonum opus vel fit in nobis sine nobis concurrentibus, cooperantibus, ut primi motus indeliberati; vel fit in nobis & cum nobis cooperantibus; si prius, ejusmodi gratia est operans; si posterius, gratia illa est cooperans.

*Alia divisio gratiæ in excitantem
& adjuvantem.*

AUT parum aut nihil omnino differt ista divisio a præcedentibus, gratia enim excitans eadem esse videtur cum gratia præveniente & cum operante; ut tamen cum aliis Theologia loquamur.

Gratia excitans ea est qua homo velut a somno quodam excitatur, ipsique bona cogitatio, piumque desiderium a Deo immittitur. Adjuvans vero gratia est ea qua homo jam excitatus adjuvatur, ut perficiat quod jam agere inceperat.

Utraque hæc gratia commemoratur a S. August. l. 2. de peccatorum meritis c. 18. his verbis: quod vero ad Deum nos convertimur, nisi ipso excitante atque adjuvante non possumus, & hæc est voluntas bona.

*Dividitur iterum gratia in gratiam Dei
& gratiam Christi.*

GRATIA Dei est ea quæ homini collata est a Deo independentem a meritis Christi, qualis fuit gratia collata primo homini in statu naturæ innocentis, qualis etiam gratia data Angelis ad bene agendum. Gratia Christi est ea quæ fundatur in meritis Christi, quales sunt omnes gratiæ hominibus datæ post Adami lapsum; ejusmodi gratia dicitur passim a S. Augustino gratia liberatrix, gratia medicinalis, gratia salvatoris, gratia qua sanatur natura. De utraque gratia plenius dicetur infra suo loco.

*Divisio gratiæ in sufficientem
& efficacem.*

OMNIUM gratiæ divisionum celeberrima est ea qua dividitur in sufficientem & efficacem propter varias quæ inter Theologos agitantur contro-

ver-

versas de vera utriusque gratiæ notione ac præsertim sufficientis; non abs re erit istam opinionum diversitatem referre, ut clarius innotescat.

Docet Molina eandem esse secundum naturam & entitatem, gratiam quæ sufficiens dicitur & efficax, quatenus nempe Deus singulis hominibus confert gratias de se sufficientes ad bene agendum, sed quæ dicuntur efficaces, si homo per suum liberum arbitrium ipsis consentiat, remanent vero pure sufficientes & inefficaces, si homo ipsis non consentiat vel resistit. In hoc systemate nulla datur gratia per se & ex natura sua efficax, sed eadem gratia modo est sufficiens, modo est efficax; unde proprie loquendo gratia sufficiens natura sua non distinguitur ab efficaci. Sed nihilominus tamen gratiam sufficientem sic jure merito appellatam contendunt Molinæ defensores, quia talis est, inquit, ut ipsa per se solam sufficiat sine ullo alio ex parte Dei auxilio, ut suum sortiantur effectum.

Quidam alii Theologi ab opinione præcedenti non multum discrepantes, nomine gratiæ sufficientis, prout ab efficaci ex natura sua distinguitur, eam intelligunt, quæ licet effectum suum aliquando consequatur absque novo ex parte Dei superaddito auxilio, tamen illum certo & infallibiliter non assequitur; sicut efficax gratia quæ semper & infallibiliter suum obtinet effectum. In hoc systemate gratia sufficiens ab efficaci distinguitur, & ejus necessitatem non pro omnibus actionibus bonis, sed pro multis supponit Gratia sufficiens, hoc sensu expolita effectum suum habere potest, & aliquando habet, sed non certo & infallibiliter.

Thomistæ contendunt gratiam sufficientem & gratiam efficacem secundum entitatem & naturam ab invicem differre, ita ut gratia sufficiens nunquam evadat efficax, sed sit & maneat semper sufficiens, gratia vero citra talis

sit ex natura sua, hoc est semper suum obtineat effectum. In illo systemate gratia sufficiens dat solummodo agendi potentiam, ipsum actum non producit; dat quidem, ut ajunt, posse, non dat agere. Ut autem homo bonum aliquod operetur, requiritur insuper gratia efficax, quæ quidem insuperabiliter & infallibiliter voluntatem determinat ad agendum per physicam prædeterminationem. Gratia sufficiens hoc sensu intellecta, non est, ut arguunt alii Theologi, sufficiens re sed nomine tantum; gratia enim male dicitur sufficiens in ordine ad aliquem effectum producendum, præter quam alia requiritur absolute gratia ut ille effectus producat; sed præter gratiam sufficientem requiritur gratia efficax ad quodcunque bonum opus, fatentibus ipsis Thomistis: igitur nomine tenus dicitur sufficiens.

Est alia Theologorum opinio circa hanc divisionem gratiæ insufficientem & efficacem, qui in omnibus cum præcedenti Thomistarum sententia conveniunt, excepto quod rejiciunt prædeterminationem physicam, sed ajunt gratiam quæ per se efficax est, per motionem quandam moralem, seu, ut ait S. August. a quo hac in parte vel latum unguem non discedere se gloriantur, per victicem quandam delectationem, cætera eodem modo loquuntur ac Thomistæ de gratia sufficiente; cum ejus naturam explicant.

Dehinc Jansenius Irenæus Episcopus sic de utraque gratia loquitur in famoso suo opere de gratia Salvatoris, ut omnem gratiam putet efficacem per se & prout a Deo datur, in hoc scilicet naturæ lapide statui, nullamque penitus agnoscat gratiam sufficientem; ait enim nec infrequenter omnem gratiam suam habere effectum, nullam dari cui resistatur, nihil esse gratia sufficienti monitorius, quæ videlicet nullum unquam habitura est effectum, ejusmodi gratiam esse novam & veteribus Theologis incognitam &c.

B

Ref.

Tom. IV.

Respondent quidem Jansenii defensores non aliam gratiam rejicere hunc Præfulem, quam sufficientem Molinisticam, seu eam quæ ita sufficiens dicitur, ut revera præter ipsam non requiratur ad bene agendum gratia efficax; quæ sententia, inquit, non est toleranda, quod in certis veræ Theologiæ principis agnoscere debet gratia per se efficax ad quodlibet bonum opus necessaria. Addunt Jansenium ultro admittere gratiam sufficientem ad sensum Scholæ Thomisticæ, hoc est gratiam quæ dat potentiam agendi, & non actum, & præter quam datur gratia efficax, quia totus est ut illam gratiam efficacem stabiliat.

Verum alii Theologi ipsique præsertim Thomisticæ contendunt Jansenium nequaquam in suis principis admittere gratiam sufficientem Thomisticam. 1. Quia ubique rejicit gratiam omnem quæ dat potentiam agendi, & nunquam dat actum: atqui tamen hæc illa est gratia sufficiens Thomistica, qua data homo potest agere, sed nunquam agit nisi accedat gratia efficax. 2. Quia Jansenius, putans hac in parte sequi doctrinam sancti Augustini, nullum admittit adjutorium sine quo non, pro isto statu naturæ lapsæ; sed Thomisticæ profitentur se admittere adjutorium sine quo non, quod idem est cum gratia sufficienti: igitur circa gratiam sufficientem eadem non est Jansenii & Thomistarum doctrina.

Omitto hic annotare quod docet Calvinus nullam dari gratiam sufficientem, hoc est motum Dei cui voluntas obtemperare possit, vel obsequi si velit, quod nimirum Deus voluntatem humanam ad agendum per gratiam suam efficacem necessario applicat; quapropter scribit Bellarminus lib. 1. de gratia cap. 11. divisionem gratiæ in sufficientem & efficacem repudiari ab hæreticis nostri temporis.

Porro nos istum perdifficilem & sale-

brosum de gratia Dei tractatum tradituri, ab accurata nominum gratiæ recensione auspiciari volumus, ut sublata omni vocum ambiguitate perspicua ubique foret nostra disputatio.

Erunt præsentis tractatus quatuor partes. Prima gratiæ universim, ut donum est supernaturaliter ordinatum ad bene agendum, necessitatem & existentiam demonstrabit. In secunda ejus essentiam explicabimus, ubi de gratia efficaci & sufficiente. Tertia subiectum ejus aperiet, quibus nempe datur gratia. In quarta demum causas gratiæ proferemus, nimirum voluntatem Dei salvandi omnes homines, & mortem Christi pro omnibus: quæ quidem ut facilius explicari queant, libet hic appendiculam præmittere de variis naturæ humanæ statibus.

De variis natura humana statibus.

Nomen status significat conditionem seu modum quo se habet natura humana in ordine ad suum ultimum finem consequendum. Alii primum distinguuntur status qui fuerunt, alii vero qui non fuerunt & de quorum possibilitate controversitur inter Theologos. Duo assignantur status qui extiterunt, nempe status naturæ innocentis, & status naturæ lapsæ per merita Christi reparatæ. Tres autem qui nunquam extiterunt, nempe status naturæ lapsæ non reparatæ; status naturæ integræ, status naturæ puræ. Ex illis quinque statibus duo sunt, nempe status naturæ innocentis, & status naturæ puræ, de quibus nos pro more scholarum prolixiorē instituimus disputationem, de tribus aliis statibus pauca dicturi: igitur.

Status naturæ lapsæ reparatæ, is est in quo quidem constituti nunc sumus peccato originali maculati, sed ita ut possumus ab illo per merita Christi liberari & vitam æternam consequi. Hoc

in

in statu etiam post remissionem peccati originalis remanent ejusdem peccati effectus, ignorantia in intellectu, concupiscentia in voluntate, rebellio in appetitu inferiori contra superiorem, & innumeræ corporis miseræ; ipsaque mortalitas, ut infeliciter quilibet nostrum experitur.

Sunt qui hoc in statu naturæ lapsæ reparatæ iterum distinguant statum confirmatorum in bono, in quo immunis redditur aliquis ab omni peccato etiam veniali, qualis fuit status B. Virginis; & statum confirmatorum in gratia, qualis fuit status Apostolorum qui post descensum Spiritus sancti immunes fuerunt ab omni peccato mortali. Verum hi status magis proprie sunt privilegia quorundam hominum, quam status.

Status naturæ lapsæ non reparatæ, in quo pempe remansisset homo post originale peccatum, nisi fuisset per Christi merita liberatus; non exiit quidem, ut per se patet, sed est maxime possibilis; fieri enim potuit, ut Deus non redimeret genus humanum, ut ostendimus in Tractatu de Incarnatione.

Status naturæ integræ, qui nunquam exiit; sed merito concipitur possibilis, ut constet ex iis quæ ad status naturæ puræ possibilitatem astruendam mox sumus adducturi, is est status in quo homo ordinaretur tantum ad finem naturalem per media naturalia consequendum; medius quidam esset status inter statum naturæ innocentis & inter statum naturæ puræ; differret a statu naturæ innocentis, in quantum in isto fuit homo gratia supernaturali instructus ad beatitudinem promerendam supernaturalem; in illo vero ordinaretur homo solum ad beatitudinem naturalem per media naturalia; differret autem a statu naturæ puræ eo quod in hoc statu homo nulla haberet auxilia naturæ humanæ indebita ad resistendum moribus appetitus sentientis; in statu vero naturæ

integræ, in quo pars hominis superior esset subjecta Deo ut auctori naturæ; homo haberet auxilium quoddam ordinis naturalis, humanæ quidem naturæ indebitum, sed isti statui debitum, quo posset impedire ne appetitus sensitivus contra rationem insurgeret.

De statu naturæ lapsæ.

Sic appellatur status in quo primum constitutus fuit Adamus, qui aptius diceretur status iustitiæ originalis, quia uterque status naturæ integræ & naturæ puræ, status foret naturæ innocentis. Est autem status in quo primi parentes nostri ab origine per gratiam acceperunt rectitudinem sine ullo defectu tum corporis tum animæ, hoc est sine ignorantia & proclivitate ad malum, nullis subjecti corporis calamitatibus.

Circa hunc statum naturæ innocentis duo veniunt in controversiam. Primo, utrum primi parentes constituti fuissent in gratia & iustitia originali. Secundo, utrum Adamus in illo statu rectitudinis positus indigerit aliquo auxilio actuali ad bene agendum & perseverandum, & quodnam fuerit illud auxilium.

Utrum primi parentes gratiam sanctificantem seu iustitiam originalem habuerint in statu innocentia.

Adum ante legis transgressionem dona quædam habuisse supernaturalia, puta gratiam sanctificantem seu iustitiam originalem, sic vero constitutum fuisse in quadam rectitudine per gratiam illi concessa; ut sibi connaturalia non habuerit concupiscentiam, ignorantiam, mortem, & cætera magno numero mala quibus natura humana atteritur in hac vita, fundatissimum est Ecclesiæ dogma adversus Pelagianos, quorum unus capitalis error fuit, *insantes nuper natos in eo statu nasci, in quo Adam ante peccationem fuit,*

B 2 ut

ut constat ex S. Augustino lib. de gestis Pelagii cap. 11. & lib. 2. operis imperfecti contra Jul. cap. 236. Idem quoque sentiunt hodie Sociniani, dicentes creatum quidem fuisse Adamum in statu innocentie, sine ulla carnis rebellionem, sed non habuisse iustitiam; in eos omnes fit

CONCLUSIO.

Adamus fuit primitus in statu gratie & iustitie originalis constitutus.

Probat. 1. ex Scripturis, sic enim ait Apostolus ad Ephes. cap. 4. *Renovamini spiritu mentis vestre & induite novum hominem, qui secundum Deum creatus est in iustitia & sanctitate veritatis.* Hæc iustitia & sanctitas quam homo amiserat, est præsentis status iustificatio quæ non fit nisi per gratiam. Item Ecclesiasticus cap. 7. legitur a Deo factum fuisse hominem rectum. *Fecit Deus hominem rectum.* Quam rectitudinem interpretatur S. Augustin. gratiam supernaturalem, bonam voluntatem, quæ est infusa Dei dilectio, amor Dei supernaturalis, charitas ipsa. *Fecit Deus,* inquit lib. 14. de civitate Dei cap. 11. *sicut scriptum est, hominem rectum, ac per hoc voluntatis bonæ; non enim rectus esset bonam non habens voluntatem: bona igitur voluntas opus est Dei, cum ea quippe ab illo factus est homo. Bonam autem voluntatem non esse rectitudinem naturalis ordinis, sed veram charitatem apertè colligitur ex eisdem lib. cap. 7. Nam ejus propositum est, inquit, amare Deum & non secundum hominem, sed secundum Deum amare proximum, sicut etiam seipsum; procul dubio propter hunc amorem dicitur voluntatis bonæ; quæ usitatus in Scripturis sacris charitas appellatur. Quod idem docet lib. de gratia Christi cap. 21.*

Is vero insuper loquens de renovatione hominis, abunde significat iustitiam originalem fuisse gratiam, libro

nempe de Spiritu & littera c. 27. his verbis: *Hoc enim agit spiritus gratiæ, ut imaginem Dei in qua naturaliter facti sumus, instillet in nobis, vitium quippe contra naturam est, quod utique sanat gratia: ... quæ gratia in interioribus homine renovato iustitiæ scribitur, quam culpa deleverat: ubi mentionem facit Augustinus de gratia quam culpa deleverat, atque per illam gratiam imaginem Dei primitus factum fuisse Adamum. Idem docent alii passim Sancti Patres qui Adamo ante lapsum iustitiam & gratiam sanctificantem tribuunt, S. Irenæus lib. 3. contra hæres. c. 30. & 37. S. Cyprianus Epist. 73. S. Basil. homil. in Psal. 48. S. Ambros. lib. 6. Exameron. c. 7. & l. 7. in Lucam c. 48. S. Greg. Nazian. in orat. de Pascha. S. Chrysost. homil. 16. in Genes. S. Leo Sermon. 1. de jejunio decem mensis. S. Greg. mag. lib. 3. Epist. 41 & lib. 6. Epist. 31.*

Quibus optime consentit quod definitum est an. 529. in Concilio. Arval. 2. can. 19. his verbis: *Natura humana etiam si in illa integritate, in qua est condita, permaneret, nullo modo se ipsam creatore suo non adjuvante servaret. Unde cum sine gratia Dei salutem non possit custodire quam accepit, quomodo sine gratia Dei poterit reparare quam perdidit?*

Et longe clarius in Concilio Trident. sess. 5. decreto de peccato originali. *Si quis non confitetur primum hominem Adam, cum mandatum Dei in Paradiso fuisset transgressus, statim sanctitatem & iustitiam, in qua constitutus fuerat, amisisse. .. anathema sit.* Et paulo post; *si quis Adam prævaricationem sibi soli & non ejus propagini asseruit nocuisse & acceptam a Deo sanctitatem & iustitiam quam perdidit, sibi soli & non nobis etiam olim perdidisse, anathema sit.* Unde sequitur Adamum primitus fuisse in sanctitate creatum, status enim hoc verbo constitutus recte exprimitur.

Ob-

Observat hoc loco Eftius nihil esse temeritatis in eorum sententia, qui dicunt primum hominem non fuisse creatum in gratia & iustitia originali, modo aliunde doceant illum ante legis transgressionem seu lapsum in tali gratia fuisse constitutum, tum quia, inquit ille Theologus, hæc sententia nulli adversatur expresse scripturæ testimonio, nec ullæ uspiam Ecclesiæ definitione confirmata fuit; tum quia a multis Doctoribus & magni quidem nominis propugnatur, puta a Magistro Sententiarum, Hugone Victorino, Alexandro Halensi, S. Bonaventura, Scoto & aliis: tum denique quia ab aliis Theologis qui contrariam profitentur doctrinam, non habetur ut absolute erronea.

Obijciat: Si Paulus docere videtur 1. ad Corinth. cap. 15. Adamum quando creatus est, non habuisse Spiritum sanctum, nullam habuisse virtutem & gratiam supernaturalem, sed solummodo animam viventem vita quadam terrena, sic enim loquitur: *Factus est primus homo Adam in animam viventem, novissimus Adam in Spiritum vivificantem*. Sed non prius quod spiritale est, sed quod animale, deinde quod spiritale. *Primus homo de terra terrenus, secundus homo de calo celestis*. Igitur Adamus non fuit in gratia & iustitia originali constitutus.

Respondeo ex his Apostoli verbis colligendum non esse, primum hominem, quando creatus est, aut saltem ante lapsum, non habuisse gratiam seu iustitiam supernaturalem, hoc unum vult Apostolus, eo loci differens de corporum resurrectione, discrimen asserre quod intercedit nos inter mortales & Christum post resurrectionem: corpus nostrum uti & corpus Adami & cæterorum animantium cibo ac potu ad sui conservationem indiget; corpus autem Christi, qui secundus est Adam, per resurrectionem factum est spiritale, immortale, & cibo ac potu non eget,

quo sensu Christus dicitur *de calo coelestis*, Adam vero *de terra terrenus*; sed ibi ne uno quidem verbo insinuat Adamum priusquam peccaret, gratia & iustitia originali non fuisse instructum.

Neque est quod in confirmationem præfate difficultatis obijciatur autoritas sancti Augustini, qui lib. 13. de civitate Dei cap. 23. ex hoc Apostoli testimonio, *factus primus homo in animam viventem &c.* concludit Adamum non habuisse Spiritum sanctum his verbis, *primus homo, inquit, de terra terrenus, in animam viventem factus est, non in spiritum vivificantem*. Quasi inde sequatur eum non habuisse gratiam.

Respondetur enim facile sanctum Augustinum de gratia Adami nullam ibi mentionem facere, nec illum consiliare ante peccatum, quæ duo forent necessaria, ut ex ejus verbis aliquid colligi posset adversus istam sententiam. Vult igitur solum ostendere hominem accepisse corpus animale, non spiritale, id est, non iis adhuc doctibus instructum, quas per resurrectionem consequetur.

Obijciat: idem sanctus Augustinus l. de correptione & gratia c. 10. scribit Deum sic ordinasse Angelorum & hominum vitam, ut in ea prius ostenderet, quid posset eorum liberum arbitrium, deinde quid posset gratia sue beneficium. Ergo primus homo solum habuit initio suum liberum arbitrium sine gratia.

Distinguo consequentiam, sine gratia actuali uberiori & fortiori, concedo: sine gratia habituali vel etiam sine quacunque actuali, nego. Primo igitur eo loci sanctus Augustinus non loquitur de gratia habituali & sanctificante, de qua nunc movetur questio; sed inquit de gratia actuali differens, quodnam gratiæ seu adjutorii actualis genus habuerit primus homo ad bene agendum; & statuit sic Deum cuncta ordinasse, ut primo voluerit hominem suo permittere libero arbitrio, ac deinde

suæ

fux gratiæ vim ac necessitatem ostenderit. Ubi S. Augustinus supponit Adamum in illo primo statu innocentie habuisse non modo gratiam sanctificantem, sed & gratiam actualem quam appellat adiutorium sine quo: *quidem*, inquit, cap. 11. *Adam non habuit gratiam, immo vero habuit magnam sed disparē*? Adeoque ex illo loco neutiquam colligi potest hominem in statu innocentie non habuisse gratiam & iustitiam originalem.

Obijcies, patet ex Geneseos cap. 2. Adamum fuisse creatum extra paradisum, & postea positum in paradiso: igitur creatus est in puris naturalibus, nec statim donis gratiæ & iustitiæ supernaturalibus instructus est.

Atque id aperre docet S. Augustinus lib. 2. de Genesi contra Manichæos c. 8. *monendum*, inquit, *spiritualem hominem debemus intelligere qui factus est in animam viventem, sed adhuc animalem: hinc tamen spiritualis effectus est, cum in paradiso, hoc est in beata vite constitutus* &c. Igitur Adamus ab initio non fuit gratia donatus.

Respondet Eilius per hoc quod homo creatus dicitur extra paradisum, & postea in eo positus, nihil aliud significari, quam gratiam in qua creatus est, fuisse naturæ ipsius indebitam, ideoque sine illa creari eum potuisse, sicut creatus est extra paradisum.

Quod spectat testimonium S. Augustini, vult tantum sanctus Doctor ex his Scripturæ verbis, *qui factus est in animam viventem*, inferri posse insulam in corpus ejus animam rationalem, non gratiam sanctificantem, quod nihil omnino probat, ut per se patet.

Obijcies: si Adamus habuit gratiam sanctificantem sine concupiscentia aliisque infirmitatibus, quæ dicuntur esse effectus primi peccati, certe vix intelligitur quomodo peccare potuerit, cum nullam ad malum propensionem sed potius maximam ad bonum habuerit

beneficio illius gratiæ sanctificantis.

Respondeo nullo negotio intelligi posse Adamum gratia sanctificante donatum potuisse peccare, quia videlicet conditus fuit liber & indifferens ad bonum vel malum; *tunc*, inquit S. Augustinus loco mox citato, *ostendere voluit Deus quid posset liberum arbitrium*. Præterquamquod creatura omnis, nisi confirmata sit in bono, habet ex natura sua quod deficere possit.

Porro præter illam gratiam sanctificantem quam ab origine accepit primus parens, is insuper fuit omnium animi & corporis bonorum possessione cumulatus.

Hinc in intellectu scientia perfectissima rerum omnium naturalium, & prout status & conditio postulabat, rerum etiam supernaturalium insula; adeo ut si non peccasset Adamus, habuissent homines nascendo non omnem penitus cognitionem, sed etiam quæ ipsis competeat habita ratione ætatis, puta notitiam Dei & principiorum juris naturalis ad bonum discernendum a malo; quemadmodum quod attinet ad corpus nascendo statim non habuissent virtutem sufficientem ad movendum membra ad quoslibet actus, sed ad eos qui pueritiæ conditioni conveniebant, ut docet S. Aug. l. 1. de peccatorum meritis, cap. 37.

Hinc voluntatem habuit sanam & perfecte liberam, sine ulla prava libidine creatam, tum & nullo innato propriæ excellentiæ & laudis amore vel appetitu insulcatam. In quo nonnulli recentiores graviter hallucinati sunt, cum primum hominem affirmarunt in illo felici statu præter tentationes quæ extrinsecus inferrentur, innato laudis & propriæ excellentiæ amore fuisse impeditum, ejusmodi enim superbiæ tentatio ex illo innato excellentiæ appetitu promicans, pars est ejus libidinis quæ profecto est unius peccati originalis sæcus; unde non fuit in illo statu

naturæ innocentis ulla tentatio præter externam. Ergone, inquit August. l. 1. operis imperf. num. 71. & in paradiso ante malefua diuina serpentis, ante corruptam sermonem sacrilego voluntatem, illiciti cibi libido jam fuit? . . . præcessit mala voluntas, qua serpenti subdolo crederetur, & secuta est mala concupiscentia, qua cibo inhiaretur illicito. Non itaque ibi qualiscunque cupiditas qualiscunque reluctata est voluntati, sed ei potius depravata depravata servavit, ac per hoc quamvis jura utraque mala esset, tamen voluntas cupiditatem, non voluntatem cupiditas duxit, non præcessit voluntatem, nec resistit voluntati. Hæc fuit profecto consensu divi Augustini adversus Julianum doctrina, nulos omnino fuisse motus, vel minimas ad malum instigantes ante primum Adami peccatum, nec ullas præter externas tentationes.

Hinc etiam ad nutum pars inferior subdita erat superiori; ut idem docet ubique sanctus Doctor lib. 4. cap. Jul. c. 14. sed nulla ratione crediderim, inquit, in illo tanta felicitatis loco, aut enim concupuisse adversus spiritum, & spiritum adversus carnem; atque in ista conflictatione sine interna pace vixisse, aut spiritum desideris non repugnasse carnalibus, sed quicquid undecunque libido suggererat, turpi servitio peregrisse. Unde, quod modo caro rebellet adversus spiritum, a peccato est; ut definit Conc. Trident. Sess. 5. his verbis: hinc concupiscentiam, quam aliquando Apostolus peccatum appellat, sancta Synodus declarat Ecclesiam Catholicam nunquam intellexisse peccatum appellari; quod verum & proprie in renatis peccatum sit, sed quia ex peccato est & ad peccatum inclinatur. Si quis autem contrarium senserit, anathema sit.

Hinc ab illa felicitatis patria miserie omnes, quibus affligimur in præfenti vita, exulassent: quod infinitis in locis significat S. August. quantæ autem,

inquit Lib. 5. contra Jul. c. 5. & quanta tranquille potestatis essemus etiam de his motibus, quibus alimenta sumuntur & digeruntur in illa felicitate paradisi, quis possit ut certum est indigare? quis ut dignum est explicare? ubi absit ut credamus aliquid fuisse unde sensum nostrum, sive intrinsecus, sive extrinsecus aut dolor pungeret, aut labor fatigaret, aut pudor confunderet, aut ardor ureret, aut algor stringeret, aut horror offenderet. Id non leviter insinuat hoc celebri testimonio Ecclesiasticis c. 7. Solummodo hoc inveni quod fecerit Deus hominem rectum: & ipse se infinis miscuerit questionibus, hoc est, ut vulgo exponunt interpretes, infinitis miseriis & calamitatibus, quibus proinde obnoxii non fuissent homines sine peccato.

Hinc denique hujusce status appendix erat corporis immortalitas: scriptura enim primam mortis originem ait esse non naturam sed culpam, non autorem naturæ sed culpæ parentem, Genes. cap. 2. in quacunque die comederis ex eo, morte morieris. Sapientia 1. Deus mortem non fecit. 2. cap. Deus creavit hominem inextinguibilem, & ad imaginem similitudinis fecit illum. Invidia autem diaboli mors introiit in orbem terrarum, ad Roman. 5. cap. per peccatum mors.

Atque hanc fidem Catholicam acerrime propugnat S. Augustinus in Pelagianos qui mortem corporis existimabant hominibus, non peccati merito sed necessitate naturæ venturam, ut docet lib. 1. de peccatorum meritis c. 2. quos ita refellit: quamvis enim secundum corpus terra esset, & corpus in quo creatus est animale gestaret, tamen si non peccasset in corpus fuerat spiritale mutandus & in illam incorruptam omnem, qua fidelibus & sanctis promittitur sine mortis periculo transurus. Et cap. 4. ejusdem libri adducto divi Pauli testimonio ex Epist. ad Rom. cap. 8. in quo legitur corpus mortuum post peccatum, sic describit,

serit, puto quod non expositorum sed tantum lectoris opus habet tam clara & aperta sententia, corpus inquit mortuum est non propter fragilitatem terrenam, quia de terra pulvere factum est, sed propter peccatum; quid amplius querimus?

Hoc idipsum dehaierunt multa Concilia. Sic enim post Diospolitanum & Carthaginense loquitur Arausicanum II. canone 2. Si quis mortem tantum corporis qua poena peccati est, non autem & peccatum quod mors est animae per unum hominem in omne genus humanum transisse testatur &c. tum & Concil. Trident. Sess. 5. can. 1. his verbis, Si quis non confitetur primum hominem incurrisse per offensam praevaricationis mortem quam antea illi Deus comminatus fuerat, anathema sit. Unde mirum est Franciscum Garasum ceteroque Catholicum in Summa Theolog. lib. 3. p. 700. scripsisse mortem corporis etiam sine peccati merito venturam Adamo.

Qua vero ratione Adamus gratia Dei factus immortalis & nunquam moriturus si non peccasset, fuisset tamen mortalis, eleganter quidem explicat S. August. lib. 1. de peccat. meritis c. 5. loquens de corpore Adami, antequam immutaretur, inquit, in illam incorruptionem qua in Sanctorum resurrectione promittitur, poterat esse mortale; quamvis non moriturum... sed ipsum mortale non est factum mortuum nisi propter peccatum. Scilicet duplex distinguitur mortalitas, una qua quis mori potest, altera qua mori debet; illa primus homo mortalis fuit ante peccatum; nam mori potuit, quemadmodum peccare potuit; hac vero post peccatum tam ipse mortalis fuit quam posterius ejus, scilicet ex illius peccato necessitas moriendi consecuta est ipsi ut & nobis qui non solum potestate sed & necessitate morimur.

Verum haec Adami immortalitas ei concessa fuerat a Deo per gratiam, ut docet August. lib. 6. de Genesi ad lit-

teram c. 25. Illud quippe, inquit, ante peccatum & mortale secundum aliam & immortale secundum aliam causam dici poterat, idest mortale quia poterat mori, immortale quia poterat non mori. Aliud est enim non posse mori, sicut quasdam naturas immortales creavit Deus; aliud est autem posse non mori, secundum quem modum primus creatus est homo immortalis, quod ei praeestabatur de ligno vitae, non de constitutione naturae... mortalis ergo erat conditione corporis animalis, immortalis autem beneficio corporis. Quod idem tradit sanctus Doctor lib. de corrept. & grat. cap. 12. & lib. 22. de civit. Dei capite ultimo.

Quaeris 1. quid sit iustitia originalis. Respondeo 1. iustitia originalis, si spectatur nominis Etymologia, nihil aliud est quam rectitudo homini primitus data in ejus ortu & origine; id satis superque intelligitur.

Respondeo 2. variam esse iustitiae originalis acceptionem apud Theologos. Sunt enim qui iustitiam originalem distinguunt a gratia sanctificante, fatentes Adamum fuisse creatum cum iustitia originali, juxta illud scripturae, fecit Deus hominem rectum, id est iustum; secus vero de gratia quam non habuit nisi postquam positus est in paradiso terrestri. In hac sententia gratia sanctificans non fuit formaliter ipsa iustitia originalis, sed ejus praecipua & praestantissima portio. Volunt illi iustitiam originalem positam esse in rectitudine quadam tum corporis tum animae, ratione cujus primus homo poterat ea quae sunt ordinis naturalis facile adimplere: ita Hugo Victorinus, Alexander Halensis, Scotus, & quidam alii.

Sed communior Theologorum sententia est iustitiam originalem a gratia sanctificante non esse distinctam; unde mox ostendimus Adamum quem constat in ortu suo fuisse rectum, in gratia sanctificante fuisse creatum. Unde consequens est iustitiam originalem dici non de-

debere positam in eo quod pars animæ superior Deo perfecte subjiçatur, tum vero in eo quod partes hominis inferiores superioribus subjaceant; hæc enim & alia similia diximus justitiæ originalis privilegia, non ipsam justitiæ originalem.

Quæres 2. utrum justitiæ originalis fuerit primo homini naturalis.

Respondeo 1. aliquid dici posse naturale dupliciter; 1. Naturale dicitur quod homini inest ab ortu & nativitate, quamcumque ejus natura & proprietatibus non sit essentialiter conjunctum, quo sensu dicimur ab Apostolo *natura filii iræ*.

2. Naturale dicitur quod naturæ ei conjunctum est ipsique necessario debitum vel tanquam pars essentiae vel tanquam ejus proprietas, quo sensu sciendi libido est naturalis homini. His positis quæstio non est utrum justitiæ originalis fuerit primo homini naturalis priori sensu mox exposito. Sed ambigitur utrum hæc fuerit naturalis, hoc est non supra ejus naturam posita, donum minime supernaturale sed debitum.

Respondeo justitiæ originalem, non solum ea parte qua gratiam comprehendit, vel ipsa est gratia sanctificans, (catenus enim eam fuisse supernaturalem certissimum est;) sed quatenus consistebat in perfecta subjectione animæ ad Deum, & partis inferioris in homine cum parte superiori, esse supernaturalem.

Quia, cum homo compositus sit ex carne & spiritu, quæ naturaliter pugnant inter se inclinationes habent, quia caro fertur in bonum sensibile, spiritus in bonum spirituale, certe naturalis censeretur pugna carnis cum spiritu: adeoque beneficium, quo impediatur in homine innocente ejusmodi pugna & rebellio, reputari debet debitum & supernaturale. Quapropter si perfecta illa corporis subiectio ad animam, & appetitus sensitivi ad ratio-

nem naturalis fuisset homini, utique in eo remansisset post peccatum; quælibet enim naturalia remanserunt. Quapropter hanc propositionem inter Baianas vigesimam septimam condemnant summi Pontifices S. Pius V. & Gregorius XIII. *Integritas prima conditionis non fuit indebita natura humana exaltatio, sed naturalis ejus conditio.*

Quanam gratia in statu naturæ innocentis necessaria fuerit Adamo ad bene agendum & perseverandum.

Supponendum est primo, quod in hujusce Tractatus decursu demonstrabimus, homini tametsi constituto in statu gratiæ habitualis, necessariam esse insuper gratiam aliquam actualem ad bene agendum, sicut enim, inquit S. Augustinus lib. de natura & gratia c. 26. *oculus corporis etiam plenissime sanus, nisi candore lucis adjutus non potest cernere. sic & homo etiam perfectissime justificatus, nisi æterna luce justitiæ divinæ adjuvetur, recte non potest vivere.*

Deinde revocanda est in memoriam allata divisio gratiæ actualis in sufficientem & efficacem. Sufficientem, qualem mox dicturi sumus datam Adamo in statu naturæ innocentis, ea est gratia quæ sola sufficit ad bene agendum, ita ut præter illam alia non requiratur gratia fortior & uberior, quo sensu dædri nunc gratiam sufficientem in hoc nimirum statu naturæ lapsæ contendit Molina, ut supra monuimus explicando divisionem gratiæ in sufficientem & efficacem. Gratia efficax est ea quæ per se infallibiliter, & insuperabiliter movet voluntatem, suumque semper habet effectum: prior gratia dicitur a S. Augustino *adjutorium sine quo*, quia sine eo homo non potest agere, & cum quo agere potest, si velit; posterior autem gratia dicitur *adjutorium quo*, quia dat ita homini agere, ut cum eo semper & infallibiliter agat.

C

His

His positis queritur quodnam genus gratiæ actualis necessaria fuerit Adamo in statu naturæ innocentis ad bene agendum & perseverandum, an satis ei fuerit habere gratiam versatilem & sensu mox adducto sufficientem? an vero necesse ei fuerit habere gratiam per se efficacem, qualem asseremus necessariam ad quodlibet bonum opus in præsentī naturæ corruptæ statu.

Duplex est super ea re Theologorum opinio.

Prima est Thomistarum qui continent in illo statu naturæ innocentis, uti & in isto, necessariam fuisse gratiam efficacem. Scilicet eo titulo & nomine gratiam ejusmodi putant necessariam ad bene agendum & perseverandum, quod creatura essentialiter in agendo dependet a causa prima, de se indifferens est & indeterminata, & consequenter a Deo determinari debet, in quocunque statu tum naturæ innocentis, tum naturæ lapsæ. Putant illi Theologi talem gratiam efficacem agere physice, voluntatem physice applicare & prædeterminare.

Altera sententia est aliorum omnium Theologorum, & in quo etiam consentiunt Molina & Janſenius Iprensis, qui sedulo & accurate post sanctum Augustinum distinguunt statum naturæ innocentis a statu naturæ lapsæ, dicuntur primum hominem in statu naturæ innocentis constitutum non indiguisse ad bene agendum & perseverandum gratia per se efficaci, seu adjutorio quo; sed satis ei fuisse habere gratiam sufficientem, hoc est gratiam quæ nonnisi a cooperatione voluntatis humanæ suam acciperet efficaciam. Hoc gratiæ genus appellant cum S. Augustino adjutorium sine quo, vel auxilium possibilitatis quia cum eo potuit Adamus perseverare, non auxilium actionis quia non perseveravit: hæc eadem fuit gratia, quæ concessa fuit Angelis, antequam alii taderent, alii vero con-

firmentur in bono, ea bene utentes boni Angeli re ipsa perseverarunt, male autem utentes mali Angeli ceciderunt & non perseverarunt; huic sententiæ nos etiam subscribimus.

CONCLUSIO.

In statu naturæ innocentis non indigebat primus homo gratia per se efficaci, seu adjutorio quo.

Probatur autoritate S. Augustini, cujus fundatissima fuit hæc doctrina in systemate gratiæ, primum hominem per vires liberi sui arbitrii nondum per peccatum labefacti potuisse bene agere; adeoque & fidem, & dilectionem Dei, & ipsam perseverantiam ab eo sic potuisse per arbitrii libertatem fieri; ut illa non haberet per gratiam efficacem; cum econtra lapsus homo nonnisi speciali gratiæ Christi dono adjutus quidquam boni faciat. Illud potissimum tradit sanctus Doctor lib. de corrept. & grat. Sic enim cap. 10. *Quapropter saluberrime confitemur, quod rectissime credimus Deum sic ordinasse Angelorum & hominum vitam, ut in ea prius ostenderet, quid posset eorum liberum arbitrium, deinde quid posset gratia sua beneficium, justitiæque judicium. Denique Angeli quidam, quorum princeps est qui dicitur diabolus, per liberum arbitrium a Domino Deo resurge facti sunt ceteri autem per ipsum liberum arbitrium in veritate steterunt sic & hominem fecit sum libero arbitrio, & quamvis futuri sui casus ignarum, tamen ideo beatum, quia & non mori & miserum non fieri in sua potestate esse sentiebat. In quo statu recto ac sine viſio, si per ipsum liberum arbitrium manere voluisset.*

Cap. 11. *Quid ergo? Adam non habuit Dei gratiam? immo vero habuit magnam sed disparē istam gratiam non habuit homo primus, quia nunquam*

vellet esse malus, sed sane habuit, in qua si permanere vellet nunquam malus esset, & sine qua etiam cum libero arbitrio bonus esse non posset; sed eam tamen per liberum arbitrium deferere posset. Nec ipsum ergo Deus esse voluit sine sua gratia quam reliquit in ejus libero arbitrio tunc ergo dederat homini Deus bonam voluntatem, in illa quippe cum fecerat qui fecerat rectum, dederat adjutorium, sine quo in ea non posset permanere si vellet, ut autem vellet in ejus libero arbitrio reliquit. Posset ergo permanere si vellet; quia non deerat adjutorium per quod posset, & sine quo non posset perseveranter bonum tenere quod vellet.

Cap. 12. ipsa adjutoria distinguenda sunt. Aliud est adjutorium sine quo aliquid non fit, & aliud est adjutorium quo aliquid fit; nam sine alimentis non possumus vivere: nec tamen cum adfuerint alimenta, eis fit ut vivat qui mori voluerit. Ergo adjutorium alimentorum est sine quo non fit, non quo fit ut vivamus. At vero beatitudo quam non habet homo, cum data fuerit, continuo fit beatus. Adjutorium est enim non solum sine quo non fit, verum etiam quo fit propter quod datur. Quapropter hoc adjutorium & quo fit est, & sine quo non fit; quia & si data fuerit homini beatitudo, continuo fit beatus, & si data nunquam fuerit, nunquam erit. Alimenta vero non consequenter faciunt ut homo vivat, sed tamen sine illis non potest vivere. Primo itaque homini, qui in eo bono quo factus fuerat rectus acceperat posse non peccare, posse non mori, posse ipsum bonum non deferre, datum est adjutorium perseverantia, non quo fieret & ut perseveraret, sed sine quo per liberum arbitrium perseverare non potest. Nunc vero Sancti in regnum Dei per gratiam Dei predestinatis non tale adjutorium perseverantia datur, sed tale ut eis perseverantia dometur, non solum ut sine isto dono perseverantes esse non

possint, verum etiam ut per hoc donum nonnisi perseverantes sint.

Denique & in confirmationem hujus systematis apertissimum est quod scribit sanctus Doctor libro de Dono persever. cap. 7. ubi loquens de gratia qua perseveratur, sic disserit. Non est hoc omnino in viribus liberi arbitrii quales nunc sunt: fuerat in homine, antequam caderet. In quibus locis habetur.

1. Eandem fuisse gratiam Angelis & primo homini datam, Angelos vero per liberum arbitrium stitisse.

2. Disparem fuisse gratiam quæ tunc Adamo erat necessaria, & quæ nunc sanctis post peccatum datur.

3. Aliud esse adjutorium sine quo, & aliud adjutorium quo; prius datum primo homini innocenti, posterius dati hominibus in statu naturæ lapsæ.

4. demum, docet passim Augustinus bene agere, & perseverare, fuisse in potestate hominis, in libero hominis arbitrio antequam caderet: unde nemo, ut opinor, nisi cæcutire velit, negare potest hanc constantem fuisse S. Augustini doctrinam, Adamum in statu naturæ innocentis non indiguisse gratia efficaci ad bene agendum & perseverandum.

His sancti Augustini testimoniis quantum ad hoc nostrum systema stabilendum validissimis, nonnihil tamen, sed meo quidem judicio maxime frivolum respondent Thomistæ. Ajunt videlicet mentem sancti Augustini non esse utriusque status discrimen collocare, in eo quod in statu naturæ innocentis necessarium solummodo fuit adjutorium sine quo, & in statu naturæ lapsæ necessarium est adjutorium quo; sed potius in eo quod supposita necessitate adjutori quo leu gratiæ efficacis pro utroque indiscriminatum statu, requiritur in præsentī statu naturæ lapsæ adjutorium fortius & vegetius, quod sufficit ut stabilisat discrimen utriusque status.

Respondeo gratis} & contra apertissima sancti Doctoris testimonia confictam fuisse ejusmodi evasionem. Clarum est enim ex locis adductis illum distinguere adjutoria utriusque status, non modo quod unum sit altero fortius, sed quod unum appellat adjutorium sine quo, alterum vero appellat adjutorium quo, cap. 12. supra citato: *ipsa adjutoria distinguenda sunt, aliud est adjutorium sine quo aliquid non fit, & aliud est adjutorium quo aliquid fit*. Certe nullibi asserit in eo distincta esse illa adjutoria quod unum sit alicui vegetius tantum, quasi pro statu naturæ innocentis destinatum quoque fuerit adjutorium quo; sed contra ubique pronuntiat laudatis capitibus libri de corrept. & gratia, in eo disparem fuisse Adami conditionem in utroque statu, quod in statu naturæ innocentis habuit solummodo adjutorium sine quo, post peccatum vero adjutorium quo.

At, inquit, stare utique posset utriusque status discrimen, quantumvis necessarium assereretur adjutorium quo pro statu naturæ innocentis; quia nempe hoc adjutorium quo, diceretur necessarium in statu naturæ innocentis propter dependentiam causæ secundæ a causa prima, & necessarium in statu naturæ lapsæ propter corruptionem naturæ.

Sed nos reponimus quæstionem hic non esse utrum stare possit necne aliquod discrimen utriusque status, dicendo necessarium fuisse in utroque adjutorium quo: sed movetur controversia de mente S. Augustini, in quo revera censuerit positum esse discrimen & utriusque status & utriusque adjutorii; est autem luce meridiana clarius mentem S. Augustini esse in hoc distinguere utrumque statum, quod in statu naturæ innocentis necessarium fuerit duntaxat adjutorium sine quo, & in statu naturæ lapsæ necessarium sit adjutorium quo. Quapropter hujus adjutorii quo

necessitatem ubique astruit sanctus Doctor ex infirmitate & corruptione naturæ, nusquam vero ex illa, quam allegant Thomistæ, subordinatione & dependentia creaturæ a Deo, de qua ne unum quidem verbum reperias in locis adductis.

Respondent insuper Thomistæ sanctum Augustinum non loqui locis allegatis de quacunque gratia status innocentis seu de ea omni quæ necessaria fuit ad perseverandum, sed de illa quæ Adamo & Angelis de facto concessa fuerat, quæ quidem non fuit gratia efficax, non enim perseverarunt, sed solum gratia sufficiens qua poterant perseverare. Quod certe non impedit quominus in illo statu naturæ innocentis necessarium non fuerit auxilium quo, seu gratia efficax ad perseverandum: quæ gratia data fuit Angelis qui perseverarunt, data vero non fuit primo homini qui non perseveravit; & hæc est, inquit, vera S. Augustini doctrina in præfato libro de corrept. & gratia.

Verum & hanc evasionem aperte frivolam & ad nutum excogitatam constat aperte ex his momentis.

1. Quia, cum sanctus Augustinus considerat Adamum in statu naturæ innocentis, ait expresse illum non solum non habuisse adjutorium quo, sed & illo tunc non indiguisse adjutorio quo: *Ille non opus habebat eo adjutorio quod implorant isti, cum dicunt, Video aliam legem in membris meis repugnantem &c.* Igitur non solum S. Augustinus loquitur de ea gratia quæ data fuit Adamo, sed de ea quæ ipsi necessaria fuit ad perseverandum; ait enim Adamum in statu naturæ innocentis constitutum, opus non habuisse adjutorio quod nunc imploramus propter concupiscentiam, quod adjutorium est gratia efficax.

2. Quia S. Augustinus hoc adjutorium putat necessarium fuisse primo homini ad bene agendum & perseverandum, quod

quod revera datum est Angelis bonis qui perseverarunt & quo ipsi perseverarunt; eodem quippe modo de Angelis & de homine in statu naturæ innocentis posito loquitur sanctus Doctor; atqui certum est in doctrina sancti Augustini Angelos bonos non fletisse, non perseverasse per gratiam efficacem, per adjutorium quo; centies enim repetit Angelos bonos fletisse per liberum suum arbitrium, quod non dicit quidem per exclusionem cujusunque gratiæ, sed ut maxime perspicuum est, per exclusionem gratiæ efficacis seu adjutorii quo, cap. 10. ait Deum sic ordinasse Angelorum & hominum vitam, ut in ea prius ostenderet, quid posset eorum liberum arbitrium. Et postea ibidem, ceteri autem, boni nempe Angeli, per ipsum liberum arbitrium in veritate steterunt, cap. 11. sed quia noluit permanere, profecto ejus culpa est, cujus meritum fuisset, si permanere voluisset, sicut fecerunt Angeli sancti, qui cadentibus aliis per liberum arbitrium, per idem liberum arbitrium steterunt ipsi. Igitur existimabat S. Augustinus hominem quoque in statu naturæ innocentis non indiguisse adjutorio quo, sed potuisse per adjutorium sine quo revera perseverare si voluisset.

3. Deum ait illud adjutorium sufficiens fuisse Adamo vere, & proprie, ita ut aliud præterea necessarium non esset, quo quidem si privatus fuisset Adamus, jam sua culpa non cecidisset: atqui si præter adjutorium Adamo reipsa concessum ad perseverandum; aliud fuisset necessarium ut actu perseveraret, quo tamen absque ulla præcedente culpa privatus fuisset, jam sua culpa non cecidisset: ergo putabat non aliud adjutorium fuisse Adamo necessarium, quam adjutorium sine quo.

Et certe cum sententia hujus sancti Doctoris de gratia quæ Adamo in statu naturæ innocentis fuit necessaria, & de utriusque status discrimine, coherere & conciliari non posse prædeterminatio-

nem physicam quam admittunt Thomistæ, sic paucis invicte tamen demonstrari potest.

1. Quia talis est promotio physica Thomistarum, ut suum semper & infallibiliter effectum consequatur, nunquam voluntas illam rejiciat: sed in doctrina S. Augustini adjutorium quo indigebat & quod habuit Adamus in statu naturæ innocentis ad perseverandum, tale erat ut posset habere suum effectum, quem tamen non habuit, quandoquidem Adamus non perseveravit. Igitur de præmotione physica intelligi non potest S. August. contextus.

2. Talis est prædeterminatio Thomistica, ut ea semel posita, semper ponatur actio: sed tantum sine quo non potest fieri, non quo ipsa perseverantia doneatur, sed sine quo primus homo perseverare non poterat, cap. 12. lib. de corrept. & grat. datum est adjutorium non quo fieret ut perseverares, sed sine quo per liberum arbitrium perseverare non posset. Igitur in mente S. Augustini plurimum inter se differunt illud adjutorium quo indiguit primus homo, & præmotio physica quam ei necessariam putant Thomistæ.

3. Quia totus est sanctus Doctor in locis supra laudatis, ut summam ad bene agendum facilitatem in homine commendet, ad agendum inquam absque fortiori & uberiori auxilio ante peccatum quando nondum labefactum fuerat liberum ejus arbitrium, contra vero maximam ait nos experiri difficultatem in agendo post peccatum, & ideo majus requiri gratiæ auxilium: hæc fundatissima est ejus doctrina; igitur non putabat in priori illo statu hominem opus habere gratiæ efficaci, ac proinde præmotione physica.

Doctrinam istam adamussim scriptis suis expresserunt sancti Doctoris discipuli.

puli. Sic S. Prosper resp. ad cap. 8. Galli cum dixisset nunc post lapsum hominis necessarium esse donum gratia Dei per actus singulos adiuvantis, ait datam fuisse homini ab initio facultatem bene vivendi per liberum arbitrium, quia, inquit, dedit quidem ab initio hanc homini facultatem, sed omnes in illo amissimus, in quo peccavimus. Et lib. contra Collat. cap. 18. rectum, inquit, atque omni vitio carentem creatum esse hominem primum, in quo omnium hominum cuncta natura est, dubitare fas non est: eumque tale accepisse liberum arbitrium, ut si auxiliantem Dominum non deferret, posset in bonis quae acceperat, perseverare quia vellet... sed ipso libero arbitrio quo quandiu voluit, bonus mansit, a proposita sibi lege defecit.

Idipsum scribit Petrus Diaconus lib. de Incarnat. & grat. c. 6. his verbis: Credimus bonum & sine ulla carnis impugnatione a Deo creatore omnium factum Adam magnaeque praeditum libertate; ita ut bonum facere in propria facultate haberet, & malum si vellet posse admittere.

Tum vero & S. Fulgentius lib. de Incarnat. & grat. cap. 12. sic habet. Creatus ergo primus homo de terra terrenus, accepit quidem gratiam, quae posset non peccare, si vellet; nondum tamen tantam acceperat gratiam, quia nec peccare vellet omnino, nec posset; quae ipsissima est S. August. doctrina.

Hinc est quod Conc. Arausicanum II. definit. can. 13. arbitrium voluntatis in primo homine infirmatum & amissum; can. 21. naturam per Adamum perditam; & can. 25. non debere secundum Scripturas & SS. Patrum definitiones credere, quod per peccatum primi hominis ita infirmatum & attenuatum fuerit liberum arbitrium, &c. Haec enim supponunt longe disparem fuisse conditionem primi hominis ante lapsum, ab ea in qua post peccatum miserime jacet; quod videlicet homo tunc poterat

per se se suumque liberum arbitrium bene agere cum gratia versatilem quam ad nutum fluctabat; nunc vero recte non agat nisi victrici quadam & omnipotenti gratia ad agendum applicetur.

Si quis vero percontetur quibus fundamentis innitatur hocce S. Augustini systema de utriusque gratiae & adiutorii discrimine. Respondeo plurima ab eodem S. Doctore ducta ex sacris litteris, passim proposita fuisse momenta, quae quidem ad duo potissimum capita referuntur. Primum est, quia homo factus est a Deo rectus, iustus, sanus, nullis obnoxius concupiscentiae motibus; adeoque maxime liber & ad omne bonum expeditus. Unde promptum est inferre in illo felicitatis & rectitudinis statu necessariam non fuisse gratiam quae fortiter moveret voluntatem. Alterum est, quia juxta easdem Scripturas, venit Christus ut medicus sanare quod aegrotabat, ut Redemptor salvare quod perierat; quo fit ut homo per peccatum supponatur aegrotus & infirmus; adeoque longe majori & fortiori indigeat auxilio ad recte vivendum, quod ante lapsum sanus utique non agebat; quae enim alimenta & medicamenta aegroti homini necessaria sunt, sano & robusto sunt prorsus inutilia.

Solvuntur objectiones.

Objicies: Eadem est ratio primi hominis in statu iustitiae originalis constituti ac bonorum Angelorum, ut constet ex loco mox citato S. August. e libro de corrept. & grat. atqui docet idem S. Augustinus bonos Angelos qui steterunt, amplius fuisse adjuvatos, quam qui mala voluntate sua ceciderunt, lib. nempe 12. de civit. Dei cap. 9. his verbis. *Isti autem, qui cum boni creati essent, tamen mali sunt, mala propria voluntate quam bona natura non fecit, nisi cum a bono sponte defecit* ut

ut mali causa non sit bonum, sed defectus a bono, aut minorem acceperunt amoris divini gratiam quam illi qui in eadem persisterunt; aut si utrique boni equaliter creati sunt, istis mala voluntate cadentibus, illi amplius adjuti, ad eam beatitudinis plenitudinem, unde se nunquam casuros certissimi fuerunt, pervenerunt. Ergo existimavit Augustinus gratia efficaci donatos fuisse bonos Angelos ad perseverandum, adeoque & idem opinatus est de primo homine.

*Solent respondere catenus in mente Augustini bonos Angelos fuisse amplius adjutos, quem malos; quatenus receperunt cognitionem de securitate suae beatitudinis, quando vita aeterna donati sunt in praemium suae permanentis in bono; non autem in quantum perseverantiae donum acceperunt potius quam mali Angeli qui ceciderunt. Quam responsionem ex iis confirmant quae docet idem sanctus Doctor libro praecedenti, ad quem remittit lectorem, nimirum c. 13. verba faciens de Angelis, *Restat ut aut impares fuerint, aut si pares fuerunt post istorum ruinam, illis certa scientia sua sempiterna felicitatis accesserit.**

Observant illi Theologi, ut penitus intelligatur S. Augustini mens, rem esse altius repetendam: scilicet lib. 11. de Genesi ad litteram cap. 17. & sequentibus, disputaverat utrum Angeli mali casum suum praesciverint, & utrum boni cognoverint se perseveraturos; hanc questionem cum ancipitem ibi reliquisset, eam iterum agendam proposuit lib. 11. de civit. Dei cap. 13. concluditque in ea hypothese quod Angeli boni certi nunc sunt de sua beatitudine, alterorum dicendum esse aut impares conditos fuisse Angelos, aut si pares fuerunt, post ruinam malorum Angelorum bonis certam scientiam suae beatitudinis accessisse. Denique eandem sibi proponit questionem lib. de corrept. & grat. c. 10. ubi ait Angelos bonos

certiores factos fuisse de futura sua beatitudine in praemium perseverantiae in bono, tuncque plene beatos esse, cum antea non magis haberent plenitudinem beatitudinis quam Angeli mali.

Ex illa questionum serie colligunt illi Theologi sanctum Augustinum in libro quidem de Genesi ad litteram citato questionem praesentem proposuisse, sed eam non solvisse: in Libris autem 11. & 12. de civitate Dei eandem solvisse, sed dubitanter tantum, non assertive. Denique libro de correptione & gratia assertive pronunciasse Angelis malis proprio libertatis arbitrio cedentibus, alios per idem liberum arbitrium steris; non aliam esse S. Aug. mentem probant.

Primo, quia per adjutorium quo bonos Angelos amplius adjutos fuisse docet, illud intelligit de quo solo disputat: sed in libris de civit. Dei disputat non de adjutorio perseverantiae, sed de eo quo boni Angeli certi facti se nunquam casuros, illud autem est ipsa beatitudo: igitur.

Secundo, S. August. loco obiecto loquitur de illo adjutorio quod concessum est, postquam omnes Angeli boni aequaliter creati sunt, & ut loquitur lib. 11. cap. 13. post malorum ruinam: sed tale adjutorium non est ad perseverandum, alias falsa esset S. Augustini suppositio Angelos omnes aequaliter bonos fuisse creatos.

Verum hae responsio, quanquam, ut video, a multis usurperet Theologis, mihi quavis non potest.

Primo, quia S. Augustin. scribit hoc loco in objectionem proposito amplius adjutos fuisse bonos Angelos, ut ad beatitudinis plenitudinem pervenirent; adeoque per illud adjutorium non intellexit illam scientiam qua certi facti sunt se nunquam casuros; ejusmodi enim scientia posterior fuit permanentiae in bono, adjutorium autem de quo loquitur ibi, fuit medium quo quidem in bono

bono permanferunt boni Angeli. Certe de illo adiutorio gratiæ agit S. Auguft. quo Angeli boni in via exiftentes tanquam medio amplius adiuti pervenerunt ad beatitudinem: fed iftud dici non poteft de ipfa beatitudine, alias fenfus effet Angelis bonis datam effe beatitudinem, qua tanquam medio pervenerent ad beatitudinem; igitur per illud adiutorium non intelligit beatitudinem.

Secundo, quia fi per illud adiutorium quo dicit bonos Angelos fuiſſe *amplius adiutos*, intellexiſſet Auguftinus ſcientiam & revelatorem, qua certiores facti ſunt ſe nunquam caluros, non dixiſſet in comparativo eos fuiſſe amplius adiutos, ſed abſolute & ſimpliciter illos fuiſſe confirmatos in bono per illam ſcientiam, qua omnino caruerunt mali Angeli.

Tertio, quia in eodem contextu loquens Auguftinus de malis Angelis quos vult e contra minus fuiſſe adiutos, minus illud adiutorium appellat minorem gratiam, aut minorem, inquit, *acceperunt amoris divini gratiam quam illi qui in eadem gratia perſiſterunt*. Ergo in altera parte ubi bonos dicit *amplius adiutos*, non loquitur de ſcientia qua certi erant ſe nunquam calutos, ſed de aliqua gratia.

Porro quod in confirmationem ſuæ reſponſionis adducunt locum citatum ex cap. 13. lib. 11. de civitate Dei, nihil motor; id unum enim probat Auguftinus, perfectam beatitudinem conſecutos non fuiſſe bonos Angelos, niſi cum illis certa ſcientia ſuæ ſempiternæ felicitatis acceſſit; unde perfectio non efficitur eum, per illud adiutorium quo dicuntur *amplius adiuti*, intelligere ſcientiam beatitudinis.

Quapropter reſp. diſt. min. docet bonos Angelos amplius fuiſſe adiutos per gratiam fortiorem, ſed tamen ex naturæ ſuæ verſatilibus & libero arbitrio ſubjectam; C. amplius adiutos per gratiam de ſe efficacem, per ipſum perſeveran-

tiam donam, N. Nil obſtat igitur, quominus S. Auguftinus, qui gratiam Angelorum & primi hominis diſtinguebat a gratia ſtatus naturæ lapſæ, ut oſendimus, iſdem tamen Angelis diverſas in gradu diſpariter tribuerit gratias; ita ut mali, ut ait, minorem acceperint amoris divini gratiam, boni vero maiorem; quæ potro gratia tamen diſpar in bonis, ut & in malis, erat tamen per ſe & ex naturæ ſuæ gratia verſatilis ad nutum eorum arbitrii; boni enim, ut docet lib. de corrept. & grat. citato, perſeverarunt pro viribus liberi arbitrii, quia voluerunt perſeverare. His adde S. Auguftinum in boc loco cap. 9. lib. 12. de civit. Dei aſſeveranter non dicere bonos Angelos fuiſſe *amplius adiutos*. Hoc enim ſolum conatur evincere Angelos, præter reſtitutionem naturæ, bonam habuiſſe voluntatem quæ ſit Dei gratia, ſeu fuerint æquales in gratia, ſeu mali minorem habuerint, ſeu boni maiorem & amplius fuerint adiuti; unde ſequitur S. Auguftinum obiter & per tranſennam dixiſſe bonos Angelos fuiſſe amplius adiutos in q. adam hypotheſi quam ipſe non approbat.

Suam porro mentem ſuper iſto negotio adeo clare expreſſit ſanctus Doctor lib. de corrept. & grat. a nobis adducto, integris capitibus 10. 11. & 12. ut vix intelligam quo tandem pacto iſtud unum vocabulum ex ore Auguſtini veluti elapſum, in libro 12. de civitate Dei, tanquam firmiſſimum ſuæ ſententiæ propugnaculum huc nobis obrudant Thomiſtæ.

Inſtabis: Docet S. Auguftinus eodem libro 12. de civitate Dei, bonis Angelis datam fuiſſe gratiam quæ velle ipſum efficeret, *qui eos*, inquit, *cum bona voluntate, id eſt cum amore caſto, quo illi adhaerent, creavit, ſimul in eis condens naturam & largiens gratiam*. Sed illa gratia eſt efficax quæ dat velle ipſum, eſtque bona voluntas, amor caſtus, charitas ipſa: igitur.

Diſt.

Dist. ant. largiens gratiam sufficientem seu adiutorium sine quo, C. gratiam efficacem seu adiutorium quo, N. Hoc unum itaque colligi potest ex illo loco & aliis ejusmodi quæ pene innumera citari possent, Angelis in ipso eorum creationis momento datam fuisse gratiam, sine qua bene agere & perseverare non poterant, quod utique confitemur, sed qualis fuerit illa gratia, clarius nullibi explicat quam libro de correptione & gratia capitibus citatis, ubi dubio procul statuit bonos Angelos per suum liberum arbitrium stetit, aliis mala sua voluntate cadentibus. Alii enim termini quibus utitur S. Augustinus, ut eum dicit Angelos accepisse a Deo bonam voluntatem, amorem cultum, gratiam ad perseverandum &c. significant solum eis datam fuisse gratiam versatilem, libero eorum arbitrio subiectam, adiutorium sine quo perseverare non poterant, non autem gratiam efficacem & adiutorium quo.

Sic vero solvi debet alia obiectio quæ petitur ex Conc. in Plal. 2. ubi docet S. Augustinus Angelos, quos ibi cælos appellat, fuisse a Deo firmatos, & firmatos in virtute; sensus est enim illos fuisse firmatos in virtute per adiutorium quo, seu per ipsam perseverantiam.

Obijcies id quod habet S. Fulgentius lib. 2. ad Trasimundum cap. 2. ubi loquens de Angelis; *perfecto cognoscitur, inquit, uniformi cunctis opprimi potuisse ruina consortio, nisi quos vult a casu pravitatis virtus illa defenderet, qua sola naturaliter mutari depravative non posset.* Et cap. 3. *ipsa igitur etiam homini reparando fuit necessaria, quia non alia flantem Angelum a ruina potuit custodire, nisi illa qua lapsus hominem post ruinam potuit reparare; una est in utroque gratia operata; in hoc ut surget, in illo ne caderet; in illo ne vulnerearetur, in isto ut sanaretur.* Ex quibus sic argumentor: Ille nullum apponit discrimen inter gratiam utriusque

status, qui dicit eandem fuisse Angelorum gratiam quæ Angelos a ruina custodivit, & quæ lapsum hominem reparavit: atqui S. Fulgentius docet, &c. ergo.

Dist. min. docet S. Fulgentius eandem fuisse gratiam genericæ, C. specificæ, N. Scilicet id unum voluit Fulgentius necessariam fuisse Angelis gratiam aliquam supernaturalem ut stare possent; quemadmodum est necessaria quædam gratia homini lapsi ad resurgendum; sed neutiquam docet eandem speciem fuisse datam utrique gratiam, quasi data fuerit Angelis gratia per se efficax, sicuti hominibus necessaria est in statu naturæ lapsæ; nam utriusque status discrimen apertissime distinxit eum loco a nobis superius citato, tum lib. 3. de verit. prædest. cap. 15. his verbis. *Liberum vero humana mentis arbitrium in primo homine rectum creatum est, non tamen sine adiutorio gratiæ, talis utique gratia, qua posset si vellet in eadem rectitudine permanere, & a qua posset, si vellet, aversa voluntate discedere.* Nunc autem in utroque homine gratia præveniens operatur, ut libertas arbitrii corrigatur. Hæc certe ipsissima est doctrina quam tradit S. Augustinus libro de correptione & gratia toties citato.

At, inquires, Fulgentius tribuit Angelis gratiam quæ tum habuit effectum: ergo eis tribuit gratiam efficacem.

Dist. ant. quæ suum habuit effectum vi eorum liberi arbitrii, C. vi gratiæ ipsius quam a Deo acceperunt, N.

Obijcies: istud systema hoc nititur fundamento, videlicet gratiam per se efficacem ex sola naturæ corruptæ conditione esse necessariam: sed istud principium est manifeste falsum: si quidem Christus qui sanam habuit naturam, indignit tamen gratia per se efficaci etiam juxta mentem S. Augustini, qui lib. de prædest. Sancti. cap. 17. docet Christum esse prædestinationis nostræ

D

præ-

præclarissimum exemplar, unde merito inferitur ipsum uti & nos opus habuisse adiutorio quo seu gratia efficaci.

Nego min. ad cuius probat. nego antecedens, nimirum Christum opus habuisse gratia per se efficaci; in Christo enim nulla fuit concupiscentia per gratiam ejusmodi vincenda. Eo autem sensu fuit prædestinationis nostræ exemplar; in mente S. Augustini loco citato, quod sicut per bona opera prævia non meruit unionem hypostaticam, ita nec fidem quæ prima est gratia, per prævias bonas dispositiones mereri possumus, quod unum ibi dedita opera vult ostendere S. Doctor adversus Massilienses.

De statu naturæ puræ, an sit possibilis.

STATUS naturæ puræ, de cujus possibilitate impræsentiarum movetur quaestio, is est in quo homo constitutus nihil haberet naturæ superadditum, quod ad naturam præcisè spectatam non attineret; adeoque nullam gratiam, nullumque peccatum; sed haberet omnes perfectiones & imperfectiones quæ naturam ipsam consequuntur, ac proinde intellectum, voluntatem, appetitum sensitivum, nonnullam carnis adversus spiritum rebellionem; tum famem, sitim, æterasque corporis miseras experiretur, ac denique mortalis esset.

Atque juxta hanc status naturæ puræ definitionem, proposita quaestio intelligi debet; ideo enim plerumque super ista re intemperantius effusi sunt utriusque partis scriptores, quia ipsum controversiæ punctum non attigerant, nec in præcisa status naturæ puræ notionem susebant.

Hinc sequitur, eos qui contendunt statum naturæ puræ non esse possibilem, frustra omnino & incassum innumera congerere momenta, quibus probare conantur hanc, quam experimur libidinem & proclivitatem ad malum necessario præsupponere peccatum cuius

sit poena & ultio; neque enim in illo statu naturæ puræ par & similis fuisset concupiscentia, non eadem animi ægritudines quales post peccatum experimur; sed ii solum excitati fuissent motus partis sensitivæ, qui præcisè ad naturam hominis pertinent.

Hinc vero ex altera parte colligitur, eos qui statum naturæ puræ docent possibilem, nihil omnino efficere, cum multis & Scripturæ & Patrum testimoniis ostendant indebitam & minime naturalem fuisse eam naturæ integritatem in qua conditi sunt primi parentes; siquidem alii non percutiunt naturæ hominum debitam ejusmodi justitiam seu integritatem, sed aliam longe inferiorem. Quamobrem nostra hæc controversia intelligi debet de statu naturæ puræ juxta præfatam definitionem acceptæ, prout nempe natura constitueretur præcisè, & ut ajunt, in puris naturalibus, nihil perfectionis habens, quæ ad naturam hominis non pertineret. Et quaeritur an ejusmodi status sit possibilis.

Porro qui statum naturæ puræ possibilem non esse docent, diligenter observant aliquid esse possibile duobus modis. 1. habita ratione solius omnipotentiae divinæ. 2. habita ratione cæterorum Dei attributorum; quædam enim, si ad omnipotentiam Dei respiciatur, sunt possible, quæ possible non sunt quia pugnant adversus alia Dei attributa; sic non repugnat ex parte omnipotentiae divinæ produci a Deo habitum erroris vel intemperantiæ, nihilominus id implicat ex parte summæ Dei veritatis & bonitatis. Jam vero, inquiunt, status naturæ puræ est quidem possibilis ex parte divinæ omnipotentiae, quia non est connexio necessaria inter humanam naturam & dona naturalis ordinis indebita; sed possibilis non est habita ratione cæterorum Dei attributorum, ejus nempe justitiæ, providentiæ, bonitatis.

Om-

Omniū fūssimē in hujusce statū possibilitatē scripsit Janſenius Iprensis Episcopus in ſecundā parte famoſi ſui de Gratia operis, ubi nempe totus eſt, ut hunc statum oſtendat providentiæ, juſtitie & bonitati Dei contrarium; tum vero ex una parte Manichæis & Pelagianis apertē faventem; atque ex altera S. Auguſtini principiis & doctrinæ manifeſte adverſantem:

Ante Janſenium idem docuerat Michael Bajus Doctōr & Cancellarius Lovaniēſis, vir cæteroquin ſpectatæ probitatis atque doctrinæ; qui nonnullas in libro de primā hominis juſtitia eniſit propoſitiones, e quibus manifeſte ſequitur impoſſibilem eſſe statum naturæ puræ, ut videre eſt infra; cum referemus Bullas Pii V. & Gregorii XIII. hos ſecuti ſunt e noſtris doctiſſimus Sambovius & Societate Sorbonica Doctōr & Profeſſor Theologus & alii Theologi; cui ſententiæ nos cum aliis Theologis vehementer adverſamur:

CONCLUSIO.

Statu naturæ puræ eſt poſſibilis.

Primo, quia poſſibile merito dicitur id omne quod non repugnat, neque ex parte omnipotentis divinæ, neque ex parte cæterorum Dei attributorum: atqui ſtatu naturæ puræ non repugnat ex parte omnipotentis divinæ, ut ſatentur adverſarii; neque ex parte cæterorum Dei attributorum; ejus nempe providentiæ, ſapiētiæ, juſtitie & bonitatis, ut patebit ex ſolutione objectionum: ergo ille ſtatu merito dicitur poſſibilis:

Secundo, ille ſtatu eſt poſſibilis, in quo quidem homo conſtitutus id omne ſibi propriū vindicare quod ad naturam humanam pertinet; in quo quicquid deſecet & deſideraretur, gratuitum eſt & indebitum; & in quo denique nihil vitii; nihil turpe & inhoneſtum daretur homini: atqui homo in ſtatu

naturæ puræ conſtitutus, haberet id omne quod ad naturam humanam pertinet, natura humana in eo non eſſet manca & imperfēcta; ſiquidem homo conſtaret ex corpore & anima, utraque pars ſuis inſtructa eſſet facultatibus & quidem non vitiatas per peccatum; deinde quicquid in eo deſideraretur, gratuitum eſt & indebitum; indebita eſt certa quædam & determinata ordinatio ad certum & determinatum finem, puta ad viſionem intuitivam Dei, indebita eſt immunitas ab omni ignorantia veri & difficultate recti; indebita tandem omnium corporis dolorum mortisque repulſio; ac denique in illo ſtatu homo nihil haberet vitii, nihil depravatum, ut fuſius oſtendetur infra: ergo ſtatu naturæ puræ eſt poſſibilis:

Tertio, probatur auctoritate S. Auguſtini, quem præcipuum ſuæ cauſæ præſidium falſo jactitant adverſarii, quippe qui diſerte affirmat ignorantiam & concupiſcentiam quæ in hoc ſtatu effectus ſunt peccati; potuiſſe cum laude creatoris eſſe primordia naturæ, lib. 1. retract. cap. 9. loquens de humanis miſeriis hæc ſcribit: *quam miſeriam, inquit; Pelagiani nolunt ex juſta damnatione deſcendere; negantes originale peccatum. Quamvis ignorantia & difficultas eſſent hominis primordia naturalia, nec ſic culpandus ſed laudandus eſſet Deus, ſicut in eodem libro tertio de libero arbitrio, diſputavimus:*

Sic vero hoc in lib. de libero arbitrio cap. 22. diſſeruerat. *Sic etiam nunc, ſi ignorantia veri & difficultas recti naturalis eſt homini, unde incipiat in ſapientia quietiſque beatitudinem ſurgere, nullus hanc ex initio naturali recte arguit. Sed ſi proſpicere nolueris, aut a proſpectu retroſum relabi volueris, juri meritoque penas luet: creator vere ejus ubique laudatur, &c. Quo quidem teſtimonio nihil ad rem noſtram loculentius deſiderari poteſt; ait enim Auguſtinus culpandum non fore Deum, ſed*

immo laudandum; tamen ignorantia veri & difficultas recti seu concupiscentia essent a Deo creatore tanquam naturæ humanæ primordia, quo certe concessio manifeste sequitur possibilem esse statum puræ naturæ; in mente enim adversariorum hujusce status impossibilitas ex eo potissimum repetitur, quod foret in homine concupiscentia, seu aliqua ad malum inclinatio non præsupponens peccatum ulium, in cujus poenam homini fuisset inflata.

Huic argumento, quod ut gravem difficultatem adversus suum systema sibi objicit Jansenius, nec immerito, respondet 2. part. pag. 394. hypotheseum Augustini, qua ponit ignorantiam & concupiscentiam esse primordia hominis naturalia, longissime distare a statu naturæ puræ, qui essentialiter postulat, ut in eo nihil omnino gratiæ sit, nulla charitas, nulla ad supernaturalem statum elevatio: cum hypothesis Augustini in eo statu quo ignorantia & difficultas essent primordia naturalia, universa ista supponat.

Verum hæc responsio, ut puto, merum est effugium, Augustinus enim hominem considerat in duplici hypothesis, scilicet in hypothesis naturæ humanæ existentis, corruptæ nimirum & depravatæ; & in hypothesis naturæ non corruptæ per peccatum, in quo tamen statu foret ignorantia & difficultas recti, quem secundum statum respiciebat tantum ut possibilem; ait enim ignorantiam & concupiscentiam poenas esse peccati originalis, quod est contra Pelagianos, & quæ hypothesis est de natura humana existente; addit veto etiam non fore culpandum Deum, si ignorantia & concupiscentia essent primordia naturalia, quod est contra Manichæos qui in Deum non in liberum arbitrium peccata referebant, quæ ex concupiscentia oriuntur; quæ hypothesis est de natura humana possibili, & in qua proinde hypothesis considerat hominem

in puris naturalibus, antecedenter ad peccatum, & nullis supernaturalibus donis instructum.

Atque divum Augustinum in citato lib. 3. de libero arbitrio abstrahere in sua hypothesis ab ullo præcedenti peccato, contra Manichæos Deum tueri inculpabilem, licet ignorantia & difficultas recti in hypothesis quadam ficta, forent primordia naturæ, manifestum est ex lib. de dono persever. cap. 12. ubi mentem suam ipse explicat his verbis: *Sicut autem nunc, ut ostenderem gratias Dei non secundum merita nostra dari, secundum utrumque sensum hoc defendere malui. Et secundum nostrum scilicet, qui obstrictos originali peccato parvulos dicimus, & secundum Pelagianorum sensum, qui originale negant esse peccatum. Ita & in tertio libro de libero arbitrio secundum utrumque sensum restiti Manichæis, sive supplicia, sive primordia naturæ sunt ignorantia & difficultas, sine quibus nullus hominum nascitur. Ex quibus palam est in doctrina S. Augustini potuisse ignorantiam & concupiscentiam esse primordia naturæ citra ullam in Deo culpam, adeoque possibilem esse statum naturæ puræ.*

Neque dicas ex illo ipsio testimonio libri de dono perseverantiæ manifestum esse S. Augustinum disputasse in citato libro de libero arbitrio adversus Manichæos ex hypothesis impossibili, quod sit ut ex illo libro de libero arbitrio nullum erui possit argumentum ad probandum statum naturæ puræ impossibilitatem.

Vana quippe & frivola omnino esset illa evasio, quia S. Augustinus ait quidem libro de dono perseverantiæ, se in libro tertio de libero arbitrio disputasse adversus Manichæos in hypothesis ficta & falsa ratione facti, non autem in hypothesis impossibili: quod ut melius intelligatur, sciendum est sanctum Doctorem eodem modo & iisdem momentis disputare non potuisse adversus

Ma-

Manichæos, quæ usurpabat adversus Pelagianos, quia videlicet diversa erant illorum hæreticorum principia.

Manichæi qui non admittebant peccatum originale, & tamen videbant hominem nascendo miseris innumeris obnoxium, consequenter docebant Deum esse mali autorem; cum vero integrum vetus testamentum rejicerent, eaque novi Testamenti loca quibus uti solebant Catholici ad probandam peccati originalis existentiam, coactus est S. Augustinus in istos hæreticos argumentari ex ista hypothesi, in qua contendeat Deum non fore mali autorem, nec culpandum etiam ignorantia & difficultas recti essent primordia naturæ.

Pelagiani negabant quoque peccatum originale, sed contendeabant miseria hujus vitæ, esse primordia naturalia, & aliunde non rejiciebant Scripturas ut Manichæi; quapropter cum in illos disputat S. Augustinus, Catholicum dogma propugnat ex Scripturis quæ docent Adamum fuisse in gratia & felici statu conditum, unde sequitur infantes nasci in peccato originali; Deus enim foret injustus, si homines nullius peccati reos tot miseriis subjeceret. En argumentatio qua utitur S. Augustinus adversus Pelagianos, longe diversa ab illis argumentis quæ usurpat adversus Manichæos: sed male infertur S. Augustinum insurgere in Manichæos ex hypothesi impossibili, ut mox dictum est.

Quo vero fundamento nonnulli affirmant hanc doctrinam retractasse divum August. in Epistola 167. quæ est ad S. Hieronymum, ego quidem non video; id unum enim legitur hac in Epistola S. Augustinum libenter confiteri se magnis coarctari angustiis, cum agitur de penis parvulorum, nec sufficere ad istius difficultatis enodationem quæ scripserat libris de libero arbitrio; sed profecto ibi præfatam doctrinam quæ spectat status naturæ puræ possibilitatem neutiquam retractat.

Probatur 2. autoritate summorum Pontificum Pii V. Gregorii XIII. & Urbani VIII. qui nonnullas Bani propositiones, quæ ad præsens institutum spectant, proscripserunt, ejusmodi sunt 21. 23. 24. & 26. in quibus legitur naturalem homini & debitam fuisse illam integritatem, in qua primum creatus & constitutus fuit, sic habet vigesima prima, *humana natura sublimatio & exaltatio in consortium divine nature debita fuit integritati primæ conditionis, & proinde naturalis dicenda est*, quod idem in aliis mox citatis reperitur. Ex iis porro sequitur manifeste Deum non potuisse creare hominem non sublimatum & in puris naturalibus, uti nec mortalem, quemadmodum habetur in alia propositione quæ est 78. his verbis: *Immortalitas primi hominis non erat gratia beneficium, sed naturalis conditio*. Est & altera quæ est 55. *Deus non potuisset ab initio talem creare hominem, qualis nunc nascitur*: quæ propositionem condemnare non possunt summi Pontifices, quin simul definiant Deum potuisse ab initio talem creare hominem qualis nunc nascitur, excepto scilicet peccato, ut per se patet; sed ignorantie, concupiscentiæ, ærumnis vitæ & mortis ipsi obnoxium; adeoque censent statum naturæ puræ esse possibilem.

Solvuntur objectiones.

Objicies: Status ille non est possibilis qui manifeste repugnat providentiæ divinæ: atqui status naturæ puræ manifeste repugnat providentiæ divinæ: postulat enim ratio providentiæ divinæ ut creatura quælibet ad suum naturalem & debitum finem per apta media dirigatur: atqui homo ad suum naturalem & debitum finem non ordinaretur, si constitueretur in statu naturæ puræ; siquidem sola Dei possessio per ipsius visionem & amorem, est finis ultimus naturalis & debitus creaturæ.

turæ rationali, qualis est homo; ad quem finem non ordinaretur in statu naturæ puræ: ergo status naturæ puræ non est possibilis.

Nego min. ad cuius probat. nego similiter min. & dico fore ut in illo statu naturæ puræ hominem ordinaret Deus ad fidem huic statui ipsique homini debitum, qualis foret ille finis: quibus vero medius obtineretur; nostrum non est inquirere; quandoquidem id pro libero Dei nutu & arbitrio stare, qui cum potuerit animam nostram ut & iumentorum mortalem condere, potuit similiter eam vel ad nullum vel ad quælibet ordinare finem; bonum scilicet atque honestum.

Ad probationem vero huius propositionis nego maj. nempe solam Dei possessionem per visionem ejus intuitivam & amorem, esse finem hominis naturalem & debitum; quidquid enim habet rationem gratiæ & beneficii, dici non potest naturale & debitum; atqui ordinatio ad visionem intuitivam & amorem Dei per media huic fini obtinendo proportionata, beneficium foret homini collatum; nullo titulo ipsi debitum; quippe hæc non spectant naturam humanam præcise; hisque detrahitis manca non esset & imperfecta; ergo possessio Dei per visionem intuitivam & amorem non est finis hominum ultimus, naturalis & debitus.

Vel aliter respondeo & dist. Sola Dei possessio est finis ultimus hominis; Dei quatenus est autor naturæ, C. Dei quatenus est autor gloriæ, N. scilicet in hypothesis etiam quod Deus creare non potuerit hominem sine ordine ad aliquem finem ultimum, is autem finis ultimus sit Dei possessio; dico id intelligi solum debere de possessione Dei ut auctoris naturæ, quia nempe concipiuntur creaturæ rationali, statim atque rationis usum adeptæ est, inesse naturale desiderium videndi suum autorem; non autem de possessione Dei ut auto-

ris gloriæ, quomodo nobis in presenti statu comparanda proponitur, qui finis merito dicitur supernaturalis, cum sit omnium bonorum aggregatio perfecta; nec sine indebitis ad illam subsidii pervenire possimus: Porro nihil repugnat quominus in statu naturæ puræ visio Dei ut auctoris naturæ constituatur finis ultimus hominis, quia & ejuscemodi finis est naturalis; & ad illum obtinendum non requirentur auxilia indebita; sufficeret ratio quæ Deum ut autorem naturæ coleret; indeque dignaret homo aliqua saltem beatitudine naturali; quippe qui & ratione & libero arbitrio sapienter usus fuisset. Nimirum in illo statu ratio principis naturalibus æquitatis & justitiæ imbuta, pro imperio suo sic regere posset affectus suos; ut bonum & honestum sectaretur, turpia vero fugeret devitaretque; cum præsertim nullo depravata esset peccato; nullique rebelles concupiscentiæ motus vehementer percellerent animum; unde homo in eo statu constitutus posset aliquam adipisci beatitudinem ad quam esset ordinatus.

Instat Janfenius, & ex innumeris proprietatibus S. Augustini locis probare conatur ejuscemodi finem naturalem esse fictitium, & creaturam rationalem non posse esse beatam sine clara & intuitiva Dei visione quæ non potest obtineri sine gratia; quæ, quoniam eandem continent difficultatem, eademque & facili solvantur responsione, strictim & quoadferre potest institutum nostrum, hoc referemus.

Ac t. quidam objicit nonnulla testimonia S. Augustini, in quibus ait creaturæ principium & finem esse Deum, sine cujus amore illa condi non potuit, sic lib. 1. Confess. cap. 1. *Fecisti nos ad te, & irrequietum est cor nostrum donec requiescat in te.*

2. Inquit, docet passim Augustinus nullum Dei amorem haberi posse solis naturæ viribus, sed per veram gratiam in-

inspirari debere, nullum dari amorem Dei præter illum caltum quo Deus propter se diligitur; & quem sola gratia largitur, *Si hoc adjutorium*, inquit lib. de corrept. & grat. c. 11. *vel Angelo vel homini cum primum facti sunt, defuisset, quoniam non talis natura facta erat, ut sine divino adjutorio posset manere, si vellet, non utique sua culpa cecidissent, adjutorium quippe defuisset, sine quo manere non possent.* Quæ eadem docet lib. de Spiritu & littera cap. 10. 29. & 30. lib. 2. ad Bonifacium c. 9. & lib. 2. de peccat. mer. cap. 18.

3. Ea obijcit Augustini loca, in quibus persæpe asserit omnem amorem vel esse charitatem vel cupiditatem lib. 2. ad Bonif. cap. 9. *quid est*, inquit, *boni cupiditas, nisi charitas?* at charitas diffunditur per Spiritum Sanctum. Ex quibus aperte colligitur visionem intuitivam Dei esse naturalem & debitum hominis finem; adeoque non potuisse a Deo condi in statu naturæ puræ.

Respondeo his omnibus & similibus locis quæ in infinitum adduci possent, mentem S. Augustini esse, hominem non alium habere finem quam visionem Dei, irrequietum esse cor nostrum donec ad Deum pervenerit, nullum esse amorem Dei verum & caltum sine gratia, &c. si nempe homo consideretur in præsentī hypothesi, in qua conditus fuit per gratiam destinatus ad beatitudinem supernaturalem per media pariter supernaturalia consequendam; si in præsentī statu, facta nimirum revelatione gratiæ & gloriæ; non autem si consideretur in qualibet hypothesi possibili; qualis est status naturæ puræ. Porro S. Augustinum de homine verba facere spectato in præsentī hypothesi, consequenter ad decretum Dei, quo voluit in creatione hominis illum destinare ad finem supernaturalem, adeo compertum est & evidens, ut nulla fusiori probatione indigeat, mirumque sit Janseni-
stot super ista re Augustini loca conge-

rentis otium. Enimvero loquitur Augustinus iis in locis adversus Pelagianos, quibus conatur ostendere amorem Dei caltum & verum, donum esse Spiritus sancti, hominem de se nihil boni posse vel etiam cogitare, & alia id genus, quæ passim demonstrat sanctus Doctor ex Scripturis; quis vero eum de hominibus in præsentī statu constitutis sermonem habere, non videt? quibus adde, quod cum data occasione sibi finxit hypothesim status naturæ puræ, uti cum disputabat adversus Manichæos lib. 3. de lib. arbit. jam citato, hanc putat esse possibilem.

Instat præterea Jansenius, ejusmodi amorem naturalem, qui solis naturæ viribus eliceretur, capitaliter Augustinus & Ecclesia in Pelagio detestati sunt: ergo & nos detestari debemus.

Dist. ant. ejusmodi amorem naturalem qui in præsentī statu utilis foret vel sufficiens ad vitam æternam obtinendam, ut contendeant Pelagiani, C. amorem naturalem in aliquo statu ficto & possibili, qui quidem amor non nisi ad quandam beatitudinem naturalem comparandam sufficere posset, N. hæc majori non egent explicatione.

Instat iterum: sanctus Augustinus non uno in loco sententiam Philosophorum gentium magnopere laudat approbatque, qui amorem quo naturæ lumine Deum autorem omnium diligendum esse cernebant, non putabant in homine nasci posse sine magno beneficio & gratia ejusdem Dei; ita lib. 10. de civit. Dei cap. 1. & 2. lib. 8. cap. 5. 9. & 10, atqui gentiles de homine in puris naturalibus considerato sermonem habere, qui nempe de elevatione naturæ humanæ ad finem supernaturalem nihil cognoverunt, exploratissimum est: ergo hanc sententiam approbavit Augustinus, quæ docet hominem in puris naturalibus constitutum non posse ex viribus naturalibus, sed tantummodo ex Dei gratia & inspiratione diligere Deum.

Dist.

Dist. maj. sine magno Dei beneficio intra ordinem naturæ contento, C. sine beneficio supernaturali, N. Verisimile est igitur locutos non fuisse gentiles de gratia Dei supernaturali, quem penitus ignorabant. Verum esto quod nonnullam gratiæ divinæ ad Deum diligendum necessariæ notionem hauserint Platonici, de quibus potissimum loquitur S. Augustinus, sique existimaverint amorem Dei ex infusione & inspiratione profecti; profecto quid virium habeat istud momentum adversus status naturæ puræ possibilitatem plane non video; isti enim gentiles, ut & ipse Augustinus, non loquuntur in hypothesi qualibet possibili; quo pacto res fiant, non quo fieri possint vel leviter expendunt.

Instabis iterum: sanctus Augustinus passim redarguit Pelagianos, quod dicerent infantes excludi a regno cælorum, quando ex hac vita sine baptismo discedebant; etiamsi nullo fuissent peccato coinquinati, & in statu naturæ puræ fuissent collocati, ita lib. 1. contra Jul. c. 3. & 7. lib. 6. c. 4. lib. 1. ad Bonif. c. 22. l. 1. de peccat. mer. c. 30. sed immerito illos reprehendisset, si existimasset hominem posse condi sine peccato, & tamen ordinari ad regnum cælorum, ad visionem intuitivam Dei; ergo sanctus Augustinus existimavit visionem Dei intuitivam, esse naturalem & debitam homini in quacunque hypothesi considerato.

Dist. ant. redarguit Pelagianos, loquens in præsentii hypothesi, C. in quacunque hypothesi, N. scilicet loquitur Augustinus supposita veritate catholica, suppositis Scripturis quæ docent homines non fuisse in statu naturæ puræ constitutos, sed ad beatitudinem per merita Christi obtinendam ordinatos, quod ultro fatebantur Pelagiani; eos vero passim & centies arguit Augustinus quod infantibus denegarent regnum cælorum, non quod existimaret hoc ipsis naturaliter debitum esse; sed ut

manifestam in eorum doctrina notaret contradictionem, quippe qui a regno cælorum rejiciebant infantes, quos nullo dicebant peccato originali inquinatos; immo quos isti hæretici fatebantur habere vitam æternam, eosdem tamen a regno cælorum excludebant, quam apertam contradictionem Pelagianis sexcenties exprobrat.

Instabis: illud solum est finis ultimus, naturalis, & debitus hominis quo possessio quietatur ejus naturale desiderium, ut enim ait S. Thomas lib. 3. contra gentes, cap. 25. non est aliquis affectus finem ultimum, quousque naturale desiderium quiescat: atqui non quietatur naturale desiderium hominis, nisi possessio Deo per claram ejus visionem, ut docet idem sanctus Doctor 1. p. q. 12. art. 1. scribens inesse homini naturale desiderium cognoscendi causam, cum intuetur effectum; quod idem fuisse probat lib. 3. jam citato contra gentes c. 5. & cui facile consentiunt alii nonnulli Scholastici, ut Scotus, Durandus, Estius, &c. Ergo sola visio intuitiva Dei est finis ultimus naturalis & debitus hominis.

Dist. min. nisi possessio Deo per claram ejus visionem, aut ut autoris naturæ, aut ut autoris gloriæ, C. ut autoris gloriæ necessario, N. Id unum itaque ex illo argumento colligi potest, in omni statu inesse homini desiderium videndi Deum, quod non inficiamur affirmare; neque enim negamus hominem in statu naturæ puræ constitutum, ubi rationis usum fuerit semel adeptus, ex visis Dei effectibus, quodam affici desiderio videndi Deum ut autorem scilicet naturæ; negamus vero inesse homini naturale desiderium videndi Deum clare & intuitive, prout est gloriæ suæ largitor, beneficus; id enim sine fide & revelatione homini non est compertum.

Instabis: in illo statu homo non posset esse beatus neque in hac neque in altera vita: 1. in hac vita, quippe qui igno-

ignorantiæ, concupiscentiæ, morbis & morti ipsi obnoxius esset. 2. nec in altera vita esset beatus, quia iterum hominis anima erroribus, perturbationibus, & peccato foret obnoxia, quæ profecto cum beatitudine stare non possunt: sed repugnat divinæ bonitati produci hominem, qui nulla beatitudine donari possit: ergo status ille non est possibilis.

Nego maj. nihil enim vetat, quominus homo in illo statu reddatur beatus nonnulla Dei cognitione cui tanquam summo bono conquiretur, usque ad aliud majus esse ignoret, præsertim si supponatur ei concessam ab omni miseria immunitatem, quod quidem Dei beneficium naturale & bonis ejus operibus naturalis ordinis debitum merito æstimabitur, idque vel in hac vel in altera vita.

Obijcies statum naturæ puræ repugnare divinæ justitiæ. Nam implicat Deum justum constituere hominem in eo statu, in quo sit miser sine peccato; neque enim, ut docet S. Aug. lib. 1. operis imperf. cap. 39. sub Deo justo miser esse quisquam nisi mereatur, potest. Atqui in statu naturæ puræ miser esset homo, fame & siti cruciaretur, morbos mortemque subiret, nullo tamen admisso peccato: ergo ejusmodi status pugnat cum divina justitiâ.

Id porro vel maxime ex eo confirmari potest, quod constans sit S. Aug. doctrinæ adversus Pelagianos, miseras omnes quibus obnoxii sumus necessario præsupponere peccatum, in cujus penam infligantur: sic lib. 4. contra Jul. cap. ultimo: *Quid igitur restat, inquit, nisi ut causa istorum malorum sit aut iniquitas, vel impotentia Dei, aut pena primi veterisque peccati? sed quia nec injustus nec impotens est Deus, restat quod non vis, sed cogit confiteri, quod grave jugum super filios Adam a die exitus de ventre matris eorum usque in diem sepulture in matrem omnium non*

Tom. IV.

fuisse, nisi delicti originalis meritis præcessisset. Idem vel expressius docuerat lib. 3. cap. 6. Malum vero, inquit, si nullum ex origine traherent, nunquam cum vitii vel corporalibus nascerentur. Deus enim qui est animarum, ipse est etiam corporum conditor, qui utique humana in ipsa conditione natura vitia non infligit immerita.

Adeo vero arctam connexionem habere cum peccato vitæ humanæ miseras putavit Augustinus, ut in hujusce rei confirmationem non dubitet scribere Philosophos gentiles, qui de peccato originali nihil quidquam audierant, ex miseriis hominum intulisse peccatum aliquod præcedens, cujus causa affliguntur homines; id habemus in lib. 5. cap. ultimo his verbis. *Hujus evidentia miseria gentium Philosophos nihil de peccato primi hominis scire scientes, sive credentes, compulsi dicere, ab aliqua scelera suscepta in vita superiore penarum luendarum causa nos esse natos, & animos nostros corruptibilibus corporibus eo supplicio quo Hetrusci prædones captos affligere consueverant, tanquam vitas cum mortuis esse conjunctos.*

Adeo arctam, ut scripserit lib. 2. operis imperf. cap. ultimo, Manichæos, quoniam non admittebant peccatum originale, ne Deum facerent injustum qui miseras istas infligit innocentibus, maluisse dicere primum dari aliquam mali naturam, quas miseras, inquit, vos cum sine peccato accidere dicitis parvulis, injustum Deum vere vos facitis, Manichæos autem horribiliter adjuvant: illi enim ne faciant injustum Deum, istas miseras a nativitate mortalium immutabili natura mali, & ab alio principio venienti substantia tribuunt tenebrarum.

Adeo denique arctam, ut l. 1. operis imperf. cap. 25. diserte asserat vel sola ratione ex miseriis petita probari posse peccati originalis existentiam, quod si probare, inquit, idem cogatur Apostolus, ipsam generis miseriam testem daret;

E

que

qua incipit a vagitibus parvulorum & usque ad decrepitorum gemitus pervenit. Nullo enim modo sub cura omnipotentis & iusti eadem tam magna miseria naturae irrogaretur humana, nisi in duobus hominibus tota de paradisi felicitate in hanc infelicitatem peccati merito pelleretur. Ex quibus sic confici potest argumentum: ille existimat cum iustitia divina pugnare statum, in quo sint miseriae nullumque praecesserit peccatum, qui passim docet sub Deo iusto neminem posse esse miserum nisi meruerit, hisque nostris miseriis velut invicto argumento utitur adversus Pelagianos ad probandam peccati originalis existentiam: atqui Sanctus Augustinus docet passim, &c. ergo.

Dist. maj. si loquatur absolute & in quacumque hypothesis, C. si ex praesupposita aliqua hypothesis, N. porro Sanctus August. ubi hoc argumentum usurpat adversus Pelagianos, quo nempe ex iis quibus obruimur miseriis & calamitatibus, demonstrat existentiam peccati originalis, non loquitur absolute, & in quacumque hypothesis, quasi velit nunquam fieri posse, ut homo constituatur in statu miseriae sine aliquo praecedenti peccato: sed argumentatur supposito eo quem Scripturae indicant statu, & ex facta hypothesis, quod homo fuerit creatus in gratia & iustitia originali, omnium bonorum accessione cumulatus, ab omni miseria tum animae tum corporis liber & immunis, ac demum immortalis, ex quo sequitur invictum contra Pelagianos argumentum; miseriae enim peccatum quod praecesserit necessario subindicant, si supponatur perfecta felicitate donatum fuisse hominem qua exciderit per aliquod peccatum necesse est: en paucis argumentum quod toties contra Pelagianos prosequitur S. Augustinus.

Atque hac facta hypothesis, non autem absolute contra Pelagianos argumentari S. Doctorem constat.

1. Quia miseriae quibus genus humanum conficitur, poenas esse alicujus peccati probat potissimum ex Scripturis & Traditionis auctoritate, non humanis rationibus, uti constat ex l. 1. retract. cap. 9. jam citato, & ex lib. de dono persever. cap. 11. ubi aliter cum Manichaeis, aliter cum Pelagianis hac in materia disputandum ait, quod illi Scripturas non admittant, secus vero Pelagiani; idque aperte colligitur ex iisdem omnibus locis quae obijciuntur, aliisque similibus. Lib. 3. contra Jul. cap. 4. arguit ex cap. 22. Ecclesiast. ejusdem lib. cap. 6. profert cap. 10. & 40. Ecclesiast. alia frequentissime depromit in eam rem Apostoli testimonia, ejusmodi est istud e. cap. 5. Epist. ad Rom. per unum hominem peccatum intravit in mundum, &c. & istud cap. 6. stipendia peccati mors; aliaque id genus.

2. Quia in illis argumentis, quae ad astruendum peccatum originale congerit Augustinus, hominem considerat in eo statu, in quo eum respiciebant Pelagiani; quantumvis autem illi haeretici nullam admitterent gratiam, nihilominus statum naturae purae proprie non adittebant; siquidem hominem ad regnum caelorum ordinatum esse volebant; hinc cum infantes defectu baptismatis ad regnum caelorum pervenire non posse fatebantur, inde validum suppetebat Augustino argumentum, quo probaret in eorum hypothesis infantes a regno caelorum non excludi citra injustitiam, si omnis peccati sint expertes; unde sequitur Augustinum argumentum solummodo fuisse adversus Pelagianos, vel in hypothesis Catholicae fidei quae docet hominem primum fuisse ab omnibus miseriis immunem, vel saltem in hypothesis quam adittebant ipsi Pelagiani, qui fatebantur hominem ad regnum caelorum ordinatum fuisse.

Instabis: ille existimat absolute necessariam esse connexionem inter hujus vitae miseriae, & peccatum quod praecesserit, qui

qui scribit id etiam intulisse Philosophos gentiles, ratos humane vitæ ærumnas ex præcedenti peccato fluxisse: atqui S. August. arguit Julianum negantem miseras esse poenas præcedentis alicujus peccati, ex eo quod idipsum etiam agnovissent Philosophi gentiles, ut constat ex lib. 5. o. Jul. cap. mox citato, tum ex lib. 4. cap. 14. ubi Ciceronis profert verba in Hortensio: ergo.

Nego maj. siquidem Augustinus testimonia Philosophorum gentilium huc non accessit contra Julianum, velut invictum & demonstrativum momentum ad astruendam peccati originalis existentiam; neque enim S. Doctorem acutissimum fugiebat nullo negotio responsum fuisse a Juliano Philosophos gentiles in illam opinionem falsa hypothesei inductos, qui nempe animam fingeant ante corpus conditam, unde proprio Marte hocce argumentum non usurpavit, sed quia Julianus ut suam jactaret scientiam, hos Philosophos in suæ sententiæ patrocinium traherebat, ut testatur idem Aug. lib. 4. c. Jul. cap. 15. *Convocasti etiam, inquit, in auxilium turbam Philosophorum, quasi suscepta tua si non possunt pecorum solertia naturales, saltem doctorum hominum opulentur errores. Sed quis non videat doctrinam te quasiisse jactantiam in commemorandis nominibus doctorum hominum sectisque diversis, quando perspicit quicumque ista tua legis, ut quæstionem qua inter nos vertitur, hæc nullatenus pertinere? hæc propterea a Juliano commemorata Philosophorum placita in ipsum Julianum retorquet, ut eos ostendat propius ad veritatem accessisse, cum vitæ humane ærumnas in anteaclam animarum vitam revocarunt; videntur, inquit ibidem, non frustra Christianæ fidei propinquasse, qui vitam istam salutaris miserieque plenissimam non opinati sunt nisi divino judicio contigisse, tribuentes utique justitiam conditori a quo factus est & administratur hic mundus. Quamto ergo te melius veritatisque vicini-*

nus de hominum generatione senserunt. Quid vero ista ad quæstionem quam modo versamus?

Instabis: non uno in loco docet Aug. Manichæos vinci non posse, quin & vincantur quoque Pelagiani, vinci vero utroque peccati originalis confessione: ita l. 6. operis imperf. contra Jul. c. 9. *Quid ergo restabit, inquit, nisi ut nobiscum intelligas si vis evadere vel superare Manichæum; in oculis originum finibus latenter implicari etiam semina nascentium, & ex mala voluntate venientia merita generantium ... hoc si teneas, Manichæos vinctes; quia vero non tenes, utroque vestrum vincit hæc fides. Et cap. 14. Quomodo Manichæo respondes unde sint hæc mala, cum quibus nascuntur homines, & qui in paradiso non nascerentur, si nemo peccasset. Tum postea: Ex quo sis, inquit, ut si mortis metum in paradiso posueris ante peccatum, vincaris a Manichæis, qui putant & putari volunt, quod in primo quoque homine misera condita est natura humana. Atqui si possibilis esset status naturæ puræ, vinci possent Manichæi, tamen si non vincerentur Pelagiani; quia in illa hypothesei etiam abstrahendo a dogmate peccati originalis, ostenderetur Manichæi miseras a Deo bono ut naturæ primordia proficisci posse; nec recurrendum esse ad aliquod primum mali principium, qui fuit hac in parte eorum error: ergo S. Augustinus qui hoc momento perlepe utitur contra Julian. non existimabat possibilem esse statum naturæ puræ.*

Dist. maj. docet August. Manichæos vinci non posse quin vincantur Pelagiani, præsuppositis quibuldam propositionibus jam probatis, C. absolute & in quacunque hypothesei, N. Sciendum est igitur qua in occasione & in qua hypothesei hoc argumentum usurpat Augustinus contra Julianum; quod ut melius intelligatur, i. supponendum est id fuisse hæreticos Pelagianæ caput.

E 2 igno-

ignorantiam, concupiscentiam & miserias, mala esse homini naturalia quibus obnoxius fecit Deus hominem. 2. ad istud debellandum Pelagianorum Systema, dudum & milies probasse August. concupiscentiam esse malam. 3. eos utrinque fateri nihil mali posse a Deo proficisci. Quibus præsuppositis mirum non est si S. August. dicat Pelagianos incidere in Manichæismum; cum enim concupiscentiam dicerent a Deo proficisci, non a peccato originali, inde sequebatur aut eos admittere aliquod principium mali distinctum a principio boni, aut eos dicere Deum esse principium mali, in quo positus erat Manichæismus. Hoc ad verba Augustini & ad seriem ejus disputationis cum Juliano attendenti manifeste liquet; id unum certum est S. August. argumentari in principiis Juliani, ex multis vel ipsi probatis vel ab eo concessis, non autem absolute & in quacumque hypothesisi.

Instabis: si S. Augustinus ubi probat Juliano peccatum originale ex miseriis hujus vitæ, argumentatur ex hypothesisi quod homo sit creatus in gratia, profecto in illa disputatione petit principium, & supponit quod est in questione; nam contendebant Pelagiani hominem nasci sine gratia, uti & sine peccato; pessime igitur argumentatur Augustinus, quod nemo dixerit; ergo S. August. argumentatur absolute contra Pelagianos, non autem ex illa hypothesisi quod homo creatus fuit in gratia & iustitia originali.

Dist. ant. Petit principium alibi probatum, C. alibi non probatum, N. id itaque in more positum est ut scriptores in concertationibus aliquid supponant, ibique tunc in serie disputationis nihil obrepit vitii; cum illud quod supponitur, vel est concessum ab adversario, vel fuit ipsi antea probatum; neque enim omnia ubique probari possunt; porro hominem primitus fuisse creatum & constitutum in statu gratiæ & felici-

citatis, dudum probaverat Augustinus contra Pelagianos, scilicet in libris de peccat. meritis, præsertim lib. 1. c. 2. rum vero lib. 4. contra Julianum c. 5. & lib. 5. cap. 4. & lib. 3. operis imperfecti num. 48.

Atque quod diximus de miseriis hujus vitæ, idem & sentiendum est de ignorantia, quam docet passim S. Aug. esse poenam peccati; & nominatim l. 1. de peccatorum meritis cap. 36. scilicet argumentatur ex hypothesisi status, in quo ante peccatum constitutus fuerat primus homo, non autem absolute & in qualibet hypothesisi.

Obijcies statum naturæ puræ repugnare bonitati divinæ. Siquidem repugnat divinæ bonitati producere hominem cum re aliqua mala, cum peccati causa, cum lege peccati cui obedire non licet, cum vitio culpabili, cum iniquitate, cum desiderio peccati: atqui hæc omnia competunt concupiscentiæ, ut cum Apostolo passim docet S. August. nam lib. 3. c. Jul. cap. 13. probat concupiscentiam esse malam, non solum in excessu, ut consitebatur Julianus, sed in genere suo & specie; cap. 20. ait eam esse vulnus naturæ infictum, morbum inimicum, malum quid & causam peccati; lib. 4. cap. 8. probat ex professo eam non esse bonam, quia incitat ad mala desideria; cap. 9. ait eam esse vitium naturæ; lib. 5. cap. 4. eam vocat iniquitatem.

Sic vero loquitur S. Aug. consentaneæ ad doctrinam S. Pauli, qui Epist. ad Romanos c. 7. concupiscentiam appellat peccatum: *si quod nolo, inquit, malum hoc facio, jam non ego operor illud, sed quod habitat in me peccatum*. Et postea, *video aliam legem in membris meis repugnantem legi mentis meæ & captivantem me in lege peccati*. Igitur Deus non potest condere hominem cum concupiscentia: proinde repugnat status naturæ puræ.

Dist. min. hæc omnia competunt con-

cu-

cupiscentiæ, qualis est in præfenti statu, C. qualis foret in statu naturæ puræ, N. manifestum est S. Augusti. his locis loqui de concupiscentia qualem experimur in præfenti statu post peccatum, quæ nempe pœna peccati est, vulnus naturæ infictum per primi hominis noxam, ac veluti morbus quidam & infirmitas ex Adami lapsu superstes, quam concupiscentiam hoc sensu acceptam, malam esse nemo Catholicus inficari potest; siquidem mala identidem parit desideria, voluntatem ad malum & pravos actus inclinat, motusque tandem excitat qui vel in iustis Deo displicent, nosque pudore suffundunt; sed non ita sentiendum est de concupiscentia qualis foret in statu naturæ puræ, quæ posita nimirum esset in facultate appetitiva præcise, non læsa, non vitiosa, sed mera potentia naturæ animalis conjuncta, quæ necessario resultat ex corpore & anima unitis; quod quidem observatione dignissimum est, immerito enim supponunt adversarii eandem fore concupiscentiam in statu naturæ puræ ac in statu naturæ lapsæ.

Hic porro non examinamus quo sensu concupiscentia, qualem apud nos experimur, reputatur mala & dicitur peccatum ab Apostolo, rem nimirum alibi solum tractaturi, satis sit ad præsens nostrum institutum observare concupiscentiam quæ foret in statu naturæ puræ, malam non esse & malignantis naturæ, uti & concupiscentiam qualem experimur in præfenti statu naturæ lapsæ; quæ tamen concupiscentia, ut ajunt Theologi, non est peccatum, nisi accedente voluntatis consensu, talis autem nominatur, vel quia est a peccato, peccati pœna, vel quia ipsa ad peccatum inclinat.

Instabis: in statu naturæ puræ foret lucta carnis cum spiritu, pars inferior identidem motus excitaret superiori parti seu rationi contrarios: adeoque cum lege divina pugnantes: sed ejusmodi con-

cupiscentia mala est eadem ratione quam passim docuit Augusti. contra Julianum concupiscentiam esse malam in præfenti statu; namque non alia ex causa voluit Augustinus concupiscentiam esse malam in præfenti statu, nisi quia incitat ad peccatum, est fomes peccati, parit mala in corde desideria: non quod ipsa per sese vitio vertatur, sitque peccatum; ergo qua ratione concupiscentia mala est in præfenti statu, eadem plane mala foret in statu naturæ puræ.

Dist. maj. per accidens & contingenter, C. per se & necessario, N. revera forsitan per accidens & contingenter foret in statu naturæ puræ lucta carnis cum spiritu, quia forte excitarentur nonnunquam motus vel etiam pœndendi; quibus homo pro suo libero arbitrio consentire posset; sed non foret per se & necessario ejusmodi lucta carnis cum spiritu, uti postmodum contigit in statu naturæ lapsæ. Quapropter inter utrumque statum id esset discriminis, quod in statu naturæ puræ posset esse lucta carnis cum spiritu; in statu vero naturæ lapsæ necessario sit ejusmodi lucta. In illo concupiscentia mitior foret vel etiam indifferens, hominem indifferenter ad licita & illicita provocans, in isto concupiscentia vehemens est & infruita libido rationem impotenter antevertens. In statu demum naturæ puræ concupiscentia foret defectus quidam naturalis, quales apud nos sunt morbi corporis; sed in statu naturæ lapsæ concupiscentia defectus est moralis, morbus est animi qui velut habitus vitiosus de se inclinat ad peccatum.

Ex quibus sequitur nos cum Juliano non consentire, cum dicimus concupiscentiam posse esse a Deo in statu naturæ puræ. Julianus enim loquebatur de concupiscentia qualem experimur hoc in præfenti statu naturæ corruptæ quam tamen negabat ex genere suo malam & vitiosam, in quo errabat turpiter impugnaturque ab Augustino.

De existentia & necessitate Gratiae.

IN ordine ad varios & diversos actus morales, considerari solet necessitas gratiae. 1. Queritur an gratia sit necessaria ad veritates cognoscendas. 2. Utrum necessaria sit ad credendum, ita ut etiam initium fidei sit gratia proprie dicta. 3. Queritur utrum sine fide & gratia Dei homo possit facere bonum opus morale ordinis naturalis. 4. Utrum homo possit superare tentationes sine gratia. 5. Queritur utrum gratia necessaria sit ad diligendum Deum super omnia. 6. Utrum necessaria sit ad servanda praecepta. 7. Utrum ad hoc requiratur ut homo abstineat ab omni peccato. Denique utrum necessaria sit ad perseverandum in bono, ubi & examinatur an perseverantia sit speciale donum. Quibus praequam faciam satis, operae pretium mihi facturus video, si nonnulla praemifero de Pelagianis & Semipelagianis Christi gratiae juratis hostibus.

De Pelagianis.

Pelagiani ortum & nomen suum traxere a Pelagio; is fuit natione Brito, professione Monachus, secta vero Christianus. Philosophicis ac Theologicis rebus cum apprime excultum satis indicant nonnulla fragmenta quae supersunt in scriptis S. Augustini: ingenio fuit acutissimo & facundia non vulgari, inquit idem S. August. lib. de nat. & grat. c. 35. cojus tamen, injuria puto, stilum elinguem & putidum ridet Hieronym. praef. in libros dialog. Quod spectat ad ejus mores, l. 3. de peccat. meritis cap. 1. vocat illum Augustinus virum sanctum & non parvo profectu Christianum, cap. 3. bonum ac praedicandum virum, virum egregie Christianum.

In haeresim lapsus est Pelagius jam factus senex, ut colligitur ex Epistola

Isidori Pelusiotae quae est 314. lib. id innotescere cepit circa an. 405. quo anno scripsit Epistolam ad Paulinum in qua suae doctrinae non mediocrem iniecit suspensionem. Quo vero facilius perverfam fidem suam spargeret peragratia Aegypti monasteriis Romam venit, ubi cum quidam Episcopus ea commemorasset Augustini verba ex libris Confess. petita, *da quod jubes & jube quod vis, Pelagius ea ferre non potuit, & contradicens aliquanto vehementius, pene cum eo qui ea commemoraverat, litigavit*; ut refert August. lib. de peccato orig. cap. 8. & 21.

In propalando errore suo duos sibi potissimum discipulos & commilitones accivit Celestium & Julianum. Celestius a quo & Pelagiani teste S. August. haeresi 88. appellabantur Celestiani, fuit & Monachus acerrimi ingenii ex eodem August. lib. 2. ad Bonif. cap. 3. Julian. in Apulia natus ex illustri genere, Memoris Episcopi Capuani filius, a puero fuit S. August. charissimus, cujus ingenium acre, singularem in sacris litteris eruditionem, miramque in dicendo facundiam abunde testantur fragmenta quae in operibus Augusti, respersa sunt; nondum aetate provecior ordinatus fuerat. Episcopus Eclanensis, in Italia; is fortiter pro Pelagio ejusque erroribus dimicavit, speciem non mediocris pietatis gerens, elemosynas erogans manu liberali, cunctos & nobiles & religiosos viros partibus suis illigans, ut testatur Gennadius.

Ut redeamus ad Pelagium, Roma capta per Barbaros an. 410. Pelagius una cum Celestio in Africam diffugit, mox vero relicta Carthagine secessit in Palestinam. Interea Carthagine commorans Celestius, ibique pertinacius errores suos disseminans damnatus est & ab Ecclesiastica communione pulsus in Concilio Carthaginensi sub Aurelio ejusdem urbis Episcopo, is propterea secessit in Siciliam, ubi & haeretica sua dogmata dif-

diffeminavit. Anno 413. e Sicilia in Orientem reversus scripsit Epistolam ad Demetriadem, in qua suos errores prodidit apertius: quo quidem anno S. Augustinus librum edidit de natura & gratia, ut librum Pelagii de natura hominis impugnaret. Circa idem tempus scripsit S. Prosper insignem Epistolam ad Demetriadem, tresque libros Dialogorum adversus Pelagianos composuit Hieronymus.

Anno 415. habita est Synodus Diospolitana, cui præsuit Eulogius: adfuerunt quatuordecim Episcopi, quorum refert nomina S. Augustinus lib. 1. contra Jul. cap. 5. Heros & Lazarus ambo Gallicani in Palestinam profecti fuerant, ut Pelagii condemnationem promoverent; sed cum in itinere eorum alter gravi morbo detentus fuisset, suæ accusationis libellum ad Eulogium Cæsariensem miserunt. Stetit se Concilio Pelagius, tum equivocationibus accusationis Episcoporum eludens, fisteque dogmata sibi objecta condemnans homo versipellis, in omnibus Catholicus dimittitur. Cæterum huic Concilio non aderat Paulus Orosius Presbyter Hispanus, qui ad Augustinum ab Hispaniæ finibus venerat, ut ipse testatur Augustinus lib. de gestis, cap. 16. An vero istius Orosii sit liber qui inscribitur *Apologeticus contra Pelagium de arbitrii libertate*, jam multis expendere instituti nostri ratio non postulat.

Anno 416. duo habita sunt Concilia contra Pelagium, alterum Carthaginense, alterum Milevitanum; in utroque Pelagii & Celestii placita proscripta sunt. In Carthaginensi cui præsuit Aurelius & interfuerunt 98. Episcopi, cum Orosius obtulisset litteras Herotis & Lazari, tum & gesta Palestinæ Synodi, nefariæ Pelagianorum doctrinæ anathema pronuntiarunt Episcopi, ut constat ex Epistola Synodica quam miserunt ad Innocentium I. summum Pontificem & quæ nunc extat inter Augustinianas 175.

idem præstiterunt Patres Milevitani, extat eorum Epistola Synodica apud August. 176. His Africanorum Præfatum constitutionibus Innocentius Papa ultra subscripsit, ut appareat ex ejus scriptis ad eosdem Episcopos.

Interea nullum non moverunt lapidem Pelagius & Celestius, ut fidem suam ab omni hæreseos suspitione liberarent: Celestius Constantinopoli ejectus ab Attico Romam se contulit, ibique ad Zosimum Innocentii successorem querimonias detulit de accusatoribus suis Herote & Lazaro, ipsique libellum fidei obtulit, professus apud summum Pontificem paratum se omnia emendare & amplecti sincere quæ ipsi visa fuerint. Celestius vere Catholicum credens Zosimus ad Aurelium cæterosque Africanos Episcopos rescriptis duriorem Epistolam, in qua eos acriter perstringit, quod re non satis maturate ponderata Celestium condemnauerant: ista constant ex ejusdem Zosimi litteris, & ex lib. de peccato originali capitibus 6. 7. & 8. Ex altera parte Pelagius Epistolam misit ad Innocentium, quæ redita est Zosimo, quoniam facto sanctus erat Innocentius, fidei suæ libellum adjunxit, qui apud veteres modo sub nomine Symboli expositionis ad Damasum factæ a S. Hieronymo, modo vero inter sermones S. Augustini de tempore recensetur 191. est tamen vere libellus a Pelagio compositus, ut ex eo facile colligitur, quod quæcumque ex eo citantur a S. Aug. lib. de gratia Christi cap. 32. & lib. de peccato orig. cap. 21. ea omnia habentur iisdem verbis in hoc opere, unde velut suppositum Augustino in Appendice collocarunt ad pag. 388. doctissimi Benedictini, quod dubium reliquerant Lovanienses. Hoc in libello multa sunt artificiose contexta quæ virus Pelagianum tegunt, tamen sensum præferant Catholicum.

Acceptis Zozimi litteris Synodum coe-

coegerunt Africani Præfules numerosissimam, ex qua rescripserunt summo Pontifici, cum enixe rogantes ut nihil de Sententia in Pelagium & Celestium lata immutaret, ne fidei Catholicæ damnum inde maximum emergeret, quippe qui credulas nimis aures præbuerat Celestio. His vero attentius ponderatis post longiorem cunctationem Zosimus iterum interrogare voluit Celestium; verum iste ut summi Pontificis examini sese subduceret, Roma fugit, ut testatur S. Aug. lib. 2. ad Bonif. cap. 3. quapropter Zosimus ad omnes universi orbis Episcopos Epistolam dedit, *quæ tractoria dicitur quæ Celestius Pelagiusque damnati sunt, quæ & Constantinopolim & per totum orbem missa, subscriptionibus Sanctorum Patrum est roborata*, inquit Marius Mercator in Communitorio: atque ita summo torius Christiani orbis consensu proscripta male audiit Pelagiana hæresis; adeo ut Pelagianorum querimoniam Synodus generalem pollutantium merito repulerit Cælestinus summus Pontifex, teste S. Prospero lib. contra Collatorem c. 14. ideoque omnino ad rem Christianam inutile reputaverit S. August. ut videre est lib. 4. ad Bonif. cap. ultimo: nihilominus cum anno Christi 431. congregata fuisset Ephesina Synodus generalis contra Nestorium, Pelagiani cum Nestorianis confederati, una cum ipsis eodemque ictu prostrati sunt, ut constet ex Epist. Synodica quæ legitur act. quinta tum ex S. Prospero lib. contra Collatorem cap. 41.

His porro velut iactis ex historia fundamentis, ut nunc illud dilucidius tractemus quod spectat ad Pelagianorum errores contra necessitatem divinæ gratiæ (neque enim de capitali eorum dogmate de peccato originali quicquam hic dicere præsentis est instituti) operæ pretium mihi facturus puto, si varios istius erroris gradus sigillatim aperuero.

Primus Pelagii hæreseos status fuit,

in quo nullam omnino gratiam admisit, docens homini ad consequendam salutem sufficere naturam solam & ingenitas liberi arbitrii vires, ut non uno in loco declarat S. August. lib. de natura & gratia quem in Pelagii librum *de hominis natura* elucubravit. Ex cap. 2. apparet Pelagium dixisse hominis iustitiam esse per naturam; sic enim eum refellit sanctus Doctor, *si per naturam iustitia, ergo Christus gratis mortuus est*. Et cap. 40. *si possibilitas naturalis*, inquit, *per liberum arbitrium & ad cognoscendum quomodo vivere debeas, & ad bene vivendum sufficit sibi: ergo Christus gratis mortuus est*. Quod idem repetit cap. 53. & 55. ejusdem libri, tum serm. 26. olim 11. de Verbis Apostoli. Id præterea constat ex Epist. Synodica Concilii Carthag. ad Innocentium I. & ex Epist. ejusdem Innoc. ad Concilium Carthaginense.

Secundus hæreseos Pelagianæ status fuit, in quo gratiam Dei nomine tenus admisserunt intellectu per gratiam libero arbitrio. Cum enim ob eliminatam omnem gratiam odium in se omnium concitarent, tandem professi sunt hominem nihil posse sine gratia Dei, sed illam gratiam nihil aliud esse profitebantur quam liberum hominis arbitrium quod Deus in creatione gratuito concessit: id aperte constat ex cap. 7. sermonis 26. mox citati, ubi loquens de Pelagianis, *disputantes ergo*, inquit, *contra gratiam pro libero arbitrio, fecerunt auribus piis & Catholicis offensivum. Ceperunt horri, ceperunt ut certa perniciēs devitari, caput de illis dici, quod contra gratiam disputarent, & invenerunt ad relevandam istam invidiam tale commentum. Non, inquit, contra gratiam Dei disputo. Unde probas? eo ipso inquit, non contra gratiam Dei disputo, quod liberum arbitrium Dei defendo. Videte acumen sed vitreum, quasi lucet vanitate, sed frangitur veritate*. Scilicet, ut aiebat Pelagius, quia ho-

mi-

minem Deus creavit & homini dedit liberum arbitrium, quicquid potest homo cum libero arbitrio gratiæ Dei datur; quod utique refellit Augustinus quia *natura omnibus est communis non gratia*, & quia debet admitti gratia non quia homines lumus, sed quia Christiani fumus.

Tertius ejusdem hæreseos status is fuit, in quo præter dona creationis veram Christi gratiam se admittere jactabant Pelagiani, sed quæ gratia in lege doctrina & Christi exemplis posita erat; id aperte docet S. Augustinus toto sese libro de gratia Christi, quandoquidem, inquit cap. 3. ipse Pelagius cum Episcopalis gestis sine ulla recusatione damnaverit eos qui dicunt gratiam Dei & adjutorium non ad singulos actus dari, sed in libero arbitrio esse, vel in lege atque doctrina. . . . Nam gratiam Dei & adjutorium quo adjuvamus ad non peccandum, aut in natura & libero ponit arbitrio, aut in lege atque doctrina. Et cap. 7. hæc Pelagii verba refert August. *adjuvat enim nos Deus per doctrinam & revelationem suam, dum cordis nostri oculos aperit, dum nobis ne presentibus occupemur, futura demonstrat, dum diaboli pandit insidias, dum nos multiformi & ineffabili dono gratiæ celestis illuminat.* Ad quæ verba sic habet cap. 8. *hinc itaque apparet hanc eum gratiam confiteri, qua demonstrat & revelat Deus quid agere debeamus, non qua donat atque adjuvat, ut agamus; cum ad hoc valeat potius legis agnitio, si gratiæ desit opusculatio.* Legendum est caput quartum istius libri, in quo totum Pelagii dogma diligenter expressit Augustinus.

Fuit & altera gratia quam in eo statu dari consuebantur Pelagiani, nempe gratia remissionis peccatorum; ut constat ex S. Augustino in lib. de gratia Christi cap. 38. *videte*, inquit de Pelagio, *quemadmodum & hic aliis quidem verbis, sed tamen in remissione peccatorum & in exemplo Christi adjuto-*

rium gratiæ constitueris; quid vero esset illa gratia remissionis peccatorum aperit cap. 2. dixerat Pelagius: gratiam Dei, qua Christus venit in hunc mundum peccatores salvos facere non solum per singulas horas, aut per singula momenta, sed etiam per singulos actus nostros esse necessarium. Sic vero sanctus Augustinus, *quisquis autem quid in eis aperius dicat, advertit, debet habere etiam ista verba suspecta; quia & si gratiam Dei, qua Christus venit in mundum peccatores salvos facere, in sola remissione peccatorum constituat; potest huic sensui verba ista coaptare dicens; ideo eam per singulas horas, per singula momenta & per actus singulos necessariam ut semper in memoria retinentes & reminiscentes dimissa nobis esse peccata non peccemus, ulterius adjuti non aliqua subministratio virtutis, sed viribus propriæ voluntatis, quid sibi remissione peccatorum præstitum fuerit per actus singulos recordantis.*

Quartum denique statum hæreseos Pelagianorum cum assignat Janfenius, in quo sub finem ubique convicti & condemnati confiteri tandem videbantur gratiam voluntatis necessariam, non quidem ad initium sed ad perfectionem operis, & quæ daretur propter merita, quod probat ex ipso August. lib. de gratia & lib. arb. cap. 14. id referente de Pelagianis: Sed, inquit, cum fuerint convicti, non defensores, sed inflatores & precipitatores liberi arbitrii, quia neque scientia divina legis, neque natura, neque sola remissio peccatorum est illa gratia, quæ per Jesum Christum Dominum nostrum datur, sed ipsa facit ut lex impleatur, ut natura liberetur, ne peccatum dominetur: cum ergo in his convicti fuerint, ad hoc se convertunt, ut quocunque modo conentur ostendere gratiam Dei secundum merita nostra dari. Id rursus ostendere conatur ex aliis S. Augustini testimoniis, ex lib. 4. contra Jul. cap. 3.

Verum ea me adducere non possunt, ut credam Pelagianos unquam admisisse gratiam voluntatis, gratiam actionis, Siquidem Augustinus in libro de hæresibus c. 78. quem sub vitæ finem post varias tandem Pelagianorum tergiversationes composuit, aperte docet eos nullam voluntatis & actionis gratiam statuisse. Pelagius, inquit, *a fratribus increpatus quod nihil tribueret gratia Dei ad ejus mandata facienda, correptioni eorum hactenus cessit; ut non eam libero arbitrio præponeret, sed in fidei calliditate supponeret dicens, ad hoc eam dari hominibus, ut qua facere per liberum juben- tur arbitrium, facilius implere possent per gratiam; dicendo utique, ut facilius possint, voluit credi etiamsi difficilius, tamen posse homines sine gratia divina facere iussa, illam vero gratiam Dei, sine qua nihil boni possumus facere, non esse dicunt nisi in libero arbitrio, quod nullis suis præcedentibus meritis ab illo accepti nostra natura; ad hoc tantum ipso adjuvante per suam legem atque doctrinam, ut discamus qua facere, & que sperare debeamus; non autem ad hoc per donum Spiritus sancti, ut qua didicerimus esse facienda, faciamus. Ac per hoc divinitus nobis dari scientiam consentitur, qua ignorantia pellitur, charitatem autem dari negant qua pie vivitur.* Ex quibus colligere est omnem plane gratiam actionis & voluntatis respuisse Pelagianos.

Quæstio hic proponitur apud Theologos, utrum de gratia habituali, an vero de actuali potissimum mota fuerit controversia inter sanctum Augustinum & Pelagianos. Cui quæstioni priusquam faciamus satis, observabimus duas esse super isto negotio sententias.

Prima est Ludovici Thomassini Oratorii Presbyteri, qui in iis Commentariis quos primum Gallico sermone ediderat inscriptos, *Mémoires sur la grâce*, postmodum vero latinisati donavit, conatur pro virili ostendere de gratia

habituali, fere ubique S. Augustinum in omnibus suis contra Pelagianos concertationibus differere; raro autem de gratia actuali; cui sententiæ nonnihil subsidii accessit, quod eam calculo suo comprobavit vir clarissimus J. B. du Hamel in suo Tractatu de gratia Salvatoris. Mirum profecto quantum urque insudet in asserenda sua opinione, actum pene diceret de tota re Christiana, quantumvis ista quæstio nullius plane sit ponderis.

Innumera propemodum congerunt testimonio, in quibus affirmat sanctus Doctor Dei gratiam esse bonam voluntatem qua iustitiam diligimus; charitatem qua diffunditur in cordibus nostris per Spiritum sanctum; affectionalem qualitatem animæ insidentem; animæ vitam qua nos Deus a mortuis excitat; victtricem delectationem, qua nunc non cedit homo malæ concupiscentiæ; plena vero erit, quando videbimus Deum sicuti est. Addunt alia in quibus gratia Dei dicitur sanare, reparare, restaurare, renovare naturam, peccata delere, hominem iustificare, sanctificare; qua fit ut homo nullum possit habere peccatum, ut non simus sub lege sed sub gratia; qua Christus baptizatos parvulos suo inserit corpori, quæ est in ipsis parvulis & qua salvi sunt. Loquitur, inquit, Augustinus de ea gratia quæ bonos discernit a malis; quæ auferit cor lapideum, & dat cor carneum; quæ tribuit ut mandata Dei facere valeamus; quæ filios Dei agit & regit, quæ in mente lux est & doctrina, in voluntate flamma & pondus, spiritus denique adoptionis filiorum, ipsaque charitas per Spiritum sanctum insula &c. quæ profecto omnia gratiam habitualem & permanentem indicare videntur.

Altera sententia est aliorum communiter Theologorum, qui S. Augustinum contendunt potissimum disceptasse cum Pelagianis de gratia actuali: cæmenim, in-

Inquiunt; gratiam contra Pelagianos propugnat sanctus Doctor, qua Deus cor hominis excitat & præparat ad bene agendum; quæ iustificatis ad recte vivendum necessaria est, sicut ad videndum lux in oculo corporis; quæ datur etiam reluctanter; quæ ita prævenit voluntatem; ut ad initium fidei sit necessaria; qua fit ut homo sit bonæ voluntatis; ut indeclinabiliter velut efficacissima vocatione convertatur; quæ adiutorium est quo iusti perseverant; quæ defuit sancto Petro, & data S. Paulo; quæ quidem & similia prope infinita gratiam actualem denotant; quibus possis;

Respondeo aut parum aut nihil interest, quam gratiam propugnaverit Augustinus contra Pelagianos, an habitualem vel actualem; & falsum esse omnia quæ in hoc Tractatu discutienda veniunt, ex huius questionis enodatione velut religata pendere; ut ajunt prioris sententiæ defensores; id unum certum est totum incubuisse Augustinum in demonstranda cujusdam auxilii mere gratuiti & supra naturam positi necessitate. Quibus adde, dictum omnino difficile, an ejusmodi auxilium sit actuale vel habituale, quæ enim Augustini loca primæ sententiæ defensores adducunt, non minus explicari possunt de gratia actuali; actualis est bona voluntas qua iustitiam diligimus, quæ animam sanat, renovat, restaurat; charitas est inchoata saltem quæ sanctificat; iustificat, dat Spiritum Dei, cor docile & filiorum Dei adoptionem, &c.

Demus vero in suis passim scriptis nonnulla proferre Augustinum, quæ nonnisi gratiæ habituali accommodari possint; inde profecto debet solummodo inferri gratiam habitualement propugnasse sanctum Doctorem contra Pelagianos, quod utique nemo diffidet. Quemadmodum quæ loca proferunt alterius sententiæ assertores, satis etiam commode explicari queunt de gratia

habituali; gratia enim habitualis, si nempe supponatur actualis & vivida, ut ajunt, cor hominis excitat, præparat, movet, adjuvat, confortat, & alia id genus: ex quibus perspicuum fit de gratia habituali uti & de actuali promissive disputatum ab Augustino; utramque negabat Pelagius, utramque probat Augustinus. De qua vero potissimum agatur, nos quidem ingenue fatemur, vix certo definiri potest, mea tamen est sententia S. Augustinum propter rationes superius adductas de gratia actuali sæpius longe disputasse quam de habituali.

De Semipelagianis.

Sic eorum appellata est secta, qui proprius accedebant ad Pelagianos, quod utique, licet gratiam existimarent necessariam ad bonum quodpiam opus perficiendum; eam tamen negabant ad idem bonum opus incipiendum, seu, ut ajunt, ad initium fidei necessariam. Hujus perversi dogmatis reum notare possumus Vitalem quemdam Carthaginensem, qui, ut constat ex Epist. 217. S. Augustini, existimavit *Dei donum non esse quod recte credamus in Deum & Evangelio consentiamus, sed hoc nobis esse a nobis*. In eundem errorem & impigisse S. Augustinum antequam Episcopus ordinaretur, testatur ipse lib. de Prædest. SS. cap. 3.

Sed Semipelagiani potissimum censentur Galli quidam Episcopi & Presbyteri, qui cum fere omnes Massiliæ dederent, dicti sunt Massilienses: ii vero doctrina sancti Augustini circa gratiæ Christi necessitatem & efficaciam offensi plurima scripserunt, quæ tamen ab hæreticis Pelagiana longissime dissent, ab errore tamen omni ex parte vindicari non possunt; id colligimus ex Epistolis Prosperi & Hilarii ad S. Augustinum datis, quæ integræ legi debent ad præ-

At capendam Semipelagianorum doctrinam.

Acceptis duabus istis Epistolis, ut prefatos errores revinceret S. Augustinus, duos protinus edidit libros, quorum prior inscribitur de Prædestinatione Sanctorum, posterior vero de Dono perseverantiae. Sed post obitum sancti Doctoris qui contigit anno 430. in ejus scripta velut erroribus plena insurrexerunt Massilienses, quos inter potissimum eminebant Cassianus, Faustus Reicensis, Vincentius, Gennadius Massiliensis, atque, ut volunt nonnulli, Severus Sulpitius & Honoratus Massiliensis Episcopus.

Joannes Cassianus Diaconus primum a S. Chrysostomo factus, cum post varias peregrinationes Constantinopolim appulisset, tandem rediit in Gallias, & Massiliæ Presbyter commoratus est, ibi libros Collationum edidit, unde dictus est Collator, atque in Collatione præfestim decima tertia errores Semipelagianorum manifeste propinavit, ut fufius dicetur infra, cum refellit S. Prosper libro contra Collatorem. Ut vixerat, ita obiit Cassianus in maxima sanctorum fama.

Faustus ex Lirinenfis Monasterii Abbate Reicensis Episcopus, alter fuit Semipelagianorum facile princeps. Cum Leontius Arelatenfis aliique nonnulli Præfules Gallicani Fausto provinciam demandassent scribendi in quosdam recens natos Prædestinatianos, de quibus postea dissertationem habebimus, hic duos de gratia & libero arbitrio libros edidit, in quibus multa effutiit quæ sancti Augustini doctrinam oppugnant & Semipelagianismum aperte prædicant.

Sequitur Vincentius quidam & secta Semipelagianorum, qui Indiculum composuit complectentem sexdecim propositiones, quas & sancti Augustini doctrina manifeste confectarias quam temere tam inscite mentiebatur, qualis est ista v. g. quæ prima in Indiculo recense-

tur, quod Dominus noster Jesus Christus non pro hominum omnium salute & redemptione sit passus. Secunda, quod Deus nolit omnes salvare, etiam omnes salvari velit. Tum vero ista quæ tertio loco ponitur, quod Deus majorem partem generis humani ad hoc creet, ut illam perdat in æternum, &c. Quas propositiones egregie confutavit S. Prosper in responsione ad capitula objectionum Vincentianarum. Sic Augustino calumniari solebant Massilienses, ejusque doctrinam velut erroneam & duriores publicare; hinc præiit alter Indiculus propositiones & calumnias cum Vincentianis maxime affines continens, cui similiter respondit idem Prosper altero libro quem inscripsit, *Responsiones ad Capitula Gallorum*. Quis vero fuerit iste Vincentius, an Lirinenfis author Commonitorii, ut communis jam ferre videtur opinio, vel alius a Lirinenfis, ut contendit Baronius, præsentis loco inquirere non est otium, hoc remittimus ad tractatores historiarum Ecclesiasticarum.

Gennadius Massiliensis Presbyter satis superque se erroribus Semipelagianorum infectum prodixit libro quem de viris illustribus scripsit sub finem quinti sæculi, in quo male de SS. August. & Prospero, cum laude vero de Cassiano & Fausto Semipelagianis loquitur. Ita quidem de S. Augustino. Unde & malitiam loquenti accidit, quod dixit per Salomonem Spiritus sanctus: Ex multiloquio non effugies peccatum error tamen illius sermone multo contractus, lucula hostium exaggeratur, nedum hæresis questionem dedit. Tum de S. Prospero. Prosper homo Aquitanicæ regionis, &c. legi & librum adversus opuscula suppresso nomine Cassiani: quæ Ecclesia Dei salutaria probat, ille infamat nociva. De Fausto hæc scribit: Edidit opus eptegium de gratia Dei qua salvamur, & libero humanæ mentis arbitrio, in quo salvamur.

Quia & multi injuria tamen, ut p-

to, inter Semipelagianos accensent Severum Sulpitium. Severum quidem ait Cardinalis Baronius unum ex iis fuisse Gallicanis; quos in Epistola sua perstringit Caelestinus summus Pontifex; sed in eo lapsus est Eminentissimus Cardinalis, obierat enim Severus an. 420. scripsit vero Caelestinus post annum 430. cui accedit quod a nemine unquam Semipelagianum erroris accusatus fuerit Severus Sulpitius.

Hanc porro Semipelagianorum factionem tunc primum cum erupit, hereticam non damnavit Ecclesia nec ante celebrationem Concilii Arausici; tamen enim in decursu disputationum nonnunquam eos ut Pelagianos, vel reliquias Pelagianorum habebant Catholici doctores, ducta facili & clara ex eorum principiis consequentia; quandoque contendebant, ut mox ostendimus, nullam ad initium fidei necessariam esse gratiam: tamen cum iis tunc temporis velut cum fratribus honorifice agebant, eorumque dogmata hæreseos nomine non infamabant.

Paulo ante Synodum Arausicanam, Gelasius Papa in Concilio Romano an. 494. Cassiani, Faustique libros condemnaverat. Anno 523. Faustii librum de *Incarnatione & gratia* anathema censoderunt nonnulli Africani Episcopi in Sardinia exules. Huic eundem egregie confutavit S. Fulgentius Ruspensis Episcopus libris septem de *gratia & libero arbitrio* editis; quibus postea tres alios adiunxit de *veritate predestinationis & gratia*. In eodem stilum acuit in Gallico Cæsarius Archiepiscopus libro quem conscripsit de *gratia & libero arbitrio*. Tum celebrata Synodo Arausicana an. 529. Semipelagianorum dogmata Canonibus viginti quinque proscripsit; id ipsum confirmavit paulo post altera Synodus Valentini celebrata, quæ quidem ambobus fuerunt autoritate summorum Pontificum roboratæ; atque illa prostratus omnino iacuit Semipelagianismus.

Verum percelebris hæc nostra ætate inter Eruditos nata est quaestio, in quo potissimum erraverint Semipelagiani, utrumve omnem penitus gratiam negaverint ad initium fidei necessariam, Quæ, quoniam ex utraque parte acriter ventilatur, longiori nostra indiget disquisitione.

Utrum Semipelagiani Gratia interioris necessitatem ad initium fidei admiserint.

EST in confesso apud omnes, passim dixisse Semipelagianos initium salutis esse in nobis, a nobis, nobis inesse naturaliter, esse a nostra voluntate præcedente gratiam, esse in nostra potestate saltem desiderare gratiam, quemadmodum ægrotus de se & propriis naturæ viribus potest desiderare medicum & sanitatem, & alia id genus. Sed dubitatur, utrum his & similibus loquendi modis excluderent quamlibet gratiam interiorem vel etiam versatilem; an vero solam excluderent gratiam efficacem, solum auxilium quo.

Contendit Jansenius Iprensis lib. 8. de hæresi Pelagianâ c. 6. *Massiliensium opinionibus & Augustini doctrina diligentissime ponderata* certum esse & indubitatum quod Massilienses præter prædicationem atque naturam, verum etiam & internam & æqualem gratiam, ac ipsam etiam fidem, quam humane libertatis & voluntatis ascribunt viribus, necessariam esse fateantur. . . in hoc ergo, inquit, proprie Massiliensium error situs est, quod aliquid primæ libertatis reliquum putant, quo sicut Adam si voluisset, poterat perseveranter operari bonam, ita lapsus homo saltem credere posset, si velles; neuter tamen absque interioris gratiæ adiutorio, cujus usus vel abusus relictus esset in uniuscujusque arbitrio & potestate. Non enim exclusisse Massilienses ab illa credendi voluntate gratiam quam meritis adjuvaret, &c. quam porro

hæc

sententiam ut astruat Janfenius, duo velut ejus firmissima præmittit fundamenta.

1. Quidem supponit duo fuisse genera Semipelagianorum; quidam enim, inquit, nihil prorsus ad salutem progredi hominem posse sine vera Dei gratia constanter fatebantur; alii per naturam solam accedente prædicationis ac doctrinæ adjutorio perfectam justitiam assequi posse cum Pelagio delirabant; quæ differentia Missiliensium liquido constat ex Epistola Prosperi ad Augustinum, in qua loquens de Semipelagianis hæc scribit num. 4. *quidam vero horum in tantum a Pelagianis semitis non declinant, ut cum ad constituendam eam Christi gratiam quæ omnia præveniat merita humana, cogatur, ne si meritis redditur, frustra gratia nominetur, ad conditionem hanc velint uniuscujusque hominis pertinere, in qua nihil cum prius merentem... atque ad hanc gratiam qua in Christo renascimur, pervenire per naturalem scilicet facultatem petendo, querendo, pulsando.*

Id observat Janfenius lib. 7. ubi inter illos Semipelagianos, de quibus vult controversiam hic non moveri, Faustum & Cassianum accenser, quos putat nihil diversum ab errore Pelagiano sensisse circa necessitatem gratiæ, unde nec omnium Semipelagianorum sensum indagare voluit, sed illorum duntaxat, quorum opinionem ac dogmata Prosper & Hilarius Augustino censenda & refutanda prodiderunt. Ex qua observatione colligere est, istius questionis statum eos non attigisse Theologos, qui in hac cum Janfenio controversia, Fausti & Cassiani testimonia in illius opinionem adhibent: quæ ex causa etiam nihil ex S. Prospero contra Collatorem seu Cassianum, nec ex S. Fulgentio qui scripsit contra Faustum, adducemus.

2. Diligentissime observatum vult Janfenius juxta modum loquendi sancti Augustini & cæterorum Patrum, summo-

rum Pontificum, & Conciliorum, per illas propositiones aliasque similes, bonum opus est ab homine; sit per liberum arbitrium; per vires liberi arbitrii; per naturalem virtutem; naturaliter, &c. non excludi quodlibet auxilium gratiæ, quia non excluditur auxilium sine quo seu gratia versatilis; sed solummodo auxilium quo seu gratia efficax; tamen enim, inquit, consistit in doctrina S. Augustini hominem in statu ignocontine constitutum, habuisse ejusmodi gratiam versatilem & adjutorium sine quo non poterat bene agere; tamen legimus sæpenumero potuisse hominem agere per suum liberum arbitrium; per suas vires, per suam naturam, & alia id genus. Sic S. Augustinus lib. de corrept. & grat. cap. 10. saluberrime consuevit, inquit, Deum sic ordinasse Angelorum & hominum vitam, ut in ea prius ostenderet, quid posset liberum aotum arbitrium. Et postea de bonis Angelis ait, quod per ipsum liberum arbitrium in veritate steterunt, & de homine sano, quod per ipsum liberum arbitrium potuisset perseverare. lib. de dono persever. c. 7. non est hoc perseverare, omnino in viribus liberi arbitrii, quales nunc sunt, fuerat in homine antequam caderet. Non ablimili modo loquitur S. Prosper lib. contra Collat. c. 18. S. Fulg. lib. de Innoc. & grat. c. 22. & Conc. Araus. II. can. 25. quibus præmissis hanc suam opinionem acriter defendit Janfenius, quæ nimirum pertendit mitiores illos Semipelagianos veram & internam actualem gratiam agnoscere necessariam vel etiam ad initium fidei; in quam sententiam sit.

CONCLUSIO.

Semipelagiani omnes cujuslibet gratiæ interioris ad initium fidei necessitatem rejiciebant.

Probatur 1. ex SS. Prospero & Hilario,

zio, & quorum verbis veram & genuinam Semipelagianorum doctrinam excerpere nos consentit Janſenius; uterque vero ſcribens ad S. Auguſtinum reſtat ut nullam Maſſilienſes admiſſiſſe gratiam interiorem ad initium fidei. Ita quidem Proſper ſua in Epistoſola Num. 3. *hæc enim ipſorum deſinitio ac profeſſio eſt omnem hominem ad credendum & ad operandum divinis inſtitutionibus admoneri, ut de apprehendendo vita æterna nemo deſperet, cum voluntaria devotioni remuneratio ſit parata.* Num. 4. *ut cum ad conſtitendam eam Chriſti gratiam, qua omnia præveniat merita humana, cogantur, ad conditionem hanc velint uniuiuſcuſque hominis pertinere per naturalem ſcilicet facultatem, petendo, querendo, pulſando; ut ideo accipiat, ideo inveniat, ideo introeat, quia bono natura uſus, ad iſtam ſalvantiem gratiam initialis gratiæ ope meruerit pervenire.* Hos Semipelagianos omnem ad initium fidei negare gratiam fidenter conſtitetur Janſenius, ubi propterea parum ſibi conſtat, quippe qui hanc terminatam vult controverſiam ex verbis Proſperi qui duplicem Semipelagianorum claſſem apæ ſatis non diſtinxit.

Num. 5. ſic proſequitur S. Proſper. *Nec conſiderant ſe gratiam Dei, quam omnem & non præviam humanorum voluntate eſſe meritorum, etiam illis voluntatibus ſubdere, quas ab ea ſecundum ſuam phantaſiam non negant eſſe præventas...* Itaque quantum ad Deum pertinet, omnibus paratam vitam æternam; quantum autem ad arbitrii libertatem ab his eam apprehendi, qui Deo ſponte crediderint & auxilium gratia merito credulitatis acceperint.... Ac ſic cum in his qui ſemper acceperunt liberæ voluntatis duo ſint quæ humanam operentur ſalutem, Dei ſcilicet gratia & hominis obedientia, priorem voluntate eſſe obedienciam, quam gratiam; ut initium ſalutis ex eo qui ſalvatur, non eo credendum ſit ſtare qui ſalvum. Quæ nulla dubio procul in-

digent explicatione, adeo clara ſunt & ad rem noſtram exquisita.

Idem vero, vel etiam ſi fieri poteſt, Ioculentius teſtatur Hilarius in ſua pariter ad S. Auguſtinum Epistoſola; ſcribit enim docere Maſſilienſes: 1. homines propriæ voluntatis merito, & ipſius fidei augmentum, & torius ſanctiſimæ ſuæ conſequi effectum. 2. voluntatem illam qua unuiquiſque vult ſanari, unum eſſe ex iis operibus ad quæ homines ſibi ſufficiunt. 3. fidem eſſe penes naturam nobis a Creatore conſeſſam. 4. non ita depravatam eſſe naturam, ut non poſſit ſanitatem ſuam deſiderare. 5. denique, credere noſtrum eſſe, operari vero eſſe Dei, & alia id genus; ubi obſervatione digniſſimum eſt id de Semipelagianis omnibus teſtificari Hilarium, nec ullos excipere; quo ſic ut cauſa ſua cadat Janſenius, qui cum ſuper iſto negotio ad Hilarii teſtimonium appellaverit, duas vel ipſo Hilario invito fingit Semipelagianorum claſſes.

Probat 2. autoritate S. Auguſtini qui acceptis Proſperi & Hilarii Epistoſolis, ut ſuſcepto in ſe munere reſellendi Semipelagianos deſungeretur, duos ſcripſit libros, quorum prior eſt de Prædeſtinatione Sanctorum, poſterior de Dono perſeverantiæ; in utroque vero aperte ſupponit nullam gratiam interiorem ad initium fidei neceſſariam admiſſiſſe Semipelagianos. Lib. de Prædeſt. SS. cap. 2. hæc ſcribit: *Præſtat itaque fidem qua Chriſtiani ſumus, donum Dei eſſe debemus oſtendere, ſi tamen diligentius id ſacere poſſumus, quam in voluminibus tot ſanctiſque jam fecimus. Sed nunc eis reſpondendum eſſe video, quæ divina teſtimonia, quæ de hac re adhibuimus, ad hoc dicunt valere, ut noverimus ex nobis quidem habere ipſam fidem; ſed incrementum ejus ex Deo, tanquam fides non ab ipſo doneatur nobis, ſed ab ipſo tantum augeatur in nobis, eo merito, quo cepit a nobis.* C. 3. his

his allatis Apostoli verbis, *quid habes quod non acceperis?* hæc subiungit: quò præcipue testimonio etiam ipse convictus sum, cum similiter errarem, putans fidem quæ in Deum credimus, non esse donum Dei, sed a nobis esse in nobis. Quibus verbis cum similiter errarem significat Augustinus idem docere Semipelagianos quod ipse antea scripserat, fidem scilicet non esse a Deo, Legatur & saput vigesimum primum. Tum vero idem docet lib. de Dono persever. cap. 17. *Sed ii, inquit, qui solum initium fidei & usque in finem perseverantiam, sic in nostra constituunt potestate, ut Dei dona esse non putent, neque ad hæc habenda atque retinenda Deum operari nostras cogitationes & voluntates, cetera vero ipsum dare concedunt, cum ab illo imperantur credentis fide.* Ex quibus perspicuum est aut his in libris acrem verberasse Augustinum non intellecta Semipelagianorum doctrina; aut revera Semipelagianos nullam interiorem gratiam ad initium fidei necessariam admisisse.

Probatur 3. ex Conc. Arausicano II. a quo istud in Semipelagianis damnatum est quod initium fidei soli naturæ viribus tribuant, canone 5. damnat Synodus cum qui dixerit, *sicut augmentum, ita etiam initium fidei, ipsumque credulitatis affectum quo in eum credimus, qui justificat impium, non per gratie donum, id est per inspirationem Spiritus sancti corrigentem voluntatem nostram ab infidelitate ad fidem, ab impietate ad pietatem, sed naturaliter nobis inesse.*

Probatur 4. auctoritate Innocentii X. & Alexandri VII. summorum Pontificum qui hanc quartam propositionem e quinque Janstenianis condemnarunt. Semipelagianis admittere gratia interioris prævenientis necessitatem ad singulos actus, etiam ad initium fidei & in hoc erant hæretici, quod vellet eam gratiam talem esse, cui posset humana voluntas

resistere, vel contemperare. Quæ propositio quoniam tota, ut jacet, a præfatis Pontificibus declaratur falsa & hæretica, est falsa quoad priorem partem. Neque est quod hujus censuræ vim eludere conentur nonnulli dicentes istam propositionem non esse falsam nisi intellectam de Semipelagianis omnibus; siquidem, ut nemo nescit, damnata est in sensu Janstenii; qui datas Semipelagianorum classes distinxerat; adeoque reus summorum Pontificum fuit, omnes Semipelagianos gratiæ interioris necessitatem ad initium fidei exclusisse.

Solvuntur objectiones.

Objicies: cum Semipelagiani vellent initium salutis esse ab homine, ex eo quod per peccatum originale non penitus attenuatum est liberum ejus arbitrium; sed primævi ipsius integritatis reliquæ supersint satis potentes ad initium fidei; non magis excluderunt gratiæ adiutorium in homine lapsio ad inchoandum, quam in homine sano; quia nempe dici non potest viros eruditos, quales erant Semipelagiani, existimasse liberum arbitrium attenuatum, minoribus ad bona faciendæ auxiliis indigere, quam eget ad eadem bona opera faciendæ liberum arbitrium sanum illæsum; atqui nunquam dixere Massilienses hominem sanum, & in primæva integritate constitutum, non indigere interioris alicujus gratiæ auxilio, sed cum Ecclesia Catholica senserunt cum indiguisset saltem auxilio sine quo, quod quidem probatur.

1. Quia SS. Prosper & Hilarius in suis ad Augustinum Epistolis omnia Semipelagianorum dogmata sigillatim deducunt, neque tamen istum enumerant errorem; videlicet quod dicerent hominem in statu innocentie constitutum non egere ad bene operandum gratiæ interioris auxilio.

2. Quia ex Epistola S. Hilarii divi

tionem gratiæ primi hominis & hominis lapsi moleste ferebant Massilienses; non quod existimarent gratiam Adam non fuisse collatam, sed quod putarent, stante Augustini doctrina circa perseverantiam hominibus exhiberi. Num. 6. sic habet: *Deinde moleste ferunt ita dividi gratiam qua vel tunc primo homini data est, vel nunc datur; ille acceperis perseverantiam, &c. quæ docet Augustinus lib. de corrept. & pr. cap. 11. & 12. his verbis sanctitatis tua ita moventur, ut dicant quamdam desperationem hominibus exhiberi.*

3. Quia S. Augustinus neque Epistola ad Vitalem, neque libris de Prædest. SS. & de Dono perseverantiæ, in quibus confutavit errores Semipelagianorum, probat hominem in statu innocentie opus habuisse gratiæ interioris auxilio; unde aperte colligitur illud nunquam negasse Semipelagianos: ac proinde non rejiciebant quoque necessitatem gratiæ interioris ad initium fidei in statu naturæ lapsæ.

Nego min. & dico nec in Adam in fonte gratiæ necessitatem admisisse Semipelagianos; id constat

1. Quia manifeste recessissent a suis principiis; si enim in homine lapsio credere nostrum sit, si solum boni operis augmentum a Deo sit, initium vero a nobis, &c. a fortiori ea locum habent, ubi agitur de homine sano.

2. Quia id expresse docuisse Semipelagianos testatur Hilarius sua in Epistola Num. 6. unde in hoc solo, inquit, *voluit a primo homine omnium distare naturam, ut illum integris viribus voluntatis juvaret gratia volentem, sine qua perseverare non poterat, hos autem amisit & perditis viribus credentes tantum, non solum erigat prostratos, verum etiam suffulcias ambulantes.* Ex quibus patet in mente Semipelagianorum primum hominem potuisse pro integris viribus bonum velle; ita ut eum volentem gratia solummodo juvaret.

Tom. IV.

3. Quia S. Augustinus lib. de Præd. SS. cap. 5. ob id eos refellit quod hominem existimarent tum in natura perfecta, tum in vitiata naturæ reliquiis potuisse se per sola creationis dona discernere: *illud vero, inquit, quod putam de hac fide ideo non posse dici; quid enim habes quod non accepisti, quia in eadem natura remansit, licet vitiata, qua prius sana ac perfecta donata sit. Nihil ad id quod volunt valere intelligitur.*

4. Denique, quia canon decimus novus Conc. Araus. 2. contra Semipelagianos editus primum hominem tamen insontem gratia Dei indiguisse, his verbis definit: *Natura humana, etiamsi in sua integritate, in qua est condita, permaneret, nullo modo seipsam, creatore suo non adjuvante, servaret: atque hinc ad proposita momenta facile respondetur.*

Ac primum quidem momentum est omnino falsum, ut constat ex testimonio Hilarii mox adducto; sed demus nec Prosperum, nec Hilarium inter Semipelagianorum errores annumerasse, quod dicerent hominem in statu innocentie constitutum non eguisse gratiæ interiori, quid inde colligi possit plane non video. Cum enim tellentur expresse nec uno in loco Semipelagian somnem gratiam ad initium fidei necessariam exclusisse hoc in statu naturæ lapsæ, omnino inutile fuit idem observare pro statu naturæ innocentis; argumento enim in Janfenium retorto, quis tam fungos putaverit Massilienses, ut gratiam ad initium fidei pro homine sano necessariam crediderint quam toties inutilem pro homine læso & vitiato decantaverunt?

Secundo, nec plus virium habet alterum Janfenii momentum; tamen enim Massilienses divisionem gratiæ primi hominis & hominis lapsi, quam instituerat Augustinus lib. de correptione & gratia, moleste ferant; ex eo quod

G

pu-

purabant in hoc Augustini systemate in desperationem homines adduci; non inde profecto sequitur, ut dicere est, confessos fuisse Massilienses primo homini datam ad initium boni operis gratiam interiorem; quia nempe in illa divisione Augustini id solum redarguunt quod plus videtur habere offensionis, scilicet quod in hoc statu naturæ lapsæ datur homini perseverantia indeclinabilis.

Ad tertium quod spectat momentum, dico his in libris probare Augustinam datam fuisse primo homini gratiam interiorem ad bene agendum; ut constet ex cap. 5. libri de prædest. SS. tum vero in his omnibus locis, in quibus communia utrique statui naturæ innocentis & naturæ lapsæ usurpat argumenta; quibus adde mirum videri debere nemini, si necessitatem gratiæ interioris pro statu naturæ innocentis nominatim ostendere non aggrediatur Augustinus, quando confutat Semipelagianos; quia videlicet de præfenti naturæ lapsæ statu potissima versabatur controversia.

Institis: testatur S. Prosper Semipelagianos id modo sentire de homine lapsō quod fuit in homine integro, ita resp. ad octavum cap. Gallorum: *Næque hæc dona (scilicet posse cogitare, dicere & agere) ita ex Deo esse opinemur, ut quia ipse natura nostra auctor est per conditionem, jam hæc consulisse videatur, quia dedit quidem ab initio hanc homini facultatem, sed omnes eam in illo amisimus, in quo omnes peccavimus.* Et cap. 42. de ingratis.

Nam si nunc etiam illævis vigor ille maneret,

In quo insons natura fuit, sua quemque voluntas

Conciliare Deo pœnaque absolvere posset.

Cujus dicti rationem affert his verbis:

Quoniam sapientia sana,

Sana fides, sanum arbitrium, mens libera morbo

Vitam agerent dignam summorum participatu.

Unde sic argumentor: Facultas ad initium fidei quam adittebant Semipelagiani teste Prospero, est eadem, quam ab initio Deus homini dedit: atqui facultas bene agendi quam ab initio Deus homini dedit, fuit voluntas instructa saltem interioris gratiæ auxilio *sine quo*: ergo.

Dist. min. fuit voluntas instructa saltem interioris gratiæ auxilio *sine quo* in rei veritate, C. in mente Semipelagianorum, N. non eget responsio majori explicatione.

Objicies: idem plane sentiebant Massilienses circa initium fidei, ac circa perseverantiam finalem, ut constat ex his verbis cap. 17. lib. de Dono perf. *sed ii qui solum initium fidei & usque in finem perseverantiam sic in nostra constitunt potestate ut Dei dona esse non possent.* Atqui adittebant gratiam versatilem ad perseverantiam finalem ex eodem S. Augustino qui dum Semipelagianos confutat, gratiam perseverantiæ finalis negantes, sic habet ejusdem lib. cap. 7. *Non est hoc omnino in viribus liberi arbitrii, quales nunc sunt: fuerat in homine antequam caderet.* Unde sic argumentor: illi admittunt gratiam versatilem ad perseverantiam finalem, quorum sententia vera est in statu naturæ innocentis: atqui ex S. August. sententia Massiliensium vera est in statu naturæ innocentis: ergo ex S. Augustino adittebant necessitatem gratiæ versatilis ad perseverantiam finalem.

Nego min. Totus est enim Augustinus hoc in libro ut probet Semipelagianis, perseverantiam non esse in nostra potestate, sed donum Dei. Ad probat. vero dist. min. Vera est in statu naturæ innocentis, quoad gratiam efficacem & donum perseverantiæ, C. quoad gratiam versatilem, N. scilicet eo loci S. Augustinus loquitur solum de gratia efficaci, de adjutorio quo, & per-

perseverantia finali quam negabant Massilienſes, rati hoc in ſyſtemate homines in deſperationem conjici, de quo quidem dono efficaci verba faciens, ait, *Non eſt hoc omnino in viribus, &c.* hoc eſt, in ſtatu naturæ innocentis non erat neceſſarium perfeverantiæ donum, quale nunc requiritur; unde in hoc Maſſilienſium approbat ſententiam, non autem in aliis capitibus, puta in eo quod gratiam nequidem verſatilem admitterebant ad initium boni operis; de ejuſcemodi enim gratia verſatili nulla hic haberetur quæſtio.

Inſtabis: eam duntaxat gratiam negabant Maſſilienſes neceſſariam hominibus, qua ſemel admiſſa putabant ſequi deſperationem, amiſſi liberum arbitrium, ſubverti exhortationes, correptiones, atque præcepta bene vivendi; his enim ſolummodo ex cauſis gratiam ad initium fidei & perfeverantiam rejiciebant, ut conſtat ex Epistoſis SS. Proſperi & Hilarii: atqui ejuſmodi gratia, eſt gratia efficax & victrix quam perpetuo prædicabat Auguſtinus, non autem gratia verſatilis quæ commiſſa eſt & ſubdita libero arbitrio: ergo ſolam gratiam efficacem, quæ voluntatem ſeclit indeclinabiliter, rejiciebant Maſſilienſes.

Nego maj. ex hoc enim argumento ſolum colligere eſt de gratia efficaci, non de alia motam fuiſſe controverſiam Semipelagianos inter & S. Auguſtinum, quod utique fateamur. In illam ſcilicet gratiam invehebantur illi & præſatis criminationibus impetebant, forte quia nullam aliam admitti a ſancto Auguſtino arbitrati ſunt, verum non inde ſequitur eos aliam ab efficaci gratiam non excluſiſſe ſaltem pro initio fidei; quin imo ſic argumentari juvat. Eam excludebant gratiam ad initium fidei quam fatebantur neceſſariam ad opus bonum perficiendum: atque ejuſcemodi gratia quam ad opus bonum perficiendum dicebant neceſſariam, non eſt gra-

tia efficax quæ inſuperabiliter movet voluntatem, ſed ſolum gratia verſatilis ad nutum voluntatis: ergo, Maſſilienſes negabant gratiæ etiam verſatilis neceſſitatem ad initium fidei.

Objicies: ex iſſiſſimis Semipelagianorum verbis conſtat eos admiſſiſſe gratiam aliquam interiore ad initium fidei. Id teſtatur Hilarius in ſua Epistoſa: *ad nullum opus, inquit, ſive incipiendum, nedum perficiendum quemquam ſufficere poſſe conſentium*: unde S. Auguſtinus lib. de Præd. SS. cap. 1. loquens de mitioribus Semipelagianis ſic eorum doctrinam deſcribit: *Per venerunt etiam ut præveniri voluntate hominum Dei gratia ſateantur, atque ut ad nullum opus bonum vel incipiendum, vel perficiendum, ſibi quemquam ſufficere poſſe conſentiant*: retenta ergo iſta in qua pervenerunt, plurimum eos a Pelagianorum errore diſcernunt. Atque id eo confidentius affirmari poſſet de remiſſioribus Semipelagianis, quod ceteri quoque, quales ſunt Caſſianus, Fauſtus Rejealis & Gennadius, idipſum manifeſte docuerint.

Caſſianus quidem collatione tertiæ cap. 4. ſic loquitur: *Ex eo quidem eſt, quoties inſpiratio quadam immiſſa in cor noſtrum, nonnunquam etiam dormientes nos ad deſiderium æterna vitæ ac ſalutis exſuſcitât.* & Collat. decima tertia: *quibus, inquit, manifeſte colligitur non ſolum actum, verum etiam cogitationum bonarum ex Deo eſſe principium, qui nobis & initia ſancta voluntatis inſpirat, & virtutem atque oportunitatem eorum, quæ recte cupimus, tribuit peragendi.*

Tum Gennadius Maſſilienſis lib. de Ecceſiaſticis dogmatibus cap. 19. *manet, inquit, ad querendam ſalutem arbitrii libertas, id eſt rationalis voluntas, ſed admonente prius Deo & invitante ad ſalutem, ut vel eligat, vel ſequatur, vel agat occaſione ſalutis, hoc eſt inſpiratione.* Et cap. 21. *ſic initium ſalutis, noſtra Deo miſerante & inſpirante*

habere nos credimus, ita arbitrium naturae nostrae divinae inspirationis sequax esse libere confitemur.

Quia & proferri potest in huiusce veritatis confirmationem Faustus Rejenfis, qui teste Gennadio lib. de viris illustribus docuit, gratiam Dei semper invitare, *præcedere, & adjuvare voluntatem nostram*. Ex quibus sic argumtor : Illi saltem admittebant gratiam versatilem ad initium fidei, qui fatentur Dei gratia præveniri voluntates hominum, neminem vel ad opus incipiendum sibi sufficere posse, & omnem denique inspirationem esse a Deo, Patres enim & Concilia nomine inspirationis intelligunt gratiam interiorē : atqui Semipelagiani saltem minores fatentur Dei gratia præveniri voluntates hominum, omnium cogitationum nostrarum Deum esse principium, &c. Igitur gratiam saltem versatilem admittebant pro initio fidei necessariam.

Dist. min. Semipelagiani fatentur Dei gratia præveniri voluntates hominum in ordine ad initium operis, C. ad initium fidei, N. est in hac controversia sedulo & diligenter observandum Semipelagianos initium boni operis distinxisse ab initio fidei, initium operis appellabant, v. gr. in conversione peccatoris, initium sanitatis quam actu recuperat homo qui per poenitentiam sanatur; initium vero fidei erat in eorum doctrina præliminare quoddam recuperandæ salutis desiderium, quædam remediū cupiditas, tum vero certa in medicum fiducia, ac denique fides ipsa quæ prima est gratia: idque constat:

1. Quia teste Hilario Epistola ad August. Num. 2. initium fidei, seu obtinendæ salutis desiderium proprie ad salutis opus non pertinere contendebant Semipelagiani. *Ceterum*, inquit, *ad nullum opus vel incipiendum, nedum perficiendum, quemquam sibi sufficere posse consentiunt; neque enim alicui operis curationis curam annumerandum pu-*

sant, exterrita & supplicii voluntate nunquamque agrotum velle sanari. Quod enim dicitur, crede & salvus eris, unum horum exigi asserunt, aliud offerri, ut propter id quod exigitur, si redditum fuerit, id quod offertur deinceps tribuatur.... nec negari gratiam, si præcedere dicatur talis voluntas, qua tantum medicum querat, non autem quidquam ipsa iam valeat. quæ verba nulla prorsus explicatione indigent.

2. Idipsum ex eo manifeste liquet quod sanctus Augustinus Semipelagianos volens confutare, id primo loco debellandum incipit, quod fidem negare esse donum Dei lib. de Præd. SS. cap. 2. *prins itaque, inquit, fidem qua Christiani sumus, donum Dei esse debemus ostendere*. Quapropter, cum ad opus bonum incipiendum gratiam Dei necessariam esse fatebantur Massilienses, id intelligebant non de initio fidei, sed de initio operis, quod jam præcesserat fides.

Atque id abunde confirmatur ex eo quod scribit S. Prosper Epistola ad August. 4. ipsos etiam Massilienses qui a Pelagianis non discedebant, episcemodī gratiam prævenientem admisisse. *Quidam vero horum, inquit, a Pelagianis seminis non declinant, ut cum ad constituendum eam Christi gratiam quæ omnia præveniat merita humana, cogamur, non si meritis redditur, frustra gratia nominetur, ad conditionem hanc velim unius cuiusque hominis pertinere, &c.* An vero dixerit Iansenius ejusmodi Semipelagianos, de quibus in præsentī controversia nullam haberi vult mentionem, admisisse gratiam prævenientem & ad initium operis & ad initium fidei. Hinc porro facile responderetur allatis Cassiani, Gennadii & Fausti testimoniis.

Et quidem Cassianus, ubi Collat. 7. inspirationes nostras a Deo esse constituitur, fucum facit; & inspirationis nomine solam intelligit doctrinam que

non.

nonnunquam ad salutis nostræ desiderium excitat; id manifestant exempla quæ ibidem adducit; videlicet exemplum Abraham, qui voce Domini accitus exiit de terra sua & de domo patris sui; tum vero exemplum S. Antonii, qui ingressus *Ecclesiam ibique audiens Evangelio Dominum prædicantem, qui non odit panem & matrem, &c. confestim renuncians cunctis, secutus est Christum*. Quibus adde quæ docet idem Cassianus in locis prope infinitis ac præsertim Collat. 13. cap. 8. ubi sic habet: *qui cum in nobis ortum quandam bonæ voluntatis inspexerit, illuminat eam confestim atque confortat & incitat ad salutem, incrementum tribuens ei, quam vel ipse plantavit, vel nostro consensu videri emersisse*. Quæ quidem egregie confutat S. Prosper in libro contra Collatorem. Catholica quidem sunt hæc Cassiani verba e capitulo tertio deprompta, quibus manifeste colligitur non solum actum, &c. sed illorum oblitus a se ipso perpetuo discessit, ut ibidem observat S. Prosper his verbis: *Cito ergo, inquit, hic disputator præmissæ definitionis oblitus est: cito a sententia sua instabilitate & levitate discessit*.

Ad Gennadium quod spectat. Respondedo librum illum de *Ecclesiasticis dogmatibus* a Gennadio, si tamen genuinum sit ejus opus, conscriptum fuisse, cum dudum ab hæresi Semipelagianorum resipuisset; unde hunc librum ab eo missum fuisse ad Gelasium summum Pontificem, ut integræ fidei suæ tesseram, non immerito creditur. Non est tamen ex omni parte absolvendus Gennadius, qui dum Cassianum Fau-
stumque Semipelagianos laudibus extollit lib. de viris illustribus, Prosperum aliunde deprimat.

De Fausto Rejenfi nihil necesse est plura congerere, quandoquidem eum nec ab ipso Pelagio dissentientem putat Jansenius; unde quod dixerit gra-

tiam Dei semper invitare & præcedere voluntatem nostram, id profecto intelligit de gratia externa doctrinæ; ut sùle probat Joannes Maxentius in responsione ad Epistolam Hormisdæ.

Instab. ideo creduntur Massilienses exclusisse necessitatem cujusconque gratiæ interioris ad initium fidei, quia initium fidei passim tribuunt voluntati, libero arbitrio, viribus naturalibus, &c. atqui ex ejusmodi locutionibus inferri non debet Semipelagianos excludere omnem gratiam; tametsi enim in doctrina S. Augustini homo in statu naturæ innocentis habuerit gratiam versatilem & libero subiectam arbitrio; tamen dicitur potuisse perseverare per se ipsum, per suas vires, per suum liberum arbitrium quod sane intelligitur sine exclusione gratiæ saltem versatilis, sed per exclusionem solum gratiæ efficaciæ & adjutorii quæ: igitur male creduntur Massilienses rejecisse gratiæ cujuscumque interioris necessitatem, eo quod ejusmodi locutiones usurpant.

Dist. maj. quia initium fidei tribuunt voluntati, libero arbitrio qualibet gratia destituito, C. præcisè ob illas locutiones, N. hæc porro majori explicatione non egent, abunde enim, ut puto, demonstratum est Semipelagianos nullam penitus admittere gratiam anteriorem ad initium fidei.

Utrum gratia sit necessaria ad cognoscendum omne verum.

NOtandum primo hic questionem esse de gratia actuali, non de habituali & sanctificante, quia certum est gratiam habitualem non esse necessariam ad cognoscendas veritates naturales, ut docet S. August. lib. 1. retract. cap. 4. ibi enim retractat quod prius dixerat lib. 1. Soliloquiorum cap. 2. Deum voluisse ut nonnisi mundi verum scirent, *respondere potest, inquit, multos non mundos multa scire vera.*

No-

Notandum secundo veritates, quæ ab homine cognoscuntur, duplicis esse generis, alie sunt naturales, alie vero supernaturales. Naturales dicuntur illæ quæ intra ordinem naturæ continentur & citra specialem revelationem cognosci possunt. Veritates supernaturales sunt illæ quæ omnem humani intellectus caput superant, qualia omnia nostra mysteria.

Deinde in veritatibus supernaturalibus aut potius in cognitione veritatum supernaturalium duo distingui possunt. 1. simplex apprehensio & cognitio propositionis, quæ est in intellectu. 2. Actus ille quo voluntas imperat intellectui ut credat veritati revelatæ, isque actus vel parum vel nihil distinguitur ab actu fidei, qui dubio procul supernaturalis est.

Observant insuper Theologi dupliciter sumi posse veritates cognoscendas, collectivè pro complexione omnium veritatum, & distributive pro quibusdam tantum veritatibus seorsim spectatis; quibus positis.

Certum est primo hominem posse sine speciali gratia cognoscere veritates supernaturales per simplicem apprehensionem, satis est enim si intelligantur termini propositionis, nulla est ibi piamorio voluntatis ad credendum, nullus fidei actus, sic enim v. g. per simplicem mentis apprehensionem Ethnici cognoscunt fidei nostræ mysteria, quæ tamen per iudicium subsequens rejiciunt.

Certum est 2. non posse hominem sine gratia & speciali revelatione veritates supernaturales certo cognoscere & credere, uti mox ostensuri sumus, fides enim est singulare Dei donum: *nemo novit filium, inquit Christus Mat. 11. c. nisi Pater; neque Patrem quis novit nisi filius, & cui volueris filius revelare.* Ratio vero est, quia non potest intellectus, nisi sit speciali auxilio adjuvatus, ea certo cognoscere quæ sunt supra ejus

captum posita: tales sunt autem veritates omnes supernaturales. Reilat igitur difficultas de veritatibus naturalibus.

CONCLUSIO

Intellectus humanus potest sine ullo divinæ gratiæ adjutorio, modo ad hanc generalis concursus, cognoscere omnes veritates naturales.

Hoc aperte insinuat S. Paulus ad Romanos cap. 1. his verbis, *invisibilia Dei per ea quæ facta sunt, intellecta conspiciuntur, sempiterna quoque ejus virtus & divinitas, ita ut sint inexcusabiles, quia cum cognovissent Deum, non sicut Deum glorificaverunt.* Ubi supponit Apostolus per solas naturæ vires & ex cognitione naturali creaturarum Deum ipsum ejusque existentiam & alia bene multa attributa cognosci posse, consentaneæ ad illa Sapientiæ verba cap. 13. *a magnitudine speciei & creatura cognoscibiliter poterit creator horum videri.* Igitur a fortiori alie veritates naturales sine speciali gratia cognosci possunt.

Et ratio est, quia cum gratia ad hoc videatur necessaria, ut naturæ imbecillitas suppleatur, potest intellectus noster eas veritates attingere, quæ ipsius capacitati & naturæ sunt accommodatæ; atqui veritates naturales capacitati nostri intellectus sunt maxime accommodatæ & proportionatæ, ut docet experientia; nullum est enim disciplinarum & scientiarum genus, tum in genere artis, tum in genere moris, quod solo studio & ingenii applicatione sine gratiæ Dei beneficio non comparaverint Philosophi Gentiles: ergo sine gratia Dei cognosci possunt veritates naturales.

Neque est quod objiciantur nonnulla tum ex Scripturis tum ex Conciliis, quæ indicare videntur omnem vel minimam hominis cognitionem esse a Deo, qualia sunt ista quæ leguntur 2. ad Corint. 3. cap. *non quod simus sapientes cogitare aliquid ex nobis quæ ex*

nobis, sed sufficientia nostra ex Deo est. Ejusmodi enim loca intelligi debent de veritatibus supernaturalis ordinis, vel saltem de cognitione veritatum naturalium, prout conjuncta est cum affectu virtutis moralis, & ad salutem aut bonam vitam ordinatur; quo posito cum ejusmodi cognitio ratione motivi evaderet supernaturalis, gratia foret ad eam necessaria.

Ceterum etsi fateamur non posse hominem sine speciali auxilio veritates omnes naturales collectivè sumptas cognoscere, quia nonnisi per innumera experimenta & per longissimum tempus, propter rerum multitudinem ejusmodi cognitio obtineri potest; nihilominus tamen affirmare liceat veritates omnes naturales sine Dei gratia cognosci posse, quia per accidens tantum tunc esset impotentia in intellectu, & verissimum est illa objecta non excedere latitudinem facultatis intellectivæ, ac proinde gratiam non esse necessariam ad cognoscendas veritates mere naturales.

*An fides ad salutem necessaria,
sit Gratia Dei.*

Cum cognitio veritatum supernaturalium, non qualiscunque sed certa; non mere speculativa & apprehensiva sed cum assensu conjuncta, idem plane sit ac fides; quaeritur hic utrum fides ad salutem necessaria haberi possit sine gratiæ auxilio, vel e contra gratia sit proprie dicta. Rem habemus cum Pelagianis fidem negantibus esse gratiam proprie dictam, mox fusius disputaturi cum Semipelagianis qui putabant solum fidei incrementum, non autem ejus initium esse gratiam Dei.

CONCLUSIO.

Fides ad salutem necessaria, est gratia proprie dicta.

Probatur. 1. ex Scripturis. Math.

cap. 16. cum S. Petrus fidem suam in Christi divinitatem solemniter fuisset professus his verbis, *Tu es Christus filius Dei vivi*, statim pronuntiavit Christus, *Beatus es Simon Barjona, quia caro & sanguis non revelavit tibi, sed Pater meus qui in calis est.* Joan. 6. Christus ait: *hoc est opus Dei, ut credatis in eum quem misit ille ... nemo potest venire ad me, nisi Pater qui misit me traxerit eum ... omnis qui audit a Patre & didicit, venit ad me.* Cap. 12. propterea non poterant credere, quia iterum dixit Iſaias: *Excæcavit oculos eorum & induravit cor eorum &c.* Primè ad Corint. 4. cap. Quid habes, inquit Apostolus, quod non accepisti? Quid gloriaris quasi non acceperis? Cap. 7. misericordia consecutus sum a Domino ut sim fidelis. Et secundæ Epist. c. 3. non quod, inquit, sufficientes simus cogitare aliquid a nobis, quasi ex nobis, sed sufficientia nostra ex Deo est. Tum ad Ephel. cap. 2. gratia salvati estis per fidem & hoc non ex vobis, Dei enim donum est. Quæ quidem Scripturæ loca urgeri merito possunt adversus Pelagianos, si enim fides est donum Dei, si non possumus quicquam cogitare a nobis, si per gratiam Dei sumus fideles; profecto fides ad salutem necessaria, Dei est gratia.

Probatur 2. ex SS. Patribus; nonnullos citat S. August. lib. de Dono Persev. cap. 19. scilicet S. Cyprianum qui lib. 3. ad Quirinum cap. 4. ait, *in nullo gloriamur, quando nostrum nihil sit.* S. Ambros. qui in expositione præmii super illa Lucæ verba *visum est & mihi*, sic disserit: *& ideo qui Christum sequitur, potest interrogatus cur esse voluerit Christianus respondere, visum est & mihi.* Quod cum dicit, non negat Deo visum, a Deo enim preparatur voluntas hominum, ut enim Deus honorificetur a sancto, Dei gratia est. Tum demum S. Gregor. Nazianz. qui orat. 44. in Pentecostem hæc scribit, *unius Dei-*
satis

tatis quas vos confitemini Trinitatem, si vero aliter vultis, dicitis unus esse natura, & Deus vocem dari vobis a sancto Spiritu deprecabitur; dari enim certus sum, qui dedit quod primum est; dabit & quod secundum est. Hoc est, inquit ibi Augustinus, qui dedit credere, dabit & confiteri. Isti tales tantique Doctores dicentes non esse aliquid de quo tanquam de nostro, quod nobis Deus non dederis, gloriemur; nec ipsum cor nostrum & cogitationes nostras in potestate nostra esse, & totum dantes Deo, atque ab ipso nos accipere confitemur, ut permansuri convertamur ad eum ... hac utique gratia Dei tribuunt, Dei munera agnoscunt, ab ipso nobis non a nobis esse testantur. Et similiter S. Hieronymus commentario in hæc verba Epistolæ ad Ephesios cap. 2. gratia enim salvi estis per fidem & hoc non ex vobis, hæc scribit: hoc autem ideo ne forsitan nobis cogitatio occulta subreperet, si per opera nostra salvati non sumus. Certe vel per fidem salvati sumus, & alio genere nostrum est, quod salvamur. Addit itaque & dixit fidem quoque ipsam non nostra voluntatis esse, sed Dei muneris.

S. Fulgentius lib. de Incarn. & gratia cap. 18. si vero, inquit, secundum illorum opinionem nostrum est velle credere, priusquam nos Dei gratia incipiat adjuvare; injuste gratia dicitur, quia non gratis datur homini, sed bona retribuitur voluntati ... si ergo fidem Paulo gratia non dedit, nec caritatem ei dedisse credenda est: ergo, quod absit, mentitus est Paulus qui ait, quia charitas Dei diffusa est in cordibus nostris per Spiritum Sanctum qui datus est nobis ... ob hoc ipse qui ut fidelis esset, fatetur se misericordiam consecutum, salubriter nos instruit, dicens. Igitur non volentis neque currentis, sed misericentis est Dei. Quia revera & ut velimus, misericordia prævenientis illuminamur dono, & ut curramus, misericordia subsequenti fulcimur auxilio. Quod idem docent unanimi

consensu alii Patres nullo excepto, S. Prosper libro contra Collatorem c. 36. Autor operis de vocat. gentium lib. 1. cap. 8. Petrus Diaconus de Incarn. & gratia c. 6. 7. & 8. S. Leo Epist. ad Nicetam Aquilejensem, S. Gregor. M. libro Moral. 33. cap. 20. S. Bernardus sermone 23. in Cant. ad illa verba, trahere me post te, & alii passim.

Probat 3. ex definitionibus Conciliorum. Ea jam adducta sunt, quæ iterum repetere hic necesse est, in quibus eo nomine proscripta fuit Pelagianorum doctrina, quod negarent fidem esse donum Dei & gratiam proprie dictam. Ita scilicet Concilium Diospolitianum, in quo examinati sunt duodecim articuli quos propugnabat Pelagius, horum septimus erat iste, gratia Dei atque adiutorium non ad singulos actus datur, sed de libero est arbitrio, vel in lege atque doctrina. Qui quidem articulus fuit damnatus. Ita etiam anno sequenti, scilicet anno 416. Concilium Milevitanum secundum & alia tunc temporis. Unde etiam Concil. Trident. sess. 6. can. 3. sic decernit, si quis dixerit sine præveniente Dei gratia atque adiutorio hominem credere, sperare, diligere, aut pariter posse, sicut oportet, ut ei justificationis gratia conferatur, anathema sit.

Quibus accedunt nonnullæ rationes quas passim congerit Augustinus. contra Pelagianos & Massilienses. Prima petitur ex orationibus Ecclesiæ, quibus postulatur a Deo fides, incrementum fidei & conversio infidelium; at oratio est certissimum infirmitatis & indigentiae argumentum, ita S. August. Epist. 217. Secunda ratio petitur ex eo quod fides in Scripturis promittitur, aliis datur ex misericordia, aliis denegatur ex Dei iudicio; atqui hoc ipso gratia est proprie dicta, donum proprie dictum: est hoc S. August. ubi argumentum, lib. de Prædest. SS. cap. 6. & 8. tum Epist. mox citata 217. ad Vitalem. Tertia ratio

ratio est, quia vel fides est gratia, vel nulla datur gratia proprie dicta; id enim unde incipiunt omnia bona merita, vel gratia est, vel quod datur propter illius meritum, gratia non est, quo plane modo argumentatur S. Aug. Epist. ad Sixtum & lib. de Prædest. SS. cap. 2. Quarta denique ratio est, quia si fides quæ initium est salutis, non est gratia, nulla ratio convincit totam salutem esse homini tribuendam, ut eegregie disserit lib. de Prædestin. SS. cap. 2.

Obijcie: cum dicitur, si credideris salvus eris, unum exigitur, scilicet fides, alterum offertur, nempe salus æterna: atqui quod exigitur ab homine debet esse in ejus potestate; si autem in potestate hominis sit, gratia non est: ergo fides non est gratia. Id argumenti fuit etiam Semipelagianorum, ut constat ex Epist. Hilari ad S. August.

Dist. min. debet esse in ejus potestate cum gratia, C. sine gratia, N. sic respondet S. August. lib. de Prædest. SS. cap. 11. *Sicut ergo, inquit, quamvis Dei donum sit facta carnis mortificare, exigitur tamen a nobis proposito premio vite: ita donum Dei est fides, quamvis & ipsa, cum dicitur, Si credideris, salvus eris, proposito premio salutis exigitur a nobis. Ideo cum hac & nobis præcipiuntur & dona Dei esse monstrantur, ut intelligatur quod & nos ea facimus, & Deus facit ut illa faciamus, sicut per Prophetam Ezechielem apertissime dicit, Ego faciam ut faciatis. Et lib. de Dono persever. cap. 20. quid vero, inquit, primitus & maxime nobis Deus jubet, nisi ut credamus in eum? Et hoc ergo ipse dat, si bene illi dictum est, Da quod jubes.*

Atque similiter explicantur innumera alia Scripturæ loca, in quibus habetur in potestate hominis esse, querere, potere, velle; incipere suæ salutis opus. Prov. 16. cap. *hominis est præparare cor, Mat. 1. Si volueritis & audieritis me, bona terra comedetis. Luc. 1. Petite &*

dabitur vobis, querite & invenietis, pulsate & aperietur vobis. Ad Rom. c. 7. velle adjacet mihi. In his enim & similibus locis. præmia proponuntur volenti, petenti, querenti; sed ita ut velit, petat, & querat per gratiam, quod quidem aperte indicant alia Scripturæ testimonia, in quibus dicitur non esse volentis neque currentis sed miserentis Dei. Ad Rom. 8. cap. Deus est qui operatur in vobis & velle & perficere pro bona voluntate. Ad Philipp. cap. 2. non sumus sufficientes cogitare aliquid ex nobis quasi ex nobis. Consuli potest S. August. lib. 2. ad Bonifacium cap. 9. hanc vero objectionem & alias similes mox fusius examinabimus, cum de initio fidei. Scilicet cum hic capitalia sit error Semipelagianorum, ut supra ostendimus, initium fidei, si non ipsam fidem esse a nobis nulla gratia præveniente excitatis aut adjutis, hanc idecirco questionem dogmaticam huic non parum affinem fusius tractandam aggredimur.

Utrum initium fidei sit a nobis sine gratia ..

MULTIS modis, qui ad unum eundemque redeunt, proponitur ista questio; queritur nempe utrum initium fidei sit a nobis sine gratia operantibus; utrum a fide supernaturali sumatur initium salutis; utrum primus fidei etiam inchoatus actus fiat ab homine nulla gratia adjuto, utrum denique ex solis viribus liberi arbitrii sine ullo gratiæ supernaturalis auxilio fieri possit aliquid bonum opus, aliqua voluntas, aliqua cogitatio quæ sit principium gratiæ, per quam cognitionem homo vel mereatur gratiam & fidem quæ prima gratia est, vel saltem ad illam obtinendam disponatur.

Ut iterum repetam, fuit ille principalis Massiliensium seu Semipelagianorum error, gratiam non esse necessariam ad

initium boni operis, sed requiri solum gratiam Christi ad bonum opus perficiendum, per solas naturæ & liberi arbitrii vires elici saltem posse desiderium salutis; bonam cogitationem, immo justificationis petitionem esse a nobis sine ullo gratiæ adiutorio.

Ab isto errore non multum recessisse S. Chrysostomum & nonnullos alios Patres Græcos, quidam affirmarunt hac postrema ætate, sed ejusmodi suspensionem merito ab illis Scriptoris propulsari posse nullo negotio mox ostendimus.

CONCLUSIO.

Initium fidei seu boni operis non est a nobis sine gratiæ auxilii operantibus.

Probat 1. ex Scripturis, ubi innumera primum reperiuntur testimonia quæ generaliter declarant gratiam divinam ad quodcumque bonum opus supernaturale esse necessariam, qualia sunt illa, Joannis 15. *sine me nihil potestis facere.* 1. ad Corint. 4. cap. *quid habes quod non accepisti, quid gloriaris quasi non acceperis?* Et c. 15. ejusdem Epist. *gratia Dei sum id quod sum.* Ad Rom. cap. 11. *reliquia secundum electionem gratia salva facta sunt, si autem gratia jam non ex operibus, alioquin gratia jam non est gratia.* Ad Titum cap. 3. *non ex operibus iustitiæ qua fecit nos, sed secundum suam misericordiam salvos nos fecit.* Ephes. 1. cap. *qui operatus est omnia secundum consilium voluntatis suæ,* 1. ad Corint. 12. *divisiones gratiarum sunt, idem autem spiritus; & divisiones ministrarum sunt, idem autem Dominus; & divisiones operationum sunt, idem vero Deus, qui operatur omnia in omnibus.*

Ex his autem & aliis similibus aperte conficitur initium fidei seu justificationis esse a Deo per gratiam; si enim sine Deo, sine gratia Christi nihil possumus facere, si gratia non datur ex operibus;

inde manifeste sequitur primam cuiusque boni operis partem esse a nobis per gratiam Dei excitatis, & gratiam illam non cadere sub meritum, *gratia non ex operibus.*

Verum extant etiam quam multa in iisdem Scripturis loca quæ nominatim declarant ipsum fidei & boni operis initium esse a gratia & per gratiam.

1. Enim legitur gratiam Dei, ejusque misericordiam esse prævenientem. Pl. 38. *misericordia ejus præveniet me.* Plal. 78. *cito anticipet nos misericordiae suæ.* Sapientiae 6. *præoccupat qui se concupiscunt, ut se prior illis ascendant.* Scilicet utæquam concupiscant, aliter non præoccuparet. Unde Apost. ad Rom. 11. c. ait, *quis prior dedit illi & retribuetur ei?* Ex quibus locis inferunt SS. Patres Dei gratiam esse primam nostræ justificationis causam; si enim Dei misericordia supponeret operis cuiusdam initium, ex parte nostri ei Deus miseretur, qui vellet vel saltem cogitare bonum facere, quod Apostulo adversatur dicens ad Rom. cap. 9. *cujus vult miseretur, & quem vult indurat.* Consentaneæ ad illa Exodi verba, *misereror & miserabor, & misericordiam præstabo, cui miserebor.*

2. Legitur in Scripturis electionem non fieri a Deo ex nostris meritis, sed immo causam esse nostrorum meritum. Jo. 15. *non vos me elegistis, sed ego elegeri vos.* ad Rom. cap. 9. *non ex operibus sed ex vocante dictum est ei &c.* 1. Jo. c. 4. *in hoc est charitas, non quasi nos dilexerimus Deum, sed quoniam ipse prior dilexit nos.* 2. ad Timoth. 1. *qui vocavit nos vocatione sua sancta non secundum opera nostra, sed secundum propositum suum & gratiam quæ data est nobis in Christo Jesu ante tempora æterna.* Sed electio divina est primus justificationis gradus; non enim Deus elegit nos quia eramus sancti, sed ut essemus sancti, uti post Apostolum ratiocinatur S. Aug. 1. de Præd. SS. c. 194. 3. Ini-

3. Initium justificationis fit per mentis illuminationem, per illustrationem intellectus: sed intellectus illustratio est divine gratie opus: Jerem. 31. *dabo legem meam in visceribus eorum, & in corde eorum scribam eam.* 2. Corinth. 4. *Deus qui dixit de tenebris lucem splendescere, ipse illuxit in cordibus nostris ad illuminationem scientia clarioris Dei in facie Christi Jesu.* Ephes. 1. *Deus det vobis spiritum sapientia & revelationis, in agnitionem ejus illuminatis oculos cordis vestri.* Sexcenta sunt ejusmodi loca in sacris litteris.

4. Principium cujusque boni operis quod ad salutem attineat, est bona cogitatio; sed ne cogitare quidem hos posse a nobis declarat Apostolus. 2. Cor. 3. cap. *non quod, inquit, sufficientes sumus cogitare aliquid a nobis quasi ex nobis, sed sufficientia nostra ex Deo est, qui & idoneus nos facit ministros novi testamenti.* Qualem locum de cogitatione sancta in ordine ad salutem intelligendum esse patet ex postremis verbis:

Sunt denique & alia pene innumera loca in iisdem Sacris Scripturis quae expresse declarant omnia & singula quae ad initium justificationis concurrunt, Dei gratiae non meritis nostris ascribenda; ejusmodi sunt, praeter ea quae mox adduximus, bona desideria, vitae immutatio, poenitentia, conversio ad Deum, peccati odium & detestatio, timor salutis judiciorum Dei, oratio denique per quam videntur primum homines ad Deum accedere & salutem impetrare; in immensum cresceret ista dissertatio si haec omnia Scripturae testimonia refererem.

Probatur 2. ex SS. Patribus qui hanc procul dubio sententiam tradere censent, cum expressissimis verbis scribunt per gratiam nos salvos fieri, gratiam non dari meritis & operibus, gratiam ad omne bonum opus esse necessariam; si enim initium boni operis & justificationis esset ab homine, gratia esset

solummodo necessaria ad perficiendum & consummandum justificationis nostrae opus, ut aiebant Semipelagiani, non ad illum incipiendum, adeoque gratia non esset necessaria ad desiderium salutis, ad quaerendum medicum, ad orandum; & alia id genus quae initium fidei hae in questione reputantur.

S. Justinus dialogo cum Tryphone explicans illud Psalm. 21. *Deus meus es tu, ne discesseris a me, sic habet: nam si videmus filium Dei, nec viribus suis nec sapientia ferre acceptam salutem, cum tamen sit innocentissimus, nec putare se posse sine Deo salvum evadere; qui fieri potest, ut quicunque sine hac spe salutem expectant, non seipsos decipiant?*

S. Clemens Alexandr. scribit orat. parænetica ad gentes, homines incredulos a Deo excitari & admoneri, quæ ambo sunt effectus gratiae prævenientis, quidam aliud, inquit, restat incredulit quam judicium & condemnatio? non negligit autem Dominus fundens, terrens, adhortans, excitans, admonens. A somno quidem excitat, & ab ipsis tenebris eos qui aberraverunt, facit surgere. Exergiscere, inquit, qui dormis, & exurge a mortuis, & illuminabit te Christus Dominus sol resurrectionis. Item lib. 3. Stromatum ejusdem gratiae prævenientis necessitatem agnoscit, cum sic loquitur: oportet quoque mentem habere sanam, & quæ nulla retardetur poenitentia a boni veneratione, ad quod quidem maxime divina opus habemus gratia relinquere doctrina, & munda animi affectione, & Patriis ad ipsam attractione.

Quin & proferimus auctoritatem Origenis, quanquam in negotio prædestinationis turpissime erraverit, is tamen ea omnia opera contendit inutilia quæ sunt sine ope divine gratiae, Commentar. in Epistol. ad Rom. in ista verba, si autem gratia jam non ex operibus, sic habet: *Sciendum est quia opera quæ Paulus repudiat non sunt iustitia quæ manantur in lege, sed ea in quibus hi qui*

secundum carnem legem custodiunt, gloriantur, id est vel circumcisio carnis vel sacrificiorum ritus, vel observatio sabbatorum & neomeniarum. Hac & huiusmodi sunt opera, ex quibus dicit neminem potuisse salvari, & de quibus in ipso loco dicit, quia non ex operibus, alioquin gratia jam non est gratia. Si enim per hac quis iustificatur, non gratis iustificatur... non facit ergo inanem gratiam ille qui digna ei opera subiungit, & gratia Dei non existit ingratis: qui enim post acceptam gratiam peccat, ingratus fit ei qui praeiit gratiam. Si autem non inanem feceris gratiam, multiplicabitur tibi gratia, & tanquam mercedem boni operis gratiarum multitudinem consequeris. Ibi supponit Origenes dari a Deo gratiam praevenientem cujus beneficio fiunt bona opera utilia.

S. Cyrillus Ierosolymitanus cateches. 16. de gratia Dei sic loquitur, alius temperantiam corroboret, alium instituit ad elemosynam, alium docet jejunare, & exerceri ad pietatem & res corporeas contemnere, alium praeipat ad martyrium. Tum aliis plurimis effectibus recensitis concludit cum Apostolo, hac autem omnia operatur unus atque idem Spiritus dividens singulis prout vult. Dixerat cateches. 1. Dei est plantare & rigare, tuum vero fructum facere. Dei est gratiam dare, tuum accipere. Ne spernas gratiam quia gratis datur.

Idem dogma tradit S. Basiliius homil. 21. de humilitate his verbis: Nihil tibi valitum est, o homo, de quo gloriari possis, cuius gloriose & spes in eo sita est, ut omnia tua mortifices, & futuram in Christo vitam quaeas, cuius primitias habentes in his nunc sumus per universam in gratia ac dono Dei viventes. Et Deus est qui operatur in nobis & velle & perficere pro bona voluntate. Deus item est qui sapientiam suam praeferunt ad nostram gloriam per Spiritum suum revelat. Deus est qui in laboribus dat virtutem. Abundantius om-

nibus, inquit Paulus, laboravi, non autem ego, sed gratia Dei quae mecum est. Ubi S. Basiliius ad mentem Apostoli omnia bona opera vel etiam bonam voluntatem, bona desideria divinae gratiae ascribit.

Similia prorsus scribunt Gregorius Nazianzenus & Nissenus, ille quidem orat. 32. sic pronunciat; quod ipsum etiam velle velle divinae auxilio indigeat, imo ut rectius loquar, voluntas quoque ipsa & electio eorum quae recta & cum officio conjuncta sunt, divinum quoddam beneficium est, atque a Dei benignitate manans. Idcirco ait, non volentis, id est non solum volentis, neque currentis solum, sed miserentis Dei. Ita quoniam velle quoque ipsum a Deo est, optimo jure totum Deo assignavit. Quibus verbi nihil expressius desiderari potest ad revincendam Semipelagianorum doctrinam.

Idem vero Nissenus libi: de differentia essentiae & hypostaseos paulo post initium, quodcumque, inquit, ad nos a divina potentia atque virtute bonum praevenit, hac omnia efficiunt gratia actionem & opus esse dicimus; ut inquit Apostolus, haec omnia operatur unus & idem Spiritus, distribuens singulatim unicuique prout vult. Si inquiramus autem an a solo sancto Spiritu bonorum ministratio acceptio initio ista perveniat ad eos qui digni sunt iis bonis. Rursus a Scriptura deducitur ad id ut ministratio bonorum quae per Spiritum nobis suppeditantur, principem, autorem & causam unigenitum Deum esse credamus.

S. Chrysostomum ab aliis Patribus Graecis non discessisse ostendemus postea in solutione objectionum.

Nunc proferimus quoddam testimonium Patrum Latinoorum qui in idem plane dogma vel etiam ante S. Augustini tempora unanimiter consenserunt: de Cypriano sic loquitur Augustinus lib. 1. de Praedest. SS. c. 3. ubi hanc nostram ex-

lam tueretur adversus Massilienses : Non sic pius & humilis Doctor ille sapiebat Cyprianus qui dixit in nullo glorandum esse, quando nostrum nihil sit, quo precipue testimonio convictus sum, cum similiter errare putans fidem non esse donum Dei.

Optatus Milevitanus lib. 2. contra Patmenian. explicans illud 1. Joan. 2. si dixerimus quia peccatum non habemus, sic habet : est enim Christiani hominis quod bonum est velle, & in Deo quod bene volueris, currere ; sed homini non est datum perficere.

S. Hilarius in Psal. 118. ad illum verum, inclina cor meum Deus, &c. Gratia prævenientis necessitatem aperte docet : omnia, inquit, Propheta ad munus Dei retulit, sive ut sibi intelligentia præstetur sive ut deducatur in semita, sive ut cor ejus in testimonia inclinetur. Et ad istum versiculum, veniat super me misericordia tua Domine, ait, salus nostra ex misericordia Dei est, & bonitatis sua hoc munus est, & inde caput oratio, unde & salus inchoat deprecantis. Et verum hunc explicans, ne auferas de ore meo verbum veritatis, addit, prius Propheta concedi sibi oras quam se id mereri, ut obtineat, ostendat, omnia vult a bonitate Dei in se inchoari. In mente Hilarii intelligentia sunt cognitio legis & oratio deprecantis fuit divinæ gratiæ munera, nemo autem non videt ea esse justificationis & boni cujuscunque operis initium.

Item S. Ambrosius eandem doctrinam proficitur non uno in loco, ita v. g. lib. 2. de Abraham cap. 10. Conclusit Deus omnia in incredulitate ut omnibus misereatur, ut non volentis neque currentis sed miserentis Dei esset gratia, ne te ipsum iustificares, sed omnia tribuites Deo qui te vocavit. Nemo enim pigrescat & excusationem prætextat quo serius credat, quia scriptum est, non volentis neque currentis esse, consideres enim quid additum sit, sed miserentis inquit

Dei. Unde S. Augustinus cum adversus Massilienses ostendere voluit gratiæ prævenientis necessitatem, multa Sancti Ambrosii testimonia protulit, ut v. g. lib. de bono perseverant. cap. 8. 19. & 23.

Et S. Hieronymus Dialogo 3. adversus Pelagianos sic habet, ubi autem misericordia & gratia est, liberum ex parte cessat arbitrium, quod in eo tantum est, ut velimus atque cupiamus & placitis tribuamus assensum. Intelligit Hieronymus ex parte cessare liberum nostrum arbitrium quantum ad gratiam prævenientem, quia ejusmodi gratia non pendet a libero arbitrio, in nostra potestate non est illam habere vel non habere, sed solummodo ei præbere assensum, quæ quidem sententia & ratio loquendi maxime Catholica est. Simillimum est quod scribit sanctus Doctor in cap. 5. Galat. super hæc verba, persuasio nostra non est ex eo qui vocavit vos, ubi sic ait : Dei est vocare, hominum vero credere vel non credere.

Jam vero inutile omnino est, ut puto, in ejusdem dogmatis confirmationem S. Augustini verba proferre, quasi de ipsius hac in parte sententia & mente quidquam dubitetur : ut sciunt enim omnes, in hoc suum omnem in fine vitæ collocavit laborem, ut Massilienses Pelagianorum reliquias ex eo erroris confunderet, quod initium fidei & boni operis non divinæ gratiæ sed propriis liberi arbitrii viribus ascribebant. Scilicet hac de re monitus ab Hilario & Prospero, antiquissimam super ea re Ecclesiæ doctrinam acerrime propugnare libris integris de dono perseverantiæ & de prædestinatione sanctorum, ubi singularem huic doctrinæ lucem attulit, ostendens quodcumque boni supernaturalis initium esse a Deo per gratiam excitantem & prævenientem, gratiam inquam quæ nulla præparatione mere naturali, nullo conatu, nullis liberi arbitrii viribus obtinetur, sed ex

mera

mera Dei benevolentia, mero beneplacito impertitur.

Hanc S. Augustini doctrinam catholicam ultro & libentissime susceperunt Prosper & Hilarius qui ad ipsum scripserant, tum vero S. Fulgentius lib. de Incarnat. & gratia a cap. 16. ad finem usque. Petrus Diaconus de Incarnat. & grat. a cap. 6. S. Cælestinus Epist. 1. ad Episcopos Gallie. S. Leo M. in Epistola decretali ad Nicetam Aquileiensem Episcopum. S. Greg. M. lib. 16. moral. cap. 10. lib. 17. cap. 9. lib. 24. cap. 6. Item S. Bernardus serm. 67. in cantica & in libro de gratia & libero arbitrio versus finem, quibus postea unanimiter confenserunt omnes ac singuli Theologi.

Probatur 3. ex Conciliis.

Res definita est ex professo in Concilio Arausicano II. adversus Semipelagianos habito, ibi enim hæc leguntur can. 5. *Si quis sicut augmentum ita etiam initium fidei ipsum credulitatis affectum, quo in eum credimus qui justificat ipsum, & ad regenerationem baptismatis pervenimus, non per gratia donum, id est per inspirationem Spiritus sancti corrigenstem voluntatem nostram ab infidelitate ad fidem, ab impietate ad pietatem, naturaliter nobis inesse dicitur, &c.* Can. 6. *Si quis sine gratia Dei credentibus, volentibus, desiderantibus, conantibus, laborantibus, vigilantibus, studentibus, potentibus, querentibus, pulsantibus nobis misericordiam dicit conferri; non autem ut credamus, velimus, vel hæc omnia, sicut oportet, agere valeamus per infusionem & inspirationem Spiritus sancti in nobis fieri confitetur, aut humilitati, aut obedientie humane subjungit gratia adiutorium, &c.* Et demum can. 25. *Hoc etiam salubriter profitemur & credimus quod in omni opere bono non nos incipimus, & postea per Dei misericordiam adjuvamus, sed ipse nobis, nullis precedentibus bonis meritis, & fidem & amorem sui prius inspirat.*

Idem definit Moguntina Synodus a. 1549. cap. 7. his verbis declarans, *justificationis initium ex Domini gratia provenire, qua ante omne meritum, dum adhuc inimici & peccatores sumus, excitati & adjuti, & ejusdem gratia sic excitanti & adjuvanti consentientes & cooperantes ad justificationem disponuntur.*

Et similiter Tridentinum Concilium sess. 6. cap. 5. definit, *ipsius justificationis exordium in adultis a Deo per Christum Jesum præveniente gratia sumendum esse, hoc est, ab ejus vocatione, qua nullis eorum existentibus meritis vocantur.* Legi etiam potest canon tertius ejusdem sessionis.

Probatur 4. nonnullis rationibus Theologicis.

Prima est, quia fides est primum Christianæ religionis fundamentum; prima ad salutem comparandam via, quod primum enim occurrit in negotio salutis, est Deum, Christum, legem, & mysteria cognoscere, quod utique non fit, ut oportet, nisi per fidem: atqui si quædam bona moraliter opera fieri possent sine gratia, opera inquam ad salutem utilia, quorum ope obtineri posset gratia; jam fides non esset primum ad salutem comparandam gradus, ejusmodi enim operibus & gratia & fides nitrentur, propter illa gratiam suam largiretur Deus: igitur quæcumque opera facta sine Christi fide nullum præbent justificationis initium.

Secunda est, quia nulla actio censeripotest justificationis initium, nisi secundum entitatem sit supernaturalis est; ejusmodi enim actio debet habere vim disponendi, impetrandi, merendi, aut aliquo tandem modo obtinendi gratiamque entitative supernaturalis est, sed opera moraliter bonæ per solas naturæ vires elicitæ sine ullo gratiæ prævenientis auxilio, non sunt secundum entitatem supernaturalia, ut supponitur enim sunt per solas naturæ vires: igitur

que haberi non possunt initium justificationis.

Tertia est, quia nulla est ratio cur initium fidei, hoc est, opera que respiciuntur tanquam boni operis & justificationis initium, qualia sunt v.g. desiderium salutis, voluntas credendi, dolor & poenitentia de peccatis commissis, & alia id genus, ab homine potius elici possint sine ullo gratie auxilio, quam ipsum boni operis complementum, Deus enim dat velle & perficere, utrumque ex æquo pars est justificationis, operis justificantis, non minus unum vires nature superat quam aliud: igitur totum opus meritorium & ideo initium pendet a gratia Dei.

Solvuntur objectiones ex Scripturis posite.

Objicies 1. docent passim Scripturæ Deum nostris operibus præveniri, Deumque suam conferre gratiam volentibus, constantibus, præparantibus se. Psal. 87. *mane oratio mea præveniet te*. Proverbiorum 16. *hominis est præparare animam*. 1. Regum 8. *præparate corda vestra Domino, & liberabit vos*. Zachariae 1. *convertimini ad me & ego convertar ad vos*. 1. Paralipomenon c. 28. *si quaesieris eum, invenies: si autem dereliqueris eum, deiciet te in æternum*. Igitur initium saltem justificationis est a nobis sine gratia operantibus.

Respondeo ex his & similibus Scripturarum locis, que certe numero infinita sunt, sollemniter colligi penes hominem esse præparare se ad gratiam, obtinere & meriti gratiam, subsequentem scilicet, per actus recensitos in his Scripturæ testimoniis, per poenitentiam, per conversionem, per orationes, per caritas, sed ita ut illi ipsi actus fiant per gratiam prævenientem; hæc quippe Scripturarum loca aliter conciliari non possunt cum aliis supra adductis in probationem nostræ sententiæ, que quidem

expresse declarant Deum operari omnia in omnibus, sine Deo nihil nos posse facere, Deum dare velle & perficere, verum que facile conciliantur, si dicatur hominem gratia præveniente excitatum quosdam formare conatus, quosdam desideria, quosdam conversiones, per quas mereatur & obtinet alias subsequentes gratias.

Objicies, Joan. cap. 1. hoc legitur, *quotquot receperunt eum, dedit eis potestatem filios Dei fieri*. Ubi gratia illa, qua filii Dei fiant, eis datur qui Christum receperunt.

Dist. qui Christum receperunt per fidem; C. per solum liberum arbitrium, N. solutio clare intelligitur ex verbis immediate sequentibus, *eis qui credunt in nomine ejus*, fides autem in Christum est gratia.

Objicies: Matth. 25. legitur parabola, que docet data fuisse *uni quinquæ talenta, alii autem duo, alii autem unum, unicuique secundum propriam virtutem*. Igitur suam dat Deus gratiam unicuique secundum naturalem facultatem.

Respondeo non multum esse roboris in ejusmodi parabolis, cum agitur de stabiliendo aliquo dogmate, non constat enim quis sit earum sensus. Sic in allata parabola certum non est per talenta intelligi debere gratiam actualem, de qua nunc questio est, eam interpretatur Bellarminus lib. 2. de gratia c. 3. de gratia gratis datis quas Deus unicuique distribuit secundum proprias facultates. Vel dicendum est talentum in illa parabola singulis distribuendum, esse gratiam subsequentem quam Deus diversimodum pro diversa cooperatione primæ gratiæ impertit, ut respondet S. Thomas 2. 2. quæst. 24. art. 3. ad 1.

Objicies: 3. Regum cap. 8. Deus ait Davidi, *quod cogitasti in corde tuo adificare domum nomini meo, bene fecisti, hoc ipsum mente pertractans. Verumtamen non tu adificabis domum nomini meo*. Un-

Unde colligitur, inquit Cassianus collat. 13. c. 22. Deo gratam fuisse illam Davidis voluntatem; quæ tamen a Deo non fuerat inspirata, quandoquidem Deus non perfecit opus.

Respondet S. Prosper multa desideria esse a Deo inspirata, quæ tamen non vult omnino impleri, sic Matth. 28. præcepit Apostolis, *euntes docete omnes gentes*, & tamen Actuum cap. 16. *prohibiti sunt loqui verbum in Asia, & ire in Bithyniam*. Sic inspirat Deus voluntatem orandi pro omnibus hominibus, & tamen vult quosdam perire propter eorum scelera.

Obijciat plurimæ extant in Scripturis exempla quæ manifeste probant eximios quosdam viros per opera moraliter bona ad fidem Christi pervenisse, eamque propriis meritis obtinuisse.

Insigne est præ cæteris exemplum Cornelii Centurionis, cujus historia describitur Actuum 10. cap. qui licet Gentilis, tamen per orationes & elemosynas Spiritus sancti gratiam obtinuit, *Orationes tuæ & elemosyna tuæ ascenderunt in memoriam in conspectu Dei*.

Aliud proferri potest exemplum Zachari, cujus desiderium & aviditas conspiciendi Christum, insuper elemosynæ & quadrupli restitutio in causa fuerunt, hæc verba ab ipsius Christi ore prolata audiverit, *hodie salus huic domui a Deo facta est*, ut habetur Lucæ cap. 19.

Tertium exemplum est boni Latronis, Lucæ 23. cap. qui propter orationem qua sui memoriam in regno postulavit a Christo Domino, æternam salutem obtinuit, *hodie mecum eris in paradiso*. Igitur ex viribus naturæ sine fide & gratia fieri possunt opera, quibus fides ipsa, gratia Dei & salus obtineatur.

Respondet ex illis aliisque similibus exemplis concludi nihil posse adversus nostram sententiam, quia hi omnes vi-
si, quorum adducuntur exempla, vir-

tute fidei & gratiæ prævenientis orabant, elemosynas erogabant, aliaque ejusmodi bona opera exercebant, quorum intuitu gratias uberiores obtinuerunt, & ad perfectiorem fidem pervenerunt. De Cornelio centurione manifestum est.

1. Ex S. Augustino qui non semel docet Cornelium gratia Dei præveniente impulsum fuisse, antequam ad Deum per preces & elemosynas confugeret, lib. 1. ad Simplicianum quest. 2. *Incipis autem*, inquit, *homo percipere gratiam, ex quo incipit Deo credere vel interna vel externa monitione motus ad fidem*. Sed interest quibus articulis temporum, vel celebratione sacramentorum gratia plenior & evidentior infundatur. Non enim Cathecumeni non credunt, aut vero Cornelius non credebat Deo, cum elemosynis & orationibus dignum se præberet, cui Angelus mitteretur, sed nullo modo ista operaretur, nisi antea credidisset; nullo modo autem credidisset, nisi vel secretis per visa mentis aut spiritus, vel manifestioribus per sensus corporis admonitionibus vocaretur. Ex libro de Prædest. SS. cap. 7. Solet dici, ideo credere meruit, quia vir bonus erat, & antequam crederet. Quod de Cornelio dici potest, cujus accepta sunt elemosynæ & exaudita orationes, antequam credidisset in Christum. Nec tamen sine aliqua fide donabat & orabat. Nam quomodo invocabat in quem non crediderat?

Idem probat S. Greg. M. homil. 19. in Ezechielem his verbis, *si enim videret & ante baptismum non crediderat, quid orabat? Vel quomodo hunc omnipotens Deus exaudierat, si non ab ipso se in bonis perfici petebat?*

Tum vero S. Bernardus sermone 78. in Cantica. Nec minus Cornelius, inquit, qui elemosynis & orationibus suis, Dignum quidem eas sibi inspirante, promeruit pervenire ad fidem. Quod idem censet de Nathanacle, cujus etiam exemplum obijci solet, invenit quoque Phi-

Philippus Nathanaelem, sed prius Dominus illum, cum esset sub ficu, jam viderat: quæ Domini visio, numquid non preparatio fuit? Hanc sententiam secuti sunt Hugo a S. Victore in Epist. ad Roman. quæst. 266. Magister sentent. in 3. dist. 25. S. Bonaventura in 3. distinct. 24. art. 1. S. Thomas 2. 2. quæst. 10. art. 8. & alii passim Scholastici.

Quibus adde autoritatem Concilii Arausiacani II. canone 25. hæc pronuntiantis, unde manifestissime credendum est, quod illius Latronis quem Dominus ad paradisi patriam revocavit, & Cornelii Centurionis ad quem Angelus Domini missus est, & Zachari qui ipsum Dominum suscipere meruit, illa tam admirabilis fides non fuit de natura, sed divina largitatis bonum.

Eadem porro adhiberi debet responsio aliis adductis & quæ adduci facile possunt exemplis; scilicet universim loquendo ii omnes Sancti gratia præveniente excitati conceperunt prius fidem, ac deinde ad Deum preces fuderunt, quibus alia uberiora gratiæ dona vel etiam æternam salutem meruerunt. Sic latro speciali revelatione edoctus, priusquam ad Christum converteretur, crediderat futurum ejus regnum in caelis, memento mei Domine, inquit, dum veneris in regnum tuum. Zachæum fuisse divina gratia præventum ostendit ratio propter quam, hodie salus huic domui facta est, nimirum eo quod & ipse sit filius Abrahæ, per fidem scilicet, non per sanguinem.

Obijcies: legitur passim in Scripturis Deum promittere suam gratiam, aliaque beneficia petentibus, orantibus, pullantibus, Matth. 7. *Petite & accipietis, quærite & invenietis, pulsate & aperietur vobis, omnis enim qui petit, accipit.* Sed ut ajunt Massilienses apud Prosperum & Hilarium in Epistolis ad S. Augustinum, si nostræ orationes Dei gratiam non impetrent, frustra oramus;

Tom. IV.

frustra præcipit Christus ut oremus, ut credamus; igitur hoc primum iustitiæ nostræ initium est a nobis sine gratia operantibus.

Dist. maj. orantibus, petentibus, ita ut tamen oratio seu petitio fiat cum gratia, C. sine gratia præveniente, N. scilicet oratio quævis nostra fidem supponit, ad Rom. 10. cap. *quomodo invocabunt, in quem non crediderunt?* Credere autem hic intelligitur de fide supernaturali, qualis ad justificationem requiritur, ut patet ex verbis præcedentibus, quicumque invocaveris nomen Domini salvus eris. Unde S. Augustinus lib. de gratia & libero arbitrio cap. 14. sic concludit, ergo Spiritus gratiæ facit ut habeamus fidem, ut per fidem impetremus orando, ut possimus facere quæ jubemur.

Deinde orationem peccatoris, ut vim quandam habeat impetrandi, debere a gratia procedere certum est ex Scripturis, ad Romanos 8. cap. Spiritus adjuvat infirmitatem nostram. 1. ad Corinth. 12. nemo potest dicere, Dominus Jesus, nisi in Spiritu sancto. Unde S. Augustinus de dono perseverantiæ cap. 23. ait divini esse muneris ut oremus, quod vidit B. Ambrosius, ait enim, orare Deum gratia spiritualis est, sicut scriptum est, nemo dicit, Dominus Jesus, nisi in Spiritu sancto. Et idcirco canit Ecclesia: *Actiones nostras quesumus Domine aspirando præveni & adjuvando proseguere, ut cuncta nostra oratio & operatio a te semper incipiat, & per te capta finiatur.*

Atque hoc pacto solvitur alia obiectio quæ sumitur ex eo quod in sacris litteris eleemosynæ aliisque misericordiarum operibus persæpe tribuitur remissio peccatorum, Tobiaz 4. *eleemosyna ab omni peccato & morte liberat.* Daniel. 4. *Pecata tua eleemosynis redime.* Matth. 5. *beati misericordes, quoniam ipsi misericordiam consequentur.* Lucæ 1. *date eleemosynam, & ecce omnia munda sunt*

vobis. Ququam, inquit, ejusmodi opera misericordiae non possint in peccatore vel in Gentili esse supernaturalia, utpote cum infusum non habeant virtutem misericordiae, quæ non infunditur nisi post charitatem. Scilicet illa bona opera, tametsi non sint elicta beneficio charitatis aut alterius virtutis infusæ per modum habitus, suum tamen ortum habent a gratia Dei excitante & præveniente, quod unum hic volumus.

Expenditur sententia S. Chrysostomi.

DOCTRINAM S. Chrysostomi super ista materia nominatim explicandam aggredimur, quia, tametsi aliter quam cæteri Patres Græci ac plerique etiam Latini locutus non fuerit, a multis tamen, per calumniam nempe, Semipelagianismi præ cæteris Patribus errore accusatus. Græci, inquit Calvinus, pie alii, atque inter eos singulariter Chrysostomus, in extollenda humana voluntatis facultate modum excefferunt. Veteres autem omnes, excepto Augustino, sic in hac re aut variant, aut vacillantes, aut perplexe loquuntur, ut certe fere nihil ex eorum scriptis referre liceat. A quo quidem iudicio de mente Chrysostomi parum recedunt etiam nonnulli e Catholicis, præterquamquod suum omne præsidium collocabant Massilienses in autoritate Chrysostomi, quem totum suum esse prædicabant in hac doctrina circa humanos conatus & labores gratiam Dei prævenientes, ille me docuit, ait Cassianus de Chrysostomo lib. 7. de Incarnatione adversus Nestorium, ac per hoc non tam hoc meum, quam illius esse creditur.

Obijcies itaque nonnulla S. Chrysostomi loca in quibus manifeste docet voluntates nostras inter agendum a Deo non præveniri, sed Deum nostros conatus, nostra subsequi desideria. Homil. 27. in Joan. Hinc admoneri possumus,

inquit, Deum suis in nos beneficiis nostras non prævenire voluntates, sed a nobis incipiendum esse, sed cum nos promoto paratoque animo ad suscipiendam gratiam exhibemus, tunc multas nobis offert salutis occasiones. Hom. 9. in Genesim, gratia parata est, quaerens qui se cum largitate suscipiam. Quod si Deus viderit animam vigilem & desiderium fervens, ipse suas divitias largitur suppeditat. Homil. 42. in Genesim de Abraham sic loquitur, Nisi prius ille quod suum erat, fecisset, non tanta a Domino obtinisset. Eapropter attende quomodo primum in omnibus virtutis suæ indicium exhibueris, ac si divinum merueris præsidium. Homil. 12. in Epist. ad Hebræos, Oportet, inquit, nos eligere primum quæ bona sunt, & tunc Deus quæ sua sunt introducit, non antecedit nostras voluntates, ne ledatur arbitrium; cum autem nos elegerimus, multam tunc affert auxiliacionem.

Hinc idem Chrysostomus de causa prædestinationis & reprobationis idem omnino sentire videtur ac Massilienses, videlicet Deum illos eligere quos prævidit bene operaturos, alios vero reprobare, homil. in cap. 9. Epist. ad Roman. in hæc verba, Cum nondum nati fuissent, sic habet: multi Matthæo meliores esse videbantur ab apparenti rerum argumento. Verum qui cogitationis aptitudinem probare potest, is & in cæno margaritam jacentem novit, omiffisque aliis, admiratus hujus pulchritudinem illum elegit, voluntatisque nobilitati suam cum adjunxisset gratiam, probatum illum esse pronuntiavit. Similia docet homil. 31. in Math. homil. 1. in Epistolam ad Ephesios, & homil. in Psal. 115.

Atque hinc etiam agnoscit in hominibus aliquas dispositiones ad gratiam, quæ præcedunt gratiæ infusionem, uti habet lib. 1. de compunctione cordis his verbis, rectas mentes diligit Deus & sine fuco propositum. Quod etiam in Paulo prospiciens licet adhuc alio itinere videre-

tur incedere, tamen quia proposito recto & zelo Dei hoc agebas, dicit de eo Dominus, quia vas electionis est mihi iste, ut portet nomen meum coram gentibus, & Regibus & filiis Israel; hæc autem testatus est de eo, priusquam ei gratia daretur. Quod idem docet homil. 27. in Genesim, & citata homilia 12. in Epistolam ad Hebræos.

Respondeo S. Chrysostomum affirmare quidem nostrum esse incipere, nos primum eligere & velle, priusquam Deus conferat suam gratiam; sed ita ut supponat nos velle & incipere cum divinæ gratiæ auxilio, gratia præveniente adjuutos, priusquam Deus largiatur gratiam subsequenter, quo posito nullam Semipelagianismi suspicionem incurrit sanctus Doctor, hæc autem ipsius esse mentem constat.

Primo, quia sexcentis in locis veritatem catholicam de necessitate gratiæ prævenientis ad singula bona opera expresse tradit; Nam v. g. homil. 38. in Genesim, ait Deum preces nostras prævenire, ut scias, inquit, quod Deus non solum beneficiare vult & dona sua dare, sed solitus sit sua beneficia accepturos facere clariores, vide quomodo hoc & in Chananea illa faciat Neque responso dignatur eam misericors & clementissimus Dominus, alioquin preces nostras semper præveniens. Homilia etiam 2. in Psal. 50. provocat nos Deus, inquit, & dicit, Da & tu aliquid, ut puta mille scelera perpetrasti, habes onera delictorum; volo alleviare pondus tuum, da & tu manum tuam; non quia ego tui ego, sed quia volo & te aliquid conferre ad tuam utilitatem. Quantumvis igitur plurimum nostris conatibus tribuat Chrysostomus, censet tamen Deum incipere & gratia sua excitante voluntates nostras prævenire.

Rem hanc clarius adhuc docet homil. 22. in Genesim, Nonne manifestum est, inquit, sua quemvis voluntate vel malitiam, vel virtutem eligere; nam nisi

ita esses, & naturæ nostræ potestas infusa esset, neque illis puniri, neque istis virtutum retributiones recipere oportebat; verum quia in nostra voluntate totum post gratiam Dei relictum est, ideo & peccantibus supplicia propostia sunt, & bene operantibus retributiones. Si totum post gratiam Dei in nostra voluntate relictum est, profecto priorem partem habet gratia Dei in bonis nostris operibus.

Simile est quod legitur homil. 2. in cap. 1. Epistolæ 2. ad Timotheum. Quomodo, inquit, vocatus es vocatione sancta, hoc est, sanctos efficit qui peccatores & inimici gratus, & hoc non ex nobis, sed ex divino munere est. Si igitur ille & potens est vocando & bonus, idque per gratiam, non ex debito faciendo, nihil est cur metuamus. Qui enim nos cum peccati inimicique essemus, salvos per gratiam fecit, multo magis cum operantes videris, cooperator accedit, non secundum opera nostra, inquit, sed secundum propositum suum, nemine cogente, nemineque consulente, sed ex proposito suo, sola vi suæ bonitatis impulsus salvos nos fecit, secundum propositum suum, inquit, & gratiam.

His adde S. Chrysostomum verbis conceptissimis asserere. gratiam non dari præcedentibus meritis, homil. 38. ad populum de humilitate: Ne mercedem reputes, inquit, ut capias mercedem, gratia consistere salvari, ut Deus tibi se debitorem confiteatur non modo meritum, verum & talis gratitudinis. Homil. 13. in Joan. gratia Dei semper in beneficiis priores sibi partes vindicat. Non enim nostris præcedentibus meritis hæc accepimus remunerationem, non solum quod facti sumus ex nihilo, sed quod facti & facienda didicerimus. Homil. 71. in Joan. ad illa verba, sicut ego dilexi vos, ait, non enim vestris præcedentibus meritis debitum persolvere, sed ego incepti. Quibus verbis nihil illustrius desiderari potest ad mentem S. Chrysostomi vindicandam.

Ad hæc non semel totum Deo ascribit ejusque gratiæ in negotio salutis & bonorum operum, sic v. g. homil. 12. in 1. Corinth. 4. *Igitur quod accepisti, habes, neque hoc tantum aut illud, sed quicquid habes. Non enim merita tua hæc sunt, sed Dei gratia. Quamvis fidem adducas, a vocatione eam accepisti; quamvis peccatorum veniam adducas, quamvis dona, quamvis doctrina sermonem, quamvis virtutes, omnia mole tibi proveniunt. Quid igitur habes quæso quod non accipimus habere, num ipse per te recte operatur es? Non sane, sed accepisti, & idcirco magni te facis, propterea cohibearis oportet, non enim tuum id munus est, sed largientis. In Epistolam D. Pauli ad Philippenses super hæc verba cap. 2. Deus est qui operatur in nobis velle & percipere, scribit non solum bona opera, sed & bonam voluntatem esse a Deo, propensionem, inquit, voluntatis ipse nobis præbet & operationem: & postea, Deus vult nos secundum voluntatem suam vivere, si vero vult, agit nos ad hoc, ipse istud omnino operabitur. Certe nec ipse etiam Augustinus Ecclesiæ doctrinam, de gratiæ prævenientis ad bonum opus necessitate, verbis unquam significantioribus expressit.*

Secundum momentum quod persuadet præfatas sancti Chrysostomi locutiones, in quibus docere videtur initium boni operis esse a nobis, non omnem omnino gratiam prævenientem excludere, ideoque ab omni Semipelagianismi suspitione liberum esse S. Doctorem, ex eo petitur quod similes passim reperiuntur locutiones, tum in Scripturis, tum apud Sanctos Patres dicti erroris minime suspectos.

In Scriptura quidem sacra, Proverb. 16. *hominis est præparare animam.* Psal. 22. *miseriordia tua subsequetur me.* Zachariæ 1. *convertimini ad me, & ego convertar ad vos.* Jacob. 4. *appropinquate Deo, & appropinquabit vobis.* Qui-

bus simillima reperies alia prope innumera, quæ, licet prima fronte Semipelagianis favere videantur, cum aliqua tamen modificatione accipi debent, nimirum, ut diximus, supponendo dari gratiam prævenientem ad hoc bonorum operum initium, propter aliquamplura ejusdem scripturæ loca, in quibus declaratur sine gratia nihil fieri posse, Deum operari omnia in omnibus, Deum operari & velle & perficere, &c.

Eadem quoque locutiones occurrunt passim in scriptis SS. Patrum, vel etiam eorum qui omni Semipelagianismi suspitione vacant.

S. Cyprianus de quo sic loquitur S. Augustinus lib. 1. de Prædest. SS. cap. 3. *non sic pius & humilis Doctor ille sapiebat Cyprianus, quomodo nimirum Massilienses, qui dixit in nullo gloriantum esse, quando nostrum nihil sit, quo præcipue testimonio convictus sum, cum similiter errarem, putans fidem non esse donum Dei.* Is tamen libro de exhortatione ad martyrium cap. 10. sic habet, *unusquisque secundum dominica promissa & fidei sue merita tantum accipit de Dei ope, quantum se credit accipere, neque est quod omnipotens præstare non possit, nisi accipientis fides caduca defecerit.* Quæ quidem verba de gratia tantum sublequente debent accipi.

Similiter S. Ambrosius, cujus etiam testimoniis utitur Augustinus adversus Massilienses lib. de Dono perseverantiae cap. 19. & merito quidem quia luculentissima sunt, tamen lib. 2. de Abraham cap. 10. sic loquitur, *talem te præbe bonis studiis & prompta fide, ut Deus tui miseretur & vocet te.* Item in Psal. 118. *non volentis neque currentis hominis perseverantia est, non est enim in hominis potestate, sed miserentis Dei est, ut possis complere quæ cæperis.* Es in Psal. 26. ad illa verba, *os justi meditabitur sapientiam,* sic dissert: *nam in omnibus hæc gratia est, sed potest esse & in pluribus diligentia.* Ne igitur ex-

pectes

pestes ut excites te Christus, sed potius Christum excita, excitat enim qui de ipso dormitans cogitat. Si tu illum excitaveris, & ipse te excitabit a somno, resuscitabit a morte dicens tibi, Exurge a mortuis. Cum surges ergo vel resurges, ipsum loquere, ut impleas quod jubetis, audi quomodo Christus te excites. Quæ certe non de gratia primum excitante intelligi possunt, sed de subsequente.

Ejusmodi est quod legitur apud S. Hieronymum multis in locis, sic v. g. dialogo 3. adversus Pelagianos scribit, *quæ, iustitia, labore & industria ac diligentia & semper super omnia Dei clementia custoditur, ut nostrum sit rogare, illius sit tribuere quod rogatur; nostrum incipere, illius perficere; nostrum offerre quod possumus, illius perficere quod non possumus. Diceres putasse Hieronymum initium justificationis esse a nobis sine gratia, ab illo tamen errore plurimum distat; totus est enim in illis dialogis adversus Pelagianos ut doceat hoc nostrum incipere & rogare fieri virtute gratiæ prævenientis, uti & clarissime testatur Epist. octava ad Demetriadem, his verbis, velle & nolle nostrum est, ipsum quoque quod nostrum est, sine Dei miseratione nostrum non est.*

Ex quibus locis, neque vero plura hic congerere necesse est, abunde intelligitur S. Chrysostomum in errorem Semipelagianorum non incidisse, quod præfatis utitur passim locutionibus, quandoquidem simili prorsus modo loquuntur Patres Latini, quos ne ipsi quidem adversarii putabant in hujus doctrinæ suspicionem venire.

Tertium ad vindicandam hac in parte S. Chrysostomi fidem accedit momentum; quod hæc nostra quam propugnamus doctrina, de necessitate gratiæ prævenientis ad quodcunque bonum opus incipiendum, habita fuerit semper tanquam vera fides catholica, omnium fidelium & antiquorum Patrum, non Augustini modo & ejus discipulorum, sed &

omnium utriusque Ecclesiæ Doctorum sententia.

Ac 1. quidem præter allata in probationibus nostris SS. Patrum testimonia, in hujus veritatis confirmationem merito proferre possumus testimonium ipsius S. Augustini, qui catholicam hanc fidem defendens ex professo adversus Massilienses libris de Prædestin. Sanctorum & de Dono perseverantiæ, pro certo & indubitato tenendum esse statuit suam sententiam esse omnium fidelium & sanctorum Doctorum, quorum multa refert testimonia, ut supra observavimus. Sic vero loqui ausus non fuisset August. si novum quoddam tunc in medium protulisset dogma, novam quandam opinionem: unde in Ep. 186. idem docens de initio gratiæ, addit confidenter, *hec semper tenuit catholica Ecclesia.*

2. Id constat ex Cælestino I. summo Pontifice, qui in percelebri illa Epistola quam scripsit ad Galliarum Episcopos, B. Augustini doctrinam, quæ adversus Massilienses tunc temporis defendebatur a Prospero & Hilario, velut antiquam perhibet, contrarium errorem appellans novitatem, filii nostri præsentis Prosper & Hilarius, quorum circa Deum nostrum sollicitudo laudanda est, tantum nescio quibus presbyteris illic licere, qui dissensionem Ecclesiarum studeant, sunt apud nos persecuti... designat, si ita res sunt, incessere novitas vetustatem. Et postea, *Augustinum sancta recordationis virum pro vita sua atque meritis, in nostra communione semper habuimus, nec unquam hunc sinistra suspicionis saltem rumor aspersit, quem tanta scientia olim fuisse meminimus, ut inter magistros optimos etiam a meis semper decessoribus haberetur.* Siccine vero loqueretur Cælestinus de illa S. August. doctrina, quam videlicet propugnavit adversus Massilienses, si quandam novitatem protulisset S. Doctor adversus omnium Patrum Græcorum & nominatim Sancti Chrysostomi fidem?

Id confirmatur ex testimonio S. Properi libro contra Collatorem cap. 21. scribentis de Coelestino, unde & venerabilis memorie Pontifex Coelestinus, cui ad catholica Ecclesia presidium multa Dominus gratia sua densa largitus est... evidenter pronuntians quantum sibi prae-sumptionis istius novitas displiceret, qua auderent quidam adversus antiquos magistros insolenter insurgere & indisciplina columna praedicationi veritatis ob-strepere. Ubi Prosper in eo consentit quod dixerat Coelestinus veram & anti-quam fuisse illam S. Augustini doctrinam quam tradiderat adversus Massiliensium novitatem.

3. Id habetur ex Epist. Petri Diaconi & Sociorum, qui ob quaestiones fidei ex Oriente Romam missi fuerunt, scripta ad Episcopos Africanos in Sardinia exu-les, de gratia Christi quid cum ipsis universae Orientis Ecclesiae sentiant & contra haereticos defendant, utile & per necessarium sanctisque Dei Ecclesiis specialiter credimus profuturum ea qua de Incarnatione & dispensatione divina nobis- cum universa sancta Ecclesia Orientalium contra haereticos defendunt (qui pravis & iniquis argumentis antiquam Ecclesiam fi- dem inquietare non cessant) sanctitati ve-stra suggerere, atque de his consensum vestra beatitudinis suppliciter promereri. Quia in nullo sanctam gloriosamque com- fessionem vestram credimus dissentire, praesertim cum uno ubique Spiritu san-ctam Dei Ecclesiam vegetari minime du- bitemus. Non enim parva immo potius magna letitia universi replebuntur Orien- tales, si sanctitatem vestram suis, immo magis catholicis noverint in omnibus con- sentire dogmatibus. Ii omnes initium justificationis ex gratia eo modo trade- bant ac ipse Augustinus; ut constat tum ex hoc libro, de Incarnatione & gratia Petri Diaconi, tum ex alioquem referi- pit Fulgentius, tum denique ex Epist. Episcoporum Africanorum in Sardinia exulum.

Ex quibus omnibus validissimum de- promitur argumentum ad vindicandam non modo S. Chrysostomi sed & alio- rum Patrum Graecorum fidem: ex his enim ostenditur auramque Ecclesiam Graecam & Latinam in idem plane dogma super ista re contra Semipela- gianos consensisse. Et certe si praelan- tissimi quique Patres Graeci, quorum unus fuit Chrysostomus, idem docu- sent, quod postea Cassianus, Faustus & alii Semipelagiani, initium fidei esse a nobis sine gratiae praeveneris auxilio, immo si & hoc ipsum etiam tradiderunt multi Patres Latini qui S. Augustinum praecesserunt; sequitur manifeste totam Ecclesiam errasse in illis prioribus saeculis, cum vicio licet docuerunt initium justificationis non esse a gratia; vel novum dogma introduxisse hunc san-ctum Doctorem, quod certe a nemine cordato dici potest; ipse enim August. & alii Patres & Pontifices confidenter pronuntiant, ut diximus, hanc suam doctrinam & veritate & antiquitate com- mendabilem.

Frustra igitur hoc loco nobis oppo- nuntur aliorum quoque Patrum testimo- nia, quale est istud v.g. S. Just. Apolog. 2. libero arbitrio genus humanum & res tur- pes fugere potest, & pulchras ac bona sequi. Tum istud S. Irenaei lib. 4. ad- versus haereticos c. 9. Homo liber in arbi- trio factus & sua potestatis ipse causa est, ut aliquando quidem frumentum, aliquando autem palea fiat. S. Clementis Alexandr. lib. 1. Stromatum pag. 7. preparat, inquit, Philosophia ei viam muniens qui a Christo perficitur. Et 1. 7. Philosophia autem Graeca veluti prae-purgat animam ad fidem accipiendam, super quam veritas aedificat cognitionem. Quod idem vel clarius docet Origenes, qui com- mentario in caput 9. Epistolae ad Ro- manos scribit Deum, eligere ex praesentia meritorum eos quos scit futuros esse bonos, ita ut in nostra potestate sit ex nobis fieri bonus & puros.

Hæc.

Hæc inquam & alia similia Patrum Græcorum loca frustra obijciuntur adversus istud catholicum Ecclesiæ dogma; eodem enim modo explicari debent quo præfata S. Chrysostomi testimonia sumus interpretati, adjunctis etiam aliis momentis quæ persuadent illos Sanctos Doctores nihil scripsisse in præfati negotio contra mentem S. Augustini, quæ quidem responsio potest etiam ex iis confirmari quæ dicemus postea, cum de gratia efficaci agetur.

Neque est quod dicatur S. Augustin. quando respondet objectionibus Massiliensium, quarum hæc præcipua erat, secum antiquos Patres ac præsertim Græcos idem sensisse de initio justificationis, nunquam negasse in illa sententia versatos fuisse illos Patres, immo tacite in id consensisse dicendo sanctos illos Doctores non ita accurate sed securius locutos fuisse nondum exorta hæresi Pelagiana; adeo ut nullibi respondeat aperte illos talis sententiæ fuisse patronos.

Huic, inquam, evasioni nullus certe locus esse potest, quandoquidem S. Augustinus, uti supra observavimus, expresse testatur suam sententiam contra Massilienses esse omnium fidelium, quod utique confirmat adducendo plurima Patrum Græcorum & Latinorum testimonia. Falsum est etiam tacite illum consentire antiquos Patres ejusdem fuisse opinionis cum Massiliensibus, cum respondet illos non omnino accurate locutos fuisse nondum exorta Pelagianorum hæresi; sic enim fateamur solum duriora fuisse illorum Patrum verba, se nedum consentire ea fuisse erronea, quin potius illos mire vindicat.

Utrum homo possit per solas naturæ vires præparare se ad gratiam.

Hic iterum errarunt Pelagiani & Semipelagiani: contendebant illi hominem sine ullo gratiæ auxilio posse dona Dei promereri; Semipelagiani

autem dicebant hominem per initium boni operis, per bonam cogitationem; per bonum desiderium sine gratia & per solas naturæ vires elicium, mereri fidem & gratias subsequentes.

Jam vero dupliciter intelligitur hominem posse se ad primam gratiam præparare per solas naturæ vires. 1. ita ut illius bonis operibus sine gratia elicitis gratia debeatur ex condigno tanquam vera merces. 2. ita ut debeatur solum ex congruo propter decentiam.

CONCLUSIO.

Nulla modo potest homo præparare se ad primam gratiam per bona opera sine gratiæ adjutorio elicitæ.

Probatur ex iis omnibus momentis quæ mox protulimus adversus Semipelagianos, ut ostenderemus initium fidei non esse a nobis, sed & ipsi divinæ gratiæ ascribendum; hinc enim manifeste sequitur hominem non posse per solas naturæ vires præparare se ad gratiam, hominem non posse mereri primam gratiam, quandoquidem ipsum salutis desiderium est a Deo non a nobis sine gratia operantibus, Deus est qui operatur in nobis velle & perficere; consuli possunt quæ mox diximus in præcedenti dissertatione.

Utrum homo possit sine gratia aliquod facere bonum opus morale.

Opus morale seu actio humana quæ sit ex rationis judicio & deliberata voluntate, habere concipitur bonitatem diversi ordinis; naturalis nempe & supernaturalis. Opus morale bonum in ordine naturali, est actio humana, quæ licet sterilis in ordine ad salutem, est tamen honesta & rectæ rationi conformis, qualis est erogatio elemosynæ facta ab aliquo Gentili ex solo virtutis aut honestatis motivo sine fide & gratia Christi. Opus morale bonum in ordi-

ordine supernaturali, est illud quod aliquid confert per modum meriti ad salutem æternam: dicitur vero actio supernaturalis, quia fit ex principiis supernaturalibus, nimirum fide & gratia Christi.

Notandum insuper duplicem esse gratiam, alia nimirum est habitualis & sanctificans, alia vero est actualis.

His positis divisionibus, quædam hic instituuntur quæstiones circa necessitatem gratiæ ad bonum opus morale in genere. 1. enim quæritur, utrum sine fide Christi fieri possit aliquod bonum opus morale naturalis ordinis. 2. Utrum sine gratia possit fieri bonum opus morale ejusdem ordinis naturalis. 3. Utrum sine gratia sanctificante fieri possit bonum aliquod opus morale ordinis supernaturalis.

Utrum sine fide fieri possit aliquod bonum opus, vel omnia infidelium opera sint totidem peccata.

Celebris est hæc controversia inter Theologos, utrum ab homine Christi, fide destituto, fieri possit aliquod opus bonum moraliter in ordine naturali, hoc est honestum & rectæ rationi consentaneum. Aliter proponitur quæstio, utrum omnia infidelium opera totidem sint peccata, quod in eundem redit sensum; si enim infideles nullum possunt bonum opus exercere, eo præcise quod Christi fide carent, certe singula eorum opera totidem sunt peccata, nullæ enim dantur actiones indifferentes saltem in individuo, ut plerique omnes docent Theologi.

Dux sunt super ea re oppositæ sententiæ.

Prima est Janßenii Iprensis qui totus est lib. 4. de statu naturæ lapsæ ut ostendat hominem sine Christi fide, quæ prima est gratia, non posse ullum facere opus bonum morale etiam naturalis ordinis, unde sine ullis ambagibus

pronuntiat omnia infidelium opera esse vera peccata non late solum & improprie, sed proprie & stricte.

Janßenium pauci admodum secuti sunt inter Theologos, cæteris fere omnibus universim doctentibus, solam fidei christianæ absentiam non sufficere, ut omnia infidelium opera sint peccata, sed illa bona esse saltem in ordine naturali quæ bona sunt, ut hic supponitur, ratione finis & ratione officii; horum sententiam amplectimur.

CONCLUSIO.

Sine fide homo potest aliquod facere bonum opus in ordine naturali, & consequenter omnia infidelium opera non sunt totidem peccata.

Probatur 1. ex Scripturis, in quibus interdum legimus laudatos Infideles propter quædam opera bona: sic laudatur Cyrus Magnus, quod templum Jerosolimitanum instaurari præceperit. Laudatur Assuerus Persarum Rex, quod Judæos ab injusta internecione liberaverit. Quia & nonnunquam remunerantur Gentiles, ut obسترices Ægyptiæ, quibus bonorum temporalium abundantiam largitus est Deus, quod Hebræorum maculis pepercerant. Tum & Nabuchodonosor qui propter bellum recte gestum adversus Tyrios, sicuti Dominus imperaverat, pro mercede accepit tetram Ægypti & manubias ejus.

Neque est quod respondeatur argumento ex his Scripturæ sacre exemplis petito, ejusmodi opera infidelium laudatorum facta fuisse cum gratiæ Dei auxilio, siquidem hic quæstio non est de gratia sed de fide Christi, inquiritur solum impræsentiarum num absentia fidei christianæ reddat opera infidelium mala & vere peccata.

Præterea idem aperte colligitur ex istis Christi verbis Matth. 5. *Si diligitis eos qui vos diligunt, quam mercedem habebitis?*

ditis ? Nonne & Ethnici hoc faciunt ? Ubi Christus supponit Ethnicos dilectione moraliter bona amicos & fratres diligere ; aliter enim aptum non esset atque efficax ejus argumentum , qui e contra dilectionem Ethnicorum ut malam reprobasset . Scilicet arguit ibi Christus Dominus comparatione facta a minori ad majus , & probat discipulos teneri ad inimicos suos diligendos , nec satis esse suos amicos diligere , quia id præstant Ethnici solo scilicet naturæ ductu ; hoc certe exemplum suis discipulis non proposuisset Christus , si quid mali fecissent Ethnici , si peccassent vero & proprie dicto peccato , cum amicos diligebant ; putat solum & innuit minorem esse perfectionem in Ethnicis suos inimicos diligentibus , hocce eorum opus minori mercede dignum , quasi dixisset , Si diligitis tantum eos qui vos diligunt , non aliam habebitis mercedem quam temporalem quæ datur Ethnicis , quo fit ut Ratim addat , *Estote ergo vos perfecti , sicut & Pater vester celestis perfectus est .*

Probatur deinde ex Epistola S. Pauli ad Romanos , cap. 1. hæc leguntur : *Revelatur enim , inquit , ira Dei de cælo super omnem impietatem hominum eorum qui veritatem Dei in justitia deinunt ; quia quod notum est Dei , manifestum est illis . Deus enim illis manifestavit , invisibilia enim ipsius a creaturis mundi per ea quæ facta sunt intellecta conspiciuntur : sempiterna quoque ejus virtus & divinitas , ita ut sint inexcusabiles , quia cum cognovissent Deum , non sicut Deum glorificaverunt .* Ubi Divus Paulus de Infidelibus verba faciens , supponit eos potuisse non solum cognitione sed etiam affectu & vera adoratione Dei justitiam prosequi ; ait enim eos fuisse omnino inexcusabiles , quod Deum non colebant , & veram justitiam non sectarentur ,

Insigne præterea est quod docet Apostolus cap. 2. ejusdem Epistolæ his verbis .

Tom. IV.

bis , Gentes quæ legem non habent , naturaliter quæ legis sunt , faciunt ; ejusmodi legem non habentes , ipsi sibi sunt lex . Ubi testatur Paulus opera infidelium , qui sola natura duce & propria conscientia agunt , esse tamen moraliter bona ; faciunt enim quæ legis sunt , hoc est quæ præcipiuntur lege naturali , quæ quidem præcipit opus bonum , non tantum ratione officii , sed etiam ratione finis .

Cæteræ si Ethnici subire possunt judicium Dei , quia legis naturalis præcepta non adimpleverunt , ut ibi docet Apostolus his verbis , *quicumque enim sine lege peccaverunt , sine lege peribunt ; & quicumque in lege peccaverunt , per legem judicabuntur .* Profecto mala censeri non debent eorum opera quæ sunt legis naturalis ; peccare censeri non debent , cum legem naturalem sequuntur in operibus officio & fine bonis .

Probatur 2. ex SS. Patribus .

Origenes primum lib. 2. de Epist. ad Roman. super ista verba cap. 2. *Gloria & honor & pax omni operanti bonum , Judeo primum & Græco ,* id apertissime docet his verbis : *Sed & Græcus , id est Gentilis , qui cum legem non habeat , ipse sibi est lex , ostendens opus legis in corde suo & naturali ratione motus (sicut videmus nonnullos in Gentibus) vel justitiam teneat , vel castitatem , vel prudentiam , temperantiam , modestiamque custodiat ; iste licet a vitæ alienus videatur aeterna , quia non credit Christo , & intrare non possit in regnum cælorum , quia renatus non est ex aqua & Spiritu sancto , videtur per ea , quæ dicuntur ab Apostolo , bonorum operum gloriam & honorem , & pacem perdere penitus non posse .* Ubi certe Origenes veras agnoscit virtutes in Gentilibus , veram justitiam , castitatem , prudentiam , temperantiam .

Similiter docet Tertullianus lib. de fuga sæculi cap. 3. naturam ipsam sine lege , boni operis esse magistratam .

K

nes

nes ergo, inquit, sub lege sed naturali; sed non est omnium, ut unusquisque sibi sit lex. Ille autem sibi lex est, qui facit sponte que legis sunt, & in corde suo scriptum opus legis ostendit. Primum natura ipsa boni operis magistra est.

Tum S. Athanas. l. 2. contra Arianos: Jure igitur Paulus, inquit, incusat Græcos, quod congruentiam inter se partium ordinemque rerum naturæ contemplantes, nihil cogitaverint de natura ratione sive Verbo. Res enim condita conditorem ostendunt, ut per eum verum Deum intelligant & cultum omittant admirationemque creaturarum. Frigida porro, ne dicam iniqua, fuisse inculatio, si Græci infideles non potuissent solis naturæ visibus Deum tanquam autorem creaturarum colere.

S. Gregor. Nazianz. orat. 19. in laudem parentis sui demortui virtutes morales infidelium valde commendat: quemadmodum, inquit, ex nostris plerique nobiscum non sunt, quos scilicet a communi corpore flagitiosa vitæ ratio separat, sic contra permixti exterorum a nobis stant, quicunque nimirum fidem moribus antvertunt, ac solo Christiani nomine carent, cum rem ipsam habeant, quo in numero meus quoque pater erat, ramus quidem alienus, ceterum morum honestate ad nos propendens.

Quibus accedit Hieronymus qui non uno in loco hanc nostram sententiam disertè tradit in illud quippe Galat. 10. Ut relevaret filium suum in me, hæc scribit: Perspicuum fit natura omnibus, Dei inesse notitiam, & habere in se semina sapientiæ & justitiæ reliquarumque virtutum. Unde multi absque fide & Evangelio Christi vel sapienter faciunt aliqua, vel sanctè, ut parentibus obsequantur. Et Epistola ad Demetriadem, multos, inquit, Philosophorum audivimus & legimus & vidimus ipsos castos, patientes, benignos, modestos, liberales, abstinentes, justitiæ amatores non minus quam sapientiæ. Tum vero in cap. 22. Math.

hac præsentī quæstione in deliberationem missa, sic respondet: Inter ipsos quoque Ethnicos est diversitas infinita; cum sciamus, quosdam esse proclives ad vitia, & ruentes ad mala; alios ob honestatem morum virtutibus deditos. Quibus Hieronymi testimoniis nihil luculentius desiderari potest.

Cæteris vero clarius adhuc, si fieri potest, loquitur Chrysostomus adeo ut longius quam par sit progressus putetur a nonnullis, quasi sine Christi fide Infideles salvari posse crediderit; cujus tamen fidem hac in parte alibi vindicabimus. Homil. 37. in Math. qui ante Christum obierunt, inquit, atque ideo ipsum non cognoverunt, si ab Idolorum cultu recesserunt, ac Deum solum adoraverunt, si præterea honeste vitam peregerunt, æterna bona & beatitudinem adipiscuntur. Paulum audi, Gloria, inquit, & pax omni operanti bonum, Judæo & Gentili. Homil. 5. in cap. 2. Epist. ad Rom. per hæc, inquit, rursus ostendit Deum sic hominem finxisse, ut possit per se virtutem intelligere ac vitium declinare. Quæ eadem plane docet S. Cyrillus Alex. l. 3. contra Julianum prope finem, tum Acumenius in Epist. ad Rom.

Probatur vero autoritate S. Augustini quem præ cæteris suæ causæ patronum gloriantur adversarii; is enim multis in locis aperte docet virtutes morales esse in Infidelibus. Epistola 144. Polemonem Gentilem, ut virtute continentia præditum describit: Polemon ergo, inquit, si ex luxurioso continens factus ita sciret, cujus esset hoc donum, & cum abjectis superstitionibus Gentium pie coleret, non solum continens sed etiam veraciter sapiens & salubriter religiosus existeret; quod ei non tantum ad præsentis vitæ honestatem, verum & ad futuram immortalitatem valeret. Lib. 1. de peccat. cap. 22. unde enim fit, inquit, ut homo ab ineunti pueritia modellor, ingeniosior, temperantior, ex magna parte libi-

bidinum victor, qui oderit avaritiam, luxuriam deservit, atque ad virtutes ceteras provecere aptiorque confurgat, & tamen eo loco sit, ubi ei predicari gratia Christiana non possit. Ubi certe ante gratiam fidei admittit virtutes.

Lib. de Patientia cap. 26. *Si quis, inquit, in aliquo schismate constitutus, ne Christum neget, patitur tribulationes, angustias, famem, nuditatem, persecutionem, pericula, carceres, vincula, tormenta, gladium, vel flammam, vel bestias, vel ipsam crucem timore gehennarum, & ignis eterni, nullo modo ista culpanda sunt, immo vero & hæc laudanda patientia est. Ubi in homine qui fide caret, admittit patientiam nullo modo culpandam sed laudandam; proindeque non modo ratione officii sed & in fine bonam.*

Quod vero palmare est ad hanc nostram sententiam stabiliendam, depromitur ex lib. de spiritu & littera c. 27. ubi hæc scribit Augustinus. *Si autem, inquit, hi qui naturaliter quæ legis sunt, faciunt, nondum sunt habendi in numero eorum quos Christi justificat gratia, sed in eorum potius, quorum etiam impiorum, nec Deum verum veraciter iustaque volentium; quædam tamen facta vel legimus, vel novimus, vel audivimus, quæ secundum iustitiæ regulam, non solum vituperare non possumus, verum etiam merito recteque laudamus: quamquam si discutiantur, quo fine fiant, vix inveniuntur, quæ iustitiæ debitam laudem defensionemve mereantur, verumtamen quia non usque adeo in animi humana imago Dei terrenorum affectuum labe detrita est, ut nulla in ea velut lineamenta extrema remanserint, unde merito dici possit etiam in ipsa impietate vite suæ facere aliqua legis vel sapere; si hoc est quod dictum est quia gentes quæ legem non habent, hoc est legem Dei, naturaliter quæ legis sunt faciunt. Et cap. 28. a cujus gratia si alieni sunt illi, de quibus agimus, Gentiles scilicet,*

qui secundum illum modum, de quo superius satis diximus, naturaliter, quæ legis sunt, faciunt, quid eis proderunt excusantes cogitationes in die qua iudicabit Dominus occulta hominum, nisi forte ut mitius puniantur.

Ubi 1. opera infidelium pauciora esset fatetur quæ laudari possint, si spectetur finis quo fiunt, sed nonnulla tamen esse supponit his verbis, *vix inveniuntur quæ iustitiæ, &c.* 2. Testatur in infidelibus licet nondum per gratiam Christi iustificatis non omnino detritam esse Dei imaginem. 3. Infideles non posse quidem bonis illis operibus vitam æternam consequi; sed mitius tamen puniendos.

Quibus adde totum esse Augustinum eo loci, ut ostendat illa bona infidelium opera, aut parum aut nihil eis prodesset in die qua iudicabit Deus occulta hominum. Quod ut Pelagianis persuaderet, profecto non omisisset dicere ejusmodi opera esse peccata & absolute mala.

Id vero & apertissime docet S. Fulgentius lib. de Incarn. & grat. cap. 26. quod si, inquit, quibusdam cognoscentibus Deum, nec tamen sicut Deum glorificantibus, cognitio illa nihil profuit ad salutem; quomodo hi potuerunt iusti esse apud Deum, qui sic in suis moribus atque operibus bonitatis aliquid servant, ut hoc ad finem Christiana fidei charitatisque non referant? Quibus aliqua quidem bona quæ ad societatis humanæ pertinent aquirant, inesse possunt; sed quia non fide & charitate Dei sunt, prodesse non possunt. Quod idem tradit cap. 27. ubi ait, *iustitiam quæ ex lege est, esse ex homine; iustitiam vero quæ ex fide Christi est, non esse nisi ex Deo.* Iustitia porro quæ ex homine est, non est quidem virtus supernaturalis quæ utilis sit ad salutem æternam; sed virtus est naturalis & humana quæ ipsa peccatum non est, aliter falso & absurde diceretur iustitia.

Probatur 3. autoritate summorum Pontificum Pii V. & Gregorii XIII. qui inter alias propositiones Bani, sequentes condemnauerunt. Una inter illas quæ 25. hæc est, *omnia Infidelium opera sunt peccata*, & *Philosophorum virtutes sunt vitia*. Altera quæ est 28. *liberum arbitrium sine gratia Dei adiutorio nonnisi ad peccandum valet*. Item quæ est 37. *cum Pelagius sentit qui bonum aliquod naturale, hoc est, quod ex natura solis viribus ortum ducit, agnoscit*. Et 38. *omnis amor creature rationalis aut vitiosa est cupiditas qua mundus diligitur; aut laudabilis illa charitas qua per Spiritum sanctum in corde diffusa Deus amatur*. Demum quæ numeratur 22. his verbis, *cum Pelagius sentiunt qui textum Apostoli ad Roman. 2. Gentes quæ legem non habent, naturaliter quæ legis sunt faciunt, intelligunt de gentibus fidei gratiam non habentibus*.

Has porro propositiones, aliasque nonnullas plane similes, eandemque continentes doctrinam, proscribere non poterunt præfati Pontifices, quin expresse & diserte statuerint ab homine posse aliquod bonum opus morale naturalis ordinis fieri sine fide Christi; adeoque omnia Infidelium opera non esse absolute mala & peccata.

Probatur 4. ratione. Siquidem ut actio sit bona moraliter in ordine naturali, satis est quod in eodem ordine fiat ex bono fine & bonum habeat obiectum, aliasque laudabiles circumstantias: atqui nil impedit quominus quædam actio Ethnici fiat ex bono fine, & aliunde bonum habeat obiectum, & laudabiles circumstantias; ut si v. g. eleemosynam erogat ex motivo sublevandi miseriam inopis propter Deum quem novit naturæ & omnium bonorum autorem beneficium; is enim hoc fine & motivo agere potest, in quo ratio naturalis, quæ ad id sufficit, per peccatum non est omnino vitiata & extincta; atqui in homine vel Ethnico ra-

tio non est per peccatum omnino vitiata & extincta, ut docet experientia, & aperte tradit Augustinus Libro de Spiritu & littera c. 27. ergo nil vetat quominus possit Infidelis facere bonum opus morale naturalis ordinis.

Et certe in systemate adversariorum optima quæque opera Infidelium vitiosa sunt & toridem peccata quæ a Deo puniuntur in æternum: peccatum est nudum operire, & alio quovis pacto miseriam inopis sublevare; peccatum est in liberis, si pie parentibus opitulentur; peccatum est demum in Philosophis, si Deum quem ex his visibilibus creaturis existentem noverunt, ut autorem naturæ adoraverint: atqui absurdum plane est & ab omni ratione alienum dicere, ejusmodi opera esse vitiosa & vera peccata: si qua enim ex parte vitiosa forent ejusmodi opera, maxime ex parte finis quo fiunt; ea enim esse bona ratione materiæ obiecti & officii ultro fateantur adversarii; atqui hæc opera tamen plerumque vitiosa sunt habita ratione finis, ejusmodi tamen non sunt omnia & singula, siquidem omnia & singula non sunt ex pravo fine, immo quandoque maxime laudabili, cum scilicet agunt propter Deum ut autorem naturæ; ergo ejusmodi opera omnia infidelium nec ratione officii, nec ratione finis mala sunt.

Solvuntur Objectiones.

Objicies: universim pronuntiat Apostolus, id omne quod non est ex fide, peccatum esse, ad Rom. scilicet cap. 14. *quod non est ex fide, peccatum est*, atqui opera Infidelium non sunt ex fide, ergo peccata sunt.

Dist. maj. id omne peccatum est quod non est ex fide, si fides sumatur pro conscientia, C. si sumatur pro virtute Theologica, N. hic autem Apostolum fidem accipere pro ipsa conscientia, qua

qua

quis aliquid sibi licitum esse persuadet, ex eo maxime liquet, quod illam adducit propositionem, ut probet eum peccare qui cibos manducat a quibus in propria conscientia abstinendum putat; tunc enim, inquit Apostolus, peccat ille, quia *omne quod non est ex fide*, hoc est, quod sit reclamante conscientia, peccatum est.

His adde quod etiam si sermo esset de fide supernaturali & Theologica in illo Apostoli contextu, facile adhuc responderetur objectioni, dicendo nempe, omne quod non est ex fide peccatum esse, ut plurimum, quia infideles ex pravo fine omnia fere agunt, non tamen semper; vel ut alii Theologi respondent, quod non est ex fide positive, hoc est quod sit contra fidem seu animo infidelitatis peccatum est, non autem quod non est ex fide præcise & negative tantum, hoc est quod sit sine Christi fide.

Obijcies: ad Hebræos cap. 11. hæc leguntur, *sine fide impossibile est placere Deo*; ergo sine fide nullum fieri potest bonum opus morale.

Dist. ant. placere Deo in ordine ad vitam æternam; C. in ordine naturali, N. id igitur eo loci contendit Apostolus sine fide neminem posse Deo placere in ordine ad vitam æternam, hoc est fidem in Christum esse absolute necessariam ad salutem consequendam; ut ex scopo divi Pauli hac in Epistola liquido constat; ibi enim adversus Judæos insurgit suæ religioni, suisque ritibus nimis addictos, eisque fidei in Christum necessitatem ex eo demonstrat, quod vel ipsi Patriarchæ veteres Abel, Henoch, Noe, Abraham, &c. non nisi per fidem salvati sunt; ubi cum ait sine fide impossibile esse placere Deo, profecto id intelligit in ordine ad salutem consequendam, non autem in ordine naturali & quantum ad honestatem moralem.

Obijciunt adversarii innumera prope

S. Augustini testimonia, in quibus manifeste affirmare videtur nihil boni fieri posse sine fide, quod quidem ex audito divi Pauli testimonio sæpius confirmat. Lib. de gratia Christi cap. 26. ubi non est dilectio, inquit, nullum bonum opus imputatur, nec recte bonum opus vocatur; quia omne quod non ex fide est, peccatum est. Lib. de spiritu & littera cap. 3. Nam neque liberum arbitrium quidquam nisi ad peccandum valet, si lateat veritatis via, & cum id quod agendum & quo nitendum est cœperit non latere, nisi etiam deleat & ametur, non agitur, non suscipitur, non bene vivitur. Ut autem diligatur, caritas diffunditur in cordibus nostris. Lib. 1. ad Bonifac. cap. 3. Nec potest homo, inquit, boni aliquid velle, nisi adjuvetur ab eo, qui malum non potest velle, hoc est gratia Dei per Jesum Christum Dominum nostrum. Omne enim quod non est ex fide, peccatum est. Lib. de corrept. & grat. cap. 1. quoniam, inquit, liberum arbitrium ad malum sufficit, ad bonum autem parum est, nisi adjuvetur omnipotenti bono. Quod idem plane repetit lib. de perfectione justitiæ c. 12. tract. 5. in Joan. lib. 2. de peccat. mer. cap. 17. & infinitis aliis in locis.

Insignis præterea est locus ex lib. 1. de nuptiis & concupiscentia c. 3. de promptus, ubi S. Augustinus postquam dixit pudicitiam esse donum Dei, quæstionem proponit his verbis an sit donum Dei, an sit virtus vel peccatum? *Quid ergo dicimus*, inquit, *quando & in quibusdam impiis invenitur pudicitia conjugalis?* Utrum eo peccare dicentium, quod dono Dei male utantur, non id referentes ad cultum ejus a quo acciperunt? An forte nec dona Dei putanda sunt ista, quando hæc infideles agunt secundum Apostoli sententiam dicentis, *Omne quod non est ex fide peccatum est?* *Quis autem audeat dicere donum Dei esse peccatum?* Cui quæstioni sic respondet: *Cum igitur faciunt hæc homines sine fide,*
qua

qua videntur ad conjugalem pudicitiam pertinere, siue hominibus placere quærentes, vel sibi vel aliis, siue in his rebus quas vitiose concupiscunt, humanas molestias devitantes, siue demonibus seruientes, non peccata coercentur, sed aliis peccatis alia peccata vincuntur. Absit ergo pudicum veraciter dici, qui non propter Deum verum fidem connubii seruat uxori.

In difficultate igitur quam proponit S. Augustinus, utrum pudicitia infidelium sit virtus, ratio dubitandi est quia ex una parte pudicitia est donum Dei, ex altera vero certum est quod ait Apostolus, omne quod non est ex fide peccatum esse: respondet S. Doctor actus pudicitie peccata esse in infidelibus, licet pudicitia ipsa donum sit Dei, quemadmodum in illis peccata sunt quæcunque faciunt, quamvis eorum anima & corpus dona sint Dei, quia nempe bonis male utuntur, unde addit c. 4. loquens de infidelibus, quapropter qui non hac intentione, hac voluntate, hoc fine generant filios, ut eos ex membris hominis primi transferant in membra Christi; sed infideles parentes de infideli prole gloriantur etiam si tanta sit observantia, ut secundum matrimoniales tabulas non nisi liberorum procreandorum causa concumbant, non est in eis pudicitia conjugalis.... vera igitur pudicitia siue conjugalis, siue vidualis, siue virginalis dicenda non est, nisi que vera fidei participatur.

Sed rem totam, inquit adversarii, adeo profunde pertractat S. Augustinus in lib. 4. contra Iul. cap. 3. ut nullum subterfugii locum relinquat, ibi enim dedita opera probat contra Julianum nullas esse veras virtutes, nulla bona opera in infidelibus. Absit, inquit, ut sit in aliquo vera virtus, nisi fuerit iustus; absit autem ut sit iustus vere, nisi vivat ex fide, iustus enim ex fide vivit. Quis porro eorum qui se Christianos haberi volunt, nisi soli Pelagiani, aut in

ipsis etiam forte tu solus, iustum dixeris infidelem, iustum dixeris impium, iustum dixeris Diabolus mancipatum? Sit licet ille Fabritius, sit licet Fabius, sit licet Scipio, sit licet Regulus... nec in istis est vera iustitia, iustus ex fide vivit, fides ex auditu, auditus autem per verbum Christi, finis legis Christus ad iustitiam omni credenti.... noveris itaque non officiis, sed finibus a vitiis discernendas esse virtutes: officium est autem quod faciendum est, finis vero propter quod faciendum est. Cum itaque facis homo aliquid ubi peccare non videtur, si non propter hoc facis, propter quod facere debet, peccare convincitur. Quia tu non attendens; fines ab officiis separasti, & virtutes veras officia sine finibus appellandas esse dixisti.... quicquid autem boni fit ab homine & non propter hoc fit propter quod fieri debet, vera sapientia præcipit; etsi officio videatur bonum, ipso non recta sine peccatum est.

Et postea docet nullas esse virtutes steriles, fieri enim, inquit, ut sterilitur boni finis: sed boni non sumus quicquid sterilitur sumus. Arbor enim bona bonos fructus facit.... nullo modo igitur homines sunt sterilitur boni, sed qui boni non sunt possunt esse alii minus, alii magis mali. Deinde ait illud Apostoli, gentes que legem non habent, &c. non favere Juliano cum loquatur ibi Apostolus de iis qui ex Gentibus venerunt ad Evangelium: nec per eos, inquit, potes probare quod vis, etiam Infideles veras posse habere virtutes, sunt quippe isti fideles... hoc tamen peccantes, quod homines sine fide, non ad eum finem ista opera retulerunt, ad quem referre debebant: minus enim Fabritius quam Carilina punietur, non quia iste bonus, sed quia ille magis malus, & minus impius quam Carilina, Fabritius, non veras virtutes habendo, sed a veris virtutibus non plurimum deviando.

Tum vero ulterius prosequitur, & opti-

optima quæque opera Infidelium, peccata esse eo præcise pronuntiat, quod sunt Infidelium & infideliter facta: dixerat Julianus, si *Gentilis nudum operaveris, namquid quia non est ex fide peccatum est?* Respondet Augustinus, prorsus, in quantum non est ex fide, peccatum est; non quia per se ipsum factum, quod est nudum operare, peccatum est: sed de tali opere non in Domino gloriaris, sedus impius negat esse peccatum... porro si vitium est male misereri, procul dubio vitium est, infideliter misereri. Quod sibi & ipsa per se ipsam naturali compassione opus est bonum; etiam ipso bono male utitur qui infideliter utitur, & hoc bonum male facit, qui infideliter facit; qui autem male facit aliquid, profecto peccat.

Ex quibus sic confici potest argumentum; illud est necessarium ad opus bonum morale faciendum, sine quo nihil boni esse potest, sine quo homo nihil boni potest velle, sine quo demum nulla potest esse vera virtus: atqui constat ex præfatis locis S. Augustini sine fide nihil boni aut facere aut velle posse hominem, nec veram proinde in Infidelibus esse virtutem: ergo ex S. Augustino fides est necessaria ad quodecunque bonum opus.

Dist. min. nihil boni nec ullam virtutis actionem esse in Infidelibus perfectam & vitæ æternæ meritoriam, C. morale in ordine naturali, N. Id unum igitur docet Augustinus passim in suis scriptis contra Pelagianos vel & in loco citato contra Julianum nihil boni esse posse in operibus Infidelium, cui nempe debita sit æternæ salutis & quod possit quidquam conferre ad vitam æternam, ut constet.

Primo ex sententia Juliani quem oppugnat recte intellecta. Scilicet ad actus vere bonos, virtutesque exercendas inutilem esse Dei gratiam & fidem contendebat Julianus, quod ut evinceret, Ethnicorum virtutes in exemplum ad-

ducebat, ut patet ex initio cap. 3. istius lib. 4. ubi hæc verba Juliani referuntur. *Soleis negantes Dei dona esse virtutes, quibus recte vivitur, & eas natura voluntatiq; humane, non gratis Dei tribuentes, hoc uti argumento, quod eas nonnunquam habeant Infideles.* Et postea, exempla opponitis impiorum quos dicitis alienos a fide; abundare virtutibus, in quibus sine adiutorio gratiæ, solum est natura bonum, licet superfluitatibus mancipatum qui solis libertatis ingente viribus & misericordes crebro & modesti & casti inveniuntur sobrii. Quæ iterum verba Juliani sunt: ex quibus manifeste sequebatur, & quod in rei veritate insinuat Julianus, infideles posse suis naturæ viribus vitam æternam consequi; unde cum econtra Augustinus negat bona esse in Infidelibus opera, intelligit id eo sensu quod ad salutem æternam nihil quicquam conferre possint.

Secundo, id manifeste liquet ex ipso Augustino qui dum eo loci Julianum confutat, eique ostendit non esse veram in Infidelibus iustitiam, de iustitia semper loquitur qua possit homo vitam æternam consequi: *Quomodo, inquit, est in eis vera iustitia, in quibus non est vera sapientia? Quam si eis tribuerimus, nihil erit cause cur non eos ad illud regnum pervenire dicamus...* per quod enim vera iustitia, per hoc etiam regnum Dei. Et postea, si ergo, inquit, ad consequendam veram beatitudinem quam nobis immortalis fides qua in Christo est vera promittit, nihil profunt homini virtutes, nullo modo possunt esse virtutes. Licet porro neget Augustinus veram esse in infidelibus iustitiam qua possint ad vitam æternam pervenire, tamen aliam in iis admisit longe inferiorem & in ordine naturali, ut manifeste declarant loca a nobis superius adducta in probationibus.

Instabis; Fatebatur ultro Julianus ejusmodi virtutes Infidelium esse inu-

tiles & infructuosas, ut testatur ipse Augustinus eodem capite his verbis: *Aut certe quoniam saltem concedis opera infidelium, quæ tibi eorum videntur bona, non tamen eos ad salutem sempiternam regnumque perducere, &c.* Unde sic argumentor. Ibi Augustinus negat quod volebat Julianus: sed Julianus volebat solum opera Infidelium esse bona in ordine naturali, siquidem fatebatur Ethnicos nonnisi steriliter esse bonos, concedebat opera Infidelium quantumvis bona non posse eos ad salutem æternam perducere: ergo negat Augustinus opera Infidelium esse bona etiam in ordine naturali.

Negari primum posset major, quia in rei veritate volebat Julianus per opera sua Infideles mereri posse vitam æternam, id manifeste sequebatur ex illius principiis; siquidem gratiæ Dei ad recte vivendum necessitatem negabat; hoc ipsum etsi apertis verbis profiteri non auderet Julianus, immo etiam expresse negaret, ex ipsius tamen sententia necessario inferebatur, ut constat ex eodem capite tertio libri quarti jam citati; quod certe sufficit ut jure merito dicamus S. Augustinum hunc errorem in eo redarguere. Verum addo Julianum id expresse dixisse, ut testatur sanctus Augustinus ibidem. *Cunctarum, inquit, origo virtutum in rationabili animo sita est, & affectus omnes per quos aut fructuose aut steriliter boni sumus in subiecto sunt mentis nostra.* Unde nonnisi in decursu disputationis cogente veritate fatetur Julianus ejuscemodi opera Infidelium sterilia fore & penitus ad salutem æternam inutilia; adeoque mirum videri non debet, si toto hoc in capite ostenderit Augustinus contra Julianum, veram non esse in Infidelibus justitiam, qua possint vitam æternam consequi.

Resp. 2. dist. min. Julianus volebat solum opera Infidelium esse bona in ordine naturali, & tamen volebat ea

esse vere & proprie bona, eorum virtutes esse proprie dictas virtutes, C. & aliud quidquam præterea de operibus Infidelium non docebat, N. quomobrem cum opera Infidelium ipsis fore ad salutem inutilia tandem fateri coactus fuerit Julianus, alia deinde excitata est quæstio circa eandem Infidelium virtutes ipsum inter & S. Augustinum, contendebat enim Julianus in illis Infidelibus veri nominis esse virtutes; contra vero pertendebat Augustinus proprie & stricte loquendo in solis Christianis esse veras virtutes, veram justitiam: unde quasi vidisset sanctus Doctor hanc tandem disputationem desinere in meram de nomine altercationem, sic alloquitur Julianum in fine capitis. *Sed breviter accipe, ne forte cum in rebus ipsis tantum erres, quantum errari plurimum potest, videar tecum certare de verbis omnia proinde cetera quæ videntur inter homines habere aliquid laudis, videantur tibi virtutes veræ, videantur opera bona. Quod ad me attinet, &c.* Igitur non in eo solummodo Julianum impugnabat Augustinus, quod diceret quædam opera Infidelium esse bona moraliter in ordine naturali; sed quod in iis veras stricte virtutes admitteret, veram fortitudinem, veram pudicitiam, veram castitatem.

Instabis: probat Augustinus eas non esse veras & veri nominis virtutes, quæ non prolunt quidquam ad vitam æternam, fieri non possunt, inquit, ut steriliter boni simus. Ergo nullam admittit justitiam in ordine naturali.

Dist. ant. veras & veri nominis virtutes ad sensum Juliani, C. ad sensum Theologorum, N. scilicet contendebat Julianus, per illas virtutes Ethnicos vere & proprie justos & bonos effici, ejuscemodi virtutum exercitium veram esse justitiam; immo, quod mox diximus, infideles per illa bona opera posse vitam æternam promereri, quod sane merito impugnat S. Augustinus. Neque vero

vero hæc nostra est sententia; cum enim dicimus singula Infidelium opera non esse peccata, nolumus præterea suis vel bonis operibus, quæ vix apud illos inveniuntur, eos proprie loquendo effici bonos & justos, non dicimus illos promereri posse salutem æternam.

Instabis: in illis opera non sunt bona moraliter in quibus totidem sunt peccata; sed ex S. Augustino singula Infidelium opera sunt peccata; in illis enim singula opera sunt peccata, propter quæ sunt magis vel minus mali, magis vel minus puniendi: atqui ex S. August. Infideles non sunt alii boni, alii mali; sed ut magis & minus mali punientur. Minus enim Fabritius, &c. ergo.

Dist. min. sunt magis & minus mali, ut plurimum, C. semper & necessario, N. loquitur nempe de Infidelibus, prout solent se gerere, qui nempe ex pravo fine agunt, dæmonibus vel humanæ gloriæ servientes, una cupiditate aliam vincentes cupiditatem, quos tamen, ut diximus, censet aliunde non esse ex omni parte culpandos, verum etiam, ut ait libro de spiritu & littera citato, merito recteque laudandos.

Instabis: ille existimat omnia Infidelium opera esse totidem peccata, qui nnum seligit, quod sane optimum est & laudatissimum, illudque censet esse peccatum: atqui unum seligit Augustinus nempe nudum operire, quod tamen dicit peccatum esse: ergo.

Dist. min. quod tamen dicit peccatum esse ratione finis perversi, C. per se & ratione sui, N. id unum vult Augustinus non ita impense laudanda esse Infidelium opera, tametsi ratione officii bona sint; quia nempe ex malo fine fiunt, *noveris itaque*, inquit, *non officiis sed finibus a vitiis discernendas esse virtutes*. Quod idem egregie explicant ipsissima objectionis verba, sic enim loquitur Augustinus. *Prorsus in quantum non est ex fide, peccatum est,*

Tom. IV.

non quia per se ipsum factum, quod est nudum operire, peccatum est; sed in tali opere non in Domino gloriari solus impius negat esse peccatum. Ex quibus verbis perspicuum fit sanctum Augustinum semper ad finem attendere, ubi pronuntiat opera Infidelium esse mala, & discrete affirmare in exemplo proposito nudum operire per se & ratione officii non esse peccatum, quasi dixisset hoc idem factum in Infidelibus esse quid malum, quando agunt ex pravo fine, bonum vero quid, quando agunt ex bono fine, quod nonnisi raro contingit. *Quoniam si discutiantur quo fine fiunt, vix inveniuntur quæ debitam justitiæ laudem mereantur*, inquit lib. de spir. & li. cap. 27.

At inquires, ex eodem Augustino ejusmodi opera nunquam possunt habere bonum finem; siquidem fiunt ex pravo fine, eo præcise quia non fiunt in Domino, *sed in tali opere non in Domino gloriari, solus impius negat esse peccatum.* Ergo censet omnia Infidelium opera, nullo excepto, peccata esse.

Dist. maj. siquidem fiunt ex pravo fine, ut plurimum & persæpe, C. semper ac necessario, N. cum enim dicat loco mox citato vix inveniri quæ debitum justitiæ laudem mereantur, si finis attendatur quo fiunt, haud dubie supponit nonnulla inveniri.

Instabis: S. Augustinus supponit omnia Infidelium opera fieri ex perversa Intentione semper & non tantum aliquando, ut constat ex argumentis quibus utitur adversus Julianum, quale est illud, arbor mala non potest facere fructus bonos.

Nego ant. & ad argumentum a S. Augustino propositum distinguo min. Infidelis est arbor mala nec potest fructus bonos facere quibus ad vitam æternam pervenire possit, C. bonos in ordine naturali, quibus debita sit solum merces temporalis, N.

L

At,

At, inquit adversarii, si Infideles aliqua bona opera faciunt, eo ipso non sunt arbores steriles, sed ex S. Augustino ibidem contra Julianum Infideles sunt arbores steriles: igitur nulla prorsus ratione nullo sensu bona opera faciunt.

Dist. min. sunt arbores steriles habita ratione salutis æternæ quàm sibi procurare non possunt per ejuscemodi opera, C. simpliciter & sub omni respectu, N. solutio satis superque intelligitur ex dictis.

Instabis ex S. Augustino ibid. qui orat pro Infideli ut illius voluntati retribuat pretium, orat ei grande supplicium: ergo nullum plane bonum opus, nulla bona voluntas esse potest in Infideli.

Dist. ant. quia ut plurimum voluntas Infidelium est perversa, ex eo quod agunt infideliter & ex pravo fine, C. quia semper absolute malum agunt, N. vel responderi etiam potest orandum non esse pro Infidelibus ut Deus illis conferat gratiam tanquam præmium bonæ eorum voluntatis, quod quidem merito observat Augustinus adversus Julianum qui putabat cum Semipelagianis nos fidem aliaque Dei dona ipso salutaris desiderio & naturali studio promereri.

Instabis, S. Augustinus aliud usurpat argumentum quo probat adversus Julianum Infideles semper agere ex prava intentione, quod nimirum est istud: Ut actio sit bona, debet ad Dei gloriam referri: sed Infideles non possunt actiones suas referre ad Dei gloriam; cum enim fide sint destituti Deum aut male aut non omnino cognoscunt: igitur eo ipso quo Infideles sunt, ex prava intentione agunt.

Dist. maj. ut actio sit bona, debet ad Dei gloriam referri vel explicite vel implicite, C. explicite semper, N. tunc actiones dicuntur referri explicite ad gloriam Dei, cum ex actuali ipsius agentis intentione sunt propter Deum: ez-

dem vero actiones dicuntur nonnisi implicite referri ad Deum, quia ex ipsius operis bonitate & honestate ad Deum veluti cujusvis boni autorem ordinantur. Revera omnes Infideles ac præsertim ii qui Deum non cognoscunt, suas omnes actiones non referunt explicite ad Deum; sed dici possunt referri implicite, quatenus moralem habent bonitatem cujus Deus est autor.

Vel responderi potest, infideles non referre suas actiones ad Deum ut plurimum, quia fere semper agunt infideliter & ex prava intentione propter vanam gloriam, propter avaritiam, cupiditatem alia cupiditate, peccatum alio peccato vincentes, ut ait S. Augustinus, sed tamen suas quandoque actiones referre ad Deum non ut autorem gloriæ quem non ita noverunt fide carentes, at vero ut autorem naturæ.

Instabis: corpus non potest esse pudicum quando animus fornicatur: sed in Infidelibus qui nunquam agunt ex fide & ex bono fine, animus semper fornicatur, ut argumentatur S. Augustinus libro citato de nuptiis & concupiscentia: igitur.

Dist. maj. pudicum pudicitia perfecta quæ hominem reddat simpliciter ac proprie loquendo pudicum & justum, C. pudicitia quadam imperfecta quæ nonnihil laudis & mercedis saltem temporalis mereatur, N.

His porro sancti Augustini testimoniis satis nitide, ut puto, explicatis, jam nullus superesse potest scrupulus ex aliis nonnullis & Patrum, & summorum Pontificum, & Conciliorum locis, quæ quoniam eandem plane continent difficultatem, eadem quoque revinci debent solutione, hæc vero ab adversariis proponi solent.

1. Autoritas S. Ambrosii in Psal. 1. hæc scribentis, *virtutes sine fide solæ sunt, videntur virere, sed prodesse non possunt; agitantur vento, quia non habent fundamentum.*

2. Pro-

2. Proponitur S. Hieron. qui in cap. 3. Epist. ad Galat. idem docet his verbis: *Faciamus & nos aliquid simile huic quod dicitur, Justus ex fide vivit, & dicamus, castus ex fide vivit, sapiens ex fide vivit, fortis ex fide vivit, & a ceteris virtutum partibus vicinam sententiam proferamus adversus eos qui in Christum non credentes fortes & sapientes, temperantes se putant esse, vel justos, ut sciunt, nullum absque Christo vivere, sine quo omnis virtus in vitio est.*

3. S. Prosper ad sextum capitulum Gallorum: *liberum arbitrium*, inquit, *nihil esse perperam dicitur, sed ante illuminationem fidei in tenebris illud & in umbra mortis agere: non recte negatur.* Et Epist. ad Rufinum cap. 7. *ut scilicet, inquit, intelligat justitiam Infidelium non esse justitiam, quia sordet natura sine gratia.* Quod idem plane docet carmine de ingratia, cap. 16.

4. S. Fulgentius qui lib. 2. de verit. prædestinationis. cap. 5. sic loquitur: *Deo igitur non placeamus nisi velimus, sed ab ipso nobis tribuitur, ut velimus, a quo nisi voluntas hominis mutetur, ut bona sit, aut semper appetit malum, aut nunquam bene appetit bonum.*

5. Venerabilis Beda in cap. 14. Epist. ad Romanos: *Omnis infidelium vita*, inquit, *peccatum est ut nihil bonum sine summo bono; ubi enim deest agnitio æterna & incommutabilis veritatis, falsa virtus est etiam in optimis moribus.* Quæ eadem prorsus scribunt Primalius in eundem Apostoli locum. Prudentius adversus Joannem Scotum cap. 4. Lupus Servatus lib. de tribus quæst. q. prima. Remigius & Ecclesia Lugdunensis lib. de tribus Epistolis cap. 22. S. Bernardus: *serm. 1. de Annuntiatione.*

Quibus adjungunt adversarii auctoritatem septem summorum Pontificum Zosimi nempe apud Cælestinum in Epistola ad Episcopos Gallie cap. 9. & ipsius

Cælestini in eadem Epist. cap. 7. 8. & 9. Leonis Magni *serm. 5. de jejunio septimi mensis cap. 3. Felicis quarti*, qui nonnullos Concilii Arausiaci canones, in quibus hæc stabilitur doctrina, vel ipse edidit, vel calculo suo comprobavit. Tum Bonifacii II. qui ejusdem Conc. Araus. 2. canones suscepit. Gregor. M. homil. 9. in Ezechielem. Denique Nicolai I. qui Epistola 24. ad Egilonem, Prudentii Tricassini & aliorum Augustini discipulorum doctrinam confirmat.

Demum & nonnullorum Conciliorum decreta cujusmodi est can. 9. Conc. Araus. 2. sic conceptus: *Divini muneris est, cum & recte cogitamus, & pedes nostros a falsitate & injustitia continemus; quoties enim bona agimus, Deus in nobis atque nobiscum ut operemur, operatur.* Et can. 22. *nemo habet de suo nisi mendacium & peccatum.* Cui Concilio astipulantur Valentini 3. can. 6. Lingonense quod canones Valentini Concilii approbavit. Ac demum Tullenle in quo Lingonensis Concilii canones relictæ sunt.

Ex quibus testimoniis id unum profecto colligi potest, hominem sine fide & sine gratia Dei nullum posse facere bonum opus in ordine supernaturali & meritorium vitæ æternæ; sic enim loquitur quisquis vel fidei vel gratiæ necessitatem commendat. Hi omnes exponendi sunt eodem modo quo S. Augustini verba exposuimus, de operibus scilicet Infidelium qui ut plurimum agunt infideliter & ex pravo fine: vel præfati auctores dicunt Infidelium opera non esse bona in ordine ad vitam & salutem æternam, quo sensu idem affirmavit S. Augustinus, cujus isti omnes gloriantur esse discipuli: & quem fere de verbo ad verbum exseribunt.

*Utrum homo possit sine gratia actuali
aliquid bonum opus naturalis
ordinis exercere.*

NON est ista quæstio tractatu multum difficilis, postquam in præcedenti ostendimus hominem posse sine fide aliquid bonum opus facere in ordine naturali; per enim eademque videtur esse ratio necessitatis tum fidei tum gratiæ ad bonos actus, scilicet utrumque Dei donum non videtur esse necessarium, nisi ad bona opera quæ ad salutem æternam ordinentur.

Sunt tamen quidam inter Theologos qui absolute negant hominem posse sine gratia actuali ullum facere opus bonum in ordine naturali, ita Gregorius Ariminensis, Valquez, &c. Alii contra sentientibus hominem etiam in hoc statu naturæ lapsæ posse aliquid bonum opus morale naturalis ordinis facere. Quamquam per accidens non possit quodlibet bonum morale ejusdem ordinis exercere sine speciali Dei gratia, quia gravia ut plurimum obstant impedimenta, quæ vel sumuntur ex infirmitate liberi arbitrii, vel etiam ex perpetuis tentationibus quæ hominem a bono avertunt; horum sententiæ subscribimus.

CONCLUSIO.

Homo etiam in hoc statu naturæ lapsæ potest aliquid bonum opus morale naturalis ordinis exercere sine speciali Dei gratia.

Probatur ex eo quod Patres & Concilia idcirco tantum statuunt necessitatem gratiæ divinæ ad bonas actiones morales, supponunt semper ejusmodi actiones ordinari ad salutem æternam, ita Concil. Trident. declarat specialem Dei gratiam esse necessariam ad credendum & diligendum Deum sicut oportet; frustra vero adhiberetur talis restrictio, nisi supponeretur gratiam esse solum-

modo necessariam ad eliciendos actus bonos in ordine supernaturali; unde consequenter eruitur posse fieri aliqua opera bona moraliter in ordine naturali sine speciali gratiæ adjutorio.

Id confirmatur autoritate summorum Pontificum Pii V. Gregorii XIII. & Urbani VIII. qui damnaverunt istas Bani propositiones; vigesimam octavam, *liberum arbitrium sine gratia Dei adjutorio nonnisi ad peccandum valet*. Quæ est 37. *cum Pelagio sentit qui boni aliquid naturalis, hoc est, quod ex natura solis viribus ortum ducit, agnoscit*. 38. *omnis amor creature rationalis aut vitiosa est cupiditas qua mundus diligitur, quæ a Joanne prohibetur, aut laudabilis illa charitas, qua per Spiritum sanctum in corde diffusa Deus amatur*. Ac demum quæ numeratur 62. *nonnisi Pelagiano errore admitti potest usus liberi arbitrii bonus sive non malus, & gratia Christi injuriam facit qui ita sentit & docet*.

Denique probatur hæc nostra assertio ex eo quod, uti supra diximus, ut actio sit bona moraliter in ordine naturali, satis est quod in eodem ordine bonum habeat finem, bonum objectum, & fiat in legitimis circumstantiis: sed sine speciali gratiæ adjutorio homo per solas liberi arbitrii vires potest aliquam elicere actionem quæ bonum habeat finem, bonum objectum, bonæve circumstantias, si v.g. eleemosynam erogat ex intentione sublevandi miseriam inopis propter gloriam Dei quem sola ratione naturali novit rerum omnium autorem: igitur nil vetat quominus sine gratia actuali fiat bonum aliquid opus morale naturalis ordinis.

Obijcies, constat ex Scripturis sine gratia Dei hominem nihil boni facere posse, Joan. 15. Christus ait, *sine me nihil potestis facere*. 1. Corinth. 4. *quid habes quod non accepisti?* Et 12. ad Corinth. cap. 3. *non sumus sufficientes aliquid cogitare ex nobis quasi ex nobis, sed sufficientia nostra ex Deo est*. Igitur. Dist.

Dist. ant. nihil boni in ordine supernaturali, quod ad salutem eternam ordinetur, C. nihil boni in ordine naturali, N. solutio hæc satis superque intelligitur ex iis omnibus quæ a nobis superius adducta sunt.

Neque vero dici debet frivolum esse & ad nutum exigendam hanc distinctionem boni naturalis & supernaturalis; quod nempe inquit adversarii, & S. Augustinus & Concilia cum in Pelagianos hæc eadem Scripturæ testimonia urgent, nulla utuntur restrictione; nullam mentionem faciunt ejusmodi distinctionis, sed universim pronuntiant ad singulos actus bonos gratiam esse absolute necessariam.

Negamus scilicet frivolum esse communem istam & apud Theologos tritam distinctionem boni naturalis & supernaturalis, quam constat & ab eodem S. Augustino & a Conciliis adversus Pelagianos habitis non semel usurpatam. Nempe bonum opus supernaturalis ordinis commemoratur quoties actus boni dicuntur esse pietatis, conducere ad pietatem, ad justitiam, ad salutem eternam, &c.

S. August. lib. de gratia Christi c. 26. *ac per hoc, inquit, gratiam Dei, qua caritas Dei diffunditur in cordibus nostris per Spiritum sanctum qui datus est nobis, sic consecratur Pelagius, qui vult veraciter confiteri, ut omnino nihil boni sine illa, quod ad pietatem attinet veramque justitiam, fieri posse non dubitet.* Quem locum exseribit S. Prosper respons. 8. ad capitula Gallorum.

Ita etiam loquuntur Patres Concilii Carthaginensis in Epist. Synodica ad Zozimum summum Pontificem, ubi scribunt, *gratiam Dei per Jesum Christum Dominum non solum ad cognoscendum verum, sed etiam ad faciendam justitiam nos per actus singulos adjuvare, ita ut sine gratia nihil vera sanctæque pietatis cogitare, dicere, agere valeamus.*

Ita etiam Conc. Arausican. II. can. 7. *si quis per naturæ vigorem bonum aliquod, quod ad salutem pertinet vitæ æternæ, cogitare ut expedit, aut eligere, sive salutari, id est Evangelicæ prædicationi consentire posse confirmat absque illuminatione, & inspiratione Spiritus sancti, qui dat omnibus suavitatem in consensiendo & credendo veritati, hæretico salitur spiritum, non intelligens vocem Dei in Evangelio dicentis. Sine me nihil potestis facere. Et illud Apostoli: Non quod idonei sumus cogitare aliquid a nobis quasi ex nobis, sed sufficientia ex Deo est.* Hic Patres Concilii Arausicani, cum probant necessitatem gratiæ ad bonum opus operandum, iisdemque utuntur Scripturæ testimoniis quæ adhiberi solebant adversus Pelagianos & Semipelagianos, loquuntur cum præfata restrictione quæ boni naturalis & supernaturalis distinctionem aperte denotat, bonum aliquod, inquit, quod ad salutem vitæ æternæ pertinet.

Idcirco autem S. August. & alii qui in Pelagianos scripserunt, expressam mentionem non fecere utriusque illius ordinis naturalis & supernaturalis, quia tacite supponebatur in controversia catholicorum cum illis hæreticis; scilicet hi contendebant hominem sine Dei gratia posse Evangelio credere, servare Dei mandata, superare tentationes, &c. Contra vero dicebant catholici Scriptores gratiam esse necessariam ad quolibet bonum opus, sed intelligebant bonum quod ad veram pietatem & justitiam attinet, quod ad æternam salutem ordinatur, quamquam sine ulla restrictione loquerentur; de illa enim sola bonitate supernaturali mota erat questio.

Obijcies, sexcenties docet S. August. nullam vim esse in libero arbitrio per peccatum scilicet labefactato, lib. 3. ad Bonifacium cap. 8. *liberum arbitrium captivatum non nisi ad peccandum valet.* Unde Concilium Arausicanum II. c. 22.

nemo

nemo habet de suo, nisi mendacium & peccatum. Igitur nec bonum opus morale naturalis ordinis, homo facere potest, sine gratia.

Dist. ant. in libero arbitrio nulla gratia adjuto, & quando agitur de actibus, veræ pietatis qui ad salutem æternam perducant, C. in libero arbitrio gratia Dei adjuto, vel etiam si sermo sit de bonis operibus in ordine naturali, N. his, itaque, effaris, significatur liberum arbitrium, nunc in hoc statu naturæ lapsæ, quia fuit per noxam originalem attenuatum; ex se solo habere tantum quod peccare possit, quia sine gratia nullum, bonum opus facere potest, bonum inquam opus quod ad pietatem & salutem ordinetur: sed inde non sequitur, nullam, plane vim, esse in libero arbitrio ad eliciendum actus morales naturalis ordinis. Certe non omnino ad litteram intelligenda sunt præfata verba, sequeretur enim nihil, boni fieri, posse ab homine post peccatum originale, in quo errarunt Novatores, ut dicemus in tractatu de justificatione & merito.

Instabis, docet S. August. esse in homine peccandi necessitatem, nisi gratia Dei adjuvetur, libro de natura & gratia cap. 66. quod autem ex vitiiis natura, non ex conditione natura sit quadam peccandi necessitas, audiat homo; atque ut, eadem necessitas non sit, discat Deo dicere, de necessitatibus meis educe me. Igitur sublata Dei gratia, omnes actiones nostræ totidem erunt peccata, proindeque non possumus sine gratia facere ullum opus bonum, naturalis ordinis.

Dist. ant. esse in homine peccandi necessitatem eo sensu quod post peccatum Adami nemo potest totam vitam transigere sine peccato, C. eo sensu quod singulæ actiones nostræ, sine gratia factæ totidem sint peccata, N. hoc unum itaque docet S. Augustinus, quod & alii passim SS. Patres, neminem in hoc statu naturæ lapsæ ab omni peccato abstinere

posse per totum vitæ curriculum, quod sit ut continuo debeat gratiam a Deo postulare, quæ nimirum urgentes identidem tentationes superare possit; sed mens S. Augustini aliorumque Patrum non est talem peccandi necessitatem incumbere hominibus etiam post Adami lapsum, ut in singulis suis actionibus necessario peccent, nec suo amplius uti possint libero arbitrio.

Obicies: si daretur actus moralis bonus, sine gratia, jam homo non teneretur gratias reddere pro omni bono, nempe pro illis actibus bonis sine gratia elicitis: atqui tamen hoc falsum & erroneum reputatur ab omnibus, igitur nullus dari potest actus bonus moraliter in ordine mere naturali.

Nego ant. tametsi enim gratia non foret necessaria ad actus bonos moraliter, homo tamen indigeret generali Dei concursu qui absolute ipsi non est debitus; præterquamquod propter alias etiam causas, homo debet Deo gratias rependere, puta quod ipsum sua singulari providentia inter agendum conservet.

Utrum homo possit sine gratia Dei vincere tentationes.

Tentatio universim nihil est aliud quam sollicitatio quædam & provocatio ad peccatum. Teste S. Jacobo, ex triplici tantum causa oritur tentatio, nimirum a propria uniuscujusque concupiscentia, vel a mundo seu creaturis sensibilibus, vel ab ipso dæmone qui perpetuo circuit quærens quem devoret: namque nulla omnino tentatio esse potest a Deo.

Notandum 2. tentationes duplicis esse generis; aliæ sunt graves, aliæ vero sunt leves & remissæ. Graves dicuntur illæ quæ vehementer animum pulsant & commovent, & tales sunt vel ratione objecti, vel ratione durationis, vel denique ratione infirmitatis in sub-

jecto.

recto. Tentationes sunt leves quando leviter tantam voluntatem ad peccandum provocant.

Notandum 3. tribus modis vinci posse aliquam tentationem, primo ex motivo casto christianæ pietatis, ex amore Dei vel inhabitantis vel saltem moventis, quæ quidem victoria fit per actum supernaturalem & in ordine ad vitam æternam. Secundo ex motivo malo & inhonesto, ut si unum peccatum per aliud peccatum vincatur, una cupiditas per aliam cupiditatem, ut si quis v. g. tentationem avaritiæ superaret per motivum vanæ gloriæ. Tertio denique ex motivo pure naturali; ut qui vel ex solo amore recti, vel propter peccati turpitudinem, vel ne displiceret Deo ut auctori naturæ, alicui tentationi resisteret; quibus positis,

Certum est apud omnes Theologos gratiam non esse necessariam ad superandas tentationes ex motivo inhonesto, hoc pacto enim superatur tentatio per peccatum; non requiritur autem gratia ad perpetrandum aliquod peccatum, ut per se patet; unde nonnisi falso & in speciem peccatum per aliud peccatum impediri videtur; quemadmodum scribit S. Augustinus lib. 3. ad Bonif. cap. 4. *Carnalis cupiditas alia cupiditate non sanatur.*

Verum disputatur de victoria tentationum, & quæ sit ex motivo honesto, & quæ sit ex motivo pure naturali. Ac primo quod attinet ad victoriam tentationum quæ fit ex motivo casto, ex amore Dei; questio hæc controversatur Catholicos inter & Pelagianos; volunt enim isti hæretici quasunque tentationes vinci posse sine gratia.

Quod autem spectat victoriam tentationum quæ fieret ex motivo mere naturali, lis movetur inter Theologos. Qui contendunt nullum posse fieri bonum morale naturalis ordinis; volunt consequenter sine gratia nullas vinci posse tentationes ex motivo mere natu-

rali; cæteri vero docent nonnullas aut saltem leves vinci posse sine gratia; quid nos circa utrumque caput sentiamus, mox aperendum est.

PRIMA CONCLUSIO.

Nulla tentatio superari potest vel gravis vel levis ex motivo honesto in ordine ad vitam æternam sine gratia Dei.

Probatur 1. ex Scripturis, in quibus frequenter Deo ascribitur tentationum victoria, Psal. 17. *in te eripiar a tentatione.* Psal. 29. *Ego dixi in abundantia mea, Non movebor in æternum, & avertisti faciem tuam a me, & factus sum conturbatus.* Math. 6. præcipit Christus ut quotidie dicamus in precibus nostris, *ne nos inducas in tentationem*, hoc est, ne permittas ut tentationi succumbamus.

Idem ostendunt alia quam multa Scripturarum loca. 1. ad Corinth. cap. 10. *fidelis autem Deus qui non patietur vos tentari supra id quod potestis.* Ad Ephes. cap. 6. *induite vos armatura Dei, ut possitis stare adversus insidias diaboli.* 1. Petr. 5. cap. *adversarius vester diabolus tamquam leo rugiens circuit querens quem devoret, cui resistite fortes in bello.* Quibus accedunt ea Scripturæ loca in quibus stabilitur gratiæ necessitas ad omne bonum opus meritorium vitæ æternæ: nequit enim ex motivo casto & supernaturali vinci tentatio sine amore Dei, ad quem elicendum requiritur gratia.

Probatur 2. ex SS. Patribus.

Ex S. Cypriano qui Tractatu de oratione dominica hæc scribit, *quando rogamus, inquit, ne in tentationem incidamus, admonemur infirmitatis & imbecillitatis nostræ, dum sic rogamus, ne quis se insolenter extollat.* Hic locus citatur ab August. lib. de Dono persever. c. 6. Idem docet S. Ambros. in Psal. 43. his verbis: *Quis est tam fortis, ut nequaquam*

quam in tentationibus moveatur, nisi Dominus ei adjutor assistat. Tum S. Hieron. Dialogo 2. contra Pelagianos quibus postquam opposuit hæc Christi verba, *surgite, vigilate, & orate ne intretis in tentationem*, subdit illico, debuisse dicere juxta vos, *surgite & resistite, liberum enim habetis arbitrium, & semel vobis concessa a Domino potestate, nullius alterius indigetis auxilio*.

Ac denique id innumeris prope in locis Pelagianis ostendit S. Augustinus. *Quisquis negat*, inquit lib. de Perfectione justitiæ cap. ultimo, *nos orare debere, ne intremus in tentationem* (negat autem hoc qui contendit ad non peccandum gratiæ Dei adjutorium, non esse homini necessarium, sed sola lege accepta humanam sufficere voluntatem) ab auribus omnium removendum, & ore omnium anathematizandum esse non dubito. Lib. de natura & gratia cap. 26. sanat ergo Deus, inquit, non solum ut deleat quod peccavimus, sed ut præset etiam ne peccemus. Quod idem scribit lib. de grat. Christi cap. 27. & lib. de grat. & lib. arbit. cap. 4. hunc suo more sequuntur S. Prosper lib. contra Collatorem c. 35. & S. Fulgentius Epist. 4. ad Probam cap. 4.

Quibus subungere possumus testimonia summorum Pontificum, Innocent. I. in rescripto ad Concil. Carthag. Zozimi Epistola ad universos urbis Episcopos, cujus verba citantur in Epist. Cœlestini ad Episcopos Galliæ cap. 9. tum vero & ipsius Cœlestini hæc in Epist. c. 6. item Felici IV. in capitulis ad Arausicanum II. Conc. transmissis. Bonif. II. in Epistola qua ejusdem Concilii canones comprobavit. Et tandem Greg. M. lib. 9. Moral. cap. 7.

Id vero rursus ostenditur ex iis omnibus Ecclesiæ Conciliis, quæ Pelagianorum & Semipelagianorum errores condemnaverunt. Legi potest Epist. Synodica Concilii Carthaginensis quæ extat inter Augustinianas 175. & altera Con-

cilii Milevitani quæ est 176. tum vero canon nonus Concilii Arausici secundi paulo supra relatus. Præverat antea Synodus Diospolitana, in qua definitum est adversus Pelagium, victoriam tentationum non esse ex libero arbitrio, sed ex Deo.

Objicies: homo tamen gravi aliqua tentatione impulsus, remanet liber; si enim non remaneret liber ad resistendum tentationi, eo ipso non peccaret, nemo enim peccat in eo quod cavere non potest: ergo sine gratia & vi solius liberi arbitrii potest superare tentationes.

Nego conf. ex eo quod enim homo gravi tentatione impulsus remanet liber, sequitur tantum illum resistere posse cum divini gratiæ adjutorio, non autem sine ulla omnino Dei gratia. Certe si quavis esset in illo argumento, sequeretur hominem gratia non indigere ad servanda mandata, ad diligendum Deum cum urget præceptum, ad perseverandum, & alia quæcunque bona facienda, nam respectu illorum omnium homo est liber. Quamobrem huic objectioni, quæ Pelagianorum est, respondetur hominem esse quidem liberum, sed ita ut hæc omnia præstare non possit nisi hoc liberum arbitrium gratia adjuvetur, & quoad tentationes spectat, de quibus nunc quæstio est, quotidie Deum rogare debet, ne nos inducat in tentationem, hoc est ne permittat ut tentationi succumbamus, *vigilate*, inquit Christus Dominus, & *orate ne intretis in tentationem*.

SECUNDA CONCLUSIO.

Sine gratia vinci possunt tentationes ex motivo mere naturali.

Probat, quia ad hoc satis est, quod possint ab homine fieri quædam opera bona moralia naturalis ordinis, ad quæ tantam habeat animi propensionem, ut propterea tentationibus non succumbat: atqui

atque possunt ab homine fieri quædam opera bona moralia naturalis ordinis, ad quæ tantam habeat propensionem, ut propterea non succumbat tentationibus: sit enim aliquis vel inter Ethnicos maxime propensus ad honorandos parentes, vel ad colendum Deum ut autorem naturæ: si, cum instat tempus in quo, vult colere parentes & Deum adorare, aliqua insurgat tentatio; ut desiderium genio indulgendi, quod illi potest a proposito divellere, profecto recte concipimus eum tentationem ejusmodi superaturum ex ea propensione quam habet ad honorandos parentes, & Deum colendum ut autorem naturæ; ergo sine gratia vinci possunt tentationes ex motivo mere naturali.

Hæc porro sententia pendet omnino, ut videre est, ex præcedenti disputatione, in qua ostendimus sine gratia fieri posse bonum opus morale naturalis ordinis; hoc enim præsupposito recte colligitur ex motivo mere naturali posse nonnunquam superari tentationes quibus homo ad peccatum provocatur.

Atque ex solo statu questionis probe intellecto perspicuum sit, quam frustra in hanc nostram sententiam ea momenta congerunt adversarii, quæ mox adduximus deprompta ex Scripturis, SS. Patribus & Conciliis; siquidem ex iis solummodo colligi potest gratia superari non posse tentationes ex motivo casto & supernaturali, quæ victoria sit ad salutem æternam utilis, quod non inficiamur.

Utrum homo possit sine gratia diligere Deum.

AMor quo Deus diligitur duplex est, naturalis nempe & supernaturalis; nam proscriptæ sunt a summis Pontificibus Pio V. & Greg. XIII. hæc duæ propositæ. Bani, quarum prima est, *distinctio illa duplicis amoris, naturalis videlicet, quo Deus amatur ut autor naturæ, & gratuiti quo*
Tom. IV.

Deus amatur ut beatorum, vana est. & commensurata, & ad illudendum sacris litteris & plurimis veterum testimoniis excogitata. Secunda vero, amor naturalis qui ex viribus naturæ exoritur, ex sola Philosophia per elationem præsumptionis humana cum injuria crucis Christi defenditur a nonnullis Doctoribus.

Amor itaque Dei naturalis est ille quo diligitur Deus ut autor naturæ, ut objectum intra ordinem naturæ contentum: supernaturalis vero quo diligitur ut objectum intra ordinem gratiæ spectatum. Nimirum optime concipitur Deum cognosci a nobis naturali lumine ut autorem naturæ, tum vero supernaturali lumine fidei cognosci tanquam autorem gratiæ & gloriæ. Duplex autem illa cognitio duplicem fundat amorem.

Utraque hæc dilectio Dei iterum duplex distingui potest, videlicet dilectio Dei quæ sit super omnia, & dilectio quæ non sit super omnia; per priorem homo cæteris omnibus bonis Deum anteponebat, secus vero per posteriorem.

Dilectio qua Deus diligitur super omnia, iterum duplex, affectiva & effectiva. Affectiva in unico posita est voluntatis actu, quo homo se & omnia subijcit Deo, refert ad Deum, atque majori cum ardore in illum afficitur quam in ullam rem creatam. Effectiva ea est qua non solum homo in Deum fertur per actum voluntatis, sed etiam efficaciter & de facto servat omnia Dei mandata.

Inter varias quæ occurrunt in præsententi controversia opiniones, duo nobis propugnanda veniunt. Primum, quod fundatissimum est fidei Catholicæ dogma contra Pelagianos, dicimus hominem sine gratia non posse diligere Deum super omnia actu supernaturali qui conferre possit quidquam ad salutem æternam. Secundum vero, Deum naturaliter & sine gratia diligere posse, ut autorem naturæ dilectione affectiva, non

M

su-

autem dilectione effectiva. Agitur porro de homine in statu naturæ lapsæ considerato, quibus positis sit

PRIMA CONCLUSIO.

Homo non potest sine gratia diligere Deum super omnia in ordine ad salutem æternam.

Probatur 1. ex Scripturis. Ad Romanos cap. 5. *Charitas Dei diffusa est in cordibus nostris per Spiritum sanctum qui datus est nobis*. Ad Ephes. cap. 6. *Pax fratribus & caritas cum fide a Deo Patre*. Ad Galatas capite 5. *Fruitus Spiritus est caritas*. Primæ Joan. 4. *charitas ex Deo est*. At dilectio Dei super omnia in ordine ad vitam æternam est caritas: ergo.

Probatur 2. ex S. August. qui hanc passim contra Pelagianos tradit doctrinam. l. 2. ad Bonifacium c. 9. hæc scribit: *Multa Deus facit in homine bona quæ non facit homo, multa vero facit homo quæ non facit Deus, ut faciat homo, proinde cupiditas boni, non homini a Deo esset, si bonum non esset; si autem bonum est, nonnisi ab illo nobis est, qui summe atque incommutabiliter bonus est; quid est enim boni cupiditas nisi caritas, de qua Joannes Apostolus sine ambiguitate loquitur dicens, Charitas ex Deo est*. Lib. 4. contra Jul. cap. 3. *Amor Dei*, inquit, *quo pervenitur ad Deum, non est nisi a Deo Patre per J. C. cum Spiritu sancto*. Lib. de grat. & lib. arbit. cap. 18. *unde est*, inquit, *in hominibus charitas Dei & proximi, nisi ex ipso Deo*. Nam si non ex Deo sed ex hominibus, vicerunt Pelagiani; si autem ex Deo, vicimus Pelagianos. Quæ eadem habet infinitis in locis. Cui facile assipulatur ejus discipulus Prosper lib. c. Collat. c. 30. & 31.

Id vero rursus ostendi potest ex Conciliis quæ Pelagianos & Semipelagianos condemnaverunt. Sic Carthaginense cap. 5. tum vero Arausican. II. can. 25.

profusus donum Dei est diligere Deum. diffundit enim charitatem in cordibus nostris Spiritus Patris & Filii. Quibus adjungi merito potest quod habet Conc. Trident. sess. 6. can. 3. his verbis: *Si quis dixerit sine præveniente Spiritus sancti inspiratione, atque ejus adjutorio, hominem credere, sperare, diligere, aut panitere posse, sicut oportet, anathematis*. Diligere Deum sicut oportet, est cum diligere ex motivo pietatis & in ordine ad salutem æternam.

SECUNDA CONCLUSIO.

Non potest quidem homo naturaliter & sine gratia Dei, Deum diligere super omnia ut autorem naturæ dilectione simpliciter effectiva, recte vero dilectione affectiva.

Ac prior quidem hujus conclusionis pars probatur, quia amor Dei effectivus est ille qui cum actu voluntatis quo diligitur Deus, conjunctam habet omnium Dei mandatorum executionem: atqui homo non potest solis naturæ viribus sine gratiæ auxilio servare omnia Dei præcepta; vel etiamsi id solum intelligatur de præceptis legis naturæ; debet enim ad servanda omnia simpliciter mandata gravibus quæ ut plurimum occurrunt tentationibus resistere, concupiscentiæ motus ex omni parte rebelantes vincere: atqui homo non potest naturaliter sine gratiæ Dei auxilio, omnibus tentationibus resistere: ergo non potest homo sine gratia Deum diligere super omnia dilectione naturali simpliciter effectiva.

Posterior vero pars, nempe hominem sine gratiæ Dei auxilio posse Deum diligere dilectione affectiva, probatur quia ille amoris actus fieri potest solis naturæ viribus & sine gratia Dei qui totus entitativus est naturalis: atqui ejusmodi amor quo Deus ab aliquo Philosopho Ethnico ut autor naturæ cognitus super omnia, & præ omnibus creatoris dili-

diligeretur propter ipsius Dei bonitatem & excellentiam, sine ordine ad salutem æternam, totus esset entitativæ naturalis, scilicet ratione objecti & ratione motivi ut & ipsa cognitio qua cognoscereetur Deus: ergo ad ejusmodi actum amoris non requiritur gratiæ divinæ auxilium. Unde Apostolus cap. 1. Epistolæ ad Romi. scribit inexcusabiles esse Gentiles; quia cum naturaliter Deum cognovissent; eum non glorificaverunt; naturali nempe cultu; naturali dilectione.

Nihil est porro quod diutius immoretur in refellendo adversariorum argumento; qui ut offendant hominem non posse sine gratiæ auxilio Deum diligere super omnia; Scripturæ, Patrum & Conciliorum loca usurpant, quæ in præcedenti conclusione adduximus; est enim luce meridiana clarius hæc & similia nonnisi de dilectione Dei super-naturali; de vera charitate Christiana, quæ ordinaretur ad salutem æternam; esse intelligenda.

Utrum homo sine Gratia Dei legis præcepta implere possit.

Inter præcepta quæ homini observanda incumbunt, alia sunt naturalia quæ sola ratio naturalis dicitur, & Decalogo continentur; alia sunt supernaturalia quæ consequenter ad religionem Christianam hominibus annuntiatam; ipsis libere imposita sunt a Deo. Lex naturalis, ut alibi dicimus, nihil est aliud quam lumen quoddam nobis a natura inditum, quo discernimus quid sit bonum quidve malum, quid faciendum quidve fugiendum.

In observatione præceptorum duo distinguuntur, substantia, ut ita dicam, observationis, cum nempe præceptum adimplet homo; & modus agendi in observatione præceptorum, ut scilicet fiant vel ex charitate vel ex cupiditate, propter Deum vel propter creatu-

tam; quæ distinctio scilicet non est, ut docuerunt summi Pontifices Pius V. & Gregorius XIII. qui hanc propositionem condemnarunt in Bajo. *Celebris illa Doctorum distinctio, divini legis mandata bisariam impleri: altero modo quantum ad præceptorum operum substantiam tantum, altero quantum ad certum quemdam modum, videlicet secundum quem valeant operantem perducere ad regnum æternum, hoc est ad modum meritum; commentitia est & explosenda.*

Observandum insuper præcepta illa dupliciter sumi posse, collectivè quod de tota omnium præceptorum complexione sermo est: distributive quando nonnisi de uno vel altero præcepto agitur.

His præmissis duo hic imprimis propugnabimus. Primum quidem contra Pelagianos ostenditur neminem posse sine gratia Dei observare mandata tum naturalia tum supernaturalia, ea observatione quæ hominem perducit ad vitam æternam, quod est certissimum fidei nostræ caput. Alterum est posse hominem sine speciali Dei gratia sic observare nonnulla saltem legis naturæ præcepta, ut in eorum observatione non peccet; quod quidem eorum opinioni adversatur, qui nullum putant fieri posse ab homine bonum opus morale naturalis ordinis; inde enim manifeste sequitur, ut & ipsi pertendunt, Ethnicum peccare in ipsa legis naturalis observatione, quia non apponit circumstantiam finis bono actui debitam.

PRIMA CONCLUSIO.

Sine gratia Dei homo non potest servare mandata ut oportet, ea observatione quæ illi utilis sit ad vitam æternam.

Probatur 1. ex Scripturis. Joan. 15. cap. *Sine me nihil potestis facere.* Primæ Corinth. 4. cap. *quid habes quod non accepisti?* & secundæ cap. 3. non

quod sumus sufficientes cogitare aliquid ex nobis quasi ex nobis, sed sufficientia nostra ex Deo est. Porro si nihil a se ipso potest homo, si, ut jam ostendimus, a se ipso non potest credere, Deum diligere, tentationes superare, &c. proculdubio gratia Dei est ad observationem mandatorum absolutè necessaria.

Probatur 2. ex S. Augustino qui hanc doctrinam passim tradit, tum in iis locis in quibus gratiam scribit ad singulos actus necessariam, tum ubi recensens inter hæretica Pelagii dogmata, quod diceret aliud non esse adiutorium ad bene agendum quam legem & doctrinam; item ubi ostendit legem sine spiritu gratiæ non impleri posse, non prodesse sed plurimum obesse, "ut dedicata opera toto libro de spiritu & littera demonstrat. Lib. de natura & gratia cap. 2. sic Pelagium refellit. *Si per naturam iustitia, ergo Christus gratis mortuus est?* Et cap. 40. *Si possibilitas naturalis per liberum arbitrium & ad consequendum quomodo vivere debeas, & ad bene vivendum sufficit tibi: ergo Christus gratis mortuus est.* Idem plane docet S. Prosper lib. contra Collatorem cap. 1. & 11. ubi ait neminem posse implere Dei mandata sine gratia Dei, & legem sine spiritu gratiæ esse omnino inutilem. Cui & addere possumus S. Fulgentium eadem lib. de veritate Prædeterminationis cap. 20. scribentem.

Probatur 3. ex Concilio Carthaginense quidem in Epistola Synodica ad Innocentium I. Pontif. Max. significat damnatos fuisse Pelagianos, eo quod assererant in eo gratiam Dei deputandam quod talem hominis instituit creaturæ naturam, qua per propriam voluntatem legem Dei posset implere, sive naturaliter in corde conscriptam, sive in litteris datam. Idem habet Concilium Millevitanum in Epistola Synodica. Idem constat ex altero Concilio Carthaginensi can. 5. ubi anathema pronuntiatur ei qui asseruerit hominem sine

gratia posse implere divina mandata. Et demum ex Concilio Arausicano II. can. 23. & 25.

Obiicies id quod habetur Deuteronom. cap. 30. *Mandatum hoc quod ego præcipio tibi hodie, non supra te est. Sed mandatum quod non est supra nos possumus, impleri potest sine speciali gratiæ divinæ auxilio; ergo.*

Dist. maj. non est supra te ratione cognitionis, C. ratione observationis, N. hic igitur lex dicitur non esse supra hominem ratione cognitionis, non ratione observationis, ut aperte indicant verba hæc sequentia: *Neque procul positum, nec in caelo situm... neque trans mare positum... sed juxta te est sermo valde in ore tuo & in corde tuo, ut facias illum.* Ad cujus tamen legis observationem, si fiat ut oportet & animo Christiano, gratia Dei est absolutè necessaria.

Obiicies illud Ecclesiastici cap. 15. *adjecit mandata & præcepta sua, si volueris mandata servare, conservabunt te.* Ergo est in potestate hominis sine speciali Dei auxilio servare mandata.

Dist. ant. si volueris mandata servare cum gratia, C. sine gratia, N. sic responder S. August. lib. de grat. & lib. arbit. cap. 16. *Certum est, inquit, nos mandata servare, si volumus: sed quia preparatur a Domino voluntas, ab illo petendum est, ut tantum velimus quantum sufficit ut volendo faciamus. Certum est nos velle cum volumus, sed ille facit ut velimus, &c.* Hinc ad id quod dicebant olim Pelagiani Deum nihil præcipere hominibus impossibile; adeoque posse hominem per solas naturæ vires totam legem implere: Respondemus aliquid censei nobis possibile quod possumus cum auxilio divino; aliter ea loca in quibus præcipitur observatio legis, conciliari nequiquam possent cum isto Joan. 15. cap. *Sine me nihil potestis facere.* Unde ait Conc. Trident. *jubendo mones & facere quod possis & pete-*

petere quod non possis, & adjuvas ut possis.

Est etiam illa responsio S. Thomæ, qui quidem quæst. 24. de veritate art. 14. cum quæstionem instituit, *utrum liberum arbitrium possit facere bonum sine gratia*, ita demum disputat: *Videtur quod sic, quia præceptum non datur de impossibili: unde Hieronymus dicit, Maledictus, qui dicit Deum homini aliquid impossibile præcepisse: sed homini præcipitur ut bonum faciat: ergo homo potest per liberum arbitrium bonum facere.*

Huc objectioni sic respondet, dicendum quod illud quod præcipit Deus, non est impossibile homini ad servandum, quia & substantiam actus potest ex libero arbitrio servare, & modum quo elevatur supra facultatem naturæ, prout scilicet fit ex charitate, potest servare ex dono gratiæ. Et similiter in 2. sentent. distinet. 28. art. 3. ad 3. *dicendum quod recte homo corripitur qui præcepta non implet, quia potest ex libero arbitrio servare mandata quantum ad substantiam, neque est sine ejus negligentia, quod gratia caret, per quam potest servare præcepta etiam quantum ad modum.*

Utrum autem omnibus detur illa gratia quæ necessaria est ad implenda Dei mandata, & quænam sit, an efficax, an mere sufficiens, videbitur infra.

SECUNDA CONCLUSIO.

Sine gratia Dei non potest quidem homo omnia collective præcepta legis naturalis adimplere; nil vetat autem, quominus nonnulla distributive per solas naturæ vires sine peccato observare possit.

Ac primo quidem hujus conclusionis prior pars ex eo evincitur, quod hæc legis naturalis præcepta sunt observatu difficillima; tum ratione concupiscentiæ quæ interior hominem sollicitat ad malum, & a bono avertit; tum & ra-

tione tentationum aliarum quæ hominem extrinsecus perturbant & distrahant; unde licet unum aut alterum distributive mandatum implere possit, singula tamen collective & adæquate sumpta pro viribus naturæ sine gratiæ auxilio observare non potest; quod egregie docet S. Thomas quæst. 109. art. 2. his verbis: *Quia natura humana per peccatum non est totaliter corrupta, ut scilicet toto bono natura privetur, potest quidem in statu etiam natura corrupta per virtutem suam naturæ aliquid bonum particulare agere; non tamen totum bonum sibi connaturale, ita quod in nullo deficiat, sicut homo infirmus potest per seipsum aliquem motum habere, non tamen perfecte potest moveri motu hominis sani, nisi sanetur auxilio medicina.*

Posterior vero conclusionis pars, qua dicimus sine gratia Dei posse hominem nonnulla in particulari mandata legis naturalis implere, non peccando in ejusmodi præceptorum observatione, jam abunde a nobis certo & invictè demonstrata manet, ubi nempe validissimis argumentis ostensum est, dari posse aliquod bonum opus morale naturalis ordinis, bonum inquam & ratione officij & ratione finis; inde enim manifeste sequitur nonnulla legis naturalis præcepta impleri posse per actus bonos in eodem ordine qui peccata non sunt. Id aperte docet S. Thomas loco mox citato.

Utrum homo possit sine Gratia ab omni peccato abstinere.

Hic duæ pertractandæ veniunt quæstiones. Prima est de facto, an revera & de facto aliquis extiterit, qui ad eum justitiæ gradum etiam gratiæ divini beneficio pervenerit, ut sine omni peccato etiam veniali vitam duxerit. Secunda est de possibili, utrum id, tametsi nunquam factum fuerit,

tamen fieri posset per absolutam Dei omnipotentis virtutem.

PRIMA CONCLUSIO.

Si Christum Dominum & beatissimam ejus Matrem excipiamus, nemo homo ad eum unquam iustitiæ & sanctitatis gradum pervenit, ut sine omni peccato vitam duceret.

Probatur 1. ex Scripturis. Psal. 142. *Non intres in iudicium cum servo tuo, quia non justificabitur in conspectu tuo omnis vivens.* Eccles. 7. c. *non est homo iustus in terra qui faciat bonum & non peccet.* Primæ Joan. cap. 1. si dixerimus quoniam peccatum non habemus, nos ipsos seducimus, & veritas in nobis non est. Quo loco nihil ad rem illam illustrius proferri potest; sic enim de se ipso loquitur unus ex Apostolis jam plenus Spiritu sancto. Est porro & aliud momentum quod repetit Augustinus ex illa solemini oratione, *dimitte nobis debita nostra, sicut & nos dimittimus debitoribus nostris;* quæ oratio est in ore omnium iustorum.

Probatur 2. ex S. Augustino, qui id non uno in loco detestatus est in Pelagio, quod diceret iustos non paucos ab omni peccato facile immunes extitisse, idque potissimum l. 2. de peccat. mer. cap. 7. & sequentibus ostendit ex mox citatis Scripturæ testimoniis, si quaeratur utrum sit, non credo, magis enim credenda Scripturæ dicenti, &c. c. 10. in huiusce veritatis confirmationem adducit exempla Noe, Daniel & Job, quos licet ut viros iustos & sanctissimos prædicet Scriptura, ab omni tamen peccato immunes non facit; unde concludit cap. 13. *Sunt ergo, inquit, in terra iusti, sunt magni, fortes, prudentes, continent, patientes, pii, misericordes, temporalia mala omnia propter iustitiam æquo animo tolerant; sed si verum est, unum quia verum est, si dixerimus quia*

peccatum non habemus, nos ipsos decipimus, & non justificabitur in conspectu tuo omnis vivens; non sunt sine peccato.

Hanc doctrinam ex eo probat Augustinus, quod quando vivimus nondum sumus perfecte filii Dei facti, nec est perfecte absumpta tota vetustas, nondum renovatus totus homo interior; siquidem, ut ait Apostolus secundæ ad Corinth. 4. c. *renovatur de die in diem;* quomobrem qua parte homo est, adhuc in vetustate est & ideo in peccato est. Lege librum de perfectione iustitiæ & lib. de nat. & grat. cap. 34. & 36. cui consonat aperte quod scribit S. Hieron. lib. 2. & 3. contra Pelagianos.

Probatur 3. ex Conciliis, ac primo ex Carthaginensi ejus hæc est sanctio in canone 8. *Placuit ut quicumque dixerit in oratione dominica, ideo dicere sanctos, Dimitte nobis debita nostra, ut non pro se ipsis hoc dicant, quia non est eis jam necessaria ista petitio; sed pro aliis qui sunt in suo populo peccatores; & ideo non dicere unumquemque Sanctorum, dimitte mihi debita mea, sed dimitte nobis debita nostra, ut hoc pro aliis potius quam se iustus petere intelligatur; anathema sit.* Item ex Concil. Milev. ex Epistolis ad Innocentium I. & rescriptis Innocentii, ac demum ex Conc. Trid. sess. 6. cap. 11. docente sanctos & iustos hac in mortali vita in levibus saltem & quotidiana peccata quandoque cadere.

His porro accedit ratio. Siquidem homo non potest moraliter loquendo omnes concupiscentiæ motus, ex quibus saltem venialia erumpunt peccata, statim reprimere; dum enim, ut infeliciter experiuntur vel ipsi sanctissimi viri, uni sensualitatis motui resistitur, per sepe confugit alius.

Obijciebant Pelagiani illud primæ Joan. 3. cap. *qui natus est ex Deo non peccat, quoniam semen ipsius in eo manet; & non potest peccare, quoniam ex*

Deo

Deo natus est. Ergo in iusto non est peccatum, nec esse potest.

Dist. ant. non peccat in sensu composito & quatenus est ex Deo, C. in sensu diviso, N. sic respondet S. Aug. lib. 2. de peccat. merit. cap. 10. Non igitur contrarium testimonium est, qui natus est ex Deo non peccat, ei testimonio, si dixerimus, &c. quandiu enim homo quamvis totus spe jam & jam in re ex parte regeneratione spiritali renovatus, adhuc tamen portat corpus quod corrumpitur & aggravat animam.

Aliter respondet S. Augustinus hunc Scripturæ locum esse intelligendum de eo qui perfecte manet in Deo & perfecte ex Deo natus est, quæ quidem regeneratio filiorum Dei perfecta & consummata non erit nisi in cælis, quando videbimus eum sicuti est, nondum enim apparuit quid erimus.

Obiiciebant id quod de Zacharia & Elizabeth legitur Lucæ 1. cap. erant autem ambo iusti ante Deum incedentes in omnibus mandatis & justificationibus Domini sine querela. Ergo sine peccato.

Respondet S. Augustinus cap. 13. Nam de Zacharia, inquit, & Elizabeth qui vobis sape in huius questionis disputationibus obijciuntur, quid dicamus, nisi quod evidenter Scriptura testatur eminenti iustitia fuisse Zachariam in principibus Sacerdotum quid autem de Zacharia & Elizabeth laudabile dictum est, quod non in eo comprehendatur, quod de se Apostolus, cum in Christum nondum credidisset, professus est? Dixit enim se secundum iustitiam quæ in lege est fuisse sine querela tantum ergo longe est, ut propter illa verba Zachariam & Elizabeth credamus sine ullo peccato perfectam habuisse iustitiam; ut nec ipsum Apostolum ejusdem regulæ summitate arbitremur fuisse perfectum.

Obiiciebant quod Dominus ait Math. 5. cap. Estote perfecti sicut & Pater vester cælestis perfectus est, quod non

præciperet, inquebant, si sciret fieri non posse quod præcipit.

Respondet S. Aug. cap. 15. ejusdem libri, non nunc queritur, inquit, utrum fieri possit, si istam perfectionem ad hoc accipimus, ut sine ullo seis quisque peccato, cum hanc agit vitam, jam enim supra respondimus posse fieri, sed utrum aliquis faciat, hoc nunc querimus .. cur ergo jubet, inquiunt, quod seis nullum hominum esse facturum? Hoc modo etiam dici potest, cur primis illis hominibus jussit, qui duo soli erant, quod seiebant non esse facturos? Eo modo ergo jubet omnibus hominibus, ut non faciant ullum peccatum, quamvis sit præseis neminem hoc impleturum.

Obijcies: S. Joannes Baptista caruit omni peccato, de eo enim dixit Christus Math. cap. 11. inter natos mulierum non surrexit major: ergo.

Nego ant. quia sensus verborum Christi est solummodo inter Prophetas antiqui testamenti primas tenere Joannem, qui tamen ab omni peccato saltem leviori non fuit propterea immunis. Idem porro ferri debet judicium de Apostolis qui post descensum Spiritus sancti in gratia confirmati dicuntur: inde enim colligere est tantum, eos non fuisse deinceps peccatis lethaliibus obnoxios; siquidem ingenue fatetur S. Joannes: Si diximus quoniam peccatum, &c.

Cum porro dicimus neminem integram duxisse vitam sine aliquo saltem leviori peccato, excipimus Christum Dominum, in quo vel etiam prout homo erat, nullum omnino fuit peccatum, ut docuimus in Tractatu præcedenti de Incarnatione Verbi; id scribit S. August. lib. de corrept. & grat. cap. 11. lib. de peccat. merit. cap. 11. & lib. de Prædestin. SS. cap. 15.

Fluebat hæc impeccabilitas Christi ex unione hypostatica naturæ humanæ cum Verbo divino, uti egregie scribit S. Augustinus libro mox citato de correptione & gratia, his verbis: neque me-

secundum erat ne isto ineffabili modo in unitatem persona a Verbo Deo natura humana suscepta per liberum voluntatis peccaret arbitrium, cum ipsa suscepta talis esset, ut natura hominis a Deo ita suscepta, nullam in se motum mala voluntatis admitteret.

Quin & ab illa communi lege exepimus B. Virginem Mariam, freti autoritate ejusdem sancti Augustini qui de illa hæc scribit lib. de natura & gratia cap. 36. *Excepta itaque Sancta Virgine Maria, de qua propter honorem Domini nullam prorsus, cum de peccatis agitur, haberi volo mentionem. Quod ipsum docuerunt omnes fere sancti Patres, & universa tenet Ecclesia, uti definitur in Concilio Tridentino sess. 6. can. 23. Si quis dixerit, inquit Patres Tridentini, hominem justificatum... posse in tota vita peccata omnia etiam venialia vitare, nisi ex speciali privilegio, quemadmodum de beata Virgine tenet Ecclesia, anathema sit.* Scilicet hanc B. Virginis impeccabilitatem non ipsius naturæ sed singulari gratiæ divinæ privilegio tribuendam confitemur.

SECUNDA CONCLUSIO.

Fieri posset absolute ut justus ab omni peccato per totam vitam præservaretur.

Probatur quia id aperte docet S. Aug. lib. 2. de pecc. meritis c. 6. his verbis: *Nam qui dicunt esse posse in hac vita hominem sine peccato, non est eis continuo incerta temeritate obsequendum. Si enim esse posse negaverimus, & hominis libero arbitrio qui hoc volendo appetit, & Dei virtuti, vel misericordiam qui hoc adjuvando efficit, derogabimus. Sed alia questio est utrum esse possit; alia utrum sit.... Si a me quærazur, utrum homo sine peccato possit esse in hac vita, confitebor posse per Dei gratiam & liberum arbitrium. In fine autem capitis hæc addi adductis pluribus Scripturæ sacre testimoniis: his, inquit, atque hujusmo-*

di innumerabilibus testimoniis dubitare non possum nec Deum aliquid impossibile homini præcepisse, nec Deo ad opitulandum & adjuvandum quo fiat quod jubet, impossibile aliquid esse, ac per hoc potest homo si velit esse sine peccato adjutus a Deo.

Quomodo vero recte affirmari possit, hominem sine peccato, mediante divina gratia, vitam transigere posse, & tamen id nemini concessum fuisse præter Christum & B. Virginem, explicat sanctus Augustinus lib. de spiritu & littera cap. 1. his verbis: *qua ratione aliquid esse possit, cujus tamen exemplum deest, quod nunquam factum est vel fiet, absurdum inquit tibi videtur, cum sicut credo, non dubites nunquam esse factum ut per foramen acus camelus transiret, & tamen ille hoc quoque dixit Deo esse possibile; legas etiam duodecim milia legiones Angelorum pro Christo non pateretur, pugnare potuisse, &c.*

Accedit ratio quia universum ad vitandum omne peccatum necesse est ut homo diligentissime invigilet omnibus suis actionibus & sibi caveat singulis vitæ suæ momentis, ne vel minimus obrepit concupiscentiæ motus indebitus: sed concipimus hoc præstari posse beneficio gratiæ divinæ quæ voluntatem hominis continuo præveniret & adjuvaret: igitur fieri posset absolute loquendo ut aliquis justus per singularem Dei gratiam ab omni peccato etiam veniali præservaretur.

Utrum homo justus possit sine speciali Dei gratia perseverare in bono.

PERSEVERANTIA describitur a S. Augustino libro de Dono perseverantiæ cap. 10. *gratia qua usque in finem perseveratur in Christo, finem autem quo vita ista finitur, in qua tantummodo periculum est ne cadatur. Unde si quis non stat in fide & dilectione Dei usque in finem vitæ, tamen permultos vitæ*

suæ

luxe annos perseveraverit, non censetur proprie loquendo perseverasse.

Quæstio autem præsens institui potest tum de infantibus qui ante usum rationis post susceptum baptismum moriuntur, tum de hominibus adultis qui in sanctitate vitæ usque ad mortem persisterunt; & queritur utrum perseverantia illa finalis speciale Dei donum sit, illi gratiæ sanctificanti, in qua moritur homo, superadditum.

Porro controversia hic movetur de homine confid. rato in statu naturæ lapsæ, non in statu naturæ innocentis, quia nimirum de perseverantia Adami innocentis aliter judicandum esse ac de perseverantia in hoc naturæ corruptæ statu abunde a nobis supra dictum est.

PRIMA CONCLUSIO.

Perseverantia parvulorum post susceptum baptismum morientium speciale Dei donum est.

Probat ex Scripturis, nimirum ex illo Sapientiæ cap. 4. *Raptus est ne malitia mutaret intellectum ejus, aut ne fictio deciperet animam illius*.... placita enim eras Deo anima illius, propter hoc properavit educere illum de medio iniquitatum. Quo testimonio utitur sanctus Augustinus lib. de Prædest. Sanctorum cap. 14. ut ostendat celeriore mortem qua rapiuntur infantes baptizati, divinum esse ac singulare beneficium; ubi & id confirmat ex auctoritate S. Cypriani, cujus locum e libro de Mortalitate exscribit.

Idipsum decerta opera probat libro de Dono perseverantiæ cap. 17. his verbis: *Videte jam a veritate quam sit alienum, negare donum Dei esse perseverantiam usque in finem hujus vitæ, cum vitæ huic quando volueris, ipse det finem, quem si dat ante imminensem lapsum, facit hominem perseverare usque in finem. Sed mirabilior & fidelibus evidentior largitis bonitatis Dei est, quod etiam*

Tom. IV.

parvulis, quibus obedientia non est illius ætatis ut detur, datur hæc gratia.

Hæc porro specialis Dei gratia qua fit ut illi infantes perseverent, hoc est moriantur in gratia sanctificante per baptismum suscepta, non est ut per se patet, gratia quædam interior vel actualis vel habitualis, sed exterior quædam specialis protectio qua voluit Deus prædestinatos parvulos ab imminenti vitæ periculis liberare.

SECUNDA CONCLUSIO.

Perseverantia adultorum est quoque speciale Dei donum.

Probat ex S. Augustino qui hæc doctrinam fute tradit toto libro de Dono perseverantiæ: *Videamus, inquit cap. 2. utrum hæc perseverantia, de qua dictum est, Qui perseveraverit usque in finem, hic salvus erit, donum sit Dei; quod si non sit, quomodo verum est, quod Apostolus ait, Vobis donatum est pro Christo, non solum ut credatis in eum, verum etiam ut patiamini pro eo?* Horum quippe unum pertinet ad initium, alterum ad finem, utrumque tamen est Dei donum, quia utrumque dictum esse donatum. Id postea probat ex illo primæ Petri cap. 3. *Melius est bene facientes, si velit voluntas Dei pati, quam male facientes*; tum ex illis Jeremiæ verbis cap. 32. *Timorem meum dabo in cor eorum, ut a me non recedant*, ubi & contendit perseverantiam tota pene oratione dominica nos petere. Item ex Psal. 79. cujus hæc adducit verba, *fias manus tua super virum dextera tua, & super filium hominis quem confirmasti tibi, & non discedimus a te.*

Hanc porro doctrinam legere est diserte in Conciliis. Concilium quidem Araus. II. can. 9. definit divini muneris esse cum & recte cogitamus & pedes nostros a falsitate & injustitia continemus. Et can. 10. adjutorium Dei etiam renatis ac sanctis semper esse im-

N

plo-

plorandum, ut ad finem bonum perveniant, vel in bono opere possint perdurare. Item Conc. Trid. sess. 6. cap. 13. sic habet: *Similiter de perseverantia munere, de quo scriptum est, qui perseveraverit usque in finem hic salvus erit, quod quidem aliunde haberi non potest, nisi ab eo qui potens est, eum qui sit statuere ut perseveranter stet, & eum qui cadit restituere, &c.* Igitur perseverantia speciale Dei donum est.

Obijcies: fieri potest ut aliquis iustus moriatur statim post acceptam iustitiam, vel in Baptismo, vel in sacramento Pœnitentiz: quod enim quis moriatur, mere naturale est: atqui tunc censetur perseverasse usque in finem sine ulla speciali gratia: ergo perseverantia ut plurimum non est speciale Dei donum.

Nego min. quia mori in hac vel illa circumstantia, in hoc vel illo statu, in quo nempe homo sanctus est, speciale Dei donum est, specialis providentia & protectio, juxta illud Scripturæ, *raptus est ne malitia, &c.* Ibi quidem nulla est specialis gratia interior, ut jam monuimus, vel actualis vel habitualis; sed specialis est gratia exterior quæ dici potest specialis gratia protectionis: quemadmodum enim nasci est quid mere naturale: nasci vero ex parentibus Christianis donum est Dei singulare: ita mori est quid naturale, sed mori in statu gratiæ donum est speciale Dei.

Inslabis: homo iustus & gratia sanctificante instructus potest facere bonum opus, vitare malum, sibi cavere & tentationes cum occurrent superare seclusa illa speciali protectione: atqui tunc homo ille perseveraret usque in finem: ergo homo iustus potest perseverare usque in finem sine speciali Dei gratia.

Nego maj. quia videlicet ad bene agendum, & superandas tentationes, præter gratiam sanctificantem quæ permanentem est in iusto per modum habitus, requiritur gratia actualis: Siens

enim, inquit S. August. lib. de nat. & grat. cap. 26. *oculus corporis etiam plenissime sanus, nisi candore lucis adjunctus non potest cornere; sic & homo etiam perfectissime iustificatus nisi æterna luce iustitiæ divinitus adjuvetur, recte non potest vivere.* Hæc porro gratia actualis qua iusti efficaciter liberantur a periculis, valentque usque ad extremum vitæ exitum tentationes superare, effectus est singularis illius protectionis, quam appellamus perseverantiam, donum perseverantiæ; adeoque est & ipsa perseverantia speciale Dei donum non externum duntaxat, sed etiam internum solis prædestinatiis adultis datum.

Atque id abunde confirmatur ex iis quæ scribit S. Augustinus libro de Dono perseverantiæ cap. 9. *Ex duobus autem piis, inquit, cur huic donetur perseverantia usque in finem, illi non donetur, inscrutabiliora sunt iudicia Dei. Illud tamen fidelibus est certissimum, hunc esse ex prædestinatis, illum non esse. Nam si fuissent ex nobis, ait unus prædestinatorum, qui de pectore Domini biberat hoc secretum, mansissent utique nobiscum.* Quod idem docet lib. de corrept. & gratia cap. 8. his verbis, *Si a me queratur, cur eis Deus perseverantiam non dederit, quibus eam qua Christiane viverent, dilectionem dedit, ignorare me respondeo.*

Inslabis: Si perseverantia esset speciale Dei donum, nec iustis omnibus daretur, Deus iustos prius desereret quam ab eis desereretur: atqui prius iustos non deserit Deus quam ab eis deseratur, ut aperte docet S. Augustinus libro de nat. & grat. cap. 26. *Ipsæ autem Deus, inquit, cum impium ad perfectam sanitatem perduxerit, non deserit, si non deseratur, ut pie semper iusteque vivatur.* Quod quidem & sanxit Concilium Trident. sess. 6. cap. 11. his verbis: *Deus namque sua gratia semel iustificatos non deserit, nisi ab eis prius deseratur: ergo.*

Nego

• *Nego maj. & dico justos non prius a Deo deferri quam Deum deferant, tametsi supponatur perseverantiam finalem esse speciale Dei donum, idque duplici ex causa.*

• *Primo, quia cum Deus alicui justo denegat gratiam actualem efficacem ad perseverandum, finitque ut aliqua tentatione perturbetur & cadat in peccatum, eidem aliunde indulget gratiam sufficientem qua possit perseverare si velit, ut fusius dicetur infra, cum existentiam gratiæ sufficientis pro justis positissimum ad servanda Dei mandata demonstrabimus: unde fit ut Deus vel etiam cum gratiam efficacem ad standum justis denegat, non proinde censetur justum deferere.*

• *Secundo, quia hoc speciale donum perseverantiæ iis justis denegat Deus qui superbiendo & non se humiliando Deum deferuerunt, ut docet S. Aug. libro de nat. & grat. cap. 27. his verbis:*

Hoc utique agit ut sanet omnia, sed agit iudicio suo, nec ordinem sanandi accipit ab agro. Procul dubio quippe firmissimum Apostolum volebat efficere, cui tamen dixit, Virtus in infirmitate perficitur, & non si toties oranti aufert nescio quem stimulum carnis, quem sibi dicit datum, ne magnitudinis revelationum extolleretur. Cetera enim vitia tantum in molestis valent, sola autem suspensio etiam in recte factis cavenda est.

• *Ex quibus patet in mente Augustini sic ordinem a Deo statutum esse, ut homo perseverantiam consequatur per orationem & humilitatem. Unde lib. de Domino persev. cap. 6. As enim, inquit, voluntate sua quisque deferit Deum ut merito deferatur a Deo, quis hoc negaverit? Sed ideo petimus ne inferamus intimationem, ut hoc non fiat. Et lib. de corrept. & grat. cap. 13. loquens de iis qui non perseverabunt, ait eos prius deferere quam deferantur: Aut gratiam Dei suscipimus, inquit, sed temporales sunt, nec perseverant, deserunt & de-*

seruntur, dimissi enim sunt libero arbitrio, non accepto perseverantiæ dono iudicio Dei justo & occulto. Quapropter certum est Deum ab homine prius deferri quam hominem deferat, tametsi perseverantia finalis ac speciale Dei donum solis, prædestinatis datum.

• *Quibus merito adijungere possumus ad majorem videlicet propositæ difficultatis elucidationem, hoc sancti Augustini idemque & Concilii Tridentini estatum, quo dicitur Deus neminem prius deferere quam ab eo deferatur, a multis Theologis explicari de ea desertione, quæ fit per amissionem gratiæ sanctificantis; unde sensus est, inquit, Deum qui per gratiam sanctificantem in iustis veluti manet & habitat, ab iis nunquam recedere, gratiam suam sanctificantem nunquam auferre, eorumque demum amicitiam non renunciare; nisi propter peccatum mortale ab illis admissum, quo fit ut nunquam justum deferat, quin prius ab eo deferatur; quanquam prior sententia magis ardeat, eorum nempe Theologorum qui censent Deum eatenus non deferere quemquam, nisi prius ab eo deferatur, quatenus unicuique ac præsertim iustis semper dat gratiam sufficientem qua perseverare possint.*

De essentia & natura Gratiæ.

HActenus demonstrata contra Pelagianos gratiæ actualis necessitate ad omne bonum opus ordinis supernaturalis, sequitur ut naturam ejus & essentiam quoad poterimus, perscrutemur & explicemus. Id vero cogitanti mihi statim occurrit celebris divisio gratiæ in sufficientem & efficacem, quæ scilicet omnem complectitur gratiam actualem; quo fit ut non possimus naturam gratiæ melius indagare vel assequi, quam si de utraque fusius, pro more Theologorum, agamus.

Utrum homo possit sine gratia sanctificante aliquod bonum opus facere.

Postquam fuisse satis, ut puto, dictum est de necessitate gratiæ actualis ad varias actionum humanarum species, ad credendum, ad diligendum Deum, ad superandas tentationes, ad servanda mandata, &c. Superest ut nonnihil dicamus de necessitate gratiæ habitualis & sanctificantis, utrum nempe ejusmodi gratia tantæ sit necessitatis in eo qui operatur, ut peccatores peccatis mortalibus obstricti non possint defectu gratiæ sanctificantis ullum bonum opus facere, sed singula eorum opera totidem sint peccata.

Hic unus fuit inter articulos Wiclefi & Joannis Hus in Concilio Constantiensi damnatos: *Ex principiis fidei est per se notum, quod quicquid homo in mortali peccato fecerit, peccat mortaliter.*

Eadem doctrina merito tribuitur Lutheranis, qui docent nulla vel in iustis esse bona opera, sed omnia esse vera peccata, quamvis fidelibus non imputentur.

Ab his aut parum aut nihil recessit Baius, cujus hæc fuit propositio quæ nimirum est trigesima quinta: *Omne quod agit peccator aut servus peccati, peccatum est.* In hos omnes sit.

CONCLUSIO.

Potest homo sine gratia sanctificante & in statu peccati mortalis existens aliquod bonum opus facere.

Probat 1. ex Scripturis quæ frequentissime peccatores hortantur ad bona opera, vel etiam ad ea quibus se ad iustitiam recuperandam præparent, cujusmodi sunt conversio, pœnitentia, odium peccati, &c. Ezechielis cap. 18. *convertismini & agite pœnitentiam.* Da-

nielis cap. 4. *peccata tua elemosynis redime.*

Christus ipse sic peccatores alloquitur, Lucæ 11. cap. *petite & dabitur vobis, querite & invenietis, pulsate & aperietur vobis.* Peccatores inquam alloquitur, nam statim addit, *si ergo vos cum sitis mali nolitis bona dare filiis, quanto magis Pater vester de celo dabit Spiritum bonum petentibus se.* Perfecto si ejusmodi opera peccata essent, quia sunt a peccatoribus nondum per charitatem sanctificatis, ad ea nequam incitarentur vel etiam ab ipso Christo Domino.

Probat 2. ex Concilio Constantiensi, quod præfatum Joannis Hus articulum proscriptum, tum vero ex Tridentino quod adversus Novatores sic pronunciat sess. 6. can. 6. *Si quis dixerit opera omnia quæ ante justificationem sunt, quacunque ratione facta sint, vera esse peccata, vel odium Dei mereri, aut quanto vehementius quis mœuit se dispendere ad gratiam, tanto gravius eum peccare, anathema sit.* Quibus accedit autoritas summorum Pontificum Pii V. & Gregorii XIII. qui adductam Baii propositionem condemnarunt.

Et ratio est quia opus illud non est malum & vere peccatum, quod nec malum est ratione materiæ, neque ratione finis, neque demum ratione circumstantiarum: sed nonnulla peccatorum opera, videlicet ea quibus præparant se ad perfectam conversionem, nec mala sunt ratione materiæ, nec ratione finis, nec demum ratione ullius circumstantiæ; odium v. g. peccati malum non est ratione materiæ, immo laudabile & præceptum est a Deo; malum non est etiam ratione finis, recte enim intelligitur peccatorem odio habere peccatum propter Deum, quia divinam majestatem lædit, qui quidem finis bonus est & honestus: denique malum non est ratione ullius circumstantiæ; si qua enim circumstantia infice-

ret

ret actionem peccatoris, maxime quia sit a principio corrupto & infecto per peccatum; sed sola principii corruptio actionem peccatoris non inficit, modo peccator non agat ex proprio iniquitatis principio; sicut iustus actionem suam non semper sanctificat, quia non agit ex principio sanctitatis: igitur non omne opus factum a peccatore malum est.

Et certe si omnes & singulæ peccatorum actiones forent malæ & vere peccata, nunquam peccator dispondere se posset ad justificationem: absurdum consequens, nemo enim dixerit hominem præparare se ad justificationem per quædam peccata: igitur singulæ peccatorum actiones non sunt peccata; adeoque gratia sanctificans non est necessaria ad bonum opus faciendum.

Obijcies: legitur passim in Scripturis Deum detestari sacrificia & orationes peccatorum: *Isayz 1. cap. Deus sic alloquitur peccatores: Ne offeratis ultra sacrificium frustra, incensum abominatio est mihi, iniqui sunt cæcus vestri, candles vestras & solemnitates vestras odit anima mea, facta sunt mihi molesta, laboravi sustinent.* Joan. 9. c. peccatores Deus non audit: igitur.

Dist. ant. Deum detestari sacrificia peccatorum, quando agunt irreligiose, impie, & cum perversa intentione, C. quando peccatores agunt ex bono fine, corde contriti & præparantes se ad perfectam conversionem, N. porro de peccatoribus impie agentibus loquitur *Isayas*, ut constet ex illis verbis ibidem, *manus enim vestra sanguine plena sunt.* Et postea, *auferte malum cogitationum vestrarum ab oculis meis.*

Ad locum S. Joannis respondeo, hujus propositionis peccatores Deus non audit, sensum esse, Deum non concedere peccatoribus potestatem parandi miracula, hoc unum quippe intendit cæcus ille qui loquitur, ut manifeste colligitur ex contextu. Aliter respondet S. Augusti-

nus lib. 2. contra Epistolam Parmeniani; hoc dictum fuisse a cæco nato nondum Christiana doctrina imbuto.

Instabis: arbor mala non potest facere fructus bonos: sed peccator est arbor mala: ergo.

Dist. maj. quando agit ut mala formaliter, C. præcise quia mala est, N.

Instabis, Epist. ad Titum cap. 1. sic loquitur Apostolus, *omnia mundi mundis, coinquinatis autem & infidelibus nihil est mundum, sed inquinata sunt eorum mens & conscientia.* Igitur omnes peccatorum actiones malæ sunt.

Dist. ant. coinquinatis nihil est mundum quando male agunt, ex mala conscientia, C. secus, N. vel aliter ut plurimum, quia, ut habet ibidem Apostolus, *coinquinata sunt eorum mens & conscientia, C. semper, N. solutio satis intelligitur; nec majori eget explanatione.*

De Gratia efficaci.

Circa gratiam efficacem, de qua celeberrima est controversia inter Theologos, duo pertractabimus: 1. Utrum detur gratia de se, ut ajunt, ex se & ab intrinseco efficax. 2. Posito quod admittatur ejusmodi gratia de se efficax, unde repetenda sit hujus vis & efficacia.

Utrum admittenda sit gratia ex se efficax.

Notandum primo hanc moveri controversiam pro statu naturæ lapsæ; quodnam enim necessarium fuerit gratiæ auxilium in statu naturæ innocentis, diximus supra. Nimirum scriptum in Thomistas, qui nulla apposita statuum distinctione docent gratiam per se efficacem fuisse necessariam in utroque statu; & ostendimus Adamum in statu naturæ innocentis constitutum non indiguisse ad bene agendum.

dum gratia per se efficaci, sed tantum sufficiente, eo quod nondum attenuatum fuerat liberum ejus arbitrium. Adamo, ut diximus, dedit Deus adiutorium sine quo perseverare non poterat, non autem adiutorium quo actu perseveraret, voluit enim Deus videre quid per se posset in illo statu liberum arbitrium.

Gratia ex se, per se, ut ajunt, ab intrinseco efficax, est ea quæ per se, prout est a Deo, & juxta vim ipsi a Deo inditam, certo & infallibiliter humanæ voluntatis consensum exprimit, sic dicitur per oppositionem ad gratiam sufficientem, quæ juxta Molinam per se vim non habet certo determinandi voluntatem, sed suum ipsa sortitur effectum ex accedente voluntatis consensu; unde in systemate eorum qui rejiciunt gratiam per se efficacem, datur quidem gratia efficax, quia juxta illos gratia sufficiens per accedentem voluntatis consensum redditur efficax: scilicet in actu secundo quatenus suum habet effectum; sed nulla datur gratia per se efficax, quia, inquit, nulla datur gratia quæ certo & infallibiliter suum obtineat effectum.

Ludovicus Molina e Societate Jesu Theologus insignis in libro quem inscripsit, *Concordia liberi arbitrii cum gratiæ donis*, scribit disputat. 38. quæst. 14. art. 13. etiam in hoc statu naturæ lapsæ nullam dari gratiam per se efficacem, gratiam omnem ex se nonnisi sufficientem, reddi efficacem a solo voluntatis nostræ consensu, a sola voluntatis cooperatione, vel inefficacem quando voluntas eidem gratiæ non præbet consensum.

Quoniam vero hæc sententia Molinæ, qui nullam admittit gratiam ex se & ab intrinseca virtute efficacem, exteris Theologis durior visa est, atque etiam Scripturis & doctrinæ S. Augustini manifeste contraria, ut scribit Bellarminus lib. de gratia & libero ar-

bitrio. cap. 12. hinc factum est ut eam pauci admodum retinuerint vel ex eadem familia Scriptores & Theologi, plerique enim omnes duce Suarezio docent efficaciam gratiæ positam esse in quadam congruitate, qua fit ut gratia Dei sit efficax suumque habeat effectum, quia datur a Deo in certis circumstantiis in quibus vidit beneficio scientiæ mediæ ejusmodi gratiam suum habituram effectum. Hæc porro sententia, quam quidem speciatim rejiciemus disputatione sequenti, quæ erit de naturæ gratiæ efficacis, convenit cum sententia Molinæ, in quantum negat dari gratiam per se & ex propria vi efficacem, siquidem in rei veritate voluit isti Theologi gratiam esse libero arbitrio submissam; negant enim Deum quicquam decernere absoluto & efficaci decreto, quin prius per scientiam mediam exploraverit, quid creaturæ liberæ placuerit, quidve factura sit in hac vel illa circumstantia, ac demum viderit voluntatem consensuram.

Est & altera sententia unius e nostris Alphonsi le Moyne Sorbonici Doctoris & Professoris, qui suo libro *de dono orandi* fatetur quidem dari gratiam ex se efficacem ad quodlibet bonum opus perficiendum, sed contendit aliquam solummodo sufficientem dari ad initium fidei, ad incipiendum bonum opus, ad orandum; quam doctrinam separatim refellere nihil necesse est, quibus enim momentis divinæ gratiæ efficaciam mox propugnaturi sumus, eadem ad incipiendum peræque ac perficiendum bonum opus necessariam esse ejusmodi gratiam evincunt.

Contraria vero sententia quæ aliorum fere omnium Theologorum est, statuit in hoc statu naturæ corruptæ, præter gratiam sufficientem, cujus postea existentiam stabiliemus, admittendam esse gratiam per se & ex propria virtute efficacem, quæ scilicet suum semper, certo & infallibiliter obtinet effectum, quæ.

quæ non necessario sed infallibiliter, & ut ait S. Augustinus, ineluctabiliter, inclinabiliter humanam voluntatem movere ac determinat ad agendum, quæ denique talis est tantæque efficacæ, ut ei voluntas resistere quidem possit, sed nunquam actu resistat. Quam sententiam velut Scripturis, Patribus & Conciliorum auctoritati maxime consentaneam vehementer amplectitur.

Hæc porro gratia duobus modis est efficacæ, scilicet in actu primo & considerata antecederet ad consensum voluntatis nostræ, quatenus per se & ex natura sua vim habet certo & infallibiliter voluntatem determinandi ad consentiendum. Deinde vero est efficacæ in actu secundo quatenus actu & de facto consensum voluntatis efficit, & voluntas revera actu consentit.

CONCLUSIO.

Admittenda est gratia per se, ex se & ab intrinseco efficacæ.

Probatur 1. ex Scripturis, ubi cum luculentissima & numero prope infinita reperiantur testimonia ad hancce veritatem stabiliendam, ea majoris elucidationis causa ad varias classes revocabimus.

1. Igitur ea proferimus loca in quibus legitur Deum movere, flectere, inclinare voluntates nostras quocunque voluerit, cor regis in manu Dei est, & quocunque volueris flectes illud. Esther sui libri c. 14. sic Deum precatur, *converte consilium eorum super eos... & transfer cor illius in odium hostis nostri*. Job. 12. c. *quis ignorat quod omnia hac Dominus fecerit in cuius manu anima omnis viventis & Spiritus universa carnis hominis..... qui immutat cor Principum terræ*. Jeremæ 31. cap. introducitur populus Dei dicens, *converte me & converte, quis tu Dominus Deus meus, postquam enim convertisti me, egi penitentiam*. Psal. 118. *inclina cor meum in*

testimonia tua. Joan. 6. cap. *nemo potest venire ad me, nisi Pater qui misit me, traxerit eum*. Atqui hæc omnia manifeste ostendunt motionem Dei esse per se efficacem non ex eventu, non ex cooperatione voluntatis humanæ; in illo enim systemate adversariorum, qui gratiam non aliter efficacem putant quam ex accedente voluntatis cooperatione, plane non video, quomodo dici possit Deum inclinare & flectere voluntates hominum quocunque voluerit; quandoquidem operatur voluntas prout ipsa voluit, & ad nutum ad id quod voluit; unde quia perpse noluit, Dei gratiam reddit inefficacem; quapropter a Deo non flectitur, non inclinatur, non vertitur, non immutatur, non trahitur voluntas, sed seipsam flectit, inclinat, vertit, immutat atque trahit.

2. Idem ostenditur ex iis locis in quibus opera nostra omnia vel & ipsum velle dicuntur esse a Deo. Ad Rom. cap. 9. *non est volentis neque currentis, sed miserentis Dei*. Primæ ad Corinth. 12. cap. *Deus qui operatur omnia in omnibus*. Et ad Philipp. cap. 2. *cum metu & tremore vestram salutem operamini, Deus est enim qui operatur in vobis & velle & perficere pro bona voluntate*. Quæ profecto conciliari non possunt cum systemate gratiæ versatilis, hoc enim præsupposito systemate Deus non præbet nisi leviorē quemdam influxum voluntati humanæ, quo quidem ipsi oblato pro viribus sui liberi arbitrii quandoque agit homo, quandoque non agit; tum Deus in nobis non operatur velle, hoc est actionem voluntatis, sed ipsa voluntas tunc hominis est volentis & currentis; quandoquidem oblatam sibi a Deo gratiam & inspirationem perpse reddit inefficacem.

Ubi & observatione dignissimum est Apostolum in loco mox citato ad Philipenses dicere, Deum operari in hominibus velle, cum eos hortatur ut in timore & tremore salutem operentur. Sed
 G Deus

fi Deus non operatur ipsam volitionem & consensum per efficacem motionem; sed immo illum operaretur voluntas humana per vires sui liberi arbitrii non prædeterminati, jam illius salutaris timoris, de quo loquitur Apost. nullus relinqueretur locus; posset enim quisvis dicere sibi nihil esse timendum in negotio salutis, quandoquidem Deus illam semper & omnibus dat gratiam cui consentit quando voluerit; quid vero sentias de systemate in quo omnis plane timor salutis evertitur?

3. Et id, si fieri potest, adhuc luculentius evincitur ex illo Apostoli testimonio primæ ad Corinth. cap. 4. *Quis enim te discernit? Quid autem habes quod non accepisti? Si autem accepisti, quid gloriaris quasi non acceperis?* Quibus consentiunt ista e c. 1. secundæ Epist. *qui autem gloriatur, in Domino gloriatur.* Et quæ leguntur Epistola ad Ephes. cap. 2. *gratia enim estis salvati per fidem, & hoc non ex vobis, Dei enim donum est, non ex operibus ne quis gloriatur.* Ibi negat Apostolus hominem se discernere, justum se discernere a peccatore: atqui si gratia sufficiens redderetur efficax per consensum voluntatis humanæ, tunc homo se discerneret, justus se discerneret a peccatore: tunc enim unus se discernit ab alio, cum propria sua voluntate & nequaquam per gratiam bonum operatur præ alio: atqui hoc in systemate unus propria sua voluntate & nequaquam per gratiam bonum operatur præ alio, convertitur potius quam alter: siquidem per id unus non convertitur præ alio, quod commune est utrique; per id vero convertitur potius quam alter, quod ipsi proprium est: atqui hoc in systemate adversariorum gratia Dei utrique communis est, speciale enim nulli confert Deus; sola cooperatio, quæ effectus est liberi arbitrii, propria est cooperantis: ergo in illo systemate unus habet a sua voluntate, neutiquam ve-

ro a gratia Dei quod convertatur & bonum operetur potius quam alter; adeoque se discernit. Quapropter ut egregie disserit Augustinus lib. de Prædest. SS. cap. 5. *Possent dicere homo in statu adversus alterum, Discernit me fides mea, justitia mea, vel si quid aliud. Talibus occurrentis cogitationibus bonus Doctor, quid autem habes, inquit, quod non accepisti? A quo nisi ab illo qui te discernit ab alio, cui non donavit, quod donavit tibi. Si autem & accepisti, ait, quid gloriaris quasi non acceperis? Num queso agit aliud, nisi ut qui gloriatur, in Domino gloriatur? Nihil autem huic sensui tam contrarium est quam de suis meritis sic quemquam gloriari, tanquam ipse sibi ea fecerit, non gratia Dei: sed gratia quæ bonos discernit a malis, non quæ communis est bonis & malis. Gratia porro generalis & versatilis Molinæ communis est bonis & malis, cooperantibus & non cooperantibus; adeoque homo se discernit per ejusmodi gratiam, quod fugillat Augustinus cum Apostolo.*

Neque est quod dicatur hunc locum Apostoli solis adversari Pelagianis, qui hominem contendebant se suis propriis operibus sine gratia discernere, qui quidem error longe lateque differt ab opinione adversariorum, quæ posita homo non potest dicere, Me discerno a me ipso propriis viribus; sed me discerno adjutus gratia Dei; siquidem vel minimam non putant fieri posse actionem bonam sine gratia Dei adjuvante. Quemadmodum si quis in arte scribendi rudis & imperitus nonnisi ducante manum præceptore scriberet, non posset sine jactantia dicere simpliciter se hoc vel illud a se ipso scripsisse, quia tunc innueret se solum scripsisse, posset tamen dicere se cum auxilio præceptoris scripsisse.

Hæc inquam responsio, quæ communis est apud adversarios, merum est subterfugium; in eorum quippe sententia

tia certo constat hominem se discernere ; tamen enim iustus cum gratia Dei agat, & non a se ipso solo ; quia tamen alter non agit, habens aequalem gratiam ; necesse est ut dicatur ille per suam voluntatem se discernere, non per gratiam ; quia, ut mox dixi, non se discernit per id quod utrique commune est. Quamobrem ut apposta sit & ad rem adducta comparatio, conferri debet puer qui litteras bene efformat ducente præceptore cum altero puero qui ejusdem ductu præceptoris litteras male efformat, quo posito propria arte & peritia se discernet bene scribens a male scribente.

Neque plus virum habet, quod dicunt adversarii, ideo tantum hominem non posse dicere : me discerno, quia secundarium agens non potest sibi tribuere actionem principalis agentis. Huic enim responsioni viam præcludit Augustinus qui & lib. de civit. Dei cap. 16. & lib. de corrept. & grat. cap. 12. docet hominem potuisse in statu innocentie, si perseverasset, gloriari de suis meritis, qui nunc gloriari non potest ; quamquam homo in illo statu innocentie nonnisi secundarium agens fuisset.

4. In confirmationem hujus doctrine merito adduci possunt quæ pro asserenda decretorum divinorum efficacia leguntur in iisdem Scripturis, qualia sunt ista, Esther 13. cap. *non est qui possit tua resistere voluntati*. Isay 6. *consilium meum stabili*, & *omnis voluntas mea fiet*. Ad Rom. cap. 9. *voluntati ejus quis resistit ?* Et alia id genus, quæ cum efficaciam decretorum Dei commendat, manifeste supponunt Deum consequenter voluntates hominum motione quadam efficaci applicare ad agendum infallibiliter & ineluctabiliter, quod utique fit per gratiam ex se efficacem.

5. Deinum eodem pertinent, quæ ad probandam electionem gratuitam &

Tom. IV.

prædestinationem ante prævisa merita passim inculcant Scripturæ, sic ad Roman. cap. 9. *ut secundum electionem propositum Dei maneret, non ex operibus, sed ex vocante dictum est ei ; quia major serviet minori*. Idem Apollolus ad Ephes. 1. cap. *prædestinavit nos in adoptionem filiorum per J. C. in ipsum secundum propositum voluntatis sue &c.* Quæ quidem & similia prope innumera, quoniam ostendunt Deum efficaciter secundum propositum decrevisse, destinasse salutem electorum, probant Deum idcirco dare illis in tempore gratias per se efficaces ; aliter hoc ablatum Dei decretum suo posset carere effectu, quod manifeste implicaret.

Probatur 2. ex SS. Patribus, e quibus nonnullos etiam Augustino anteriores lubens citaverim, quamquam ingenue fatear eos non ita clare gratiæ per sese efficacis doctrinam tradidisse, nondum scilicet exorta Pelagianorum hæresi, ut ipse agnoscit August. lib. de Prædest. SS. cap. 14. his verbis : *Quid igitur opus est ut eorum scrutemur opuscula, qui priusquam ista hæresi oriatur, non habuerunt necessitatem in hac difficili ad solvendum questione versari ? Quod proculdubio facerent si respondere talibus cogerentur.*

Primus agmen duet Clemens Romanus, qui Epistola ad Corinthios non uno in loco favet huic nostræ sententiæ. Num. 8. *volens igitur, omnipotente sua voluntate stabilivit*. Num. 38. *qui carne casus est, inquit, ne inoleat, cum sciat alium esse qui continens donum ipsi tribuat.*

Sequitur S. Ignatius qui Epistola ad Smyrnicos sic habet, *dignus factus sum secundum voluntatem Dei non ex conscientia, sed ex gratia Dei quam oro perfectam mihi dari.*

Mox vero S. Irenæus lib. 4. c. 70. *Deus, inquit, gratuito quidem donat in quos oportet, secundum autem meritum*

O

tum dignissime distribuit adversus ingratos iustissimus retributor.

Et Tertullianus lib. de Patientia cap. 1. Nisi quod bonorum quorundam, inquit, sicut & malorum intolerabilis magnitudo est, ut ad capiendā & prastanda ea, sola gratia divinæ inspirationis operetur. Nam quod maxime bonum, id maxime penes Deum, nec aliis id quam qui possidet, dispensat, ut cuique dignatur. Et lib. de anima cap. 21. fructus poenitentiae soli Deo tribuit: hac erit, inquit, vis divinæ gratiae potentior utique natura, habens in nobis subiacentem sibi liberam arbitrii potestatem. Certe in sententia adversariorum libertas nostra non subiacet gratiae divinæ, sed gratia libertati.

Item & S. Cyprianus lib. 3. ad Quirinum, in nullo, inquit, gloriandum, quando nostrum nihil sit, quid enim habes quod non accepisti? Si autem accepisti, quid gloriaris? Quem locum perlatum in suas partes traxit Augustinus. Lib. de oratione dominica idem docet: Dicimus, inquit, fiat voluntas tua, sicut in coelo & in terra. Non ut Deus faciat quod vult, sed ut nos facere possimus quod Deus vult. Nam Deo quis obsequitur, quominus quod velis facias? Sed quia nobis a Diabolo obsequitur, quominus per omnia noslet animus atque actus Deo obsequatur, oramus & petimus, ut fiat in nobis, opus est Dei voluntate, id est ope ejus & protectione; quia nemo suis viribus fortis est, sed Dei indulgentia & misericordia iutus est. Profecto disertius stabiliri non potest gratiae ex se efficacia existentia.

Sic & disertissime S. Greg. Nazian. orat. 31. his verbis: Quoniam nonnulli sunt qui ob recte facta ita animis effervunt, ut id totum sibi ipsis ascribant, nec quidquam creatori & sapientia eorum auctori, ac bonorum omnium suppetitori acceptum ferant, his verbis eos docet Paulus, quod ipsam etiam recte velle divino auxilio indigeat, immo ut

rectius loquar, voluntas quoque ipsa & electio eorum, quae recta & cum officio conjuncta sunt, divinum quoddam beneficium est, atque a Dei benignitate manans. Idecirco ait, non volentis, id est non solum volentis, nec currentis solum, sed etiam miserentis Dei. Ita quoniam velle quoque ipsum a Deo est, optimo jure totum Deo assignavit. Quod idem docet S. Greg. Niss. Tract. 1. in Psal. cap. 8. Tract. 2. c. 14. & homil. quinta in Cantica.

His ultro astipulatur vel invitis adversariis S. Chrysostomus, qui non semel efficaciam divinæ gratiae commendat. Homil. 4. in Genes. gratiam Dei vocat, donum supra naturam, naturam ipsam vincens. Homil. 18. in Epist. ad Rom. explicans ista verba Isayæ 65. cap. palam apparui iis qui me non interrogabant, hæc scribit: Attamen non dicit quod ipsi per se Deum atrahere potuerint, sed & eorum qui ex gentibus credebant, factum desiciens, ostendensque quod totum gratia sua perfecit, dicit, Ego palam apparui iis, & ego inventus sum. Item & fidei initium diserte Deo ascribit ibidem, accedit fides, inquit, per gratiam attrahit. Et homilia quadam de laudibus S. Pauli, magnam, inquit, virtutis rationem habemus: ita enim & supernam gratiam attrahemus & futura bona consequemur, quæ utinam consequamur gratia & misericordia Domini, &c.

S. Basilii in Liturgia sic precatur, dona Domine virtutem ac tutamentum, malos quosumus bonos facio, bonos in bonitate conserva, omnia enim potes, & non est qui contradicat tibi, quod enim volueris salvas, & nullus resistit voluntati tuæ.

S. Ambrosius eleganter id ipsum tractat Epistola 84. ad Demetriadem: Quis enim, inquit, sine auxilio gratiae fructum potest asserere iustitiae? Aut quis audet dicere se a Christo non dividi, qui Christum in se diffunditur operari;

an forte verendum est, ne liberum sol-
lere videamur arbitrium, cum omnia per
que propitiatur Deus, ad ipsum dicimus
esse referenda? Quod nequaquam esse
consequens veritatis ostendiur: operante
enim spiritu Dei juvatur arbitrium, non
aufertur, & hoc agit gratia ut voluntas
peccato corrupta, vanitatibus ebria...
per opem miserantis medici curata reva-
lescat... ut ergo misericordiam Dei qua-
ramus, misericordiam Dei est qui ait,
Miserebor cui miserius ero, & miseri-
cordiam præstabo, cui misericordiam præ-
stitero, unde mire per Jeremiam idem
Dominus manifestat, quod Dei gratiam
nemo præveniat merito suo, sed propter
dilectionem qua Deus diligit etiam aver-
sos ad misericordiam trahi, &c.

Jam vero tandem pervenimus ad
S. Augustinum, e cujus scriptis innu-
mera prope erui possunt super isto ne-
gotio momenta; adeo ut, qui singula
vel selectiora ad gratiæ Christi per sese
efficacis dogma stabilendum maxime
apposita referre voluerit, integrum pla-
ne volumen exscribat necesse sit: hæc
pauca e multis promam. Scilicet ait
S. Doctor gratiam in voluntates no-
stras agere indeclinabiliter & insuper-
abiliter lib. de corrept. & grat. cap. 12.
subventum est igitur, inquit, infirmita-
ti voluntatis humana, ut divina gra-
tia indeclinabiliter & insuperabiliter a-
geretur. Ibidem ait illam invictissime
operari. Infirmitas servavit, ut ipso do-
nante invictissime quod bonum est vel-
lent, & hoc deferere invictissime nol-
lent.

Ubi etiam totum gratiæ utriusque
status, naturæ nimirum innocentis &
naturæ lapsæ discrimen in eo collocat,
quod homo in statu naturæ innocentis
non habuerit nisi auxilium sine quo,
in hoc vero statu naturæ lapsæ requi-
ritur insuper auxilium quo, hoc est
gratia per se efficax quæ non modo
dat posse perseverare, sed & ipsam
dat perseverantiam. Ipsa adiutoria di-

stinguenda sunt, aliud est adiutorium
sine quo aliquid non fit, & aliud est
adiutorium quo aliquid fit... primo
itaque homini, qui in eo bono in quo
factus fuerat rectius acceperat posse non
peccare, posse non mori, posse ipsum bo-
num non deferere, datum est adiutorium
perseverantis, non quo fieret ut perseve-
raret, sed sine quo per liberum arbitrium
perseverare non posset. Nunc vero San-
ctis in regnum Dei per gratiam Dei
prædestinatis non tale adiutorium perse-
verantia datur, sed tale ut eis perseve-
rantia ipsa doneatur, non solum ut sine
istò dono perseverantes esse non possint,
verum etiam ut per hoc donum nonnisi
perseverantes sint.

Tum vero docet gratiam a nullo
corde respui, lib. de Prædest. SS. c. 8.
Hæc itaque gratia, inquit, quæ occulte
humanis cordibus divina largitate tribui-
tur a nullo corde respuitur; ideo autem
tribuitur, ut cordis duritia primis au-
feratur. Quando ergo Pater intus audi-
tur & docet ut veniatur ad filium, au-
fert cor lapideum, & dat cor carneum,
sicut Propheta prædicante promisit. Et
in Enchir. cap. 9. Neque enim, inquit,
ob aliud veraciter vocatur omnipotens,
nisi quoniam quicquid vult potest, nec
voluntate cuiuspiam creatura voluntatis
omnipotentis impeditur effectus.

Præterea vim gratiæ in eo sitam ef-
fice dicit, quod homines ex nolentibus
faciat volentes, sic lib. 1. contra duas
Epistolæ Pelagianorum cap. 19. Trahi-
tur ergo, inquit, miris modis ut velis,
ab illo qui novit intus in ipsis hominum
cordibus operari, non ut homines, quod
fieri non potest, nolentes credant, sed
ut volentes ex nolentibus fiant. Lib. de
grat. & lib. arbit. cap. 14. quod pro-
sus, inquit, faceremus inaniter, nisi re-
ctissime crederemus etiam perversas &
fidei contrarias voluntates omnibotentem
Deum ad credendum posse convertere.
Liberum quidem hominis arbitrium pul-
satur, ubi dicitur; Hodie si vocem ejus

audieritis, nolite obdurare corda vestra. Sed nisi posset Deus etiam cordis duritiam auferre, non diceret per Prophetam, Auferam ab eis cor lapideum & dabo eis cor carneum. Et lib. 3. operis imperf. cap. 122. Necessitatem, inquit, si eam dicis, qua quisque invitatus opprimatur, iustitia nulla est, quia nemo est iustus invitatus, sed gratia Dei ex nolentis volentem facit.

Denique docet passim ipsas voluntatis actiones esse a Deo qui facit ut velimus & operemur, lib. de grat. & lib. arbit. cap. 16. *Certum est, inquit, nos velle cum volumus, sed ille facit, ut velimus bonum, de quo dictum est, quod paulo ante posuisti, preparatur voluntas a Domino de quo dictum est, a Domino gressus hominis diriguntur, & viam ejus vult, de quo dictum est, Deus qui operatur in vobis & velle. Certum est nos facere cum facimus, sed ille facit ut faciamus præbendo vires efficacissimas voluntati. Epistola 217. adductis iisdem Scripturæ locis sic disserit: Et multa hujusmodi, inquit, quibus commendatur vera Dei gratia, hoc est quæ non secundum merita nostra datur, sed dat merita ipsa cum datur, quia prævenit hominis voluntatem bonam, nec eam cujusquam invenit in corde, sed facit.*

Ex quibus sic argumentor: ille admittit gratiam per se efficacem, nec putat omnem Dei gratiam esse de se versatilem quæ nonnisi ab eventu & cooperatione voluntatis humanæ reddatur efficax, qui dicit gratia Dei moveri voluntates insuperabiliter, indeclinabiliter, invictissime; ejus effectus nunquam voluntate creata impediri; per illam homines ex nolentibus fieri volentes; duritiam cordis primitus auferri, ac denique omnem bonam voluntatem nostram esse a Deo, qui facit ut velimus, & faciamus; is enim ab omni penitus ratione & sensu communi alienus sit necesse est, qui tot

tantasque dotes alicui gratiæ ad nutum hominis versatilem tribuerit: atqui S. Augustinus, &c. ergo.

Atque hæc adeo clara sunt, adeo liquida ad vim gratiæ per se efficaciæ demonstrandam, ut singula aliorum Scriptorum Ecclesiasticorum testimonia hic congerere omnino inutile esse videatur; satis sit ea indicare, quotquot enim exinde de hoc argumento scripserunt, doctrinam S. Augustini amplexi sunt, si nonnullos excipias Scholasticos qui paulo ante Molinæ tempora vixere. Consule igitur S. Prosperum & S. Fulgentium fidelissimos Augustini discipulos, qui hanc ubique sententiam in omnibus suis scriptis tradunt, Petrum Diaconum in Epist. ad Africanos Præfules, qui & ipsi in Sardinia exules S. Fulgentii doctrinam in Epistola Synodica suscipiunt. Autorem operis de vocatione gentium lib. 2. cap. 35. S. Leonem Epist. 6. c. 3. Cælestinum summum Pontificem in Epistola ad Gallos. Hormisdam Epistolâ decima quinta ad Possessorem. Synodum Araucanicam II. in omnibus fere suis Canonibus. Ac deinde auctores pene omnes noni sæculi, qui occasione concertationum quæ de prædestinatione & gratia exortæ sunt, Hincmarum inter & Gotescalcum, gratuitam prædestinationem & gratiam per se efficacem constanter astruxerunt. Ita Remigius Lugdunensis Episcopus lib. de tenenda Scripturæ veritate. Ratrammus Corbejensis duobus de Prædest. libris. Lupus Servatus in libello de tribus questionibus quæst. secunda. Lupus Ferrariensis in Epistola ad Carolum Regem. Prudentius Tractatus in Epistola ad Hincmarum ac Pardulum in Tractoria.

Quibus accedit quod in postremis temporibus simul ac publicam lucem conspexit liber Molinæ de concordia liberi arbitrii cum gratiæ donis, an. 1588. primum Olisipone typis mandatus, cujus potissima doctrina est quod omnis

Chri-

Christi gratia per sese sit versatilis ad nutum voluntatis humanæ, graves in Hispania turbas concitavit hujusce doctrinæ novitas: teste Thoma Lemos insigni Dominicanæ familiæ Theologo cum multis Episcopis, Academia Salmanticensis hunc Molinæ librum censurâ notavit.

Præterea Sacra Facultas Lovaniensis anno 1587. eam condemnavit in Lessio doctrinam, qua in salutis negotio quod præcipuum est, homini donat, quod minus Deo, gratiam Dei libero arbit. subjicit ac ejus pedissequum facit, quasi non satis a Pelagio recederet: quod idem præstitit Facultas Duacensis vel acriori censura anno 1588.

Deinde cum super isto negotio graves efferbuissent contentiones Dominicanos inter & Molinæ socios, causam ad se evocavit Clemens VIII. summus Pontifex, cujus de mandato per multos annos tum & regnante Paulo V. Clementis successore habitæ sunt tam celebres & perurgatæ congregationes de auxiliis, in quibus tametsi tandem decreto emisso solemniter proscripta non fuerit Molinæ doctrina, tamen a Romanis censoribus semper damnata est. Quid facturus fuisset Clemens VIII. nisi fuisset morte præventus, conicere merito possumus ex testimonio Cardinalis Baronii qui hæc scribit in Epistola ad Petrum de Villars Archiep. Viennensem: *quod ad Dominum Papam Clementem attinet, hoc ipse in preposito est, hoc in voto, hoc in decreto, ut nec latum unguem a vestigiis prædecessorum recedas, sed iisdem insistas quam firmissime. Scit plane sanctos tot Pontifices Innocentium, Xistum, Cælestinum, Hormisdam, ac denique Felicem (cujus sunt canones Arausiacani Concilii) hoc professos suis scriptis esse atque testatos, Romanam Ecclesiam in iis que spectant ad gratiam & liberum arbitrium sequi semper consuevisse S. Augustinum. Adde quod summi Pontifices Clemens VIII. & Paulus V. qui*

Molinæ doctrinam apprimè noverant, latis in eum Censuras nunquam improbarunt.

Probatur 3. dari gratiam per sese efficacem ex nonnullis rationibus & momentis quæ maxime fundantur in Scripturis & SS. Patrum oraculis.

Primum momentum sumitur ex orationibus Ecclesiæ, quas nimirum fundere solemus, ut Deus cor nostrum immutet, ut rebelles voluntates nostras trahat ad se, ut ex nolentibus faciat nos volentes, ut non modo voluntatem ad bonum allioiat, si ei id congruum videatur, sed & ipsam bonam voluntatem impertiat; atqui hæc omnia significant aperte gratiam a Deo dari per se efficacem; quod enim orando petimus a Deo, credimus Deum facere posse & facturum speramus. Hoc argumentum passim & ubique usurpat S. Aug. lib. 4. ad Bonifacium cap. 9. *Profrus non oramus, inquit, sed orate nos fingimus, si nos ipsos non illum credimus esse in nostra potestate.* Lib. de natura & gratia cap. 18. *quid stultius, inquit, quam orare ut facias, quod habes in tua potestate.* Epist. 217. *nostris orationibus contradicunt ii, qui dicunt vocationi Dei consentire ita nostrum esse, ut si velimus, fiat; si autem nolimus, nihil in nobis operationem Dei valere faciamus.* Quæ eadem urget lib. de gratia Christi c. 25. 1. de Prædest. SS. cap. 20. lib. de corrept. & grat. e. 3. ubi, licet agat adversus Pelagianos qui putabant esse in nostra potestate credere & operari sine gratia; tamen luculentum suppeditat nobis argumentum in ista controversia, si enim gratia solum versatilis datur hominibus, profecto in oujusque potestate est reddere illam gratiam efficacem, vel inefficacem, adeoque in mente Augustini stultum erit Deum orare.

Secundum momentum petitur ex incomprehensibilitate istius questionis, cur ex duobus hominibus unus bonum fa-

faciat, & alter non faciat. Ea scilicet fuit doctrina S. Pauli a nemine sciri posse, cur unus induretur, alter non induretur; huic enim questioni respondet exclamando, *o altitudo divitiarum & scientia Dei*, &c. cui vehementer assentitur Augustinus innumeris in locis, Tractatu 26. in Joan. *Quare*, inquit, *unum trahat, & alium non trahat, noli velle judicare si non vis errare*. Et Lib. de spiritu & littera cap. 33. *Si quis me interroget*, inquit, *cur illi ita suadeatur, ut persuadeatur, illi autem non; duo solum occurrunt quæ respondere mihi placeat, o altitudo divitiarum, & nunquid iniquitas apud Deum; cui hæc responsio non placet, querat Augustino doctiores, sed caveat ne inveniat præsumptores*. Ita & lib. 1. de peccat. mer. cap. 21. atqui supposita adversariorum doctrina non est amplius recurrendum ad incomprehensibilitatem judiciorum Dei; siquidem ratio appolita, cur unus faciat bonum, alter non faciat, ad solam pertinet voluntatem hominis qui pro viribus liberi arbitrii vult reddere gratiam efficacem: ergo.

Tertium momentum est, quia ea gratia debet admitti, qua posita difficile sit libertatem eum illa conciliare, ut enim ait S. August. lib. de grat. Christi cap. 47. *Ista questio, ubi de arbitrio voluntatis & Dei gratia disputatur, ita est ad discernendum difficilis; ut quando defenditur liberum arbitrium, negari Dei gratia videatur; quando autem asseritur Dei gratia, liberum arbitrium putetur aufertur*, Lib. 2. de peccatorum meritis cap. 18. inquit, *quæ de iis rebus a talibus, quales sumus, iniri potest, quemlibet nostrum querentem vehementer angustat, ne sic defendamus gratiam ut liberum arbitrium auferre videamur; rursus ne liberum sic asseramus arbitrium, ut superba impietate ingrati Dei gratia judicemur*. Atque ita sexcenties repetit in suis scriptis hanc questionem, quomodo libertas cum gratia conciliari pos-

sit, esse difficillimam, paucis intelligibilem, obscurissimam, & alia id genus. Sed istud manifeste probat S. Aug. existimasse gratiam qua bene agimus, esse per se efficacem, nec talem fieri per usum & cooperationem libertatis nostræ; quia nimirum in systemate Molinæ & ejus defensorum facillimum est explicatu, quomodo gratia cum libero arbitrio coherere possit; gratia enim in hoc systemate expectat, non elicit voluntatis consensum, non agit insuperabiliter, sed sæpius a voluntate superatur; unde gloriabatur ac sibi plaudat Molina, quod medium feliciter adinvenerat, quo poterat nullo negotio libertas cum gratia conciliari: igitur gratia datur per se efficax.

Quartum momentum est, quia hæc doctrina Molinæ aut conculcit aut penitus evertit immobilem veritatem prædestinationis: prædestinatio enim, quam S. Aug. defendit adversus Pelagianos & Semipelagianos, est præscientia & præparatio beneficiorum Dei quibus certissime liberantur quicunque liberantur, ex lib. de Prædest. SS. cap. 14. quod manifeste significat Deum in Prædestinatione præparare gratias, quibus certissime electi liberantur a massa perditionis; atqui si gratia est efficax non per se & ex propria vi & natura sua, sed per accedentem voluntatis humanæ consensum, nemo per ejusmodi gratiam certissime liberabitur, ad mentem scilicet sancti Augustini qui hanc Dei certitudinem immobilem prædestinationis desumit non ab eventu & cooperatione voluntatis humanæ, sed a voluntate Dei omnipotentissima & a virtute auxiliorum quæ præparavit electis, quia in illo systemate fundabitur hæc divina electio in re omnino contingenti & indeterminata, videlicet in volitione libera voluntatis humanæ; igitur vix conciliari potest Molinæ sententia de Gratiæ divinæ efficaciam cum aliorum Theologorum doctrina, qui putant post S. Aug. præ-

prædestinationem esse præparationem beneficiorum Dei quibus certissime liberantur quicunque liberantur.

Quintum momentum petitur ex natura ipsa gratiæ efficacis recte intellecta; scilicet gratia efficax sic dicitur quod suum semper obinet effectum; per eam non solum homo potest operari sed & actu operatur; unde hujus gratiæ naturam sic explicare est, ut ejusdem usus & operatio ex vi ipsi gratiæ innata & intrinseca repetatur: atque nisi gratia dicatur per se & ex natura sua efficax; si vero ab eventu & cooperatione voluntatis humanæ suam ducat efficaciam, jam gratiæ usus non ex vi ipsius gratiæ oritur; contra vero si sui ipsius usum tribueret, jam ipsa propria vi & efficacia voluntatem applicaret ad agendum; ut docet sanctus Thomas 1. 2. quæst. 16. cum propriam usum rationem explicat: *dicendum*; inquit, *quod usus rei alicujus importat applicationem rei illius ad aliquam operationem: Unde Operatio ad quam applicamus rem aliquam dicitur usus ejus, sicut equitare est usus equi; & percutere est usus baculi*: Necessè est igitur usum & operationem gratiæ divinæ ex vi ipsius gratiæ propria oriri; quatenus nimirum gratia homini data primitus efficit ut ipsa homo bene utatur; importans applicationem voluntatis ad eos omnes actus producendos quos sine gratia elicere non potest: Præterquamquod Gratia divina per eam quæ ipsi propria est operationem sibi subijcit voluntatem; non autem voluntas gratiam; quo fit ut gratiæ usus & operatio oriatur ex vi ipsius gratiæ intrinseca; adeoque gratia per se & ab intrinseco sit efficax; non ab eventu & cooperatione voluntatis humanæ.

Sextum denique momentum desumitur ex eo quod easdem plane objectiones, quas adversus gratiam per se efficacem nunc proponunt Molinæ defensores, obtrudere solebant Semipelagiani

adversus illam gratiam quam propugnabat S. August. Siquidem objiciebant Massilienses in sententia Augustini, quæ docebat uni potiusquam alteri gratiam impertiri secundum propositum Dei; quæ quidem gratia insuperabiliter voluntates humanas ad bonum inclinat, & quæ sublatâ justo Dei judicio fit, ut nemo boni quidquam operetur; objiciebant inquam ex illo duriori, ut assebant, systemate fatalem quandam induci necessitatem; tolli libertatem arbitrii; asserri desperationem; induci socordiam; torporem, & ignaviam; studium virtutis retundi; incitari homines ad licentiam & dissolutionem vitæ; laudem detrahi operibus bonis; orationes refrigerare & extinguere; exhortationes & correptiones languescere & aufertur, aliaque id genus, ut constat ex duabus Epistolis Prosperi & Hilarii ad S. Aug. Nemo autem nescit easdem plane objectiones etiamnum ab adversariis summo conatu proponi adversus gratiam per se efficacem; ut mox patebit ex objectionibus. Ex iis porro manifeste colligitur S. August. propugnasse passim in suis scriptis gratiam per se efficacem; neque enim verisimile est ullam ex præfatis difficultatibus propositam fuisse a Semipelagianis adversus gratiam versatilem, quæ quidem, quoniam omnibus æqualiter datur qui pro nutu possunt reddere efficacem vel inefficacem, non tollit libertatem arbitrii, neminem inducit in socordiam, nemini asserit desperationem, &c.

Cæterum, ut jam pridem in casu propè simili monuimus, hanc nostram sententiam de gratia per se efficaci probatam nolumus ex aliis nonnullis momentis quæ in præfata materia usurpare solent Thomistæ. 1. enim, inquirunt, id exigit perfectum & absolutum dominium Dei, ut causæ primæ in omnes & singulos actus causæ secundæ, quod quidem dominium minime servaretur, nisi Deus efficaci & ineluctabili motione

flecter.

flexerit voluntates nostras. 2. Et illud ipsum postulat summa creaturæ a Deo dependentia, qua fit, ut non sufficiat voluntati creatæ ad agendum concursus simultaneus, quo posito facultatem quivis habet se determinandi ad quodecunque voluerit. 3. Quia, inquit illi, modus ille concurrendi cum sola intentione generali agendi quod volet creatura, est cæcus, ignarus, imprudens, vagus, potentialis & confusus, facitque Deum similem piscatoribus qui mittunt rete in mare, exitum & eventum suæ piscationis nescientes, adeoque non parum derogat divinæ providentiæ, quæ omnia certo attingere debet non per decretum indifferens, sed per certum & efficax.

Hæc, inquam, & similia momenta non usurpamus in præsentī controversiā ad demonstrandam vim gratiæ divinæ per se efficacis; quia revera ex ipsēdē momentis colligeretur necessariam fuisse gratiā efficacem in quocunque statu, vel etiam in statu naturæ innocentis, quod falsum esse dicebamus: initio humane Tractatus. Quamobrem pro solo statu naturæ lapsæ dari gratiā efficacem quæ medicinalis est, supponens morbum seu peccatum, in præsentī controversiā cum S. August. pertendimus; qui vero tandem fieri poterit, ut ab ista sancti Doctoris sententiā tam longe lateque discesserint Thomistæ, plane non video.

Solvuntur objectiones.

Objicies: Constat ex innumeris Scripturæ sacræ locis, gratiæ Dei persæpe resistere voluntatem humanam. Proverb. cap. 1. *Quia vocavi & non misisti, extendi manum meam & non sinit qui aspiceres.* Math. 20. *multi enim sunt vocati, pauci vero electi.* Joan. 15. cap. *si non venissem & locutus fuissē eis, peccatum non haberent; nunc autem excusationem non habent de peccato suo.*

Astorum cap. 7. *dura cervicē & incircuncisis cordibus & auribus, vos semper Spiritui sancto resistitis.* Secundæ ad Corinth. 6. cap. *adjuvantes autem exhortamur ne in vacuum gratiam Dei recipiatis.* Apocal. 3. cap. *Eccē sto ad ostium & pulso, si quis audierit vocem meam & aperuerit januam, introbo ad illum.* Ex quibus sic argumentor: ex iis locis ejusmodi est gratia Dei, ut ei voluntas humana resistat, eaque semper suum non habeat effectum: atqui gratia cui voluntas humana resistit, non est per se efficax, sed suam ab eventu & consensu voluntatis accipit efficaciam: ergo Dei gratia non est per se efficax.

Dist. maj. ut ei voluntas humana resistat aliquando, C. semper & absolute loquendo, N. hæc igitur & similia Scripturæ loca id unum probant, præter gratias efficaces quæ suum infallibiliter obtinent effectum, dari illud gratiæ genus quæ dicitur sufficiens cui voluntas humana resistit, & quæ suum proinde non consequitur effectum; sed ex iis neutiquam colligi debet aliā non esse gratiā per se efficacem, cujus tanta sit vis & potentia, ut voluntatem indeclinabiliter & insuperabiliter flectat quocunque voluerit, non est enim volentis, neque currentis, sed misērentis Dei; Deus est qui operatur in vobis & velle & perficere, inquit Apostolus.

Inslabis: Ille gratiā de sufficienti reddit efficacem, qui suam habet in sua potestate conversionem: atqui constat ex nonnullis Scripturæ locis hominem in sua potestate suā habere conversionem; ubi nempe hominibus promittit Deus fore ut, si ad illum convertantur, ipse ad eos convertetur, Zachariæ 1. cap. *convertimini ad me, ait Dominus exercituum, & convertar ad vos.* Ezechiel. cap. 33. *convertimini a viis vestris pessimis.* Quasi dicatur per gratiā sufficientem pulsare & excitare corda hominum, qui per liberum consensum suum

suum reddunt vocationem illam efficacem, adeoque plenam faciunt conversionem.

Disting. min. in sua potestate suam habere conversionem, quam actu operetur per gratiam efficacem, C. per solam gratiam sufficientem cum liberi arbitrii consensu conjunctam, N. scilicet, ut docet Concil. Trid. sessione 6. c. 5. in sacris litteris cum dicitur *Convertimini ad me & ego convertar ad vos, libertatis nostræ admonemur. Cum respondemus, Convertito nos Domine ad te & convertemur, Dei nos gratia præveniri confitemur. Sed ejusmodi loca neutiquam probant conversionem hominis esse a voluntate per gratiam solummodo sufficientem adjuncta; quod quidem nec leviter innuunt. Id porro potiori cum jure videntur objecisse Semipelagiani, quasi liquido constaret ex his verbis *convertimini ad me, convertimini a viis vestris*; hominem in potestate sua habere sine gratia initium suæ conversionis: verum abunde, ut puto, huic objectioni fecimus satis.*

Objicies ea Scripturæ testimonia in quibus profitemur Deum se nihil amplius pro Judæis facere potuisse quam quod fecerat; quasi dixisset se nullum majus beneficium dare ipsis potuisse, nullam gratiam, Isaïæ 5. cap. *Quid est quod debui ultra facere vineæ meæ & non feci, an quod expectavi ut faceret uvas & fecit labruscas?* Atqui hoc manifeste falsum esset, si gratia per se efficax necessaria foret ad quodcunque bonum opus, hæc enim non datur omnibus: igitur non datur gratia per se efficax.

Nego min. tot enim beneficia Judæis contulerat Deus, sive per miracula quæ operatus fuerat, sive per Prophetas quos ipsis miserat, ut videns eorum indurationem, *Jerusalem, Jerusalem quæ occidis Prophetas, & lapidas eos qui ad te missi sunt*, inquit Christus Matth. 23. merito dixerit se nihil potuisse facere.

Tom. IV.

quod non fecerit. Quid etenim ejusmodi querelis peccatorum in hoc nostro de gratia efficaci systemate, sit respondendum; mox videbitur.

Objicies hunc celeberrimum Scripturæ locum e cap. 11. S. Mathæi depromptum, ubi Christus Dominus nonnullis civitatibus exprobat, quod non egissent poenitentiam: *Va tibi Corozain, va tibi Bethsaida, quia si in Tyro & Sidone factæ fuissent virtutes quæ factæ sunt in vobis, olim in cinere & cilicio poenitentiam egissent.* Ex quo loco sic argumentum conficitur, idem sit judicium de quolibet bono pietatis opere ac de poenitentia Sidoniorum; sed gratia cum qua Sidonii poenitentiam egissent, si nimirum eis data fuisset, non erat gratia per se efficax. Siquidem Bethsaiditæ & Corozaitæ dubio procul non habuerunt gratiam efficacem, quandoquidem revera poenitentiam non egerunt: sed gratia cum qua Tyrii & Sidonii poenitentiam egissent, eadem erat gratia quæ revera concessa fuerat Corozaitis & Bethsaiditis; nam eo loci Christus redarguit Corozaitas adhibita comparatione ad Tyrios, quod poenitentiam non egerint cum ea gratia, quæ si Tyriis & Sidoniis data fuisset, egissent illi poenitentiam: sed dubio procul justa non est hæc reprehensio, nisi par omnino sit comparatio, nisi par & æqualis supponatur pro utriusque gratia. Corozaitæ enim potuissent reponere idcirco se poenitentiam non egisse, quod non acceperant gratiam quæ Tyriis & Sidoniis concessa fuisset, nempe gratiam efficacem: igitur gratia per se efficax non est ad quodlibet bonum pietatis opus necessaria.

Nego min. & dico gratiam cum qua Tyrii & Sidonii poenitentiam egissent, fuisse gratiam ex se efficacem, quamquam Corozaitæ & Bethsaiditæ ejusmodi gratiam per se efficacem non habuerint. Neque vero, ut iusta fuerit ea reprehensio qua Christus Dominus, im-

P

pœni-

poenitentiae redarguit Corozaitas, necesse est parem fuisse & aequalem ex omni parte gratiam quae data fuit Corozaitis cum ea quam dedisset Tyriis & Sidoniis, satis est, inquit multi Theologi, quod par & aequalis fuerit gratia quantum ad potentiam se convertendi remotam & separatam ab actu, non autem quantum ad potentiam proximam & cum actu conjunctam. Scilicet, inquit illi, Corozaitis oblata fuit gratia qua remote poterant se convertere, in quantum per eam poterant impetrare uberius Dei auxilium, quam tamen gratiam rejecerunt. Contra vero Tyrii & Sidonii primam illam gratiam non rejecissent, quia proxime fuissent ad fidem Christi adducti.

Huic eidem Scripturae testimonio in alia prope simili causa objecto aliter respondemus in tractatu nostro de Attributis divinis, ubi de scientia Dei.

Obijcies: illud systema non est admittendum, ex quo manifeste sequitur absurdas fore exhortationes quibus homines incitantur ad bonum; tum vero exprobrationes & correptiones quibus interdum onerantur & a Deo & ab aliis hominibus, quod recte non vivant: atqui nisi gratia sit efficax ab ipso consensu humanae voluntatis, ejusmodi exprobrationes, correptiones, exhortationes sunt penitus absurdæ. Is enim iuste & legitime non corripitur, quod bonum aliquod opus non fecerit, cui non suppetunt omnia ad illud bonum opus peragendum necessaria: atqui in systemate gratiae per se efficacis, homini qui bonum aliquod non operatur, qui mandatum Dei non servat, qui tentationi succumbit, non suppetunt omnia ad agendum necessaria, puta gratia efficax quae sola dat velle & operari, & cujus ope, si data fuisset, certo & infallibiliter bonum operatus fuisset: ergo in systemate gratiae per se efficacis, & nisi gratia sit efficax ab ipso consensu humanae volun-

tatis, exhortationes & correptiones sunt plane inutiles & absurdæ.

Respondeo 1. hoc argumentum quod passim legitur apud recentiores Molinam, Lessium, Suarez & Vasquezium, cum scribunt adversus prædestinationem gratuitam & gratiam per se efficacem, meram esse querelam Massiliensium adversus eandem gratiae efficaciam uni potius quam alteri ex Dei proposito datam insurgentium; sic enim loquuntur apud Hilarium in Epistola ad S. Augustinum. *Nam si sic prædestinati sunt ad utramque partem, ut de aliis ad alios multis possit accedere, quo pertinet tanta extrinsecus correptionis infantia?* Tum apud Prosperum, nec acquiescit, inquit, prædestinatum electorum numerum nec augeri posse nec minui, ne locum apud infideles ac negligentes cohortantium incitamenta non habeant. Quod idem aperte significat S. Augustinus cum Massiliensium doctrinam sibi refutandam proponit lib. de Dono persev. cap. 15. his verbis: *Sed ajunt, ut scribis, neminem posse correptionis stimulis excitari, si dicatur in conventu Ecclesiae audientibus multis, ita se habet de prædestinatione definita sententia voluntatis Dei, ut alii ex vobis de infidelitate accepta obediendi voluntate veneritis ad fidem, vel accepta perseverantia maneatis in fide; ceteri vero qui in peccatorum delectatione remoramini, ideo nondum surrexistis, quia necdum adjutorium gratiae miserantis e-rexit.*

Fuit & istud argumenti genus propositum Augustino ab Monachis Aduemetinis, eorumque Abbate Valentino; ut refertur in libro de Corrupt. & Grat. cap. 4. sic enim loquuntur: *Præcipe mihi quid faciam, & si fecero, age pro me gratias Deo qui mihi ut facerem dedit: si autem non fecero, non ego corripiendus sum, sed ille orandus est, ut det quod non dedit, id est ipsam, quae præcepta ejus sunt, fideliem Dei & proximi caritatem. Ora ergo pro me ut hanc acci-*

*accipiam, & per hanc ex animo cum bona voluntate qua precipit, faciam. Recte autem corripere, si eam mea culpa non haberem, hoc est, si eam possem mihi dare vel sumere ipse nec facerem, vel si dante illo ego accipere noluissem. Cum vero & ipsa voluntas a Domino praeprae-
retur, cur me corripis, quia vides me ejus praecepta facere nolle, & non potius ipsum rogas, ut in me operetur & vellet. Quae ipsissima est obiectio adversario-
rum.*

Ad idem porro disputationis eaput aliae nonnullae merito revocantur Masiliensium & Molinistarum querelae adversus gratiae divinae vim & efficaciam, ut cum dicunt ex hoc nostro systemate manifeste colligi studium omne virtutis retundi; orationes refrigerescere aut extinguui; laudem detrahi operibus bonis, sollicitudinem ac zelum animarum penitus evelli, & alia id genus; quae, quoniam eandem plane continentem difficultatem, eadem similiter solventur responsione.

Respondeo itaque negando min. ad cujus probationem dist. maj. cui non suppetunt omnia ad agendum necessaria, sine ulla ex parte sui culpa, C. ob aliquam ex parte sui culpam, N. Is igitur qui non servat mandata & qui tentationibus succumbit, non est ideo excusabilis, sed immo reus est & merito corripiendus, tamen ea caruerit gratia quae vel ad servanda mandata vel ad superandas tentationes necessaria est, & quam Deus imperitur pro nutu, cui vult, & quando vult, sine ullo ex parte suscipientis merito; quia nempe ex culpa ipsius hominis vel actuali vel originali profectum est, quod illa gratia per se efficaci ad recte agendum necessaria caruerit. Et ratio est quia hominem rectum primitus fecerat Deus, ita ut speciali & efficaci auxilio non indigeret ad perseverandum & recte agendum in illo felici statu, in quo nempe praesto habebat semper & in sua pote-

state auxilium quo poterat per liberum arbitrium perseverare; sed cum mala sua voluntate lapsus fuerit homo, factus est exinde pravus; tum ita labefactum est ejus liberum arbitrium, ut nec vel minimum bonum opus faciat sine gratia per se efficaci, quae cum necessaria sit ad vincendam pravitatem illam & concupiscentiam, quae malae voluntatis effectus est; manifeste sequitur ejusmodi gratiam immerentibus dari quibus datur, eamque nonnisi propter aliquam culpam denegari, quibus denegatur.

Hæc responsio, quae fundatissima est in praesenti controversia, aperte legitur apud sanctum Augustinum praefatae objectioni quam in simili casu proponebant Monachi Aduemetini, respondentem lib. de Corrupt. & Grat. cap. 6. *Nec attendunt, inquit, si nondum regenerati sunt, primam esse causam, cur ob-jurgati, quod sint inobedientes Deo, sibi debeant displicere, quia fecit Deus homini rectum ab initio humane creature, & non est iniquitas apud Deum. Ac per hoc prima pravitas quae Deo non obeditur ab homine est, quia ex rectitudine in qua eum Deum primitus fecit, sua mala voluntate decidens, pravus effectus est. An vero ideo pravitas ista corripienda non est in homine, quia non ejus propria qui corripitur, sed communis est omnibus? Immo vero corripitur & in singulis, quod est omnium. Non enim propterea cujusquam non est, quod ea nullus immunis est. si autem jam regeneratus & justificatus in malam vitam sua voluntate relabitur, certe iste non potest dicere, Non accepi, quia acceptam gratiam Dei suo in malum libero amisit arbitrio. Qui si correptione compunctus salubriter ingemit, & ad similia bona opera vel etiam meliora revertitur: nempe hic aper-tissime utilitas correptionis apparet. Sed per hominem correptio sive ex caritate sit, sive non sit, tamen: ut correptio proficit, nonnisi per Deum fit. An adhuc & iste nolens corripere potest dicere, quid ego se-*

ci, qui non accepi; quem constat accepisse? & sua culpa quod acceperat amisisse? Idem colligitur ex Epistola 194. quæ est ad Sixtum: excusabant se homines, inquit, qui volum recte & fideliter vivere, dicentes, Quid nos fecimus qui male vivimus, quandoquidem gratiam unde viveremus non accepimus? Cui objectioni sic respondet, non possunt veraciter dicere nihil mali se facere, qui male vivunt; sic enim nihil mali faciunt, bene vivunt; si autem male vivunt, de suo male vivunt, vel quod originale traxerunt, vel quod insuper addiderunt.

In hunc sensum id intellexit S. Thomas, qui 2. 2. q. 2. art. 5. ad 1. sic habet: *Ad primum ergo dicendum quod si in potestate hominis esse dicatur aliquid exclusio auxilii gratiæ, sic ad multa tenetur homo, ad quæ non potest sine gratiæ reparante, sicut ad diligendum Deum & proximum, & similiter ad credendum articulos fidei. Sed tamen hoc potest cum auxilio gratiæ, quod quidem auxilium, quibuscumque divinitus datur, misericorditer datur, quibus autem non datur, ex iustitia non datur in penam præcedentis aut saltem originalis peccati, ut Augustinus dicit in libro de correptione & gratiæ. Porro si in culpam hominum refundi merito potest, quod gratia efficaci careant, jam nulla superest in objectione difficultas: ii enim sunt omnino inexcusabiles, sed merito corripienti quod recte non vivant.*

Quibus adde præfatam objectionem proinde militare contra mitiores Molinæ defensores qui gratiam congruam admittunt, in isto enim systemate ex mera Dei benevolentia fit, ut uni potius quam alteri gratiam conferat in his potius quam illis circumstantiis; unde non omni excusatione carebunt improbi, qui dicent sibi datam non fuisse a Deo gratiam congruam, quæ moraliter loquendo suum semper consequitur effectum.

Si quis vero ulterius pertendat durio-

rem esse hunc providentiæ divini ordinem, quo nempe gratia efficaci ad bene agendum absolute necessaria plerique privantur homines. Respondeo cum sancto Augustino hujus argumenti vires penitus retundi ex parvulorum exemplo. Verum isti, inquit Epistola 194. qui personarum acceptorem fieri existimant Deum, si in una eademque causa super alios venias misericordiæ ejus, super alios vero maneat ira ejus, nempe totas vires argumentationis humane in parvulis perdunt quam quæso allaturî sunt causam, quod alius sic gubernatur ut baptizatus hinc exeat, alius infidelium manibus traditus, vel etiam fidelium priusquam ab eis baptizandus.

Huic porro objectioni, quam fateor in hac materia solutu perdifficilem, fusius respondebitur infra, cum gratiæ sufficientis existentiam asseremus; ibi nempe validissimis momentis ostendetur hominî ob ipsius culpam denegari a Deo gratiam efficacem, idque provenire ex eo quod gratiæ sufficienti resistit.

Objicies: illud systema non est admittendum, quod homines in desperationem suæ salutis adducit, quod alios incitat ad licentiam ac dissolutionem vitæ, alios in socordiam & torporem, in omnibus vero studium virtutis retundit: siquidem posito hoc systemate poterit quis sic ratiocinari: Vel Deus mihi dabit gratiam per se efficacem ad perseverandum aut resurgendum a peccato, vel non dabit; unum enim aut alterum absoluto, inflexibili & plus quam adamantino decreto sancitum est; si Deus mihi daturus est gratiam per se efficacem

cem quæ insuperabiliter & invincibiliter suum consequetur effectum, certo certius perseverabo, vel resurgam a peccato: si gratiam daturus non est, nihil boni agere possum aut certe non agam; aliunde vero ejusmodi gratia non datur conantibus, laborantibus, volentibus, quia vel primi conatus sunt effectus gratiæ: ergo manifestum est inutilem prorsus superfluum esse omnem laborem; tum vero me nulla incûria dammandum, nulla diligentia salvandum; non possum enim spem firmam & rationabilem ponere in eo auxilio, quod neque præparatur, neque datur vel merentibus vel mereri conantibus; quoquo modo me geram idem plane erit.

Respondeo 1. istas similiter Recentiorum querelas præcedenti non parum affines, easdem plane propositas fuisse olim a Semipelagianis, quibus etiam gratiæ divinæ vis & efficacia valde displicebant, sic enim agebant apud Prosperum in Epistola ad S. Augustinum, & lapsis curam resurgendi adimere, & sanctis occasionem temporis adferre, eo quod ex utraque parte superfluum esset labor, si neque rejectus ulla industria possit intrare, neque electus ulla negligentia possit excidere; quoquo enim modo se egerint, non posse aliud erga eos quam Deus definivit accidere... removeri itaque omnem industriam, tollique Dei vires, si Dei constitutio humanas præveniat voluntates. Hinc adversus istam solemnem S. Augustini doctrinam, qua dicebat iudicio Dei occulto gratiam uni dari & alteri negari, ita scribit Faustus libro 1. cap. 3. Nunc veniendum est ad illos, qui cum gratiam aliis dari, aliis negari asserunt, gratia manus cum Pelagio perdidierunt. Et cap. 11. quomodo mihi dicitur, Declina a malo, & fac bonum, si jam malum declinare non possum? per istius scilicet gratiæ efficacia subtractionem.

Respondeo 2. istud argumentum hic nobis proponi non posse a Molinæ de-

fensoribus adversus gratiam per se efficacem, aut electionem gratuitam; quia nempe idem pari prorsus modo ad auferendam omnem salutis spem & sollicitudinem de præscientia Dei quam negare non possunt, facile retorquetur; sic enim cuivis argumentari licet: Vel sum de illorum numero quos prævidit Deus cooperaturos gratiæ sufficienti quam Deus unicuique liberaliter impertitur in fine vitæ, vel non sum; si ex illorum numero sum, profecto possum per totam vitam genio indulgere, nulla enim segnitie aut dissolutione fiet, ut Deus mihi hanc gratiam denegat, & certo ipsi cooperaturus sum; unde quid sollicitus sum, nihil omnino necesse est; si ex illorum numero non sum, quæ sollicitudine efficiam, ut in illo sim, adeoque nihil restat nisi desperatio: quod quidem dilemma similiter his Theologis est dissolvendum.

Hic porro respondendi modus tantum habet virium ad solvendam prælatam objectionem, ut eo usus fuerit in simili casu S. Augustinus, Semipelagianis respondens lib. de Dono persever. cap. 15. Nunquid enim, inquit, si hoc audit nonnulli in torpore segnitieque vertantur, & a labore proclives ad libidinem post concupiscentias suas eam, propterea de præscientia Dei falsum putandum est esse, quod dictum est? Nonne si Deus illos bonos futuros esse præcivit, boni erant, in quantalibet nunc malignitate versentur; si autem malos, mali erant, in quantalibet nunc bonitate cernantur? Et cap. 22. illo autem modo, inquit, quo id dicendum putant, eadem sententia eisdem pene verbis etiam de præscientia Dei, quam certe negare non possunt, pronuntiari potest; ut dicatur, & si qui obdatis, si præciti estis rejiciendi, obedire cessabitis; nempe hoc verissimum est, ita sane.

Respondeo 3. negando min. & dico unumquemque de sua salute sollicitum esse debere; tamen si nullum bonum opus agat

agat sine gratia per se efficaci; quia certissimum est neminem hanc suam salutem reipsa consecuturum sine sollicitudine & bonis operibus, sicut ille, inquit S. Augustinus libri mox citati c. 17. *quem castum futurum esse præcivit, Deus, quamvis id incertum habeat, agit ut castus sit; ita ille quem castum futurum prædestinavit, quamvis id incertum habeat, agit ut castus sit, ita ille quem castum futurum prædestinavit, quamvis id incertum habeat, non ideo non agit ut castus sit.* Quia nempe non fieret id quod vel efficacibus suis decretis præordinavit Deus, nisi quoque studium, laborem & bona opera tanquam media adhiberet homo, sicuti non fieret id quod Deus præcivit esse futurum, nisi adhiberentur ea media, per quæ id futurum esse præcivit. Unde sapienter nos monet divus Petrus, ut in illa incertitudine positi per bona opera certam faciamus vocationem nostram. *Satagite, inquit, Epist. secundæ cap. 1. ut per bona opera certam vestram vocationem & electionem faciatis.* Eleganter vero autor. operis de vocatione gentium lib. 2. cap. 36. *Quamvis, inquit, quod statuit Deus, nulla possit ratione non fieri, studia tamen non tolluntur orandi, nec per electionis propositum liberi arbitrii devotio relaxatur; cum implende voluntatis Dei ita sit præordinatus effectus ut per laborem operum, per instantiam supplicationum, per exercitia virtutum fiant incrementa meritorum; & qui bona gesserint, non solum secundum propositum Dei, sed etiam secundum sua merita cōveniantur.*

Et certe, ut jam alibi observavimus, in negotio salutis æternæ homo non minori cum prudentia se gerere debet, quam ubi de negotiis secularibus agitur: atqui licet de fine & eventu negotiorum secularium incertus sit, ea tamen summo cum studio ac sollicitudine gerit; tametsi v. g. cum ægrotus est, optime sciat Deum decrevisse aut

ejus prosperam valetudinem aut mortem certo venturam, ad remedia tamen & medicos confugit, quorum ope possit vitæ suæ consulere; igitur in hoc salutis negotio, quod unum necessarium est, nemo sapiens de sua æterna salute desperabit, qui contra spem omnem suam in Deo collocare debet.

Obijcies: ea gratia admitti non debet quæ liberum hominis arbitrium penitus evertit: atqui gratia per se efficaç, cujus tanta est potentia & vis, ut semper & insuperabiliter suum habeat effectum; hominis liberum arbitrium penitus evertit: igitur gratia per se efficaç admitti non debet.

Respondeo 1. hanc fuisse summam doctrinæ Pelagianorum, ut eo nomine nullam actionis & voluntatis gratiam agnoscerent, quod per eam evertatur liberum hominis arbitrium; si enim illos ratiocinantes inducit S. Hieronymus in Epistola ad Ctesiphontem, *Frustra dedit arbitrii potestatem, quam implere non possum, nisi ipse me semper adjuverit. Destruiat enim voluntas quæ alterius ope indiget, sed liberum dedit arbitrium Deus, quod aliter liberum non erit, nisi fecero quod voluero.*

Idem quoque opinabantur Monachi Adumetini, ut testatur S. Augustinus lib. de grat. & lib. arbit. cap. 1. *Sed quoniam, inquit, sunt quidam qui sine gratia Dei descendunt, ut negent hominis liberum arbitrium; aut quando gratia defenditur negari existimant liberum arbitrium, hinc aliquid scribere ad vestram caritatem, Valentine frater.*

Quæ demum eadem fuit Massiliensium querela apud Prosperum in Epistola ad S. Augustinum his verbis, *patrefacias deinde quomodo per istam præoperantem & cooperantem gratiam liberum non impediatur arbitrium.* Quia nempe istud non intelligebant Massilienses de quibus loquitur; & qui gratitatem electorum prædestinationem vocare solebant fatalem legem, fatale decretum.

Ne-

Nego min. per illam enim motionem non subvertitur liberum hominis arbitrium, per quam ita movetur & determinatur voluntas ad bonum agendum, ut libere, nec necessario velit ipsa facere bonum, ad quod determinata est: atqui per gratiam Dei licet per se & ab intrinseco efficacem, humana voluntas ita movetur & determinatur ad bonum agendum, ut ipsa non necessitetur ad volendum, sed ipsa libere velit illud facere bonum ad quod determinata est per gratiam. Quod argumenti genus extat passim in scriptis S. Augustini, cum respondet objectionibus Pelagianorum; sic lib. 7. contra duas Epistolae Pelagianorum cap. 18. hanc Juliani objectionem solvit: *ad hec respondemus, inquit, homines esse opus Dei.... nec ex Dei potentia vel in malum vel in bonum invitum aliquem egi; sed deferente pro meritis ire in malum, & Deo adjuvante sine meritis converti ad bonum. Non enim est homo bonus si nolit, sed gratia Dei etiam ad hoc adjuvatur ut velit; quoniam non inani scriptum est, Deus est enim qui operatur in vobis & velle & operari bona voluntate, & preparatur voluntas a Domino.* Et cap. 19. *quis trahitur si jam volebat? & tamen nemo venit, nisi velit. Trahitur ergo miris modis ut velit, ab illo qui novit intus in ipsis hominum cordibus operari, non ut homines quod fieri non potest, nolentes credant, sed ut volentes ex nolentibus fiant.* Legendus est super ea re liber de gratia & libero arbitrio quem dedit opera scribit sanctus Doctor, ut gratia cum libero arbitrio concordiam ostenderet; quam porro conciliandi rationem ex eo petit, quod per gratiam volumus, quod gratia dat velle, quod nemo agit nolens, quando bonum operatur, cum voluntas sit a Deo, qui bonam voluntatem præparat, malamque mutat in bonam.

Eximium est insuper in hujus rei ex-

plicationem quod idem sanctus Doctor scribit lib. 2. contra Petilianum c. 84. ubi sic illum Donatistam alloquitur, *si tibi proponam questionem quomodo Deus Pater attrahat ad filium homines, quos in libero dimisit arbitrio, fortasse eam difficile solviturus es; quomodo enim attrahat, si dimittit, ut quis quod voluerit eligat.* Et tamen utrumque verum est, sed intellectu hoc penetrare pauci valent. Si ergo fieri potest, ut quos in libero dimisit arbitrio, attrahat tamen ad filium pater, sic fieri potest, ut ea qua legum coercionibus admoventur, non auferant liberum arbitrium. Cum ergo dicit Augustinus idcirco non tolli liberum arbitrium per gratiam, quia per eam fit ut velimus, id intelligit de voluntate plane libera & indifferenti quæ non modo coactioni sed & omni necessitati oppositam sæpe docet; quanquam verum sit aliunde, ut constetur S. Augustinus, istam gratia divinae trahentis cum libertate concordiam esse capto difficillimam.

Instabis; ea motio tollit libertatem qua posita homo non potest dissentire: atqui posita gratia efficaci ad consentiendum, homo non potest dissentire: ergo motio gratia efficaci tollit libertatem.

Dist. min. homo non potest dissentire in sensu composito, C. in sensu diviso, N. tum vero subdistinguo in sensu composito actuum, C. in sensu composito potentiarum, N. igitur qui per gratiam efficacem movetur ad unum, non potest quidem moveri simul ad aliud oppositum, quasi conjungantur simul duo actus oppositi, puta assensus & dissensus, id enim manifeste repugnat; sed qui movetur ad assensum potest dissentire in sensu composito potentiarum, quia in eodem remanet potentia ad dissensum, actus enim non destruit sed perficit potentiam; unde cum actuali assensu fiat potentia ad dissensum; quemadmodum cum homo loquitur, non tacet

tacet sed tacere potest. Porro ut certo judicetur, an ablata sit libertas in aliquo agente, cum ab alio movetur & determinatur ad agendum; an, cum determinatur ad assensum, remaneat potestas ad dissensum; spectari potissimum debet ad modum quo facta est motio & determinatio; nec inferri debet illo agente eversam fuisse libertatem præeise, quia ejuscemodi motio semper & infallibiliter suum consequitur effectum. Jam vero Deus per gratiam efficacem insuperabiliter quidem & invictissime movet hominum voluntates, sed modo quodam suavissimo, non applicando eas physice, ut mox ostendemus, sed moraliter eas alliciendo. Et ratio est a priori, quia Deus determinat unumquodque agens ad actum juxta suum agendi modum, ita ut faciat ut causæ necessarier necessario, & liberæ agant cum suæ libertatis exercitio.

Instabis: ille non remanet liber qui non remanet indifferens: essentia enim libertatis consistit in indifferentia: atqui homo præmotus per gratiam efficacem ad agendum, non est indifferens ad non agendum; non potest non agere; aliter gratia efficax suum non haberet effectum, quod implicat: ergo.

Neg. min. & dico hominem præmotum per gratiam ad agendum posse non agere si velit, & remanere indifferenter ad non agendum ea scilicet indifferentia quæ nulla violatur necessitate etiam simplici: Deus enim, ut mox a nobis dictum est, ita movet voluntatem humanam, ut faciat illam velle libere & indifferenter, illam consentire, miro quidem modo sed tamen vero. In hac porro occasione idcirco tantum hallucinantur adversarii, quo putent per eam motionem everti liberum arbitrium, quæ semper & infallibiliter suum habeat effectum; quod falsum est; fieri enim potest ut quisvis homo amicum suum efficaciter & insuperabiliter ducat vel trahat ad id quod voluerit illa

ejus libertate; si nempe cum delectatione cum excitet atque compellat; quanto vero efficacius id poterit Deus, qui intimos cordis humani sensus novit?

Objicies: ea sententia non debet admitti quæ non videtur satis consistere posse cum sincera Dei voluntate salvandi omnes homines, neque cum illo amore & illa cura, qua omnes ad salutem excitat: atqui sententia quæ docet gratiam esse per se efficacem & uni dari non alteri, profecto satis consistere non potest cum sincera Dei voluntate salvandi omnes homines, neque cum illo amore & benevolentia qua omnes & singulos homines ad salutem suam excitat: ergo.

Respondeo 1. hanc fuisse etiam decantatissimam Semipelagianorum querimoniam adversus doctrinam sancti Augustini de gratia & electione gratuita, ut aperte indicat octava objectio Gallorum apud Prosperum, & ipse testatur in Epistola ad Rufinum his verbis, *ubi est illud quod nobis contrarium a non intelligentibus semper opponitur, quod Deus omnes homines velit salvos fieri.*

Respondeo 2. negando min. & dico nullo negotio conciliari hanc nostram sententiam de gratia per se efficaci cum sincera Dei voluntate salvandi omnes homines, si duplicem in Deo admittamus voluntatem; nimirum antecedentem & consequentem. Voluntas antecedens ea est qua Deus vult aliquid nulla habita ratione circumstantiarum, qua voluntate dicimus illum velle omnes homines salvos fieri; consequens est ea qua Deus vult aliquid cum suis omnibus circumstantiis, qua voluntate vult quosdam tantum præ aliis salvare. Revera ex nostra sententia sequitur non esse in Deo voluntatem consequentem salvandi omnes homines, non enim omnes revera salvantur; sed non ideo rejicimus omnem aliam voluntatem, quin imo veram & sinceram antecedentem admittimus; in quantum Deus qui

qui hominem ab initio rectum condiderat cum plena omnium salvandorum voluntate, hanc semper eandem quantum est ex se fese conservat, considerans hominem quatenus homo est & suum proprium opus immo & eam conservat etiam post peccatum originale prævium; licet habita ratione circumstantiarum, & videns homines per peccatum Adæ in massa perditionis constitutos, & illos insuper in impenitentia finali morituros, nonnisi quosdam voluntate consequenti salvare velit: hæc fufius infra discutientur, ubi de voluntate Dei discutiendi omnes homines longe uberius tractabitur.

Objicies nonnulla sancti Augustini testimonia, ac primo id quod habet lib. de Spiritu & littera cap. 23. Cum ergo, inquit, fides in potestate sit, quoniam cum vult quisque credit, & cum credit, volens credit. Et cap. 34. nemo habet in potestate quid ei veniat in mentem, sed consentire vel dissentire propria voluntatis est. Ex quibus sic argumentor, ait S. Augustinus, hominem credere cum vult, & in potestate hominis esse consentire vel dissentire: ergo existimabat gratiam Dei ex eventu & consensu voluntatis humanæ reddi efficacem.

Dist. ant. consentire vel dissentire per gratiam efficacem ipsius consensus vel dissensus, C. per gratiam mere sufficientem, versatilem, & libero arbitrio subjectam, N. scilicet id unum eo loci docet Augustinus liberum hominis arbitrium suas habere partes in actu fidei, quamvis fides recte dicatur donum Dei; quia qui credit, volens credit, in sua potestate habet credere vel non credere; quod sane non impedit, quominus ipsum credere sit a Deo per gratiam efficacem, ut observat ibidem sanctus Doctor his verbis: *Quæ res non solum non infirmat quod dictum est, quid enim habes quod non accepisti? verum etiam confirmat: accipere quippe & habere anima non potest dona, de quibus*

Tom. IV.

hoc audit, nisi consentiendo; ac per hoc quid habeat & quid accipiat, Dei est, accipere autem & habere utique accipientis & habentis est.

Instabis: S. Augustinus ponens hypothesim in qua duo juvenes æqualiter animo & corpore affecti, eadem ambo urgentur tentatione, unus vero cedit & consentit, alter non consentit. Respondet id soli eorum voluntati tribuendum, lib. 12. de civit. Dei cap. 6. Si enim, inquit, aliqui duo æqualiter affecti animo & corpore videant unius corporis pulchritudinem, qua visa unus eorum ad illicitè persuadendum moreatur, alter in voluntate pudica stabilis perseveret, quid putamus esse cause, ut in illo fiat, in illo non fiat voluntas mala... nam ut hoc quoque impedimentum ab ista questione tollatur si eadem tentatione ambo tententur, & unus ei cedat atque consentiat, alter idem qui fuerat, perseveret, quid aliud apparet, nisi unum voluisse, alterum noluisse a castitate deficere. Atqui hæc responsio supponit manifeste gratiam reddi efficacem per liberum voluntatis consensum; ergo.

Dist. maj. respondet id soli eorum voluntati esse tribuendum, si sermo sit de illo qui per malam voluntatem consentit, C. si sermo sit de illo qui per bonam voluntatem tentationi resistit, N. manifestum est cuilibet hunc locum attentius legenti, S. Augustinum nonnisi male voluntatis causam querere, ut ibidem testatur his verbis, hanc igitur consensionem hanc malam, quam male suadenti adhibuit voluntatem qua in eo res fecerit, querimus. Et aliunde certum est id unum eo loci pertendere in omni naturæ specie ac modo laudabilem esse creatorem, nullam naturam per se malam esse: quomodo, inquit, res bona efficiens est voluntatis malæ? quomodo inquam bonum est causa mali? cum enim se voluntas relicto superiore ad inferiora convertit, efficitur mala; non quia malum est, quo se convertit, sed

Q. quia

quia perversa ipsa conversio. Quocirca proposita hypothesi concludit Augustinus penes voluntatem fuisse, ut unus consentiret, alter vero non consentiret; sed spectat ad solam voluntatem malam quæ consensit, & non præjudicat familiari suæ doctrinæ de gratia efficaci, qua nempe constat Deum operari omnia in omnibus, operari ipsum velle, omnem bonam voluntatem esse a Deo, &c. sicut lib. de Prædest. SS. cap. 6. fatetur alios credere, alios contradicere, quia volunt isti credere, noluit autem illi, sed, inquit, cum aliis prepararetur voluntas, aliis non preparatur voluntas a Domino.

Hic vero monitum velim lectorem, doctrinam S. Augustini de gratiæ efficacia esse potissimum depromendam ex postremis libris, quos sub finem vitæ scripsit jam multum assiduus Pelagianorum & Semipelagianorum argumentis pulsatus; unde nulla penitus haberi debet ratio nonnullarum propositionum, quæ ipsi profecto exciderunt, tum l. 3. de libero arbit. cap. 19. tum libro 1. ad Simplicianum quæst. prima, quos libros nondum ab errore Semipelagianorum conversus composuerat.

Obijcies: ab illa sententia longe aberant Patres Græci qui passim affirmant nullam dari gratiam quæ efficaciter præveniat voluntatem hominis; nostrarum esse partium ut incipiamus ac velimus, Dei autem ut conatus nostros adjuvet; Deum ex æquo & absque discrimine respicere & vocare omnes homines; tum iis conferre gratiam quos ante laudabiliter effectos præciverat, & alia id genus quæ legere est apud S. Irenæum lib. 4. cap. 48. Clementem Alex. lib. 7. Stromatum. Cyril. Alex. lib. 3. contra Jul. imprimis vero S. Chrysost. qui homil. 17. in Joan. sic scribit: hinc, inquit, admoneri possumus Deum suis in nos beneficiis nostras non prævenire voluntates, sed a nobis incipiendum esse, sed cum nos prompto paratogue animo

ad suscipiendam gratiam exhibemus, tunc multas nobis offert salutis occasiones. Et Homil. 12. in Epist. ad Hebr. oportet nos, inquit, eligere primum quæ bona sunt, & tunc ipse quæ sua sunt, introducit; non antecedit nostras voluntates, ne ladata arbitrium: cum autem nos elegerimus, multum tunc nobis offert auxilium. Quæ pene eadem reperias apud S. Greg. Nazian. orat. 3. S. Basil. in Psal. 33. Theodoretum ad cap. 8. & 9. Epist. ad Rom. Œcumenium & Photium ad idem caput.

Quibus profecto adungi possunt nonnulli e Latinis Patribus, S. Ambros. lib. 2. de Abraham cap. 10. S. Hilar. in illa verba Psalmi 118. *inclina cor meum*. Tum vero S. Hieron. dial. 3. contra Pelag. hæc scribens: *Es tamen hoc scito baptismum præterita donare peccata, non futuram servare justitiam, quæ labore & industria ac diligentia, & semper super omnia Dei clementia custoditur; ut nostrum sit rogare, illius tribuere. Quod rogatur; nostrum incipere, illius perficere; nostrum offerre quod possumus, illius implere quod non possumus.*

Respondeo primo veram & accuratam Ecclesiæ doctrinam in negotio prædestinationis & gratiæ divinæ, non esse depromendam ex Patribus Græcis, qui ante Pelagianorum hæresim scripserunt.

1. Quia commune fuit in quavis ætate sanctis doctoribus, ut de aliquo fidei Christianæ dogmate non ita caute loquerentur, cum nondum exorti fuerant hæretici qui hocce dogma impugnarent, quæ ex causa veteribus nonnulla in speciem adversus Verbi divinitatem exciderunt; quippe qui ante Arian & Nicænæ Synodi tempora scribebant. Id respondet S. Augustinus de Chrysostomo, cujus autoritatem obiciebat Julianus, quasi adversus existentiam peccati originalis quidquam scripsisset, sic, inquam, loquitur lib. 1. cap. 6.

cap. 6. adversus eundem Julianum, disputans in Ecclesia Catholica non se aliter intelligi arbitrabatur, tali questione nullius pulsabatur; vobis nondum litigantibus securius loquebatur.

2., Quia de gratia ejusque vi & efficacia nunquam ex professo, sed obiter tantum & perfunctorie disputarunt Patres Græci in homiliis & concionibus quas habebant ad plebem, in quibus solet minus extolli gratiæ & electionis efficacia immutabilis, qua moveri possunt & interrurbari infirmorum mentes; sæpius vero studium, labor, conatus & industria ad recte vivendum excitantur.

Semipelagianis de vetustiorum Patrum autoritate in pari casu gloriantibus id respondet Augustinus lib. de Prædest. SS. cap. 14. *Quid igitur opus est, inquit, ut eorum scrutemur opuscula, qui priusquam ista hæresis oriretur, non habuerunt necessitatem in hac difficultate ad solvendum quæstione versari? Quot proculdubio facerent, si respondere talibus cogerentur; unde factum est ut de gratia Dei quid sentirent, breviter quibusdam scriptorum suorum locis & transeunter attingerent, immorarentur vero in eis, quæ adversus inimicos Ecclesiæ disputabant, & in exhortationibus ad quasque virtutes, quibus Deo vivo & vero pro adipiscenda vita æterna & vera felicitate serviunt.*

Ex iis porro non sequitur idcirco hac in materia errasse Patres Græcos, quod quidem imprudenter admodum affirmarunt nonnulli Theologi; tum quia id evincunt plurima Ecclesiæ Græcæ monimenta, quæ superius a nobis adducta sunt; tum quia ipsimet Græci, simul atque Pelagiani exorti sunt, non minus necessitatem & efficaciam gratiæ sunt amplexi quam Latini; ut patet ex Synodo Ephesina, Joanne Maxentio, & Photio; tum denique quia eorum verba paulo forsitan duriora emoliri facile possunt & benignius explicari.

Respondeo 2., dist. ant. plerique Patres Græci dicunt nostrum esse incipere cum aliquo Dei auxilio, cum aliqua Dei gratia, Dei vero perficere per auxilium fortius, C. nostrum incipere sine ulia Dei gratia, N. id unum igitur passim docent Patres Græci gratiam secundam, & uberiores dari hominibus, qui pro laudabili studio & labore bene incipiunt & ad agendum veluti sese accingunt & præparant, ope scilicet primæ gratiæ qua fuerunt instructi; sed non supponunt hominem omni penitus gratia destitutum, ut factis colligere est ex iisdem locis, quia non agunt de uno vel altero actu conversionis ad Deum, sed de variis actibus ad perseverantiam tendentibus; ad quos videlicet actus, divini gratiæ simul & voluntatis humanæ concursus perspicue depicunt; sic S. Chrysostomus eadem Homil. in Epist. ad Hebræos. *Etiamsi curas, inquit, etiamsi studium adhibeas ne tuum existimes, si quid recte gestum est. Nisi enim celesti auxilio potiaris, omnia frustra sunt.* Cum vero idem sanctus Doctor primos veluti motus humanæ voluntati tribuere videtur; consulto animadverterunt doctissimi ejus interpretes, hoc sensu duntaxat eum fuisse locutum, ut a divinis inspirationibus abesse vellet omnem agendi voluntatem, qua humana præriperetur libertas; quod idem plane respondere possumus ad elucidanda aliorum Patrum testimonia. Quod vero initium boni operis voluntati humanæ ascribere videantur isti Patres, exinde ut puto, factum est; quod passim ipsis valde extollendum erat liberum hominis arbitrium; siquidem ut plurimum rem habebant cum Manichæis libertatem evertentibus, aut cum Gentilibus, qui fatum introducebant ineluctabile; vix autem prædicari posse liberum arbitrium, quin gratiæ Dei nonnihil detrahi videatur, observavit non semel ipse Augustinus. Consule insuper quæ

Q 2 supe-

superius dicta sunt, ubi de initio fidei tractavimus adversus Semipelagianos.

Obijcies id quod habet Concilium Tridentinum sess. 6. cap. 5. ubi loquens de gratia, eam ab homine abjici posse docet, *Inspirationem illam recipiens: quippe qui illam & abjicere potest*. Et canone 4., *si quis dixerit liberum hominis arbitrium a Deo motum & excitatum nihil cooperari assentiendo Deo excitanti, atque vocanti, quo ad obtinendam justificationis gratiam se disponat, ac prapares; neque posse dissentire, si velit anathema sit*. Eo loci Patres Tridentini loquuntur de gratia efficaci, de ea nempe gratia, de qua controversia erat cum Novatoribus contendentibus illam auferre liberum hominis arbitrium: atqui tamen definiunt illam esse efficacem per consensum, vel inefficacem per dissensum; dicunt enim ita illam esse efficacem, ut voluntas possit dissentire, si velit: ergo consentent gratiam esse efficacem ex eventu & cooperatione voluntatis humanæ.

Nego min. quia cum dicunt Patres Tridentini gratiam ita movere & excitare, ut homo possit illam abjicere & dissentire, si velit, non ideo existimant ejuscemodi gratiam non esse per se efficacem & suam mutari efficaciam ex libera voluntatis cooperatione; sed solum significant liberum arbitrium gratiæ cooperari ac posse dissentire si velit. Et ratio est, quia nemo nescit illa decreta Concilii Tridentini edita fuisse adversus Lutheranos & Calvinistas, qui liberum arbitrium, & liberam in bono opere activitatem negabant; unde Concilium definit hominem ita recipere gratiam & divinam inspirationem, ut possit illam abjicere & dissentire si velit, præcise ut doceat hominem motum & excitatum per gratiam non pure passivè sed libere cooperari.

Porro cum dicimus gratiam Dei esse per se & ab intrinseco efficacem, vo-

lumus, tamen ei voluntatem nostram necessario non consentire, huic quidem gratiæ voluntas nunquam resistit sed resistere potest, quatenus ut fulsissime & clarissime supra expositum est, Deus sic voluntates nostras movet ac determinat, ut ipsæ libere velint hoc ipsum ad quod determinantur.

Et certe ut in illis definitionibus Concilii Tridentini conseretur condemnata hæc nostra sententia, Patres deberent pronuntiare data gratia efficaci aliquando voluntatem non agere; gratiam per quam sæpe homo agit, suum aliquando non sortiri effectum, quod sane nec leviter innuunt.

Accedit denique quod & aperte gratiam per se efficacem stabiliant; eam enim astringunt gratiam cui homo motus & excitatus cooperatur: atqui gratia cui homo cooperatur, est per se efficax, suum enim sortitur effectum: ergo & ipsi Patres Tridentini manifeste astringunt gratiam per se efficacem.

Quid sit gratia efficiax, & a quo repetenda sit ejus efficacia.

Postquam fufe satis, ut puto, gratiam dari per se efficacem quæ suam vim & efficaciam non accipiat a consensu voluntatis, ostendimus; sequitur, ut de modo quo illa vim suam & efficaciam obtinet, paucis dicamus.

Tres iterum hic occurrunt sententiæ, quarum dux extremæ sunt, una media.

Prima eorum est, qui in rei veritate merito censentur gratiam per se efficacem negare, licet enim dicant se aliquam gratiam efficacem ab inefficaci & sufficiente distinctam admittere; ajunt tamen illam esse positam in congruitate quadam & contemperatione ipsius ad voluntatem humanam, prout subest scientiæ mediæ seu cognitioni futurorum conditionatorum, qua cognovit Deus futurum, ut, si daturus sit suam

suam gratiam homini hac vel illa ratione disposito, in hac vel illa circumstantia, suum efficaciter & certo consecutura sit effectum vi talis congruentiæ. Quapropter in illa sententia, quando Deus vult efficaciter movere hominem, videt, antequam istud decernat, per scientiam mediam, an & quid operatura sit voluntas illius hominis, si datur illi gratia; postea dat illi gratiam proportionatam ejus ingenio & complexioni naturali; ex qua prævidit hominem consensurum.

Secunda sententia est communiter Thomistarum, qui dicunt gratiam efficacem positam esse in promotione seu prædeterminatione physica; per quam humana voluntas physice movetur & applicatur ad agendum, eo sere pacto quo instrumentum operi admovetur & physice applicatur a causa principe.

Tertia vero inter utramque media, est eorum qui affirmant naturam gratiæ efficacis positam in motione morali, seu victrici quadam & insuperabili delectatione, qua Deus movet & determinat voluntatem hominis ad agendum, cui sententiæ libenter assentimur, quocirca sit

PRIMA CONCLUSIO.

Efficacia divinæ gratiæ non est repugnans a congruitate, prout subest scientiæ medix.

Primo, quia in rei veritate hæc sententia reducit efficaciam gratiæ in liberum voluntatis humanæ consensum; quam quidem sententiam pluribus momentis impugnavimus in præcedenti dissertatione; in hoc enim systemate Deus non decernit dare gratiam in hac vel illa circumstantia, posito quin prius viderit per scientiam mediam ejusmodi gratiam fore efficacem, quæ maneret inefficax, si daretur in alia occasione: atqui hoc posito ratio primaria

efficacitatis illius gratiæ se tenet ex parte ipsius hominis; repetitur enim ab ejus natura, ingenio, dispositione, & complexione naturali; quæ dispositiones hominis Deum movent ad largiendam suam gratiam: ergo illa sententia manifeste reducit efficaciam gratiæ in liberum voluntatis consensum, quæ proinde nonnisi apparetur, & in speciem differt ab ipsius Molinæ doctrina.

Secundo, huic sententiæ manifeste adversantur quæcunque in præcedenti questione adduximus ex Scripturis & S. Patribus ad asseverandam gratiæ Dei efficaciam; his enim omnibus momentis certo efficitur gratiam esse efficacem ex absolutis Dei decretis, ex omnipotentissima Dei voluntate, ex gratuito Dei beneplacito, secundum efficacem Dei propositum; quæ quidem aperte falsa sunt, si gratia sit efficax propter hominis dispositionem prævisam a Deo per scientiam mediam.

Tertio demum, & subjungi possunt quæ olim diximus adversus scientiam mediam, quæ quidem si merum otiosum hominis commentum est, in nullo vel Scripturæ, vel Sanctorum Patrum testimonio fundatum, ruat & illa opinio de gratia congrua necesse est.

Obijcies: S. Augustinus lib. 1. ad Simplicianum quæst. secunda, videtur gratiæ vocantis vim & efficaciam ponere in quadam congruitate, qua Deus quosdam præ aliis vocat, sic enim loquitur: *Verum est ergo, multi vocati, pauci electi. Illi enim electi, qui congruenter vocati, illi autem qui non congruebant, neque contemperabantur vocationi, non electi, quia non secuti, quamvis vocati falsum est autem, si quis dicit, igitur non miserentis Dei, sed volentis atque currentis est hominis, quia nullius Deus frustra miseretur; cujus autem miseretur, sic eum vocat, quomodo scit ei congruere, ut vocantem non respuat. Ergo tamen pugna-*

gnaverit Augustinus pro gratia per se efficaci, existimavit tamen illius efficaciam ex congruitate repetendam.

Dist. ant. reponere videtur efficaciam gratiæ in congruitate quæ derivetur a voluntate Dei velut a prima causa, C. quæ derivetur a voluntate humana per scientiam mediam prævisa, N. Est igitur in aliquem sensum posita gratiæ Dei efficacia in congruitate & contemplatione, sed quæ derivatur ab omnipotentissima Dei voluntate, qui eatenus quosdam homines congruenter vocare dicitur, quatenus gratiam suam de se potentem & concupiscentiæ victtricem homini ita accommodat, ut fortiorem largiatur gratiam, cum opus est & homini cujus major vincenda est concupiscentia; quo plane modo peritus medicus pharmacum coapat agrotantis morbo & complexioni; ita ut tamen effectum suum non habeat pharmacum ab ægroti complexione, sed ab ipsa virtute sibi intrinseca. At vero gratiæ efficacia non reponitur in congruitate quæ derivetur a voluntate humana; quia nempe gratia non idcirco congrua est; quia præviderat Deus consensuram voluntatem, antequam decerneret illam dare in his & illis circumstantiis, sed immo erat primo per se efficax & a Deo decreta, quam postea dedit congruenter, congruentia nempe derivata ab absoluto Dei decreto, quod certe nullum sententiæ nostræ affert præjudicium.

Atque non aliam congruitatem gratiæ alcribere S. Augustinum constat ex eodem loco, ubi ait Deum misereri ejus vult, & eum vocare, *quomodo scit ei congruere ut vocantem non respuat*, sed in doctrina S. Augustini homo vocantem Deum non respuit, quia Deus illi bonam voluntatem inspiravit, per vim quandam potentissimam, ut ait lib. de corrept. & grat. cap. 5. & in aliis pene innumeris locis quæ a nobis adducta sunt: ergo in mente S. August.

ejusmodi congruentia gratiæ se tenet ex parte Dei.

SECUNDA CONCLUSIO.

Efficacia gratiæ repeti non debet a physica prædeterminatione Thomistarum.

Primo, quia ejusmodi præmotio seu prædeterminatio physica S. Aug. plane fuit ignota, de ea siquidem altum in ejus scriptis silentium; ne unus quidem apex. Quod enim doceat passim gratiam efficacem voluntates hominum flectere & inclinare quo voluerit; duritiam cordis auferre, operari velle & perficere; facere ut velimus; trahere nos miris & ineffabilibus modis, & alia id genus; ista profecto prædeterminationem physicam non significant nec supponunt, recte vero de victrici quadam delectatione intelligi possunt.

Secundo, quia insuper prædeterminatio physica Thomistarum principiis sancti Augustini manifeste adversatur; siquidem in principiis S. August. non requiritur gratia efficax, nisi pro statu naturæ lapsæ, ut fractæ per peccatum voluntatis vires reparentur; ea est, inquit S. Doctor, quæ per Incarnationem Unigeniti revelata atque donata est, qua justificamur ab iniquitate, & salvamur ab infirmitate, gratia liberationis quam implorant Sancti, cum dari sibi pugnandi vincendique virtutem poscunt, &c. sed apud Thomistas præmotio physica in omni statu vel etiam innocentie fuit necessaria; ea enim admittitur ob indifferentiam voluntatis creatæ determinandam, & propter generalem causæ secundæ a prima dependentiam; unde sequitur a Thomistis totum penitus everti gratiæ efficacis fundamentum; cum scilicet ejus necessitatem ex vulnere per peccatum inflictionem repetunt.

Tertio, quia vix intelligere vel exprimere possunt quid sit illa præmotio physica; est enim, inquit, motus
quæ

quædam virtuosa quæ non est actus vitalis, non illuminatio intellectus vel motio voluntatis, sed in voluntate est quomodo colores sunt in aere, & imperus in re quæ impellitur, habens esse quoddam incompletum, quod passive tantum recipitur in voluntate; sed ejusmodi qualitaris natura vix ac ne vix quidem intelligitur. Adde quod gratia efficax, ut mox dicturi sumus, est actus vitalis, videlicet sancta cogitatio in mente & pia voluntatis affectio, ad quam proinde & intellectus & voluntas active concurrunt.

Quarto demum, quia in illo systemate gratia efficax cum libertate hominis conciliari posse mihi non videtur. Ea enim motio omnem perimere videtur libertatem; quæ cum sit ad unum, tollit indifferentiam ad oppositum: atqui præmotio physica ad unum data tollere videtur indifferentiam ad oppositum, per eam enim non suaviter allecta sed physice applicata movetur voluntas; ejusmodi autem applicatio physica meo quidem judicio nullam penitus relinquit indifferentiam; sicut enim puer, cujus physice inter scribendum dirigatur manus a Magistro, non intelligitur liber seu indifferens ad scribendum hoc vel illo modo; quippe qui ad scribendum uno modo physice applicatur ab ipsius Magistri manu; ita similiter voluntas creata per præmotionem physicam ad unum applicata, nequitiam concipit indifferentem ad oppositum. Quamobrem in illa Thomistarum doctrina aditus omnis præcluditur responsionibus quas adducere solent alii Theologi, ut objectiones adversus gratiæ vim & efficaciam propositas solvant; nos enim dicimus ideo gratiam efficacem libertati humanæ non esse noxiam, quia nonnisi cum delectatione animam afficit & movet; quo sane hanc difficultatem dissipare non possunt prædeterminationis physice defensores.

TERTIA CONCLUSIO.

Efficacia gratiæ est victrix quædam delectatio.

Id innunt Scripturæ in quibus gratia Dei dicitur benedictio dulcedinis, Plal. 20. *quoniam prevenisti eum in benedictionibus dulcedinis*, tum ubi Deus dicitur omnia disponere suaviter, Sap. 8. *disponit omnia suaviter*.

Sic vero efficaciam gratiæ passim explicat S. August. lib. 2. de peccatorum meritis cap. 19. *Nos quantum concessum est, inquit, sapiamus & intelligamus, si possimus, Dominum Deum bonum ideo etiam sanctis suis alicujus operis justis aliquando non tribuere val certam scientiam vel victricem delectationem, ut cognoscant non a se ipsis, sed ab illo sibi esse lucem qua illuminentur tenebrarum & suavitatem qua det fructum suum terra eorum. Cum autem ab illo illius adiutorium deprecamur ad faciendam perficiendamque justitiam, quid aliud deprecamur, quam ut aperiat quod latebat, & suave faciat quod non delectabat? Quia & hoc ab illo esse deprecandum ejus gratia didicimus dum antea lateret, ejus gratia dileximus, dum antea non delectaret.*

Tractatu 26. in Joan. his propositis Christi verbis: *Nemo potest venire ad me nisi Pater qui misit me, traxerit eum*, sic habet: *Magna, inquit, gratia commendatio, nemo venit nisi trahatur. Quæ tamen quoniam libertati humanæ nocere quidquam prima fronte videntur, ista sibi objicit, si trahitur, ait aliquis, invitatus venit, si invitatus venit, nec credit, si non credit, nec venit. Et respondet, ego, dico, inquit, parum est voluntate, etiam voluptate traheris, quid est trahi voluptate, delectare in Domino, & dabit tibi petitiones cordis tui... quanto fortius nos dicere debemus trahi debemus ad Christum, qui delectatur veritate, delectatur beatitudine, delectatur*

delectatur iustitia, delectatur sempiterna vita.

Libro de spiritu & littera cap. 15. Ecce; inquit, quemadmodum sine exemplo est in hominibus perfecta iustitia & tamen impossibilis non est. Fieret enim si tanta voluntas adhiberetur, quanta sufficit tanta rei; esset autem tanta, si & mihi eorum quæ pertinent ad nos, lateret, & ea sic delectarent animam, ut quicquid aliud voluptas ut dolor impedit, delectatio illa superaret. Et c. 28. ut det quod jubet atque inspirata gratia suavitatem per Spiritum sanctum faciat plus delectare quod præcepit, quam delectat quod impedit, hoc est quodcumque bonum temporale cujus delectatione peccamus.

Libro de corrupt. & grat. cap. 2. Aguntur enim, inquit, ut agant, non ut ipsi agant & ad hoc eis ostenditur quod agere debeant, ut quando id agunt sicut agendum est, id est cum dilectione & delectatione iustitia suavitatem quam dedit Dominus, ut terra eorum daret fructum suum, accepisse se gaudeant. Cap. 8. voluntas humana, inquit, non libertate consequitur gratiam, sed gratia potius libertatem, & ut perseveret delectabilem perpetuitatem & insuperabilem fortitudinem.

Libro 2. ad Bonifacium cap. 9. Misericordia ejus, inquit, præveniet me, & ipse est qui fideliter veraciterque cantatur, quoniam prævenisti eum in benedictione dulcedinis. Et quid hic aptius intelligitur quam ipsa de qua loquimur, cupiditas boni? Tunc enim bonum concupisci incipit, cum dulcescere incipit.... ergo benedictio dulcedinis est gratia Dei, quæ fit in nobis ut nos delectet & cupiamus, hoc est amemus quod præcepit nobis. Quod idem docet S. Doctor lib. 1. de nuptiis cap. 30. libro de gratia Christi c. 13. l. de spiritu & littera c. 3. 10. 29. Enarrat. in Ps. 33. 60. 67. 84. 106. 137. & aliis prope infinitis locis quæ si vel etiam appellem, infinitum esse me oporteat.

Gratiæ vero efficaciam in quadam delectatione & suaviter positam esse, oritur ex eo quod præcipuus divinæ gratiæ effectus est, omnem & quamlibet terrenam delectationem, per quam fit peccatum, superare, ut non uno in loco tradit idem sanctus Doctor. Tunc itaque, inquit lib. 83. q. q. q. 70. absorpta erit mors in victoriam, cum per sanctificationem in omni parte hominis perfecta delectatione spiritualium, delectatio carnalis obruetur. Et lib. de spiritu & littera cap. ultimo, Verum ecce, inquit, jam talem constituamus animam humanam in hoc corruptibili corpore, quæ etsi nondum illa supereminetissima perfectione charitatis Dei, omnes motus terrena libidinis absorberit atque consumpserit. Attamen in ista minore iustitia ad illicitum aliquid operandum eidem libidini nulla inclinatione consentiat ut ad illam vitam jam immortalem pertineat. Diliges Dominum Deum tuum &c. ad hanc autem non regnet peccatum in vestro mortali pectore ad obediendum desiderijs ejus.

Et tamen diligenter observandum necessitatem hujus celestis delectationis ad bene operandum, non ex natura voluntatis præcise, sed ex infirmitate quam homo per peccatum contraxit, proficisci; constat enim ex principiis sancti Augustini, quæ ultro amplexi fuimus, primum hominem in statu naturæ innocentis gratia efficaci nequaquam indiguisse ad perseverandum; antequam scilicet voluntas hominis libidinum imperio mancipata esset, is antea plena libertate & pace secum sua fruebatur, in carnalem libidinis servitutem non trahebatur, unde sequitur hanc victriçam delectationem ut Deo adhereret, non fuisse necessariam ex natura voluntatis, sed ex difficultate bonum agendi, quæ poena peccati est.

Hæc porro delectatio victrix, in qua positam esse dicimus naturam gratiæ efficacis, est actus vitalis & indeliberatus

ratus animæ. Non est quidem actus deliberatus seu actus formatus, ut ita dicam amoris Dei & virtutis, quia est auxilium a Deo datum homini tanquam medium quo perveniat ad actus bonos eliciendos, unde non sumitur pro ea delectatione seu gaudio per quod animus in bono præsentē conquiescit; sed est tamen actus vitalis indeliberatus per modum cuiusdam desiderii a Deo infusi, quemadmodum delectatio carnalis & mundana ex qua peccata profluunt, non est illa proprie dicta delectatio quæ est actus animæ malo adhaerentis per verum & formatum consensum; sed est desiderium quoddam indeliberatum quod sollicitat ad malum, per modum suggestionis antecedentis consensum, utpote cum sit causa consensus & proprie dictæ delectationis, quæ est verus actus deliberatus seu peccatum.

Cæterum cum diximus gratiam efficacem positam esse in delectatione victrici, non dubitamus quin Deus aliunde & aliis modis homines trahat ad se, ut enim ait S. August. lib. 1. ad Simplicianum, *alium sic, alium vero sic movet Deus*. Unde timor ex fide & spe supernaturali ortus movet etiam & excitat voluntatem ad bonum, estque Spiritus sancti donum, tametsi ejusmodi virtutes quæ Charitatem præcedunt, non sine aliqua delectatione ipsis propria suos actus exerant, etiam si tunc homo non agat ex motivo perfectæ charitatis.

De Gratia sufficiente.

Quamquam non una sit apud omnes notio gratiæ sufficientis, ut paulo infra dicturi sumus cum veram illius gratiæ naturam perscrutabimur; tamen cum in præsentī nunc argumento animus sit ejus existentiam demonstrare, eam præcise spectabimus prout est auxilium quoddam interius cui voluntas humana resistit, & suum propterea non

Tom. IV.

habet effectum. Id aperte innuimus initio hujusce tractatus, cum attulimus celebratissimam divisionem gratiæ actualis interioris in efficacem & sufficientem, & diximus gratiam efficacem eam esse quæ semper suum consequitur effectum; gratiam vero sufficientem quæ suum non habet effectum, & cui voluntas humana non modo resistere potest, sed & actu resistit.

Quæstio est igitur, utrum in præsentī statu naturæ lapsæ aliqua detur ejusmodi gratia sufficiens, hoc est gratia actualis interior cui voluntas humana non modo resistere possit, sed & actu resistat & ita suum ad quem a Deo ordinata erat, effectum non consequatur.

Non esse admittendam ejusmodi gratiam quæ suo privetur effectu, & cui voluntas humana resistat, docet Calvinus lib. 2. Instit. cap. 3. par. 10. ubi de divina gratia sic loquitur, *ac voluntatem movet, inquit, non qualiter multis sæculis traditum est & creditum, ut nostræ postea sit electionis motioni aut obtemperare aut refragari, sed illam efficaciter afficiendo. Illud ergo toties a Chrysostomo repetitum repudiari necesse est, quem trahit volentem trahit: quo insinuat Dominum porrecta tantum manus expectare, an suo auxilio juvari nobis allubescat.*

Neque est quod velit quis fidem Calvinī hac in parte vindicare, quasi his verbis gratiam per se efficacem solummodo extollat, gratiæ vero sufficientis existentiam non rejiciat; siquidem satis superque suam paulo post mentem aperit, cum Magistros Parisienses ibidem fugillat, quod gratiam admittant, cui voluntas resistere possit, *Nam medium, inquit, quem Sophiste imaginantur motum cui obsequi vel quem repellere liberum sit, aperte excludi videmus, ubi assertur efficax ad perseverandum constantia. Et par. 13. Audiamus, inquit, Augustinum. suis verbis loquentem, ne atatis nostræ Pelagiani, hoc est Sorbonici*

R

So.

Sophista totam vetustatem nobis adversam pro suo more criminentur.

Quin & Janfenius Iprens lib. 3. de gratia Salvatoris acriter in gratiam sufficientem insurgit, velut principiis S. Augustini aperte contrariam & ab illo ubique funditus everfam, sic enim c. 3. *quid monstrosius proferri potest, quam quoddam distinctum a ceteris adiutorii genus, quod nunquam ab initio lapsus humani usque ad iudicii diem, ullum in humana voluntate effectum habuit aut habiturum est itaque illud a recentioribus prolatum gratia sufficientis genus, quo adjuvante nullum unquam opus factum est aut fiet unquam, si est verum distinctumque a gratia efficaci membrum, videtur monstrum quoddam singulare gratia, solummodo peccatis faciendis, maiori-que damnationi accensende serviens; ideoque lapsus hominibus circa Dei iram diem damnandis excogitatum.* Paulo antea libri præcedentis cap. 25. dixerat: *Hæc itaque est vera ratio & radix, cur nulla omnino medicinalis Christi gratia effectum suo careat, sed omnis efficiat, ut voluntas velit & aliquod operetur.* Atque ita unam & solam admittit Janfenius toto hoc in opere gratiam medicinalem pro statu naturæ lapsæ, quam vocat adiutorium quo, ita ut adiutorium sine quo; cui scilicet resistere potest voluntas, fuerit datum homini ante lapsum, nullum vero admitti debeat in præsentī statu naturæ lapsæ; adversus illam sententiam sit.

CONCLUSIO.

In statu naturæ lapsæ præter gratiam efficacem quæ suum semper obtinet effectum, alia debet admitti gratia actualis in voluntate quæ sit inefficax & pure sufficiens, suoque privetur effectu.

Probat 1. ex Scripturis, in quibus passim redarguuntur homines, quod gratiæ motum & inspirationem contemnant, Proverb. 16. cap. *Vocavi &*

renuistis, extendi manum meam & non fuit qui aspiceret, despexisti omne consilium meum, & increpationes meas neglexistis. Isay 5. *Deus proficitur se nihil omisisse, ut homines ad se adduceret, quid est quod debui ultra facere vinea mea & non feci? An quod expectavi ut faceret uvas, & fecit labruscas?* Et cap. 65. *expandi manus meas tota die ad populum incredulum qui graditur in via non bona post cogitationes suas.* Math. 11. *tunc cepit Christus exprobrare civitatibus in quibus facta sunt plurima virtutes ejus, quia non egissent penitentiam.* *Va tibi Corozain, va tibi Betsaida, quia si in Tyro & Sydone facta essent virtutes, &c.* Et cap. 23. *Jerusalem, Jerusalem, inquit idem Christus, quæ occidis Prophetas & lapidas eos qui ad te missi sunt, quoties volui congregare filios tuos, quemadmodum gallina congregat pullos suos sub alas, & noluisti?* Actorum 7. cap. sic Judæos earpit Stephanus plenus Spiritu sancto, *dura cervice & incircumcisis cordibus & auribus, vos semper Spiritui sancto resistitis.* Ad Rom. 2. cap. *propter quod inexcusabilis es o homo omnis qui iudicas an divitias bonitatis ejus & patientia & longanimitatis contemnis, ignorans quoniam benignitas Dei ad penitentiam te adducit?* Secundum autem duritiam tuam & impenitens cor, thesaurizas tibi iram, &c. Primæ ad Thessalon. cap. 5. *Spiritus nolite extinguere.* Et Apocal. 3. ait Dominus, *ego sto ad ostium & pulso; si quis audierit vocem meam & aperuerit januam, intrabo ad illum & cenabo cum illo, & ipse mecum.*

Ex quibus aliisque similibus locis, quæ prope infinita reperias in divinis litteris, manifeste colligitur dari hominibus in præsentī statu naturæ lapsæ aliquod auxilium, aliquam gratiam eui resistant; siquidem illi gratiæ Dei resistunt qui dicuntur vocationi divinæ re-
nuere, ejus consilium negligere, vel etiam

etiam despiciere, secundum duritiam & impoenitens cor Spiritui sancto resistere, Spiritum extinguere, acedum pulsanti Domino non aperire: atqui hæc omnia leguntur in præfatis Scripturæ testimoniis: ergo.

Non me latet respondere adversarios ejuscemodi Scripturæ loca intelligi debere de vocatione exteriori quæ fit per legem & doctrinam auribus fidelium exterius insonantem; non autem de vocatione interiori quæ fiat per internam inspirationem voluntati exhibitam.

Verum ejuscemodi responsio merum est subterfugium. 1. Quia si præter vocationem exteriorem non daretur aliqua gratia interior, ejuscemodi exprobrationes essent falsæ; neque enim dici potest aliquem resistere Spiritui sancto, Spiritum extinguere, secundum cordis duritiam, bonitatem Dei contemnere &c. nisi interius excitatus fuerit per veram gratiam vocationi externæ adjunctam; id clare exprimunt præfata loca, si nempe in sensu obvio & ab homine non præoccupato accipiantur; propria enim operatio Spiritus sancti est interius movere voluntatem; unde sequitur neminem censerì Spiritui sancto resistere, cui data non fuerit inspiratio interior, quod idem similiter innotuit duritia cordis, quæ non intelligitur nisi in eo cujus per interiores motus tactum fuerit cor.

2. Homines vocatos a Deo per legem & doctrinam sibi annuntiatam, habere præterea gratiam interiorē ad agendum, ex eo evincitur, quod vocati sunt alii ad poenitentiam, alii ad fidem, alii ad mandatorum observationem: atqui dici non potest homines a Deo vocari ad fidem, poenitentiam & ad alia bona opera, quin Deus simul iis auxilia conferat, quibus ita possint divinam vocationem sequi, ut eam non sequendo reddantur inexcusabiles: ergo præfata Scripturæ loca modo evincunt hominem resistere vocationi exteriori sed

& interiori quæ fit per veram interiorē gratiam.

Hanc eandem objectionem proposuerat Calvinus his verbis, *Resistere Spiritui sancto dicuntur qui cum in Prophetis loquentem contumaciter rejiciunt. Neque enim de arcanis revelationibus his agitur quas Deus cuique intus inspirat, sed de externo ministerio. Cui docte respondet Stapletonus in antidot. Apost. in Act. Apost. cap. 7. certissimum esse de interna inspiratione loqui Stephanum; nam, ait sanctus Stephanus, Spiritui sancto resistitis, opus autem Spiritus sancti proprium est intus commovere. Sane in solo externo ministerio nisi Spiritus sanctus cor tangat, Spiritus sanctus in ipso audiente nihil operatur: ubi autem nihil operatur, ei nec resistitur, nec obeditur. Deinde hæc resistentia de qua hic Stephanus loquitur, ex cordis duritie oriebatur. Dura, inquit, cervix, incircuncis cordibus & auribus. Atqui cordis durities circa ea proprie versatur, quibus cor movetur, tangitur, afficitur. Tales sunt inspirationes interne, quæ in materia salutis & cultus divini moniti a divino Spiritu promanant.*

His accedit quod ita Calvini responsio non parum favet Pelagio, qui de vocatione externa & de prædicatione Evangelii præfata Scripturarum loca interpretari solebat, nullum proinde admittens gratiam interiorē, nullum Spiritus sancti interius moventis assatum, nullam internam inspirationem; quapropter ex illis omnibus adductis Scripturæ testimoniis hunc hæreticum impugnât S. Augustinus, probatque gratiæ interioris existentiam, uti potissimum videre est in libro de gratia Christi.

Respondent insuper adversarii duplicem esse Christi gratiam, aliam quæ imperfectum duntaxat consensum seu velleitatem producit, aliam quæ perfectum consensum & ut ajunt, plenum velle elicit; utraque vero gratia est

efficax, quia cum producit effectum ad quem producendum a Deo destinata est. Porro homines aliquo sensu, inquit, gratiæ resistere dicuntur, non quod detur gratia quæ non sit efficax, ut mox dictum est; sed quia primam tantum habent gratiam, quæ scilicet consensum nonnisi imperfectum producit. Atque ita peccator v. g. qui habet solummodo suæ conversionis desiderium, non habet nisi gratiam desiderii, quæ est efficax hujusce desiderii, & dicitur tamen resistere gratiæ excitanti & moventi illum ad propriam conversionem; quia videlicet imperfecte tantum suæ conversioni consentit.

Sed vana proflus & omnino inutilis est hæc responsio, quæ præfatis Scripturarum locis nequaquam accommodari potest. 1. enim constat ex illis autoritatibus homines divinis inspirationibus per se resistere: sed si quælibet gratia a Deo data sum consequitur effectum, ad quem videlicet a Deo destinata est, jam nemo divinis inspirationibus resistit; quandoquidem quævis Dei gratia eum semper effectum habet quem efficere ipsa potest; quavis igitur in illa sententia divinæ gratiæ semper consentit, nemo voluntati divinæ unquam reluctatur, voluntas Dei nunquam frustratur; quod his Scripturæ locis manifeste averfatur.

2. Illa responsio falsum aperte supponit, nimirum gratiam semper aliquem consensum perfectum vel imperfectum ab humana voluntate exprimere. Namque in principiis Janfenii tunc solum gratia aliquem a voluntate nostra consensum exprimit, quando vincit concupiscentiam: sed illa gratia debilior quæ nonnisi imperfectum consensum elicere dicitur, nunquam vincit concupiscentiam, sed a concupiscentia vincitur: ergo nequidem imperfectum a voluntate nostra consensum elicit.

Probatur 2. ex SS. Patribus. Qui omnes ac singuli una voce admittunt

gratiam aliquam pure sufficientem; seu dicant homines gratiæ Dei non obtemperare sed resistere, quos ideo ut culpabiles redarguunt, seu declarent eos inexcusabiles esse, quod sibi data ad salutem necessaria Dei gratiæ auxilia sperverint, seu denique contendant hominibus plerumque dari potestatem bene agendi, si velint; hæc enim potestas bene agendi qua plerumque abutuntur, gratia est pure sufficiens.

S. Justinus Dialogo cum Tryphone sub finem sic scribit: *Itaque si omnes, qui misericordiam a Deo consequi volunt, superioris vite partineat, id præstare possunt. Profecto omnibus communis potestas poenitendi, est gratia sufficiens.*

S. Irenæus lib. 4. adversus hæres. cap. 71. *Hi, inquit, qui non operantur bonum, judicium justum recipient Dei, quoniam non sunt operati bonum cum possent operari illud. Et cap. 76. si non credideris ei, inquit, & superis manus ejus, eris causa imperfectionis in te qui non obedisti, sed non in illo qui vocavit; ille enim misit qui vocaret ad nuptias; qui autem non obediunt ei, se ipsos privaverunt regia cæna; non igitur ars Dei deficit, potest enim de lapidibus suscitare filios Abrahæ, sed ille qui non consequitur eam sibi imperfectionis est causa, nec enim lumen deficit propter eos qui semetipsos excaverunt, sed illo perseverante, quale est excitati per suam culpam in caligine constituuntur, neque lumen cum magna necessitate subijcitur sibi quemquam, neque Deus cogit eum qui nolit continere ejus artem; qui igitur obstiterunt a paterno lumine & transgressi sunt legem libertatis per suam obstiterunt culpam liberi arbitrii. Ubi docet S. Irenæus posse homines bonum operari quod non operantur; ideoque iuste a Deo judicandos, lumen hominibus non deficere, atque in culpam eorum esse quod non videant; quæquidem aperte significant dari gratiam sufficientem.*

Sc-

Sequitur S. Clemens Alex. qui lib. 2. Stromatum circa medium sic habet: *Divinum Verbum clamavit omnes simul vocans, eos quidem vel maxime cognoscens qui non erant parituri; & tamen quoniam est in nostra potestate parere & non parere, ut nulli possint causari pretextum ignorantia, justam fecit vocantem.*

S. Ambros. in Psal. 118. ad illum versiculum *Prope es tu Domine*, hæc scribit: *Numquid si quis ostia domus sue clausit, solis est culpa, quod non illuminat domum ejus? ergo si quis peccatorum suorum repagulis obserandam mentem propriam judicaverit, ut Verbi splendorem a se stultus avertat, ac sibi inferat insipientia cecitatem, causari poterit, quod sol justitia noluerit intrare, aut infirmitatem luminis celestis arguere, pulsat januam tuam Dei Verbum, si quis mihi aperuerit, intrabo; si quis ergo non aperuerit, nunquid non ingredientem & non magis non aperienti est culpa? Quibus profecto verbis haud scio, an aliquid hac in causa luculentius afferri possit. Consule & lib. 6. in Lucam & lib. 2. de Cain & Abel cap. 7.*

Idem docet passim S. Hieron. in Psal. 140. ubi sic disserit: *o infelicissimum humanum genus qui peccata excusamus dicentes, victus a natura cum in potestate nostra sit & peccare & Domino adjuvante non peccare, &c.* Commentario in Ilavam ad illud capitis quinti & nun ostendam vobis quid ego faciam vineæ meæ, notat hæc ad animæ statum pertinere quam Deus gratia primum excolit, & fructus non ferentem deinde deserit. *Cuncta, inquit, quæ dicuntur de vinea, possunt & ad animæ humanæ referri statum quæ a Deo plantata in bonum non uvæ attulerit, sed labvifecæ tollitur autem Dei auxilium ab his qui indigni sunt, ut quia non senserunt Deum per beneficia, sentiant per supplicia.*

Quod idem Scripturæ testimonium

simili plane modo interpretatur S. Basilii in cap. 5. *Ilavæ: Quando vineæ istius, inquit, germina improbanda veniunt, ab ea tollitur pluvia, quandoquidem auxiliari gratia Dei sibi prerogativa, non ut conveniebat, usa est. Itaque etiam nos, si quando deprehendimur, minus recte usi occasione rei bene gerende indulta nobis a Deo, tunc nobis admittitur celeste presidium.*

Ita S. Cyrill. Alex. in eundem locum, qui & clarius adhuc hanc sententiam confirmat lib. 1. in Joan. c. 11. *Non verbum Dei, inquit, & æternam hanc lucem, sed imbecillitatem suam mundus accuset, illuminat enim filius, repellit autem gratiam creatura. Neglexit ulterius currere, suffudit illuminationem ex desidia, & contempsit hanc gratiam.*

Omnium vero disertissime S. Chrysostomus homil. 7. in Joan. his verbis: *Gratia in omnes diffusa est, non Judæum, non Græcum, non Barbarum, non Scytham, non liberum, non servum, non virum, non mulierem, non senem, non juvenem excipit aut dedignatur: omnibus eadem est, omnibus se facile exhibet, omnes pari honore advocat; qui autem ejus munere frui negligunt, hanc suam cecitatem sibi ipsis imputent; cum enim detur omnibus, omnibus pateat & a nemine prohibeatur, perditii quidam & nequam homines propria dumtaxat malitia ingredi recusant.* Et homil. 45. in Math. exponens parabolam seminis, *cujus rei causa, inquit, major seminis pars amissa est? Non seminatius quippe causa, sed suscipientis culpa terra, hoc est propter reluctantem atque repugnantem animam.* Idipsum habet homil. 13. in eundem Evangelistam, homil. 9. in Genesim homil. 2. in Psal. 50. homil. 41. ad populum Antioch. & aliis infinitis in locis.

Atque idipsum, & certo certius non uno in loco docuit S. Augustinus, quem proinde tanquam suæ sententiæ defenso-

forem & patronum falso jactitant ad-
versarii . Ac 1. quidem gratiæ Dei in-
terdum resistere hominem testatur san-
ctus Doctor lib. 83. q. q. 68. *Ad il-
lam carnem, inquit, nec omnes qui vo-
cati sunt, venire voluerunt, neque illi
qui venerunt, venire possent nisi vocati.
Itaque nec illi debent sibi tribuere qui
venerunt, quia vocati venerunt; nec il-
li qui voluerunt venire debent alteri tri-
buere, sed tantum sibi, quoniam ut ve-
nissent vocati, erat in eorum libera po-
testate. Vocatio ergo ante meritum volun-
tate operatur, qui autem vocatus non
venit, sicut non habuit meritum præmii
ut vocaretur, sic inchoat meritum suppli-
cii, cum vocatus venire neglexerit.* Lib.
2. de peccat. merit. c. 17. *Cum volun-
tate humana, inquit, gratia adjuvante
divina sine peccato in hac vita homines
possint esse, cur non sint, possem facilli-
me ac veracissime respondere, quia ho-
mines nolunt.* Tractatu 2. in Joan. *Si
autem tu stas, inquit, presens est tibi,
sed non steris, recordare unde cecideris,
unde te deiecit, qui prior te cecidit. De-
jecit enim te non vi, non impulsu, sed
voluntate tua; si enim malo non consen-
tires, stares, illuminatus maneres.* Epi-
stola 15. *Deus ergo, inquit, singulari-
ter bonus est illius enim spiritus bo-
ni sunt, quicumque boni sunt, ejus
capax creata est nostra natura per pro-
prium voluntatem. Pertinet ergo ad nos
ut boni simus accipere & habere: quod
dat, qui de suo bonus est, quo quisque
neglecto, de suo malus est.* Lib. de natu-
ra & gratia cap. 6. *Vitia sane nostra
qua sanat, inquit, non divino operis sed
humane voluntati justique illius vindictæ
tribuamus, sed ut in nostra potestate
fuisse ne acciderent, consuemur; ita ut
sonentur in illius magis esse misericordia
quam in nostra potestate fateamur.* Et
cap. 67. citato lib. 3. de libero arbit.
ubi hæc dixerat, *Non tibi deputatur ad
culpam quod invitatus ignoras, sed quod
negligis quærite quod ignoras; neque il-*

*lud quod vulnerata membra non colligis,
sed quod voluntatem sanare contemnis.*
Sic prosequitur hæc præfata confirmans,
*ita & exhortatus sum quantum potui ad
recte vivendum & gratiam Dei non eva-
cuavi, &c.* In quibus locis docet aper-
te S. Augustinus gratiæ Dei interdum
mala sua voluntate resistere homines,
vocanti Deo non obtemperare, sanctas
inspiraciones contemnere, & alia id
genus.

2. Occurrunt & alia passim loca apud
eundem S. Aug. quibus significat, nul-
lam esse peccatoribus exultationem,
sed eos vituperio & correptione dignos,
cum mandata non servant & in pec-
cata prolabantur; unde concludi posse
mibi videtur illis a Deo dari auxilia
sufficientia quibus bene agere possint,
quantumvis non agant; lib. de corrept.
& grat. cap. 7. *Qua cum ita sint, in-
quit, corripimus tamen eos, justique cor-
ripimus, qui cum bene viverent, non in
eo perseverarunt justior enim vide-
tur excusatio dicentium, Non accepimus
audientiam, quam dicentium, Non ac-
cepimus perseverantiam, quoniam potest
dici, Homo, in eo quod audieras & te-
nueras, in eo perseverares si velles; nul-
lo modo autem dici potest, id quod non
audieras, crederes si velles.* In Psal. 91.
perverfos homines false ridet, quod
se nullius peccati reos dicant: *Si non
est, inquit, valde impius ad manum
habet Satanam quem accuset: Satanæ
fecit, dicit, ipse mihi persuasit, qua-
si Satanæ habet potestatem cogendi:
astutiam suadendi habet, sed si Satanæ
loqueretur, & taceret Deus, haberet unde
te excusares, modo aures tuæ posite
sunt inter momentum Deum & suggeren-
tem serpentem si aliquid persuaden-
te Satana mali feceris, dimitte Satanam,
accusa te, ut accusatione tua Dei mi-
sericordiam merearis.* In Psal. 32. con-
cio- ne secunda: *Nec se excuset, inquit,
qui audire non vult, quasi non sit quod
ab illo exigatur, idipsum enim exigitur,
quia:*

quia noluit accipere eum daretur; aliud est enim non posse accipere, aliud est nolle, illic excusatio necessitatis est, hic reatus voluntatis.

3. Demum & videtur S. Augustinus gratiam quandam omnibus communem admittere, quæ profecto non alia est a gratia sufficiente, lib. 3. de libero arbit. cap. 19. Recte enim, inquit, fortasse quereretur si erroris & libidinis nullus hominum victor existeret; cum vero ubique sit præsens qui multis modis per creaturam sibi Domino servientem aversum vocat, doceat credentem, consoletur sperantem, diligentem adhortetur, conantem adjuvet, exaudiat deprecantem, non tibi deputatur ad culpam quod invitus ignoras, sed quod negligis quære quod ignoras. Neque illud quod vulnerata membra non colligis, sed quod volentem sanare contemnis, ista tua propria peccata sunt. Nulli enim homini ablatum est scire utiliter queri quod inutiliter ignoratur, & humiliter consentendam esse imbecillitatem, ut quærenti & consentienti ille subveniat, qui nec errat dum subvenit nec laborat. Ubi licet loquatur de gratia exteriori qua Deus adhortatur, consolatur, adjuvat, is tamen gratiam interiorem adjunctam supponit, vult enim eo loci querimoniam hominum compescere qua dicunt: Si Adam & Eva peccaverunt, quid nos miseri fecimus, ut cum ignorantia cecitate & difficultatis cruciatibus nasceremur? Cui respondet, ut quiescant & adversus Deum murmurare desistant. Recte enim fortasse, &c. quæ responsio ab omni ratione foret aliena, nisi Deus gratiam interiorem sufficientem daret hominibus.

Est porro iste locus ad hanc rem nostram tam appositus, ut respondere cogantur adversarii hæc scripsisse Augustinum eo tempore quo non erat plene de mysterio divinæ gratiæ eruditus: quæ responsio merum esse mihi videtur subterfugium, quia isthæc nuppiam retra-

xit, sed potius confirmavit aperte libro de natura & gratia, ut mox ostendimus.

Quibus testimoniis addere merito possumus alia pene innumera in scriptis S. Augustini passim & ubique resperla. 1. enim duarum delectationum, celestis nimirum & terrestris conflictum in homine admittit; ita ut persæpe gratiam vincat concupiscentia; ita sermone 17. de verbis Apostoli. 2. ait non uno in loco Deum exhortari nos ad petendum, qui paratus est ad exaudientem hominum preces; ita Serm. 19. de verbis Domini, & enarrat. in Psal. 57. 3. huc pertinent ea testimonia in quibus docetabilia esse mandata Dei, quæ quidem paulo post adducuntur.

Sancti Augustini sententiam facile amplexi sunt clarissimi ejus discipuli Paulus Orosius, Prosper & Fulgentius.

Orosius quidem in Apologetico sic scribit: Mea, inquit, semper hæc est fidelis atque indubitata sententia Deum adiutorium suum, non solum in corpore suo, quod est Ecclesia, cui specialia ob credentium fidem gratia sua dona largitur, verum etiam universis in hoc mundo gentibus propter longanimitatem sui æternamque clementiam subministrare, non ut tu asseris cum discipulo tuo Galesino, cui tamen apud Africanam Synodum occulta impiorum dogmatum natura confusa est, in solo naturali bono & in libero arbitrio generaliter universis unam gratiam attributam, sed specialem quotidie per tempora, per dies, per momenta, per atomos & cunctis & singulis ministrare; dicit enim Scriptura, Qui facit solem suum oriri super bonos & malos.

Hanc Apologiam composuerat Orosius, ut accusatus a Joanne Jerosolimitano, quod dixisset, neminem posse implere legem Dei etiam cum gratia, fidem suam hac in parte vindicaret; ibi vero, ut nemo non videt, disertissime astringit gratiam sufficientem, gratiam

tiam scilicet quæ omnibus datur, & cui vocanti omnes non obtemperant.

S. Propter resp. ad capitula Gallorum cap. 3. Igitur, inquit, sicut bona opera ad inspiratorem eorum Deum, ita mala ad eos sunt referenda qui peccant. Non enim relicti sunt a Deo, ut relinquerent Deum: sed reliquerunt & relicti sunt, & ex bono in malum propria voluntate mutati sunt. Et ad objectiones Vincen-tianas responsione ultima: Quod si, inquit, per generalitatem vocationis & per abundantiam bonitatis Dei etiam non perseveraturi perseveraturi admixti sunt, hi cum a pietate deficiunt, non ex Dei opere sed ex sua voluntate deficiunt. Et postea, qui enim voluntatem Dei spre-verunt irruentem, voluntatem Dei sentient vindicantem.

S. Fulgentius Epistola 7. ad Venantiam cap. 8. Sic ergo, inquit, medico nostro nulla est incurabilis plaga, ita nec in aliquo vulnere, nec in aliquo tempore celestis potest deficere medicina. Ideo ipse medicus semper se posse converso salutem donare testatur dicens: Cum conversus fueris & ingemueris, salvaberis. Propter quod duritiam quorundam sic per Jeremiam Deus non desinit. Cap. 10. in quacunque igitur quis aetate vocatur, si benignitatem vocantis Domini non spernat, necesse est denarium vite perennis accipiat.... propter quod Apostolus Paulus duritiam cordis increpat in his qui poenitentiam suorum negligunt agere peccatorum; dicit enim, propter quod inexcusabilis est o homo omnis qui iudicas. Sicque tota hac in Epistola hominem carpit Fulgentius quod gratiæ Dei resistat, misericordiam contemnat, poenitentiam agere nolit, & alia id genus, quæ manifeste gratiam sufficientem designant, gratiam scilicet cui voluntas humana resistit, ac proinde suum non habet effectum.

Idem reperias apud S. Gregorium M. lib. 53. Moral. cap. 20. Idcirco, inquit, nequaquam celestis gratia premia aeterna

perciunt; quia ea nunc, dum promereri poterant, libero arbitrio contempserunt. Et Homil. 34. in Evang. sed ecce adhuc post tergum sequitur & monet, quia jam & a nobis contemptus est, tamen nos adhuc vocare non cessat. Quasi dorsum ei in faciem dedimus, cuius verba despiciamus, cuius præcepta calcamus. Sed stans post tergum nos avertos revocat, quia & videt quod despiciunt, & tamen per præcepta clamat, per patientiam expectat. Quod idem docet lib. 16. Moral. cap. 4. & in Ezechiel. cap. 11.

Quin & S. Bernardus hæc scribit Sermone 5. de Quadragesima: In nobis est, inquit, si vinci nolumus, & nemo nostrum in hoc certamine dejicitur invitus: sub te, o homo, appetitus tuus est, & tu dominaberis illius. Potest inimicus excitare tentationis motum, sed in te est, si volueris, dare vel negare consensum. Hanc porro Sanctorum Patrum doctrinam amplexi sunt omnes Theologi Scholastici, vel & ipse S. Thomas 1. p. q. 4. art. 2. item 1. 2. q. 98. item quæst. 24. de verit. art. 11. in corpore & art. 3. ad secundum. Item 1. 2. q. 109. art. 4. item lib. 3. contra gentes c. 159. item lectione prima in c. 15. primæ Epist. ad Corinth. & in aliis infinitis locis. Sic & Hugo Victorinus in prioribus annotationibus ad cap. 9. Epist. ad Roman. hæc scribit: De duobus quaeritur equaliter in peccato jacentibus, quibus gratia Dei equaliter proponitur & offertur; unde fit quod alter ei consentiat, & ab altero respuatur: solutio, utrique data est gratia, qua potuit consentire, alterius tamen mens mota est & consensit.

Probat 3. ex nonnullis Conciliis.

Concilium quidem Arelatense tertium anno 475. approbavit Epistolam Fausti Reienfis Episcopi, in qua damnabat errorem Lucidi Presbyteri dicentis, eos qui perierunt non accepisse quo salvi esse possent. Quod & ipsum respiciens damnavit Lucidus; hæc porro omnia non esse

esse ficta & supposita paulo infra demonstraturi sumus.

Favet & Concilium Arausicanum secundum anno 529. celebratum, hæc definiens cap. 25. *Hoc etiam secundum fidem Catholicam credimus, quod accepta per baptismum gratia omnes baptizati Christo auxiliante & cooperante que ad salutem pertinent, possent ac deberent, si fidei laborare voluerint, adimplere. Quod si autem possint omnes baptizati mandata Dei adimplere, si voluerint; dubio procul necesse est, ut illis suppetant gratiæ sufficientes, quibus interdum multi resistent. Quandoquidem non omnes baptizari mandata Dei omnia adimplent.*

Addimus auctoritatem Concilii Valentini tertii canone 2. definiens, *malos non ideo perire, quia boni esse non potuerunt, sed quia boni esse non iuverunt. Et can. 5. sumissime tenendum credimus ex ipsa multisitudine fidelium & redemptorum alios salvari aeterna salute, quia per gratiam Dei in redemptione sui fideliter permanent, alios quia noluerunt permanere in salute fidei quam initio acceperunt, redemptionis gratiam potius irritam facere.* Ex quibus manifeste colligitur Patres illius Concilii, quod ex Episcopis trium provinciarum, videlicet Lugdunensis, Viennensis & Arlatis, conflatum erat, aliquam Dei gratiam agnoscere, quæ datur malis & ab iis rejicitur.

Quin & Concilium Senonense habitum anno 1528. præside Antonio a Prato Senonensi Archiepiscopo & Franciæ Cancellario, quod quidem parte prima decreto 15. sic pronuntiat: *Neque enim liberum arbitrium asserentes divinam excludimus propterea gratiam, quo illi falso (Lutheranos intelligit) toties non videntur; atque hoc sumo credulorum animos perstringere; sed juxta sacram Scripturam eo extendimus, ut voluntas humana misericordia prævenientis auxilio suffulta, & interim quodam & occulto secre-*

Tom. IV.

tioris inspirationis afflatu contrita se se convertat in Deum, Deo appropinquet, & ad veram illam gratiam se præparet, qua tandem accepta sit ad vitam æternam. Neque tamen tanta gratiæ necessitas libero præjudicat arbitrio; cum illa sit semper in promptu, nec momentum quidem prætereat in quo Deus non stet ad ostium & pulset, cui si quis aperuerit januam, intrabit ad illum, & cenabit cum illo; vel denique tale sit ejusmodi trahentis Dei auxilium, cui resisti non possit. Quoties enim Dominus voluit congregare Filios. Jerusalem sicut gallina congregat pullos suos sub alas, & noluerunt? Frustra certe Stephanus Judæos dure cervicis & incircumcisi cordis argueret, qui semper Spiritui sancto resisterent. Frustra Paulus Thessalonicenses admoneret, Spiritum ne extinguerent, si divinis inspirationibus homines inevitabiliter raperentur. Quibus verbis nihil ad alterendam gratiam sufficientem aptius desiderari potest, loquitur enim Concilium de auxilio gratiæ interioris, de occulto secretioris inspirationis afflatu, atque ejusmodi gratiæ homines læpissime resistere, quod ipsum probat multis Scripturarum testimoniis.

Sequitur Concilium Colonienſe celebratum anno 1536. part. 7. cap. 32. sic habet: *Quaquam nemo convertatur ad Dominum nisi tractus per Patrem; atamen nemo hic excusationem prætexat, quod non trahatur; cum ille semper stet ad ostium pulsans per internum & externum verbum, commovens ut convertatur a via nostra pessima. Ubi certe gratiam interiorem cui resistitur, admittunt illi Patres.*

Denique idem docet Concilium Tridentinum multis in locis sess. 6. cap. 5. aperte pronuntiat hominem posse gratiam abjicere, Ita ut tangente Deo cor hominis per Spiritum sancti illuminationem; neque homo ipse nihil omnino agat, inspirationem illam recipiens, quippe qui illam & abjicere potest. Cap. 11.

S

hæc

hæc leguntur, *Deus impossibilia non jubet sed jubendo movet, & facere quod possis & petere quod non possis, & adjuras ut possis*. Unde sequitur justos qui mandata non servant resistere gratiæ quæ poterant facere & petere. Cap. 13. Nemo, inquiunt Patres, sibi certi aliquid absoluta certitudine polliceatur, tametsi in Dei auxilium firmissimam spem collocare & reponere omnes debent. Deus enim, nisi ipsi illius gratiæ defuerint, sicut capis opus bonum, ita perficiet. Ubi manifeste supponit homines interdu gratiæ deesse seu resistere. Et Sess. 24. can. 9. *Si quis dixerit posse omnes matrimonium contrahere qui non sentiunt se castitatis, etiamsi eam voverint, habere donum, anathema sit: cum Deus id petentibus non denegat, nec patitur nos supra id quod possumus, tentari*. Quæ verba similiter indicant dari gratiam quæ semper suum non habet effectum; adeoque gratiam sufficientem.

Probat 4. ex Summis Pontificibus Innocentio X. & Alexandro VII. qui suis in constitutionibus contra Jansenium Ipresem Episcopum editis, quinque condemnarunt propositiones, quarum secunda hæc est, *interiori gratia in statu natura lapsæ nunquam resistitur*. Quarta vero sic concepta: *Semipelagiani admittebant prævenientis gratia interioris necessitatem ad singulos actus, etiam ad initium fidei, & in hoc erant hæretici, quod vellent eam gratiam ealem esse cui posset humana voluntas resistere vel obtemperare*. Quæ propositiones ab iis damnantur ut falsæ & hæreticæ.

Neque ut hanc censuram a præfatis propositionibus quis amoliat, respondere potest illas esse maxime æquivas, secundum aliquem sensum falsissimas, & secundum alium verissimas; ita ut omnis gratia interior vel sit habitualis vel actualis: si sermo sit de gratia habituali, propositiones veræ sunt; qui enim peccat mortaliter, is gratiæ

habituali resistere censetur: si sermo sit de gratia actuali, vel illa est intellectus vel voluntatis; porro & resistitur gratiæ intellectus, quando scilicet sola est, & non habet sibi adjunctam & comitem gratiam voluntatis, & aliquo etiam sensu resistitur gratiæ voluntatis, quatenus nempe in hoc statu naturæ lapsæ concupiscentia semper pugnat cum gratia; sed in alio sensu gratia interiori nunquam resistitur, quatenus gratiæ non resistitur cum victoria, sed concupiscentia semper vincitur a gratia, & quatenus cum semper sortitur effectum ad quem destinata est ex intentione Dei. Atque adeo hic sensus, qui scilicet a Jansenio intentus est, nulla plane censura dignus.

Verum ista interpretatione quantumvis ingeniosa, summorum Pontificum censuræ vis nequaquam eludi potest; quia nempe eo sensu præfatas propositiones condemnant Summi Pontifices, quod in iis asseratur nulli gratiæ interiori actuali voluntatem resistere resistentiæ proprie dictæ, qualis reperitur in homine qui ita gratiæ resistit, ut illa suo careat effectu; non autem resistentiæ quæ solum consistit in pugna quadam concupiscentiæ cum gratia.

Et ratio est, quia in ejusmodi propositionibus verba sumi debent in sensu obvio: atqui in sensu obvio & genuino gratiæ resistere idem est, ac ita reluctari ut illa suum non habeat effectum, ad quem scilicet destinata est.

Præterea suis in constitutionibus de ea resistentiæ agunt Summi Pontifices, de qua esse potest aliqua difficultas: atqui de illa resistentiæ, qua quidem concupiscentia nonnihil pugnat cum gratia, nulla suboriri potest questio, nulla difficultas; nemo enim unquam negaverit concupiscentiam hoc sensu resistere gratiæ, sed difficultas esse potest de resistentiæ quæ ita sit ut repellatur gratia & illum non habeat effectum, ad quem destinata est: ergo in illis Jansenii propo-

positionibus asseritur gratiæ interiori nunquam resisti, eo sensu quod gratia quælibet interior suum semper obtineat effectum ad quem destinata est, qui sensus merito condemnatur in constitutionibus summorum Pontificum. Hæc porro fusius explicabuntur in objectionibus.

Probatur denique nonnullis rationibus, quæ manifeste ostendunt dari gratias quæ propter voluntatis contumaciam suam careant effectu.

Prima est, quia facile non intelligitur quomodo vel malitiæ vel torporis & ignaviæ insulari possint multi homines, immo & corripere quod mandata non servarint, tentationes non superaverint, ac demum secuti non fuerint bonos motus & inspirationes sanctas; nisi revera gratiam internam persæpe irritam faciant.

Secunda est, quia vix etiam intelligitur quomodo Deus censeatur velle omnes homines salvos fieri, & Christus mortuus sit pro omnibus & singulis hominibus, quæ ambo postea demonstraturi sumus; nisi detur gratia quedam sufficiens quæ suam non habeat effectum, certum est enim non omnes revera salvari homines, certum est non omnes Christi mortis beneficium recipere.

Tertia est, quia mandata Dei sunt omnibus & singulis possibile, Deus eorum impossibilia non jubet; atqui nisi daretur gratia sufficiens, mandata Dei, meo privato iudicio, forent impossibilia multis ea non implentibus, qui omni nempe carent gratia qua possibile fierent: certum est enim multos carere gratia efficaci: igitur alia gratia præter efficacem nimirum gratia sufficiens admittenda est.

Solvuntur objectiones.

Objicies nonnulla Scripturæ loca quæ indicant manifeste omnem Dei gratiam esse efficacem. Joan. 6.

cap. Omnis qui audit a Patre, inquit Christus, & didicit, venit ad me. Ad Rom. 9. cap. non volentis neque currentis, sed miserentis est Dei. Ad Philipp. 2. cap. Deus est qui operatur in nobis & velle & perficere. Eodem modo loquitur Deus apud Prophetas, Ezechiel. cap. 36. Spiritum meum ponam in medio vestri, inquit, & faciam ut in præceptis meis ambuletis, & iudicia custodiat & operemini. In iis certe omnibus locis asseritur gratiam Dei esse efficacem, gratia enim operationis, gratia quæ dat velle & perficere, gratia demum quæ miserentis est Dei non volentis, hoc est, quæ vim suam non mutuatur a voluntate hominis, est gratia efficax: sed talis est gratia de qua fit sermo in præfatis Scripturæ locis: igitur.

Respondeo id unum constare ex istis & similibus locis, dari aliquam gratiam per se efficacem, quæ nempe ducit ad Patrem æternum, quæ miserentis est Dei, & quæ dat velle bonum & perficere; quod ultro non fateamur; sed nego inde colligi posse nullam dari gratiam pure sufficientem quæ suo careat effectu, cui voluntas humana resistat; hanc quippe gratiam asseruimus luculentissimis momentis ex ipsa etiam Scriptura desumptis. Hæc porro loca, quæ nunc obijciuntur, quoniam nihil virium habent, majori non egent explicatione.

Instabis, primæ ad Corinth. cap. 4. ait Apostolus, Quis enim te discernit? Quid habes quod non accepisti? Atqui si daretur gratia sufficiens duobus hominibus communis, cui unus obtemperaret, alter vero resisteret; profecto qui obtemperaverit, dicet se ab eo se discernere qui gratiæ resisteret: ergo non datur gratia sufficiens.

Dist. min. cui unus obtemperaret si ne gratia efficaci, C. cum gratia per se efficaci, N. quantumvis igitur gratiam admittamus sufficientem, cui nem-

pe mali pro sua contumacia resistunt, non ideo tamen contendimus cum Molina eandem gratiam reddi efficacem per consentium voluntatis sine alia gratia, & manere in aliis inefficacem; sed gratiam dicimus sufficientem cui humana resistit voluntas & suo caret effectus; ita ut quiconque bonum operatur, præter gratiam sufficientem, aliam habuerit gratiam per se efficacem; quo fit ut nemo consentiens gloriari possit, quasi ab alio non consentiente se discernat.

Insuper in illa hypotesi homo se discerneret per non resistantiam ab eo qui resisteret; sed illa non resistantia opus esset liberi arbitrii; neque enim singulis instantibus in quibus homo non peccat, non ceasetur habere gratiam actualem ad resistendum; ergo.

Dicit maj: se discerneret negative, quo pacto qui non peccat se discernit ab eo qui peccat. C. positive per opus bonum & meritum. N. porro constat Apostolum loqui de discretionem positiva quæ fit per bonum aliquod opus meritum, ut constat ex verbis immediate sequentibus, *quid habes quod non accepisti?* Adeoque in systemate gratiæ sufficientis nemo se ab alio discernit, qui enim se ab alio discernit negative, non se ullo modo discernit, si proprie loqui velimus.

Obijcies auctoritatem S. Augustini qui lib. de corrupt. & grat. cap. 11. & 12. in eo discrimen constituit inter statum naturæ innocentis & statum naturæ lapsæ, quod in statu naturæ innocentis data fuerit primo homini gratia sufficiens, seu, ut ait S. Doctor, adiutorium *sine quo*; in hoc vero statu naturæ lapsæ detur solum gratia efficax seu adiutorium *quo*, cap. 11. *Quid ergo*, inquit, *Adam non habuit gratiam*, immo *vero habuit magnam sed disparatam*.... istam gratiam non habuit primus homo quia nunquam vellet esse malus, sed sane habuit, in qua si per-

manere vellet, nunquam malus esset.... tale quippe erat adiutorium quod desereret cum vellet, & in quo permaneret si vellet, non quo fieret ut vellet; hæc prima est gratia qua data est primo Adam, sed hæc potentior est in secundo Adam. Cap. 12. ista adiutoria distinguenda sunt, aliud est adiutorium sine quo aliquid non fit, aliud est adiutorium quo aliquid fit.... primo itaque homini datum est adiutorium perseverantia, non quo fieret ut perseveraret, sed sine quo per liberum arbitrium perseverare non posset; nunc non tantum tale adiutorium datur, sed tale ut eis perseverantia ipsa donetur. Ergo existimavit sanctus Augustinus nullam dari gratiam sufficientem hoc in præsentī statu naturæ lapsæ.

Nego aut. & dico sanctum Augustinum in eo consiluisse discrimen utriusque status, quod in statu naturæ innocentis data fuerit gratia sufficiens, in statu vero naturæ lapsæ detur gratia efficax; non autem quasi vellet sanctus Doctor in hoc præsentī statu naturæ lapsæ dari solum gratiam efficacem; ita ut præter gratiam efficacem, alia nulla detur quæ sit pure sufficiens. Atque hanc fuisse mentem S. Augustini constat.

1. Ex iisdem verbis mox citatis a cap. 12. facta enim divisione utriusque status, & cum cuilibet statui suum assignasset adiutorium, loquens de statu præsentī naturæ lapsæ ait discrete, *nunc non tantum tale adiutorium*, hoc est adiutorium *sine quo* seu gratiam sufficientem; sed tale ut & ipsa donetur perseverantia, hoc est gratia efficax; porro, qui dicit nunc non tantum dari gratiam sufficientem sed & efficacem, manifeste supponit dari nunc gratiam sufficientem.

2. Idipsum evincitur ex proposito sancti Augustini, qui quidem eo loci totus est ut gratiæ per se efficacis existentiam & necessitatem commendat

adversus Monachos Adrumetinos, qui vix intelligere poterant ejusmodi gratiam videlicet dari secundum propositum Dei uni potius quam alteri; quod ut ostendat sanctus Doctor duplicem distinguit hominis statum, & sufficiens datam solummodo fuisse gratiam sufficientem in statu naturæ innocentis, contendit in hoc præsentis statu naturæ lapsæ aliam dari gratiam quæ per se efficax est; sed neutiquam in votis habet aliam quamcunque gratiam excludere.

3. Demum id manifestum est ex locis superius adductis, quæ doctrinam sancti Augustini hæc in parte abunde patefaciunt.

At inquit, S. Augustinus ibidem supponit gratiam illam Adami quæ nostra est sufficiens, non dari omnibus hoc in præsentis statu; sic enim dicitur cap. 11, loquens de gratia Angelis data, nunc autem quibus deest tale adiutorium, jam parvi peccati est: quibus autem datur, secundum gratiam datur; non secundum debitum. Ergo nullam admittetis gratiam sufficientem pro statu naturæ lapsæ.

Nego consequentiam, ad summum enim ex illis verbis colligi debet S. Augustinum existimasse gratiam sufficientem non dari omnibus & singulis in statu naturæ lapsæ quod quidem recte dici potest, quia cum per gratiam sufficientem hic intelligat auxilium sine quo perseverare non poterant Angeli & primus homo, quod auxilium est motio interior, & posse agere, profecto verissimum est ejusmodi gratiam deesse infantibus qui moriuntur sine baptismo, infidelibus qui de Christo nihil quicquam audierunt, vel etiam quandoque nonnullis obduratis, ut postea dicemus; adeoque non omnibus & singulis dari; sed inde non sequitur sanctum Augustinum nullam omnino admisisse gratiam sufficientem, quin immo id aperte ibidem supponit his verbis quibus autem datur.

Præterea non omnino constat sanctum Augustinum ibi loqui præse & determinate de gratia sufficiente, mihi probabilis videtur illum disserere de gratia in genere, ut ostendat in nullo statu hominem potuisse perseverare sine gratia; unde nihil inferri potest ex illis S. Augustini verbis. Et certe vel loquitur de gratia sufficiente vel de gratia efficaci: si de gratia efficaci, admittit solum quibusdam efficacem, quod nemo negaverit; si de gratia sufficiente sermonem habet, profecto dum ait, quibus tale adiutorium deest, cum statim addat quibus autem datur, aperte significat ejusmodi gratiam non omnibus deesse.

Obijciuntur ab avversariis innumera alia sancti Augustini testimonia; quæ quidem singula præsentis loco adducere non vacat, quoniam in eis nulla occurrit difficultas, hæc ad instar cæterorum proferemus. Libro de Prædest. SS. cap. 6. quærens cur annuntiatio Evangelio aliis credant, alii non credant, respondet id venire de misericordia Dei, qui aliis præparat voluntatem credendi, aliis non præparat. Et cap. 8. quid est, inquit, omnis qui audit a Patre & didicit, venit ad me; nisi nullus est, qui audiat & discat a Patre & non veniat ad me: Si enim omnis qui audit a Patre & didicit, venit: profecto omnis, qui non audit a Patre, nec didicit. Nam si audivisset & didicisset, veniret: neque enim ullus audit, ac didicit & non venit. Lib. de corrept. & grat. cap. 14. Deus, inquit, cui volenti salvum facere nullum hominem resistit arbitrium. Lib. de gratia Christi cap. 14. Qui ergo, inquit, non venerit, non de illo recte dicitur, audit quidem & didicit sibi esse veniendum, sed facere non vult quod didicit: prorsus non recte dicitur de isto docendæ modo quo per gratiam docet Deus: si enim, sicut veritas loquitur, omnis qui didicit venit; quisquis non venit, profecto

perfecto non didicit. Ex quibus videtur merito posse colligi nullam dari gratiam interiorē quæ tuo careat effectu.

Verum meo quidem iudicio nihil plane difficultatis est in his & similibus locis, unde enim solummodo sequitur dari aliquam gratiam efficacem, hominis arbitrium non resistere Deo volenti *efficaciter*, ad Deum venire quisquis didicit *efficaciter*, Deum semper facere quod vult *efficaciter*, non autem propterea nullam dari gratiam sufficientem, hoc est cui voluntas resistat, suumque non habet effectum, vel etiam illum ad quem ab ipso Deo destinata erat.

Atque eodem plane modo respondetur his verbis qui obijciuntur ex S. Prospero de ingratia cap. 15.

At vero omnipotens hominem cum gratia solvat,

Ipsa suum consummat opus, cui tempus agendi

Semper adest quæ gesta velit, non moribus illi

Fis mora, non causis anceps suspenditur ullis.

Tum & canon 4. Concilii Arausiaci II. sic concepto, *Deus non expectat voluntatem nostram, ut a peccato purgemur.* Hæc enim testimonia dari gratiam per se efficacem probant, aliam vero nullam esse pure sufficientem nec leviter quidem innuunt.

In talibus eam sententiam non admittit Augustinus, quam ipse diserte impugnavit in Pelagio, atque ut hæreticam damnavit Ecclesia: atqui sententiam de aliqua gratia interiori quæ suum non habeat effectum, quæ leviter tantum præveniat voluntatem, neque det velle & facere, in Pelagio impugnavit S. Augustinus & tanquam hæreticam condemnavit Ecclesia: si enim penitus attendatur ad statum controversiæ quæ mota est Pelagium inter & S. Augustinum, facile intelligitur nonnisi de gratia efficaci disputatum fuisse; Pelagium nullam aliam negasse gratiam;

adeoque de alia nunquam differuisse S. Augustinum. Scilicet Pelagius fatebatur per legem, doctrinam & Christi exemplum juvari nonnihil nostram liberi arbitrii voluntatem, contentus modo si diceretur esse in potestate hominis consentire vel dissentire; atque in eo admittebat gratiam sufficientem; putabat enim fieri aliquam impellionem in ipsis hominum cordibus per ejusmodi gratias, quæ vulgo dicuntur externæ, quapropter in eo solum peccabat Pelagius, quod diceret voluntatem hominis juvari ad agendum & habere per gratiam posse agere, sed non habere actū velle & perficere; quod cum intelligeret S. Augustinus, id solum urget, ut illam quoque admittat gratiam quæ dat velle & facere, per quam actū credimus, speramus, diligimus. Consuli potest super ea reliber de gratia Christi, in quo fuse describitur systema Pelagii, cap. 10. postquam descripsit gratiam in lege & doctrina positam, qualem admittebat Pelagius, sic habet: *Sed nos eam gratiam volumus, istæ aliquando solentur, quæ futuræ gloriæ magnitudo non solum promittitur, verum etiam creditur & speratur; nec solum revelatur sapientia, verum & amatur; nec solum suadetur omne quod bonum est, verum & persuadetur...* Hanc debet Pelagius gratiam confiteri si vult non solum vocari, verum etiam esse Christianus. Ergo nullam gratiam agnoscebat S. Augustinus præter gratiam efficacem, idemque fuit apud illum probare Pelagio dari gratiam, & dari gratiam efficacem.

Nego min. & dico Pelagio id vitio vertisse S. Augustinum, & cum Augustino universam Ecclesiam, quod nullam omnino gratiam interiorē sive nullam voluntatis inspirationem agnosceret. Scilicet, ut jam a nobis dictum est, in eo erravit Pelagius, quod aliam Christi gratiam excitantem & illuminantem non admitteret præter legem

legem & doctrinam; ita ut pias voluntatis actiones, pios motus, exclusa qualibet alia Dei ope & gratia, soli libero arbitrio tribueret; unde nullam admittebat gratiam interiorem positam in occultis Dei inspiratione quæ datur homini, præter illam impressionem quam concipimus proficisci posse per exterius ministerium legis & doctrinæ; in quo nempe præcise positus est in materia gratiæ error Pelagianorum.

Porro quamlibet gratiam interiorem negasse Pelagium manifeste docet Augustinus libro de gratia Christi, quem hic nobis obijciunt adversarii; in Pelagio enim id impugnat quod nullam admitteret gratiam præter legem & doctrinam, cap. 10. *Quid manifestius est, inquit, nihil aliud eum dicere gratiam, qua Deus in nobis operatur velle quod bonum est, quam legem atque doctrinam?* Ex eo infert Augustinus futurum, ut salus hominis non sit operatio Dei, ait enim postea; *Nam & sanctæ Scripturæ & docent & exhortantur, & potest esse in docendo & exhortando etiam hominis operatio.* Igitur gratiam nostram interiorem sufficientem non admittebat Pelagius; adeoque non eum propterea passim impugnavit sanctus Augustinus quod admitteret gratiam sufficientem, sed quod nullam esse gratiam interiorem contenderet.

Quod autem in illis cum Pelagio concertationibus volens ostendere gratiæ alicujus interioris necessitatem, iis utatur solum momentis & Scripturæ locis quæ gratiam efficacem indicant; non inde sequitur illum non admisisse gratiam pure sufficientem, quæ sit vera gratia interior præter legem & doctrinam, quam nimirum gratiam colligimus ex innumeris aliis locis; sed in causa fuit quod longe felicius hoc præter pugnaverit contra Pelagium, quia gratia efficax quæ dat velle & quæ est motus Dei persuadentis & trahentis voluntatem, opponitur e diametro gra-

tæ externæ legis & doctrinæ quam solum admittebat Pelagius.

Ex quibus facile colligitur graviter hallucinari adversarios, cum dicunt hanc nostram gratiam sufficientem quæ tribuit solum posse & non dat agere, nihil aliud esse quam adjutorium possibilitatis quod admittebat Pelagius & acriter redargebat S. Augustinus; quia nempe hoc adjutorium possibilitatis ad bonum agendum constituëbat Pelagius in sola natura per legem exterius excitata sine ope cujusvis alterius gratiæ interioris; ut a nobis ostensum est, ubi de hæresi Pelagiana disseruimus.

Obijcies: gratia sufficiens est ea cui voluntas humana ita resistit, ut illa suum non habeat effectum; atqui non datur ejusmodi gratia cui voluntas humana ita resistat, ut suum non habeat effectum; quia gratiæ interiori semper obtemperat voluntas, per illam semper vincitur concupiscentia: ergo nulla datur gratia sufficiens, si per gratiam sufficientem intelligatur ea quæ suum non habet effectum.

Nego min. & dico gratiæ interiori voluntatem interdum resistere, eo sensu quod suum, ad quam nempe ordinata est, non habeat effectum. Ratio est, quia voluntas humana gratiæ interiori resistit ea resistantia quæ culpabilis est; ea enim ex causa redarguuntur, corripiuntur peccatores quod gratiæ resistunt, ut ostendimus ex Scripturis. Atqui sola resistantia qua voluntas per consensum propriæ dictum rejicit gratiam, resistit gratiæ, est culpabilis; resistantia vero quæ in mera voluntatis pugna cum rebellante concupiscentia, non est culpabilis, ut fatentur omnes; idem est enim ac suggestio ad malum cui voluntas non consentit: ergo gratiæ interiori plerumque resistit voluntas, eo sensu quod gratia suum non habeat effectum propter ejusmodi resistantiam.

Inlabis: si qua in occasione homo censeretur habere gratiam sufficientem cui

cui resisteret; maxime quando excitatus a Deo ad aliquod præceptum adimplendum, hæret in solo præceptum adimplendi desiderio, & actu illud non adimplet: atqui homo tunc temporis nulli gratiæ interiori resistit; ideo enim hæret in solo præceptum adimplendi desiderio, quia habuit solum gratiam desiderii, fecitque quicquid per gratiam sibi datam facere poterat: ergo proprie loquendo homo non resistit gratiæ, quasi gratia non habeat effectum ad quem ordinata est.

Nego min. quia nisi dicatur hominem impedire sua malitia & resistentia effectum ad quem destinata erat gratia, falso utique clamant Scripturæ hominem gratiæ Dei resistere, Spiritum sanctum extinguere, cor suum obdurare; frustra & absurde corripuntur & puniuntur peccatores; eis enim gratiæ Dei & Spiritui sancto non resistit, adeoque non est corripendus, qui accepta Dei gratia facit id omne ad quod destinata est, & quicquid per illam gratiam Deus intendebat; sed in illo systemate adversariorum homo faceret quicquid potest facere & per illam gratiam intendebat Deus, haberet nempe desiderium adimplendi præceptum: ergo homo resistit gratiæ, non tantum quia ejus voluntas pugnat cum rebellante concupiscentia, sed quia impedit sua malitia ne gratia eum habeat effectum ad quem erat a Deo destinata. Quamobrem falsum est quod dicunt adversarii, ejusmodi gratiam quæ solum excitat desiderium observationis mandatorum non esse sufficientem & ordinatam a Deo ad ulteriorem effectum, puta ad ipsam observationem mandatorum, aliter enim voluntas non censeretur resistere gratiæ.

Instabis: gratia actualis interior nihil aliud est quam motio voluntatis: sed actualis motio voluntatis non potest suum non habere effectum; non potest enim esse in voluntate quin moveatur ipsa

voluntas: ergo implicat dari gratiam interiorem quæ suum non habeat effectum.

Dist. maj. nihil aliud est quam motio voluntatis per modum actus indeliberati, C. per modum actus deliberati & consensus, N. jam explicuimus quid sit gratia actualis, ubi de gratia efficaci dictum est; porro actualis motio voluntatis non potest quidem suum non habere effectum formalem & primarium, qui sit ipse actus voluntatis indeliberatus; sed potest suum non habere effectum secundarium quem producit per modum causæ efficientis, nempe consensum liberum & deliberatum voluntatis, quem voluntas scilicet denegat excitata per gratiam, & in quo præcise posita est resistentia gratiæ, de qua nunc agitur.

Instabis: posita illa sententia, nempe si detur gratia sufficiens cui possit homo consentire, si velit; jam gratia Christi non erit per se efficax sed per consensum voluntatis; tum vero erit inefficax & pure sufficiens per ejusdem resistentiam: absurdum consequens; ejusmodi enim doctrina quæ Molinæ est, abunde fuit superius confutata: ergo non datur gratia sufficiens cui humana voluntas resistat pro nutu & arbitrio.

Nego maj. etiamsi enim detur gratia sufficiens cui possit homo consentire si velit, & cui interdum resistat, impediens ne illa suum habeat effectum; tamen certum est hominem nunquam ei consensurum nisi accipiat a Deo aliam gratiam fortiorem, quæ dicitur gratia victrix & per se efficax. Quamobrem duo hæc inter se non pugnant, & quod detur gratia per se efficax, & quod alia detur pure sufficiens quæ suum non habeat effectum; adeoque hæc nostra sententia de gratia sufficiente, necessario non est cum Molinæ opinione conjuncta.

Instabis: si gratiæ sufficienti nemo possit actu consentire sine alia fortiori gra-

gratia, profecto ejusmodi gratia quæ dicitur sufficiens, est illusoria, erit nempe sufficiens & non erit sufficiens; erit quidem sufficiens ex hypothesi, & non erit sufficiens; nam illud neutiquam dici potest ad agendum sufficiens, præter quod alius absolute necessarium requiritur: atqui præter gratiam illam quæ dicitur sufficiens, requiritur alia quæ sit fortior & per se efficax: ergo.

Nego maj & dico ejusmodi gratiam proprie loquendo fore sufficientem; ad probationem vero dist. ma. illud non est sufficiens, præter quod aliud requiritur necessarium, si requiratur per se & ratione principii agentis, C. per accidens & ratione subjecti, N. Porro præter gratiam sufficientem necessaria quidem est ad agendum alia gratia fortior, quæ nempe per se sit efficax, sed illud se tenet ex parte subjecti; adeoque per accidens, in quantum gratia illa quæ ex se & ex natura sua virtutem habet operandi effectum, hunc tamen non operatur quia resistit subjectum, quia reperitur in subiecto nimium obistente; delectatio est nempe quæ per se & ex natura sua absolute sufficientem habet virtutem trahendi voluntatem, sed quæ tamen rebellem concupiscentiam non vincit propter nimiam resistantiam actualem & contumaciam voluntatis; unde fit ut secundum se spectata possit & debeat dici gratia sufficiens, tamen cum ea homo non agat actu, quod quidem per accidens se habet ad ipsam gratiam, potest enim agere.

Instabis: sequitur ex illa responsione gratiam hanc sufficientem, vero nomine dici non posse sufficientem, habita saltem ratione præsentis status naturæ lapsæ & consequenter ad peccatum originale; siquidem ut foret sufficiens in præsentis statu talis esse deberet, ut posset vincere concupiscentiam, ut fortior esset concupiscentia: atqui ex concessis ejusmodi gratia non est fortior concu-

piscentia, vincere non potest concupiscentiam sine alia gratia quæ sit per se efficax: ergo habita ratione præsentis status naturæ lapsæ non esset vero nomine sufficiens. Cum porro querimus, utrum detur gratia sufficiens, id intelligitur non de gratia quæ fuisset sufficiens & suum habuisset effectum in statu naturæ innocentis, in quo nulla debellanda fuisset concupiscentia; sed an sit hoc in statu naturæ lapsæ gratia proprie loquendo sufficiens.

Nego sequelam, ad cujus probationem nego min. & dico ejusmodi gratiam sufficientis esse virtutis, ut per eam vinci possit concupiscentia etiam habita ratione præsentis status naturæ lapsæ & consequenter ad peccatum originale, quantumvis sine alia gratia per se efficaci hominis conversionem non operetur quam operari potest. Videlicet eo sine data est a Deo ut per eam homo in præsentis naturæ corruptæ statu positus possit servare mandata, tentationes superare: &c. quæ quidem ipsi forent absolute loquendo impossibilia, nisi præditus esset gratia vere sufficiente quæ veram agendi potentiam conferret, unde per accidens est & propter liberam voluntatis humanæ resistantiam quod ejusmodi gratia suo, ad quem destinata est, careat effectu.

Instabis: supponit illa responsio, quæ totius systematis fundamentum est, hominem proprie loquendo resistere gratiæ, & culpabiliter impedire ne gratia suam habeat effectum: atqui proprie loquendo dici non potest hominem resistere gratiæ & culpabiliter impedire, ne gratia suam habeat effectum; ille enim proprie loquendo & ex culpa sua non resistit gratiæ, in ejus potestate non est gratiæ non resistere nisi per gratiam aliam fortiorem & efficacem, quam Deus non largitur omnibus: atqui non est in potestate hominis non resistere gratiæ nisi per gratiam aliam fortiorem, nempe per gratiam efficacem quam Deus

T non.

non largitur omnibus: ergo proprie loquendo, homo non censetur resistere gratiæ; eique culpabiliter non resistit.

Nego min. nisi enim homo interdum resistat gratiæ, falso dicitur in Scripturis hominem resistere Spiritui sancto, Deo vocanti renuere, cor suum obdurare, &c. quæ quidem & similia in sacris codicibus passim leguntur.

Quod vero subiungitur, non esse in potestate hominis absque aliqua gratia efficaci non resistere gratiæ, omnino falsum est. Siquidem potest homo saltem per aliquod tempus non rejicere actu aliquo formali & positivo voluntatis gratiam sufficientem, nulla ex necessitate illi resistit, illi ponit obicem; ideoque, licet ad obtemperandum ejuscemodi gratiæ alia quedam gratia nempe efficax requiratur, est tamen in potestate hominis sine gratia efficaci illam non respuere; quo fit ut homo censetur ex culpa sua gratiæ sufficienti resistere, & libere peccare.

Atque hinc colligere est quam a vero alienum sit dicere, gratiam sufficientem, quæ scilicet suum nunquam obtinet effectum, nonnisi augendis hominum peccatis inservire, quia bonum cum ea nunquam operantur, eique resistendo evadunt sceleratores & majori damnatione digni. Certe si quid vitium haberet istud argumentum, probaret etiam conciones, exhortationes, correctionem fraternam, aliasque gratias externas omnino contemnendas, velut scelerum incitamenta quæ majorem nobis accersunt damnationem; ii enim gravius peccant qui ejuscemodi auxiliis legem infringunt, tamen ad bene agendum præter illa requiratur gratia efficax: acquir nec ipsi volunt adversari gratias externas esse propterea contemnendas; ergo nec rejici debet gratia sufficiens, tamen suum non habet effectum; nimirum id contingit per accidens & præter ipsius gratiæ exigentiam, quia volumus nos a gratia deficere, eique resi-

stere. Quemadmodum igitur nonnisi absurde diceretur concionator nos ad peccatum propellere, ita ut causa sit nostræ damnationis; sic divina gratia tamen pure sufficiens male dicitur in perniciem nostram data, quæ videlicet per se & ex natura sua impellit nos ad bene agendum. Unde non est quod Deum hac in parte accusemus, quem immo exorare debemus humiliter, ut, qui gratiam sufficientem largitus est, uberiorem & per se efficacem subministret.

Neque etiam audiendus hic Jansenius Iprensis qui ait nihil monstro similis esse, quam istud adjutorii genus quod suum effectum habere potest, quem tamen ab initio lapsus primi hominis usque ad ultimum judicii diem non habuit aut habebit: namque ejuscemodi gratia sufficiens, licet suum propter malitiam hominis non obtineat effectum; tamen eo sine datur a Deo, ut illum tandem consequatur; quo fit ut monstrum dici non debeat illud auxilium, cui etiam nisi ex parte hominis ponitur obex, semper conjungitur gratia efficax.

Obijcies: ea gratia admitti non debet quæ homini prorsus inutilis est: sed gratia sufficiens homini plane inutilis est, saltem in systemate superius asserto, quo nimirum dictum est præter gratiam sufficientem, quæ solummodo dari posse agere, non dari ipsum velle & perficere, necessariam esse quandam gratiam per se efficacem, eam præsertim addatur hanc gratiam per se efficacem non dari meritis hominum, non labori, non conatibus, non dispositionibus, non denique ipsius gratiæ sufficientis cooperationi, sed ex mero & gratuito Dei beneplacito: his enim positis, quæ apud Theologos certissima sunt, gratia sufficiens est omnino inutilis & otiosa: igitur rejicienda est.

Respond. hanc ratiocinationem, quæ prima fronte aliquid roboris & momenta ha-

habere videtur, ruere penitus, si dicatur ex defectu & culpa hominis esse, quod, qui habet auxilium sufficiens ad bene agendum, non habeat gratiam illam efficacem insuper necessariam ad quodlibet opus bonum. Est aliquo sensu, ut opinor, in potestate hominis habere gratiam efficacem, non quod illa gratia detur meritis, gratia enim non ex operibus: sed eo sensu quod quandoquidem gratia sufficientis motioni resistit, Deus qui sincere vult illum salvare, aliam gratiam nempe per se efficacem; hæc hujus opinionis sunt momenta.

Primum petitur ex illis omnibus quæ ad probandam hæc nostram conclusionem de gratia sufficiente adduximus; vix enim aliter intelligi posset, quomodo redarguantur homines quod gratia resistant sufficienti, quorsum enim gratia sufficienti obtemperarent, nisi consequenter Deus gratiam efficacem ipsis largiretur? Quomodo Deus censetur velle omnes homines salvos fieri, & Christus dicatur mortuus pro omnibus & singulis, nisi postquam Deus dedit gratiam sufficientem vi illius voluntatis antecedentis, det quoque gratias efficaces gratia sufficienti cooperantibus. Denique vix intelligitur, ut opinor, quomodo Deus non jubet impossibilia, si cum semel iustificati bene utuntur illa gratia sufficiente, qua mandata Dei ipsis possibilia fiunt, Deus illis non impertiat gratiam efficacem.

Secundum momentum petitur ex S. Augustino qui, uti & alii SS. Patres, quorum loca supra commemoravimus, in culpam & vitium hominis refundit quod non bene operentur, peccatorum quod non convertantur, & iustorum quod non perseverent: insigne est quod scribit lib. 2. de peccatorum meritis & remissione cap. 17. his verbis: *Nolunt homines facere quod iustum est, sive quia hæc an iustum sit, sive quia non delectat... ut autem immorescat quod latebat, & suave fiat quod non delectabat, gra-*

tia Dei est quæ hominum adjuvat voluntates, quæ ut non adjuventur, in ipsis itidem causa est, non in Deo, sive damnandi prædestinati sint propter iniquitatem superbie, sive contra ipsam superbiam iudicandi & erudiendi, si filii sint misericordie. Unde Jeremias cum dixisset, Scio Domine quia non est in homine via ejus, nec viri est ut ambulet & dirigat gressus suos, continuo subjunxit, Corripe nos Domine, veruntamen in iudicio non in furore tuo: Tunc diceret, scio ad corruptionem meam pertinere, quod minus abs te adjuvor, ut perfecte dirigantur gressus mei, &c. Ubi docet S. August. culpæ homini esse, quod per gratiam efficacem non adjuvetur, quæ ut non adjuventur in ipsis itidem hominibus causa est. Quod iterum manifeste inculcat his verbis, quibus mentem Jeremæ interpretatur, tanquam diceret, scio ad corruptionem meam pertinere quod minus abs te adjuvor.

Idem probatur ex S. Thoma qui l. 3. contra gentes c. 159. scribit hominum culpæ imputandum, quod non habeant Dei gratiam, tamen illam nec mereri nec acquirere possunt: *Licet aliquis, inquit, per modum liberi arbitrii divinam gratiam nec promereri, neque acquirere possit, potest tamen seipsum impedire ne eam recipiat; dicitur enim de quibusdam Job 21. dixerunt Deo, Recede a nobis & scientiam viarum tuarum nolumus, Et Job. 24. Ipsi fuerunt rebelles lumini, & cum hoc sit in potestate liberi arbitrii impedire divinæ gratiæ receptionem vel non impedire, non immerito in culpam imputatur ei qui impedimentum præstat gratiæ receptioni. Deus enim, quantum in se est, paratus est omnibus gratiam dare, vult enim omnes homines salvos fieri & ad agnitionem veritatis venire, ut dicitur 1. ad Timoth. 2. sed illi soli gratia privantur, qui in se ipsis gratia impedimentum præstant, sicut sole mundum illuminante in culpam imputatur ei qui oculos claudis, si ex hoc aliquod*

malum sequatur, licet videre non possit, nisi lumine solis sit praevenius.

Rem adhuc clarius & in propriis terminis exprimit quaest. 3. de malo dicens, *Quod ex indispositione hominis provenit, ut motio primi moventis non sit perfecta, ita ut perfectam operationem producat, quae indispositio vel est praecedens peccatum, vel est error, ignorantia vel saltem inadvertentia, propter quorum aliquod motio Dei moventis sufficienter ad bonum non sit ita efficax, ut perfectam in homine operationem producat, qua omnia relata ex culpa hominis sunt.* Consulti etiam potest t. 2. q. 112. art. 3.

Legitur eadem doctrina in Concilio Tridentino sess. 6. c. 13. ubi testantur expresse Patres Tridentini, spem firmam debere omnes iustificatos habere, sibi non defuturam gratiae perseverantis donum, si prius ipsi non defuerint gratiae: *Quamvis, inquit, nemo sibi aliquod de eo absoluta certitudine sibi polliceatur, tamen in Dei auxilio firmissimam spem collocare & reponere omnes debent, Deus enim nisi ipsi ullius gratiae defuerint, sicut capis opus bonum, ita perficiet operans velle & perficere.* His verbis, Deus dabit velle & perficere, manifeste significatur gratia efficax; sed ex Concilio Tridentino Deus operabitur illud velle & perficere in iis qui gratiae non defuerint: igitur habentibus gratiam sufficientem ad perseverandum, idcirco gratia a Deo denegatur qua perseverant, quia gratiae sufficienti ipsi defuerunt.

Ex his autem momentis recte intellectis facilius solvitur argumentum quod hoc in negotio proponi solet; non potest, inquit, legitime imputari hominibus quod bonum non operentur, quod urgentibus tentationibus non resistant, quod mandata Dei non impleant, quod denique in bono non perseverent; quandoquidem ea praestare non possunt sine auxilio gratiae efficaci, quam homines in sua potestate non habent: atqui cer-

tum est hominem in sua potestate non habere gratiam efficacem quae nec datur meritis, nec denegatur propter demerita, sed a sola Dei voluntate & arbitrio dependet: igitur, inquit, homines in illo systemate nullo modo sunt culpabiles.

Respondetur enim in hac nostra sententia, revera neminem mereri posse vel acquirere gratiam efficacem, gratia enim non datur meritis, gratia non ex operibus; legitimum tamen nobis videri locum affirmandi fore ut homini denegetur a Deo gratia efficax, quia gratiae sufficienti resistit; quod sufficit, ut ipsi merito imputetur, quod gratia efficaci carcat.

At, inquit, homini imputari non potest id quod ab alterius voluntate dependet; sed a voluntate Dei dependet dare gratiam efficacem: igitur.

Dist. maj. si ille a quo dependet hoc beneficium non sit paratus illud dare homini nullum impedimentum apponenti, C. si sit paratus, N.

Aut aliter, homo cui datur gratia sufficiens, non habet propterea in sua potestate gratiam efficacem quae tamen necessaria est ad bene operandum, non habet, inquam, in sua potestate, ita ut per actum aliquem illam mereatur aut sibi acquirat, C. quasi denegaretur a Deo gratia efficax si non resisteret sufficienti, N. solutio satis superque patet ex dictis.

Instabis, oppositum manifeste docet S. Augustinus Epist. 217. quae est ad Vitalem ubi sic habet: *Quomodo dicitur omnes homines gratiam fuisse accepturos, si non illi quibus non donatur, eam sua voluntate respuerent, quoniam Deus vult omnes homines salvos fieri, cum multis non detur parvulis, & sine illa plerique moriantur qui non habent contrariam voluntatem, & aliquando cupientibus festinantibusque parentibus, ministris quoque volentibus ac paratis, Deo nolente non datur.* Lib. 2. de peccatorum meritis &

remiss. cap. 5. *Cur illum*, inquit, *Deus adjuvet, illum non adjuvet, illum tantum, illum autem non tantum, illum ipso, illum illo modo, penes ipsum est, & aquiratis tam secreta. ratio. & excellentia potestatis.* In primo loco August. aperto Marte hanc nostram sententiam impugnat, qua dicimus homines gratiam fuisse accepturos, nisi illam respuerent, illi resisterent. Ait insuper in alio loco non esse aliam causam cur Deus gratia quosdam adjuvet, alios vero non adjuvet, præter ipsius voluntatem & potentiam: igitur falso præsumitur futurum ut, qui gratiæ sufficienti non resisteret, gratiam postea efficacem haberet.

Respondeo hunc priorem S. Augustini locum non adversari nostræ sententiæ; verum enim & certissimum manet quod diximus, gratiam dari eis qui nullum ipsi ponunt impedimentum, quia adulti æta per voluntatem contrariam resistunt, infantes vero per culpam originalem; scilicet Augustinus illorum videtur sententiam impugnare qui dicebant omnes universum homines gratiam fuisse accepturos, qui contrariam non habent voluntatem, quasi nulla haberi deberet ratio parvulorum; unde hoc exemplo utitur, ut ostendat illorum propositionem esse falsam.

Quod spectat alium locum e libro de peccat. merit. depromptum, hoc unum ibi docet S. Augustinus nullam esse causam ex parte hominis, cur ex duobus unus vocet, alium non vocet, illudque in solam Dei voluntatem refundendum, sed inde non sequitur falsum esse quod dicimus Deum dare gratiam efficacem eis qui gratiæ sufficienti non resistunt, hæc enim posita nostra sententia adhuc in potestate Dei est gratiam suam dare ad nutum uni potius quam alteri, uno aut altero modo, saltem si supponatur duos esse homines æqualiter dispositos; immo in tali hypothesi quod Deus gratiam suam lar-

giatur uni potius quam alteri, nulla est causa præter absolutam Dei voluntatem.

Instant quidam Theologi, resistentia gratiæ sufficienti non est causa cur denegetur gratia efficax, si talis resistentia sequatur negationem gratiæ efficaciæ: atqui resistentia qua respuitur gratia sufficienti, sequitur negationem gratiæ efficaciæ; quisquis enim haberet gratiam efficacem ad obtemperandum gratiæ, eo ipso obtemperaret, & ideo gratiæ sufficienti resistit, quia non habet gratiam efficacem necessariam ad obediendum: igitur resistentia qua resistitur gratiæ sufficienti causa non est cur Deus denegat gratiam efficacem.

Dist. maj. si propterea negatio gratiæ efficaciæ sit causa proprie dicta resistentiæ qua respuitur gratia sufficienti, C. si proprie non sit illius causa, N. revera resistentiæ qua respuitur gratia efficax, sequitur negationem gratiæ efficaciæ, & quicumque habet gratiam efficacem ad obediendum gratiæ, ipsi obedit; quicumque non habet, infallibiliter resistit; sed non inde sequitur negationem gratiæ efficaciæ quatenus sit a Deo, causam esse cur homo resistat gratiæ sufficienti. Et ratio est quia prima ac proprie dicta causa resistentiæ qua quis gratiæ sufficienti resistit, est prava ipsius resistentis voluntas; Deo autem imputari non debet ejusmodi resistentia, eo præcise quod gratiam non dedit efficacem ad non resistendum: quia universum loquendo, causæ non aliter operanti quam non removendo prohibens eff. & non debet imputari, modo aliunde non teneatur removere prohibens; sed in isto casu Deus est solummodo removens prohibens, & aliunde non tenetur ex officio removere prohibens, nemini enim tenetur dare gratiam efficacem, ut fatentur omnes Theologi; igitur denegatio gratiæ efficaciæ non est causa resistentiæ quæ sit gratiæ sufficienti; sed contra resistentia.

sentia qua respicitur gratia sufficiens, causa est cur denegetur gratia efficax.

Quamobrem verissimum est universim loquendo de omnibus & singulis hominibus, sive de pueris qui nondum suscepto baptismo moriuntur, sive de adultis, iustis vel peccatoribus, sive deum de infidelibus, in culpa eorum esse non autem in Deum esse refundendum quod carent gratia efficaci; quanquam impedimenta hæc quæ ponuntur ab hominibus, diversa sint pro diversa eorum conditione, infantibus denegetur gratia efficax propter peccatum originale, adultis propter contrariam voluntatem & actualem resistantiam, uti jam expositum est.

Obijciæ denique, non alia admitti debet gratia quam quæ petitur a Deo in precibus Ecclesiæ: sed sola efficax a Deo petitur in precibus Ecclesiæ; igitur.

Neg. min. Non modo enim petimus a Deo illud gratiæ genus, sed etiam aliud quo possimus bene agere, ut patet ex nonnullis Ecclesiæ precibus.

Quid sit gratia sufficiens.

Cum gratiæ sufficientis existentiam demonstravimus precedenti articulo, eam spectavimus solum prout est gratia quædam cui voluntas humana resistit, quæque propterea suum non habet effectum; videlicet eum ad quem destinata erat. Nunc autem inquirimus quid aliunde sit illa gratia quæ suocaret effectum, quænam sit ejus natura, quæ sit ejus virtus & efficacia, quem denique illa producat effectum.

Varie sunt super illo negotio Theologorum opiniones, quemadmodum & diversæ sunt in explicanda natura & essentia gratiæ efficacis; hæc enim duo maxime conjuncta sunt.

Prima sententia est Molinæ, qui quidem, ut jam diximus, docuit gratiam sufficientem per se; proxime & sine alio

quovis divini gratiæ adjumento ita complere potentiam ad ægendum, ut alia gratia fortiori & per se efficaci opus non sit ad quoslibet pietatis actus producendos, immo & ad actum perseverantiæ finalis; ita ut hæc gratia per se suum habeat effectum, accedente videlicet voluntatis nostræ consensu; aliquando autem suo careat effectu propter dissentium & resistantiam voluntatis; in quo differt a gratia per se efficaci quam admittunt alii Theologi, gratia enim per se efficax certo & infallibiliter operatur, secus autem gratia sufficiens.

Secunda sententia, huic non parum affinis, est quorundam Theologorum qui naturam gratiæ sufficientis eodem modo explicant, ac Molina, ita ut tamen putent eam solummodo concedi a Deo ad actus aliquos faciles immediate producendos, & insuper ad impetrandam uberiorem gratiam per orationem; ad ceteros vero omnes pietatis actus requiratur gratia per se efficax.

Tertia sententia est Thomistarum qui contendunt gratiam sufficientem naturæ & specie differre a gratia per se efficaci. In illa sententia gratia sufficiens dat solum posse agere, non dat ipsum agere; illa quidem habere potest effectum, sed illum de facto nunquam habet, idque defectu gratiæ efficacis physice prædeterminantis.

Si autem queratur a Thomistis utrum ejusmodi gratia sufficiens conferat proximam & completam potentiam ad ægendum; quidam respondent affirmative, & gratiam sufficientem secum importare potentiam agendi perfectam & completam in genere potentia, quia homini talem gratiam habenti nihil deest ex parte potentia seu actus primi, auxilium enim prædeterminans physice neque se tenet ex parte potentia, seu actus primi, neque ex parte actus secundi, est enim causa quare

Voluntas actu operetur, datur h. mini ut agat; gratia autem sufficiens ut possit agere: Alii autem negant per gratiam sufficientem dari potentiam agendi proximam & completam; quatenus præter ejusmodi gratiam, necessarium est auxilium prædeterminans, quod ultimum complementum dat potentia; facit enim ut actus ponatur; qua in se aut nihil aut parum differunt inter se illi Theologi, qui hoc unum docere volunt præter gratiam sufficientem; ad singulos pietatis actus necessariam esse gratiam per se efficacem in motione quadam physica positam.

Quarta sententia est aliorum communiter Theologorum qui hoc idem sentiunt quod Thomistæ, hoc excepto quod non admittunt gratiam per se efficacem physice prædeterminantem. Scilicet ajunt gratiam sufficientem dare solum posse agere; non ipsum agere. In illa sententia gratia sufficiens dat potentiam agendi perfectam; proximam, completam in genere potentia; id est homini talem gratiam habenti nihil omnino deest ex parte potentia; quamquam ex parte actus secundi, hoc est ut ponatur actus, requiratur gratia per se efficax, quæ quidem gratia nonnisi moraliter agendo voluntatem nostram determinat, quam sententiam nos amplectimur.

Præterire hic non possum non ita pridem prodixisse quemdam libellum gallico idiomate scriptum; cujus autor novum systema protulit de gratia sufficiente; nimirum ait præter gratiam per se & ab intrinseco efficacem ad singulos pietatis actus necessariam, admittendam esse quandam gratiam sufficientem quæ omnibus & singulis datur; eaque posita est in cognitione primorum legis naturalis principiorum in cordibus omnium hominum impressa; quæ sententiam de natura gratia; sufficientis probat ille Scriptor ex his Scriptura; testimoniis. Psalm. 4. *Signa-*

tum est super nos lumen vultus tui Domine. Et Joan. 1. cap. *Et lux in tenebris lucet & tenebra; eam non comprehenderunt.* Tum vero ex SS. Patribus qui hoc generale & omnibus hominibus commune lumen haud dubie agnoverunt.

Hac certe sententia nihil fingi potest absurdius. Quia nempe gratia sufficiens intelligitur ab omnibus & juxta communem omnium Theologorum notionem; donum esse quoddam supernaturale præter dona creationis, naturam scilicet, potentias, & vim agendi cuiuslibet homini insitam, donum vero fluens a mentis Christi: sed in isto systemate gratia sufficiens est mere naturalis, ut per se patet; est enim posita in lumine naturali omnibus a natura insito, est, ut ait hic Theologus, in Americano qui de Christo nihil quicquam audivit; quatenus rationem habet naturalem qua turpe discernit ab honesto, bonum a malo: igitur absurde omnino gratiam sufficientem designat ac definit hoc recens systema.

His positis antequam nostram super ea re sententiam stabiliamus, alia; primum paucis rejiciendæ sunt.

PRIMA CONCLUSIO.

Rejici debet sententia Molinæ dicentis gratiam sufficientem dari ad quoslibet pietatis actus immediate producidos, ita ut præter illam non requiratur gratia per se efficax.

Patet hujus conclusionis veritas ex iis omnibus quæ a nobis adducta sunt ad probandam gratia; per se efficacis necessitatem, quæ quidem hic repetere nihil necesse est.

SECUNDA CONCLUSIO.

Rejicienda quoque est sententia eorum qui dicunt, gratiam sufficientem ex se interdum suum consequi effectum sine

sine adjumento gratiæ per se efficax, tum ad facilia quædam implenda, tum ad uberius Dei auxilium implorandum.

Ratio est, quia in ista sententia gratia per se & ab intrinseco efficax, non est necessaria ad singulos pietatis actus, sed per se sola sufficit gratia sufficiens, tum ad facilia quædam adimplenda, tum ad implorandum uberius Dei auxilium: sed ejusmodi sententia admitti nequaquam potest; quæcumque enim attulimus tum ex Scripturis sacris, tum ex SS. Patribus ad evincendam gratiæ per se efficacis existentiam, minime probant hanc gratiam efficacem ad omnes & singulos pietatis actus, nullo excepto, esse necessariam; de illa distinctione observatu faciliorem & orationis qua impleretur Dei gratia efficax, ab aliis omnibus pietatis & justitiæ actibus ne minimum quidem habetur verbum.

S. Paulus ad Rom. cap. 9. *Non est volentis neque currentis sed miserentis est Dei.* 1. ad Cor. 4. *Quis se discernit, quid habes quod non accepisti; si autem accepisti, quid gloriaris quasi non acceperis?* Et cap. 12. *Deus qui operatur omnia in omnibus.* Ad Philippenfes cap. 2. *Deus est enim, qui operatur in vobis velle & perficere.* Certe si homo cum gratia mere sufficienti sine gratia per se efficaci facilia adimplet, si orat Deum ejusque uberius gratiam implorat, jam volentis est hominis & currentis, jam Deus non operatur omnia in omnibus, jam Deus non operatur velle & perficere, nisi addatur in difficilibus, quod certe non addit Apostolus qui generaliter pronunciat in his locis omnem bonam voluntatem nostram esse a Deo, & consequenter bonam voluntatem in facilibus adimplendis & in oratione quæ ipsa est quoque gratiæ per se efficacis effectus.

Hoc loco non urgemus ista Scripturarum testimonia adversus Molinam,

ut gratiæ efficacis existentia & necessitas evincatur, quod certe abunde a nobis supra præstitum est, sed eo fortius est hoc ratiocinium in præsentī controversiā, quod rem habemus cum Theologis qui fatentur dari gratiam per se efficacem ad omnes pietatis actus difficiliorem necessariam, iisdemque Scripturæ locis quæ mox adduximus, utuntur adversus Molinam; sic autem invicte, ut puto, argumentari juvat adversus illos Theologos, aut ista Scripturæ testimonia, nihil omnino efficiunt ad probandam gratiæ efficacis necessitatem; aut ex iis conficitur talem gratiam esse ad singulos omnino pietatis actus necessariam, gratis enim fingitur ea distinctio quam apponunt actionum faciliorem ac difficiliorem, ubi Scripturæ loquuntur generatim & nulla facta restrictione: sed fateri non audent isti Theologi præfata Scripturæ testimonia non probare gratiæ efficacis necessitatem; iisdem enim utuntur, cum disputant adversus Molinam, & gratiæ per se efficacis necessitatem ad plurimos pietatis actus probant: ergo fateantur necesse est vanam esse hanc distinctionem quam apponunt, & revera gratiam per se efficacem esse necessariam ad omnes & singulos pietatis actus, vel etiam ad faciliora quævis adimplenda & ad implorandum uberius Dei auxilium.

Secundo, fundatissimum est in doctrina S. Augustini discrimen quod statuit inter gratiam quæ fuit Adamo ante lapsum & gratiam quæ datur in hoc naturæ corruptæ statu, positum nempe in eo quo satis erat Adamo in statu naturæ innocentis ad bene agendum & perseverandum habere gratiam sufficientem, in statu autem hoc naturæ lapsæ necessaria est gratia per se & ab intrinseco efficax, satis erat in illo statu habere adiutorium *sine quo*; in isto autem requiritur adiutorium *quo*: hanc fuisse constantissime doctrinam S. Do-

Boris

Storis abunde ostendimus ex lib. de corrept. & grat. cap. 11. & 12. sed in ista sententia ruit penitus hæc S. Augustini doctrina, totum hoc discrimen gratiæ utriusque status; quandoquidem pleraque bona opera, nimirum facilia, & orationes sunt sine auxilio gratiæ per se efficacia in hoc statu naturæ lapsæ: igitur hæc Theologorum sententia omnino rejicienda est tanquam sancti Augustini doctrinæ opposita.

His adde alia ejusdem S. Doctoris testimonia quæ ad asserendam gratiæ per se efficacia existentiam adduximus, ea quippe manifeste denotant gratiam per se efficacem absolute necessariam esse, non ad quosdam tantum sed ad omnes & singulos pietatis actus; non solum ad difficiliora sed ad faciliora quævis adimplenda, & nominatim ad initium fidei, ad orationes quibus imploratur divinum gratiæ efficacis auxilium, uti videre est in libris de prædestinatione Sanctorum & de dono perseverantiæ, quod certe in præfati controversia peremptorium est.

Consuli etiam potest quod scribit Epistola 194. alias 105. ad Sixtum, *Etiam, inquit, ipsa oratio inter gratia munera reperitur; quid enim oremus, ait Doctor gentium Rom. 8. sicut oportet nascimus, sed ipse Spiritus interpellat pro nobis gemitibus inenarrabilibus; quid est interpellat, nisi interpellare nos facit?* Unde sequitur gratiam per se efficacem peræque necessariam esse ad orandum, uti & ad alios pietatis actus; adeoque non admitterendam esse hanc sententiam quæ asserit gratiam per se & ex natura sua efficacem, non esse semper necessariam tum ad facilia quædam adimplenda, tum ad uberius Dei auxilium implorandum.

Obijcies: ex iis ipsis Scripturæ testimoniis quæ adducta sunt ad probandam gratiæ sufficientis existentiam cui nempe homo interdum resistit, manifeste sequitur hominem eidem gratiæ

aliquando non resistere, hoc evincit v. g. testimonium Ilayæ, cap. 5. *Quid est, inquit Deus, quod debui ultra facere vincta mea, & non feci? Quod certe non diceret Deus, si præter gratiam sufficientem efficacem fuisset absolute necessaria ad bonum fructum faciendum.*

Dist. ant. aliquando non resistere beneficio gratiæ efficacis, C. sine auxilio gratiæ efficacis, N. quomodo explicandæ sint ejusmodi exprobrationes quibus utitur Deus in Scripturis adversus peccatores, quantumvis gratia efficax admittatur necessaria ad singulos pietatis actus, supra videre poteris, ubi de gratia efficaci disputavimus.

Obijcies: multa sunt testimonia apud S. Augustinum, quæ huic systemati apertissime favent.

1. Ea testimonia quibus docet hominem cum gratia aliquid posse & aliquid non posse, posse quod facile est, non posse quod difficile. Nimirum id quod facile est, immediate potest per solam gratiam sufficientem, quod autem difficile est, potest tantum mediante gratia efficaci: sic loquitur v. g. lib. de natura & gratia cap. 43. *Non igitur Deus impossibilia jubet, sed jubendo admonet & facere quod possis, & petere quod non possis.* Cap. 69. eo ipso quo firmissime creditur Deum justum & bonum impossibilia non potuisse præcipere, hinc admonemur & in facilibus quid agamus, & in difficilibus quid petamus. Lib. de diversis questionibus ad Simplicianum questione prima sic habet, *hoc enim restat in ista mortali vita libero arbitrio, non ut impleat homo justitiam cum voluerit, sed ut se supplici pietate convertat ad eum, cujus dono eam possit implere.* Igitur inquit isti Theologi, licet homo cum sola gratia sufficiente totam justitiam adimpleat, id est, omnia Dei mandata non observet, quia nempe in iis observandis graves ut plurimum occur-

runt difficultates, quibus superandis necessaria est gratia efficax, potest tamen semper supplicii pietate, id est, oratione petere uberius auxilium.

Idem docet lib. de gratia & libero arbitrio cap. 16. *Ideo jubet Deus aliqua qua non possumus, ut novimus quid ab eo petere debeamus, ipsa est fides qua orando impetrat, quod lex imperat. certum est enim nos mandata servare si volumus, sed quia prapatur voluntas a Domino, ab illo petendum est ut tamen velimus, quantum sufficit ut volendo faciamus. Et lib. de corrept. & gratia cap. 2. Ad hoc eis ostenditur, inquit, quid agere debeant, ut quando id agunt sicut agendum est accepisse se gaudeant. Quando autem non agunt sive omnino non faciendo, sive non ex caritate faciendo, orent, ut quod nondum habent accipiant.*

2. Extant alia passim testimonia quibus sanctus Doctor duplicem distinguit bonam voluntatem, unam parvam & invalidam, aliam magnam & robustam, libro v. de gratia & libero arbitrio cap. 17. sic loquitur: *Qui ergo vult facere Dei mandatum & non potest, jam quidem habet voluntatem bonam sed adhuc parvam & invalidam, poteris autem, cum magnam habueris & robustam. Et lib. 1. ad Simplicianum quest. 1. Quid, inquit, facilius homini sub lege constituto quam velle bonum & facere malum, nam & illud sine difficultate vult, quamvis non tamen facile faciat quam facile vult. Ex quibus colligitur voluntatem illam bonam etsi parvam esse a gratia sufficiente; non autem a gratia efficaci, alias robustam & magnam efficeret in homine voluntatem. Porro gratia illa sufficiens in homine infirmo parvam quidem voluntatem & invalidam excitat, qua vellet observare mandatum Dei, sed quia infirmus est, nondum illud reipso observat, unde sequitur gratiam sufficientem suam interdum consequi effectum.*

3. Ex eodem S. Augustino patet homines idcirco peccare, quia non adhibent omnes voluntatis vires, ut peccatum fugiant. Addit aliquando totis viribus voluntatis opus esse ad ea superanda quæ difficultatem aliquam habent adjunctam, lib. 2. de peccatorum meritis cap. 3. *Sed hoc non videtur quod ad nonnulla superanda vel qua male cipiuntur, vel qua male metuntur, magnis aliquando & totis viribus opus est voluntatis, quas nos non perfecte in omnibus adhibuituros praevidis, qui per Prophetam veridice dici voluit, Non iustificabitur in conspectu tuo omnis vivens. Supponit itaque S. Augustinus aliquando in rebus facilibus opus non esse omni conatu; si enim id non supponeret, non diceret aliquando totis viribus voluntatis opus esse ad difficultia superanda; unde sequitur per solam gratiam sufficientem hominem posse aliquando bonum aliquod operari.*

4. Denum objiciunt celebrem illum S. Augustini locum e lib. 12. de civit. Dei cap. 6. desumptum, ubi sanctus Doctor ponit duos aequaliter affectos animo & corpore videre unius corporis pulchritudinem, qua visa unus eorum ad illicite perfrueundum movetur, alter vero stabilis perseverat in voluntate pudica; unde manifeste sequitur gratiam dari in duobus hominibus aequalem, cui unus consentit, alter autem reluctatur: sed ejusmodi gratia est sufficiens quæ suam aliquando habet effectum.

Respondeo universim hoc unum colligi posse ex illis omnibus locis, S. Augustinum admisisse gratias sufficientes simul & gratias per se efficaces, gratias parvas & gratias magnas, gratias quæ dant posse, & gratias quæ dant ipsum agere, neutiquam vero illum existimasse ullam gratiam sufficientem fieri aliquando efficacem, & per eam solam sine gratiæ alicujus efficacis adiutorio actum poni, quod idem est ac
si di-

si dicatur gratiam sufficientem per se solam immediate suum producere effectum, quosdam nimirum producere pietatis actus: id certum atque indubitatum manet factis nonnullis observationibus.

Prima est, quia revera ne minimum quidem verbum pronunciat S. Augustinus, quo significet illam gratiam efficacem, quam toties ubique prædicat in illis omnibus libris quos conscripsit adversus Pelagianos, non esse tamen necessariam ad certos actus faciliores producendos tum & ad orandum & implorandum Dei auxilium, sed solummodo necessariam ad actus difficiliore eliciendos, & ad finaliter perseverandum, de his inquam diversis actibus, de illa distinctione nulla mentio apud S. Doctorem, qui passim & ubique declarat generatim & nulla facta restrictione gratiam efficacem, gratiam nempe quæ datur ad actum, gratiam actionis, gratiam quæ datur ipsum velle, gratiam quæ est ipsa bona voluntas, charitas &c. hanc inquam gratiam necessariam esse ad singulos pietatis actus nullo excepto.

Secunda est, quia si S. Augustinus existimasset gratiam quandam sufficientem quæ dat solummodo posse agere, non dat ipsum actum, adeoque libero voluntatis nostræ arbitrio quadantenus mancipatur, per se solam immediate producere quosdam pietatis actus, puta faciliora quædam & orationem, nec nisi ad difficiliora opera & finalem perseverantiam requiri gratiam per se, & ex natura sua efficacem, certe hoc non semel respondisset Pelagianis ad compescendas eorum querelas adversus gratiam efficacem; scilicet aiebant illi, posito gratiæ efficacis systemate, absurdas esse increpationes & exhortationes, neminem legitime corripi quod bonum non faciat, quod mandata non observet, quod idem dicebant Monachi Adrumetini, ut constat ex libro de correptione & gratia, & rursus contendebant Massilienses, si hæc gratiæ per se effi-

cacis doctrina locum haberet, studium omne virtutis retundi, laudem detrahi bonis operibus, ac denique sollicitudinem ac zelum salutis penitus evelli. At si existimasset sanctus Doctor, uti pertendunt adversarii, gratiam efficacem, cujus virtute & efficacia illi omnes erant perterriti, non esse necessariam, nisi ad difficilia quæque opera, satis esse habere gratiam sufficientem ad facilia quædam adimplenda, & ad orandum: profecto cum in se suscipit præfatis respondere objectionibus, quæ certissime graves continent difficultates, hanc distinctionem faciliorem & difficultiorum actuum apposuisset, ut hanc de gratia Dei doctrinam illorum hominum captui facilius accommodaret. Verum in iis libris quos composuit præfatis respondens querelis, pergit semper gratiam per se efficacem ejusque ad singulos pietatis actus necessitatem commendare, ad ejusmodi distinctionem actuum faciliorem & difficultiorum nunquam recurrit, immo sætetur persæpe incomprehensibiles esse illas questiones, atque exclamandum esse Apostolo, *o altitudo divitiarum & scientiæ Dei, &c.* Non putabat igitur dari ad multos pietatis actus gratiam sufficientem, quæ per se sola, sine ullo gratiæ efficacis adjumento ageret ad facilia quædam implenda, & ad implorandum uberius Dei auxilium.

Tertia observatio quæ, ut jam monuimus, hoc recentiorum Theologorum systema funditus evertit, ex eo petitur quod initium fidei v.g. desiderium salutis, & orationem qua petitur Dei gratia ad aliquod bonum opus perficiendum, expresse & nominatim ab eodem S. Augustino dicuntur effectus gratiæ per se efficacis, gratiæ nimirum quam ubique tanquam donum Dei insuperabiliter movens prædicat; legantur integri libri de prædestinatione Sanctorum, & de dono perseverantiæ, quos scripsit ad finem vitæ adversus Massilienses. Cer-

te si quid sit facile observatu inter varios qui ad salutem ordinantur actus, maxime initium fidei & desiderium salutis, tum vero & oratio qua imploratur divinæ gratiæ auxilium; sed utrumque nonnisi per gratiam per se efficacem fieri posse contendit totis viribus sanctus Doctor in duobus supra citatis libris.

Quoad initium quidem fidei totus est in libro de prædestinatione Sanctorum, ut ostendat illud esse a gratia & a gratia quidem efficaci: *Hæc itaque gratia*, inquit cap. 8. *quæ occulte humanis cordibus divina largitate tribuitur, a nullo duro corde respuitur. Ideo quippe tribuitur, ut cordis duritia primitus auferatur. Et cap. 9. Fides igitur & inchoata & perfecta donum Dei est, & hoc donum quibusdam dari, quibusdam non dari, omnino non dubitet, qui non vult manifestissimis sacris litteris repugnare. In his verbis quis non agnoscit gratiam per se efficacem?*

Quod orationem spectat qua uberius imploratur Dei auxilium, scribit etiam Augustinus illam esse gratiæ divinæ & quidem per se efficacis munus & beneficium, lib. de dono persever. cap. 23. postquam & Scripturis & constanti Ecclesiæ praxi ostendit continuo orandum esse Deum, docet orationem ipsam esse & fieri per gratiam: *Ubi intelligimus*, inquit, *& hoc ipsum esse donum Dei, ut veraci corde, & spiritualiter clamemus ad Deum. Attendant ergo quomodo falluntur qui putant esse a nobis, non dari nobis, ut petamus, queramus, pulsemus, & hoc esse dicunt quod gratia præcedit nostro merito, ut sequatur illa, cum accipimus petentes, & invenimus querentes, aperiuntque pulsantibus: nec volumus intelligere etiam hoc divini muneris esse, ut oremus, hoc est petamus, queramus, atque pulsemus. Accepimus enim Spiritum adoptionis filiorum, in quo clamamus Abba pater; quod vidit & beatus Ambrosius, ait enim, & orare*

Deum gratia spiritualis est; sicut scriptum est, Nemo dicit Dominus Jesus, nisi in Spiritu sancto.

Neque dicas ex illis testimoniiis colligi tantum posse, S. Augustinum agnoscere cujusdam gratiæ vel sufficientis, vel efficacis necessitatem tum ad initium fidei, tum ad orationem, quia nimirum disputat adversus Massilienses, qui hoc utrumque soli libero hominis arbitrio sine gratia operanti ascribebant, sed non inde sequi gratiæ per se efficacis necessitatem inibi probare sanctum Doctorem.

Huic certe adversariorum evasioni nullus esse potest locus, apertum est enim sanctum Augustinum, cum in his duobus libris de prædestinatione Sanctorum & de dono perseverantiæ necessitatem gratiæ probat adversus Massilienses, hanc eandem gratiam iis denotare caracteribus, quibus gratiam per se efficacem agnoscere necesse sit, nam libri de prædestinatione Sanctorum c. 2. loquitur de ea gratia, *quæ efficit omnia bona merita. Cap. 5. de gratia, quæ bonos discernit a malis, non quæ communis est bonis & malis. Et ibidem de gratia ad quam pertinent hæc Apostoli verba: Quis enim te discernit? Quid ausum habes quod non accepisti?* Cap. 8. de gratia, *quæ occulte humanis cordibus divina largitate tribuitur, a nullo corde respuitur, ideo quippe tribuitur, ut cordis duritia primitus auferatur. Denique de gratia ad quam pertinent hæc Scripturarum testimonia, quæ ad illius necessitatem probandam adhibet sanctus Doctor toto in libro passim, Ezechiel 36. Ego faciam ut facias. Rom. 9. cap. Deus, cujus vult miseretur, & quem vult inducat. . . nam voluntati ejus quis resistit? Joan. 6. nemo venit ad me nisi Pater qui misit me, traxerit eum. 1. Corinth. 3. non quia idonei sumus cogitare aliquid quasi ex nobismetipsis, sed sufficientia nostra ex Deo est. Quæ quidem Scripturarum loca, etiam latentibus adversariis gratiam per*
se est.

se efficacem manifeste denotant.

Idem vero colligitur ex libro de dono perseverantiae, ubi enim loquitur S. Augustinus de gratia ad orandum & implorandum divinae gratiae auxilium necessaria, eam dubio procul intelligit, quae per se & ab intrinseco est efficax, ut colligitur ex cap. 23. *Hae igitur*, inquit, *quae poscit a Domino, & semper ex quo esse capit, poposcit Ecclesia; ita Deus vocatis suis daturum se esse praescivit, ut in ipsa praedestinatione jam dederit, quod Apostolus sine ambiguitate declarat, scribens quippe ad Timotheum: Collabora*, inquit, *Evangelio secundum virtutem Dei salvos nos facientis, & vocantis vocatione sua sancta, non secundum opera nostra, sed secundum suum propositum & gratiam quae data est nobis in Christo Jesu ante tempora aeterna, manifestata autem nunc per adventum Salvatoris nostri Jesu Christi*. Gratia quae datur a Deo secundum propositum, in mente Apostoli, est gratia per se efficax, ut alibi ostendimus.

Hae certe abunde sufficiunt ut ostendatur constantem fuisse S. Augustini doctrinam, ad quoslibet pietatis actus producendos & nominatim ad facilia quaeque adimplenda, & ad implorandum uberius Dei auxilium, necessariam esse gratiam per se efficacem, sed ne quid hoc in negotio desideretur ab adversariis, juvat ad singula quae obijciuntur ex eodem sancto Doctore sigillatim respondere.

Ad primum quidem ubi obijciuntur ea testimonia, quibus docet hominem cum gratia aliquid posse & aliquid non posse, non video quid ex ejusmodi locis colligere possint adversarii: inde enim solummodo sequitur nobis adesse gratiam sufficientem qua possumus aliquid, puta petere quod non possumus, quod certe non negamus; sed non sequitur ejusmodi gratiam sufficientem per se solum immediate actus pietatis producere sine adjutorio gratiae effica-

cis. Nimirum, ut centies diximus, gratia sufficiens dat posse, ita ut ex parte potentiae nihil desit, sed non dat agere ipsum, hoc enim pertinet ad gratiam per se efficacem, sic plerique omnes Theologi eum integra divi Thomae schola loquuntur.

Quod secundo loco opponitur plane nullius momenti est, ex eo quod enim S. Augustinus duplicem agnoscit gratiam, unam parvam, aliam vero magnam; non sequitur gratiam illam parvam, quam placet supponere, gratiam esse sufficientem, suum interdu per se & immediate consequi effectum sine adjumento gratiae efficaciae. Quin potius testatur sanctus Doctor lib. citato de libero arbitrio, eum, qui vult facere Dei mandatum & non potest, quique consequenter non habet nisi parvam & invalidam voluntatem, hanc potestatem non habiturum, nisi cum magna habuerit voluntatem, *poteris autem, cum magnam habueris, & robustam*. Quod idem est ac si diceret, hominem in illo casu habere gratiam sufficientem, quando habet voluntatem parvam, sed quae gratia suum non obtinebit effectum, nisi cum Deus illi dabit voluntatem robustam, hoc est gratiam per se efficacem.

Plus virium non est in tertio momento quod proponitur, fatemur enim majori conatu opus esse in rebus difficilibus & cum occurrunt graves superandae difficultates, minori autem opus esse labore & conatu in facilioribus, sed non video ex eo colligi posse gratiam sufficientem per se & immediate sine gratia efficaci producere actus faciliores, contrarium enim supra demonstravimus.

Denique quod spectat ultimum argumentum ex lib. 12. de civitate Dei depromptum, lectorem remittimus ad praecedentem dissertationem nostram de gratia efficaci, ubi hunc locum fuisse satis & ut par est explicuimus.

Obijciunt insuper adversarii, cum gratia sufficiens veram ac propriam agen-

di potentiam homini conferat, non potest intelligi quomodo effectum suum potest semper producere, & tamen illum nunquam producat; ergo hæc tenenda est sententia quæ docet ejusmodi gratiam aliquando suum producere effectum, aliquando vero non producere.

Respond. 1. ex ejusmodi argumentis in mero & vano ratiocinio fundatis judicandum non esse, gratiam sufficientem per se & immediate quosdam pietatis actus producere sine ullo gratiæ ejusdem efficacis adminiculo, cum aliunde tot validissimis Scripturarum & Patrum autoritatibus evincatur gratiam efficacem ad omnes & singulos pietatis actus esse necessariam. Certe non audiuntur Jansenii Iprensis defensores, cum eandem gratiam sufficientem alio prope simili ratiocinio eliminant, ajunt scilicet quamlibet gratiam esse efficacem & suum proprium habere effectum, quia, inquit, datur a Deo sincere volente hanc gratiam talem producere effectum; hæc inquam & similia ratiocinia respuunt adversarii cum aliis Theologis, quia nimirum ex Scripturis, Patribus & Conciliis manifeste constat quandam dari gratiam quæ suo privatur effectu, & cui voluntas hominis resistit; scilicet in istis rebus quæ religionem spectant, autoritati cedere debet ratio.

Respondet 2. negando antæcedens, idque confirmari posse nonnullis exemplis quæ retulit S. Augustinus questioni prope simili respondens libro de spiritu & littera cap. 1. ubi cum docuisset hominem sine peccato mediante divina gratia vitam integram transigere posse sine ullo peccato, quamvis id nemini concessam fuerit præter Christum, & B. V. eadem objectioni sic respondet: *Qua ratione aliquid esse possit, cujus tamen exemplum deest, quod nunquam factum est vel fuit, absurdum inquit tibi videtur, cum, sicut credo, non dubites nunquam esse factum, ut per foramen acus*

camelus transiret, & tamen ille hoc quoque dixit Deo esse possibile, legas etiam duodecim millia Angelorum pro Christo, ne pateretur, pugnare potuisse, &c. Igitur, licet gratia sufficiens dicatur veram ac plenam agendi potentiam conferre, non inde colligi debet eam per se & immediate suum quandoque consequi effectum absque gratiæ alicujus adminiculo.

Obijcies: quælibet actio bona adjutam semper non habet aliquam gravem difficultatem: ergo saltem ad ejusmodi actionem produendam satis erit, si detur a Deo gratia sufficiens, nec requiritur gratia per se efficax.

Nego consequ. ostendimus enim & validissimis quidem momentis ad singulos pietatis actus sive faciles sive difficiles necessariam esse gratiam per se efficacem. Certe præfato ratiocinio utebantur Semipelagiani, ut probarent saltem ad initium boni operis & ad orationem seu desiderium salutis gratiam Dei non esse necessariam; facile est enim, inquiebant, homini velle & desiderare salutem, non potest quidem ægrotus sibi procurare sanitatem sine medici adjutorio, sed potest saltem propriis viribus desiderare sanitatem & querere medicum. Quid respondet S. Aug. libris de prædestinat. SS. & de dono perseverantiæ? Respondet & ipsum salutis desiderium & ipsam orationem qua interpellatur medicus, ipsam primam cogitationem de sua salute, esse a Deo per gratiam Jesu Christi, id nimirum declarante Scriptura quæ docet omnem sufficientiam nostram ex Deo esse, ita ut non firmus idonei cogitare quidquam ex nobis; quæ docet Deum misereri cujus vult, & indurare quem vult; quæ denique docet Deum operari omnia in omnibus, velle nimirum & perficere; quod dubio procul intelligit S. Doctor de gratia per se efficaci, quæ tribuitur ut duritia cordis aufertur.

TER.

TERTIA CONCLUSIO.

Non placet etiam sententia Thomistarum qui dicunt gratiam sufficientem effectum suum nunquam habere defectu auxilii physice prædeterminantis. Eum tamen modum explicandi naturam gratiæ sufficientis idcirco tantum rejicimus, quod desiderant auxilium gratiæ physice prædeterminans propter rationes jam a nobis adductas, quibus prædeterminationem Thomisticam supra refellimus disputando de essentia gratiæ efficacis.

QUARTA CONCLUSIO.

Admittenda est sententia quæ docet gratiam sufficientem posse quidem habere effectum, sed nunquam habere defectu gratiæ efficacis mortaliter moventis ac determinantis voluntatem nostram.

Patet hujus conclusionis veritas ex iis omnibus quæ supra diximus, tum de gratia sufficienti, tum de gratia efficaci, sulti nimirum autoritate Scripturarum, Patrum, & Conciliorum, quæque conciliari non possunt, nisi dicamus hanc esse gratiæ sufficientis essentiam. Scilicet invicte demonstravimus gratiam per se & ab intrinseco efficacem ad singulos pietatis actus nullo excepto esse necessariam; hinc ergo sequitur quamlibet aliam gratiam suo privari effectum: hæc gratia quæ suo privari effectum, est gratia sufficiens, quam aliunde diximus, nobis videri a Deo dari, ut possibilia fiant Dei mandata, & facilius explicentur objurgationes quibus per sæpe oserantur homines in Scripturis: igitur necesse est ut illa gratia sufficiens dicatur plena & perfectam agendi potentiam conferre, quæ potentia nunquam reducat ad actum, nisi gratia efficax interveniat.

2. Hanc sententiam eo lubentius amplectimur, quod omnium fore Theolo-

gorum esse videtur: sane gratiæ sufficientis naturam non aliter explicat tota S. Thomæ Schola, hoc solum excepto, ut supra monuimus, quod gratiæ sufficienti addunt auxilium physice prædeterminans, sed in eo consentiunt omnes quod gratia sufficiens detur tantum ad posse agere, non ad ipsum agere.

Ita unus ex recentioribus Joannes Baptista Gonetus tom. 6. in Manuali Thomistæ tract. 7. de gratia cap. 15. Respondeo, inquit, gratiam quæ dat posse, tamen si non inferat actum, sufficientem appellari, idque duplici titulo. 1. Quia sufficienter excitat voluntatem ad agendum. 2. Quia dat illi totum complementum & totam virtutem sufficientem quæ requiritur ex parte actus primi, quamvis non det applicationem, actualitatem, seu complementum se tenens ex parte actus secundi.

Pater Maffoujiè, insignis Dominicanus, eodem modo loquitur tom. 2. disert. 3. q. 1. art. 1. Constat, inquit, in natura ordine duo distinguenda esse, quæ in re qualibet agente reperire est, potentiam scilicet agendi ipsamque actionem, seu posse & agere... atque ita videre est in omni prorsus natura etiam Angelica, etiam divina, Deoque ipso autore nature, quia ipsa rei natura ita constitutum est, ut actionem antecedit potentia agendi, & potentiam agendi actio consequatur. Ergo etiam in supernaturali ordine hæc duo auxiliorum genera natura superaddita distinguenda sunt, quorum alterum potentia agendi correspondet, alterum vero actioni, & primum quidem ex consensu Theologorum & usu jam recepto auxilium sufficiens nuncupatur, postremum vero auxilium.

Sic etiam & antiquiores Thomistæ. Lemos v.g. tractatu 3. de divinis prædefinitionibus c. 16. Non desit, inquit, habenti auxilium sufficiens aliquid ex parte potentia ad operandum. Et Alvarez respons. 1. 3. c. 5. per auxilium gratia sufficientis habet eadem voluntas potentiam

siam proximam & facultatem expeditam, qua possit converti, si velit.

Hanc doctrinam acceperant a Magistro sancto Thoma qui quidem in c. 3. Epistolæ ad Ephesios ad hæc verba, *exius factus sum ego minister, secundum donum gratia Dei, quæ data est mihi secundum operationem virtutis ejus*, duplex illud gratiæ adiutorium, unum quod dat posse, alterum quod dat ipsum agere, his verbis distinguit: *Hujusmodi autem auxilium duplex fuit, unum quidem ipsa facultas exequendi, aliud ipsa operatio actualis, facultatem autem dat Deus infundendo virtutem & gratiam, per quas efficitur homo potens & aptus ad operandum, sed ipsam operationem confert, in quantum operatur in nobis interiori movendo, &c.*

Hinc tamen si fateamur aliunde gratiam per se efficacem ad quoslibet pietatis actus esse necessariam, dicimus tamen hominem gratia sufficienti instructum non remotam modo sed & proximam habere agendi potentiam, quæ nimirum est plena & completa in ratione potentia, licet non sit completa in ratione actus, & ut ait Gonetius supra citatus, *quamvis non det applicationem, actualitatem, seu complementum se tenens ex parte actus secundi.*

Hinc etiam opinatur rejiciendum esse sermonem eorum qui dicunt, Patres soli gratiæ efficaci tribuere perfectam operandi potentiam, uti fusius mox sumus demonstraturi ex ipsorum Patrum testimoniis, qui possibilia esse Dei mandata docent, *Quis non clames stultum esse*, inquit S. Augustinus lib. de fide contra Manichæos c. 10. *præcepta dare ei, cui liberum non est quod præcipitur facere, & iniquum esse Deum eum damnare, cui non fuit potestas iussa complere.*

Jam verò nihil necesse est huc iterum adducere argumenta, quæ proponi solent adversus hoc nostrum systema circa essentiam gratiæ sufficientis, ut cum v.g.

dicunt futurum ut possibilia non sint mandata Dei in hac hypothese, quandoquidem per gratiam sufficientem sic expositam, homo non redditur vere ac proprie potens adimplere mandata; cui objectioni faciemus satis in disputatione sequenti quæ erit de possibilitate mandatorum. Item quod obijciunt illusoriam esse hujusmodi gratiam sufficientem quæ dicitur conferre plenam & perfectam agendi potentiam, tamen præter eam requiratur ad agendum aliud auxilium, nempe gratia efficax. Et rursus quod obijciunt in hac nostra sententia culpæ hominis imputari non posse, quod peccet & gratiæ sufficienti resistat, quia nimirum gratia per se efficax quam nemo mereri potest, necessaria est ad non peccandum & gratiæ sufficienti obtemperandum. His quippe objectionibus jam supra respondimus ubi de gratia efficaci & postea de sufficiente disputavimus.

Cæterum si quaeratur quid sit gratia sufficiens, sumpta per se, in se & formaliter: Respondeo eam positam esse in motione quadam voluntatis quæ in ea est per modum actus vitalis indeliberati, cui motioni semper resistit voluntas: consule quæ diximus de essentia gratiæ efficaciæ.

Utrum gratia sufficiens detur omnibus & singulis hominibus.

QUATUOR sunt hominum genera de quibus hic movetur controversia inter Theologos. 1. Justi & nullo peccato mortali obstricti. 2. Infideles qui de Christo Salvatore nihil unquam audiverunt. 3. Peccatores excæcati & indurati. 4. demum, infantes nondum suscepto baptismo morientes in utero materno, de quibus sigillatim nobis agendum est.

Utrum

Utrum iustis hominibus detur semper gratia sufficiens : adeoque illis possibilia sint praecepta.

Iusti dicuntur ii qui gratia sanctificante instructi sunt, nullo peccato mortali infecti.

Certum est iustis, cum in peccatum mortale prolabantur, deficere gratiam per se efficacem; in statu enim gratiae sanctificantis permanerent, nisi urgente tentatione ipsis deesset gratia illa quae indeclinabiliter suum consequitur effectum, res est manifesta.

Sed quaeritur utrum in iisdem occasionibus iusti semper habeant gratiam sufficientem, quae ipsis plenam & completam conferat potentiam perseverandi, abstinendi a peccato, & praeceptum adimplendi.

Hæc porro quaestio proxime conjuncta est, aut potius fere omnino co-incident cum alia inter Theologos per celebri, utrum iustis semper possibilia sint mandata, quod utrumque nunc sedulo ac diligenter pro gravitate argumenti examinaturi sumus.

Lutheri hic fuit damnabilis error, Deum jubere impossibilia, ait enim: *Quicumque negat Deum impossibilia iussisse, pessime facit; & qui hoc falsum esse dicit, plusquam pessime facit; Quod quidem cum censura notassent Theologi Lovanienses, his verbis postea defendit in confutatione adversus Latomum, aliquot meos articulos opponi dicit principis fidei. Primus est, Deus praecepit impossibilia, quaerimus autem quoddam sit illud tam rigidum & inclementis principium fidei quod neget nobis a Deo praecepti impossibilia? An Paulus? An Christus? An Moses hoc condidit? Non, sed decretellum quoddam humanum ex Hieronymo sumptum quod est ejusmodi, Qui dixerit Deum praecepisse impossibilia, anathema sit. Hoc verbum hominis ambiguum & obscurum sic jacta-*

Tem. 17.

tur a Sopsistis, ut omnibus sensibus clausis nonnisi vociferantur, anathema, anathema, ut eos furere ipsa voce judices. Huic verbulo humano cedere oportet & silete, quicquid Scripturae evidentiissima & clarissima & copiosissima controvertunt.

Eundem errorem sæpius inculcat Calvinus, nam lib. 2. Inditue. cap. 5. sic habet: *Præcipuum robur locant, Catholici, in præceptis quæ putant facultatibus nostris. sic attemperata, ut quicquid ab illis exigi probatum sit, his præstari posse necessario consequatur. Cui quidem rationi respondet, vulgare id quidem jamdiu esse cepit, & nonnullam speciem habet, sed a rudissima legis ignorantia prodit. Nam qui pro ingenti pinculo ducunt, si dicatur legis observationem esse impossibilem, validissimo scilicet argumento insistant, frustra alias datam esse legem. Et cap. 7. quod autem impossibilem legis observationem diximus, id est paucis explicandum simul & confirmandum; solet enim vulgo absurdissima sententia videri, ut Hieronymus non dubitaverit illi anathema denuntiare, quid visum Hieronymo nihil moror, nos quid verum sit, inquiramus.*

In cap. 12. sess. Concilii Tridentini sic pronunciat idem hæretarcha: *Capite duodecimo vetus illud anathema renovant, Patres, scilicet Tridentini, ne quis Dei præcepta homini justificatio ad observandum impossibilia dicat... sed insistant Propheta verbis, quod conversionem a nobis exigendo liberum arbitrium, &c. Valde novitius esse oportet venerandos istos Patres, si ex præceptis æstimant, quid valeat homo. Scilicet velut absurdum reputat quod catholici docent, frustra Deum nobis aliquid præcipere, nisi ad illud exequendum potentiam conferat.*

Hanc feralem doctrinam ultro arripuerunt Calvinistæ, Petrus Molinæus Anatom. Armin. pag. 299. *Non semper inquit, verum est frustra dari præcepta quæ*

X

non

non possunt impleri. Non est dubium quin diabolus necessario malus & inhabilis ad obsequendum Deo, teneatur Deo obsequi, alioquin nequidem peccaret, cum Deo adversatur. Ita Chemnitius in sess. 6. Concil. Trident. de lib. arb. Chamierus tom. 3. lib. 3. cap. 5. & alii quorum doctrina super hoc argumento ad hæc duo capita revocatur.

1. Quod docent iustos etiam cum bene sperantur, perfecte Dei mandata non adimplere, sed in omnibus suis actionibus peccare, quia nonnulla semper concupiscentiæ labe ipsi adhærescit.
2. Quod docent peccatores ex ineluctabili necessitate agere quando peccant.

Jansenius Iprensis suo quoque modo pronunciat impossibilia plerumque hominibus iustis Dei mandata; nam l. 3. de gratia Christi cap. 13. proluxe differtens de possibilitate & impossibilitate præceptorum, & primum adductis e sancto Augustino quamvis locis, ut ostendat persæpe non adesse hominibus gratiam, quâ possint tentationes superare, sic loquitur: *Hæc igitur omnia plenissime planissimeque demonstrant nihil esse in sancti Augustini doctrina certius ac fundatius, quam esse præcepta quadam quæ hominibus non tantum infidelibus, excacatis, obduratis, sed fidelibus quoque & iustis volentibus, conantibus secundum præsentias quas habent vires, sunt impossibilia, deesse quoque gratiam quâ fiant possibilia, hoc enim sancti Petri exemplo aliisque multis quotidie manifestum esse qui tentantur intra quam possint sustinere; nec illam implendi talia præcepta difficultatem inde proficisci, quod actus implendi debeat esse supernaturalis vel meritorius, vel aliquid simile (quæ Augustino nunquam in mentem venerunt, sed ex eo quod vires voluntatis infirma sunt propter concupiscentiam a volendo potius retrahentem, cuius renisus fit, ut vires voluntatis distrahantur. Ubi diserte docet Jansenius mandata Dei esse iustis possibilia, non eo qui-*

dem sensu quo præfati supra hæretici, non quod putet iustos quantalibet gratia instructos, nunquam posse mandata perfecte adimplere, sed eo sensu quod iusti quandoque privantur omni gratia quâ possibilia fiant.

Sicilicet fundatur illa Janseunii doctrina in eo quod nullam admittit gratiam sufficientem quæ plenam & perfectam agendi potentiam conferat, quod quidem præcedenti dissertatione abunde impugnavimus: hinc enim sequitur in iustis, quibus aliquando deesse gratiam efficacem fatentur omnes, veram esse impotentiam adimplendi præcepta, defectu nimirum gratiæ sufficientis.

Addunt Janseunii defensores, ejusmodi impotentiam adimplendi præcepta in homine esse culpabilem, quia ex solo voluntatis defectu oritur; si enim inquirunt, tanta esset hominis voluntas quanta esse deberet, eo ipso præceptum adimpleretur. Quando autem ipsis reponitur Deum in illa hypotesi jubere impossibilia, quod quidem dicere nefas semper reputatum est; Respondens Deum jubere posse impossibilia, modo impotentia illa adimplendi præcepta refundi possit in culpam hominis, quod utique contingit in hoc casu, homo enim propter primi parentis peccatum absolutam præcepti obediendi impotentiam contraxit. In eos omnes sic

CONCLUSIO.

Datur iustis gratia sufficiens quâ Dei præcepta possint observare, quæ proinde non sunt ipsis impossibilia.

Probatur 1. ex Scripturis, quæ primum declarant gratiam semper dari ubi postulat rei necessitas, primæ Corinth. 10. cap. sic loquitur Apostolus, *fidelis autem Deus est, qui non patietur vos tentari supra id quod potestis. Sed si Deus gratiam sufficientem non daret iustis, cum urget aliqua tentatio, profecto in sua promissione deficeret, quia hominem*

nem supra vires tentari utique sine-
ret.

Hoc divi Pauli testimonio utitur Con-
cilium Tridentinum sess. 24. can. 9. ut
probet gratiam non deficere omnibus
castitatem ex voto professis, cum tam
recte petunt: *Siquis dixerit, inquit
Patres Tridentini, posse omnes contrahere
matrimonium, qui non sentiunt se casti-
tatis, etiamsi eam voverint, habere do-
num, anathema sit, cum Deus id recte
petentibus non denegat, nec patiatur nos
supra id quod possumus, tentari.*

Secundo, conilat ex iisdem Scriptu-
ris Deum non jubere impossibilia. Deu-
teronomii cap. 30. *mandatum hoc quod
ego precipio tibi hodie, non supra te est.*
Ecclesiastici cap. 15. *si volueris mandata
servare conservabunt te . . . apposui tibi
aquam & ignem, ad quod volueris por-
rige manum tuam. Ante hominem vita
& mors, bonum & malum, quod pla-
cuerit ei dabitur illi.* Math. 11. *jugum
enim meum suave est, & onus meum
leve.* Primæ Joan. 5. *mandata ejus gra-
via non sunt.* Quæ quidem omnia con-
ciliari neutiquam possunt cum eorum
sermone qui affirmare non dubitant
Deum jubere impossibilia.

Probat deinde ex SS. Patribus.

Tertullianus l. 2. adversus Marcionem
cap. 5. *Non ponetur, inquit, lex ei qui
non haberet obsequium debitum legi in sua
potestate, nec rursus comminatio mortis trans-
gressioni ascriberetur, si non & contem-
ptus legis in arbitrii libertatem homini
deputaretur.* Sic & in posteris legibus
creatoris invenias, proponentis ante homi-
nem bonum & malum, vitam & mor-
tem, sed nec alias totum ordinem disci-
pline per præcepta dispositum, a vocante
Deo, & minante, & exhortante, nisi &
ad obsequium & ad contemptum libero
& voluntario homine.

S. Hieronymus in cap. 5. Matthæi,
Multi, inquit, præcepta Dei imbecillita-
te sua non Sanctorum viribus æstimantes
putant esse impossibilia quæ præcepta sunt,

& dicunt sufficere virtutibus non dis-
similes, cæcunt diligere plus præcipi,
quam humana natura patiatur. *Secun-
dum est ergo Evangelium non impossibile
præcipere.*

S. Chrysostomus homil. 8. de peniten-
tia, *Nequaquam, inquit, Dominum in-
cuses, haud mandata impossibilia.*

S. Leo serm. 16. de Passione Domini
cap. 6. *Nihil habemus, inquit, nisi
quod accepimus, & jugiter admonemur,
ut dona gratia Dei non negligenter ha-
beamus. Juste enim nobis instat præcepto
qui præcurrit auxilio.*

Altipulatur S. Gregorius M. lib. moral.
cap. 25. his verbis: *Pius conditor cum
viribus flagella moderatur, ne virtutem
pana transeat, & per astutiam sortium
humana infirmitas excedat. Unde & bene
per Paulum dicitur, fidelis autem Deus
qui non patitur vos tentari supra quam
potestis, sed faciet cum temptatione etiam
proventum, ut possitis sustinere. . . se
mensuram judex temptationibus non præ-
bet, eo ipso proinus stantem dejecit,
quo ultra vires onera imponi.*

Probat 3. ex S. Augustino.

Is libro de fide contra Manichæos
cap. 1. sic loquitur: *Quis non clames
stultum esse præcepta dare ei, cui libe-
rum non est quod præcipitur facere, &
iniquum esse Deum cum damnare, cui non
suis potestas jussa complere.*

Lib. 2. de peccatorum meritis cap. 5.
His, inquit, atque hujusmodi aliis in-
numerabilibus testimoniis dubitare non pos-
sum, nec Deum aliquid impossibile homi-
ni præcipisse, nec Deo ad optulandum,
& adjuvandum, quo fiat quod jubet im-
possibile aliquid esse.

In Psalm. 29. n. 27. *Qui habuit tu-
curam antiquam esses, quomodo non ha-
buit curam, cum jam hoc es quod voluit
ut esses, jam enim fidelis es, jam am-
bulas in via justitiæ, curam tu non ha-
buit. . . te jam justum ex fide vi-
ventem negliget, deseret, diminet? Imo
vero & hic servet, hic adjuvat, & hic*

necessaria subministrat, & noxia refecat.

Item in Psal. 56. num. 2. *Neque impetarer, inquit, hoc Deus ut saceremus (ut nos inuisam diligamus) si impossibile esse judicaret, ut hoc ab homine fieret. Sed considerans infirmitatem tuam, deficiis sub precepto? Confortire in exemplo, sed etiam exemplum ad te multum est? Adest ille qui praebeuit exemplum, ut praebeas & auxilium.*

His addo S. Augustinum hoc velut certum & indubitatum statuere passim in scriptis, neminem peccare in eo quod vitare non potest, lib. 3. de libero arbitrio cap. 18. *Nemo peccat in eo quod nullo modo cavari potest.* Et libri de correptione & gratia cap. 7. *Iustior, inquit, videtur excusatio dicentium, Non accepimus audientium, quam dicentium; non accepimus perseverantiam: quoniam potest dici, homo in eo quod audieras & tenueras, in eo perseverares si velles, nullo modo autem dici potest id quod non audieras, crederes si velles.* Quo quidem testimonio invicem ostenditur iustum hominem posse, si velit, perseverare.

At insignis prae ceteris est locus qui legitur in libro de natura & gratia c. 26, ubi sic loquitur sanctus Doctor: *Ipse autem Deus cum per mediatorem Dei & hominum hominem Jesum Christum, spiritaliter sanat aegrum, vel vivificat mortuum, id est justificat impium, & cum ad perfectam sanitatem, hoc est ad perfectam vitam iustitiamque perduxerit, non deserit si non deseratur, ut pie semper iustique vivatur.*

Validissimo huic S. Augustini testimonio respondet Janfenius lib. de gratia Christi Salvatoris cap. 19. hoc effatur. *Deus neminem deserit nisi deseratur; eo sensu intelligere sanctum Augustinum, si non deseratur, neminem deserit per subtractionem iustitiae, seu gratiae habitualis, nequaquam vero ibi sermonem esse de subtractione gratiae actualis, nam Augustinus, inquit,*

in illo ipso loco ponit differentiam inter animae nostrae medicum Deum, & inter medicum corporum, quod medicus corporum, cum sanaverit hominem, abscedit ab eo, ac Deo dimittit; cum vero, Deus, inquit, spiritaliter sanat aegrum, vel vivificat mortuum, id est justificat impium, non deseris si non deseratur, ut pie semper iustique vivatur. Quod idem probare conatur ex aliis S. Augustini testimoniis, puta ex lib. 8. de Genesi ad litt. cap. 12. ex comment. in Psalm. 70. Conc. 12. ex lib. 4. Confess. cap. 9. & alia ejusmodi.

Verum falsa est aperte haec S. Augustini verborum interpretatio, uti cuiuslibet attendenti manifeste liquet; Primo, quia ibi sanctus Doctor Pelagium refellit dicentem, non esse necessariam misericordiam Dei, ut non peccemus, sed quia peccavimus, ubi certe controversia movetur de gratia actuali, non de habituali: quaestio non est, utrum Deus hominem justificatum deleat per subtractionem gratiae habitualis, quod nunquam affirmavit Pelagius; sed utrum illum deleat ipsi non conferendo gratiam actualem, qua nimirum adjuvetur ad pie vivendum.

Secundo, idem manifestum est ex ipsis S. Augustini verbis quibus probat Deum non deleat nisi deleatur: *Non deserit, inquit, si non deseratur, ut pie semper iustique vivatur.* Sicut enim oculus corporis etiam plenissime sanus, nisi candore lucis adjutus non potest cernere, sic homo etiam perfecte justificatus, nisi aeterna luce iustitiae divinius adjuvetur, recte non potest vivere. Certe si quid roboris sit in illa comparatione, & si non est omnino inepta, ex ea efficitur necessariam esse gratiam actualem ad non peccandum in homine justificato, quemadmodum oculo per se sano, lux insuper necessaria est ad videndum; unde non semel repetit S. Augustinus iustificatos per gratiam actualem, debere

re iterum adjuvari per gratiam, scilicet actualem.

Neque vero his opponi debet S. Augustinum aliis in locis eandem usurpare comparationem desumptam ex medico, ut ostendat Deum deserere per subtractionem gratiæ habitualis, ut v. g. lib. 8. de Genesi ad litter. cap. 12. quam proinde eandem comparationem in eundem finem adhibet in præsentī loco quem exponimus. Ex hoc certe argumento nihil concluditur; eadem enim comparatio peræque usurpari potest ad probandam gratiam habitualem, & ad actualem: hic autem sermonem esse de actuali aliis momentis evincitur, quæ nulla solutione eludi possunt. Tandem illud confirmatur ex eo quod hoc idem effatum de gratia actuali explicat S. Prosper Augustini fidus interpres, nimirum responsione septima ad object. Vincent. ubi de iis loquitur: *Qui pietatem Christianam conversationis & fidei deserentes in profanos errores prolabuntur, sed nullo modo, inquit, credendum est ejusmodi homines in hanc desperationem ex Dei voluntate cecidisse, cum prius allevet Dominus omnes qui corrumpunt & erigat elisos. Nemo enim nisi illius gratia erigitur, nemo nisi illius gratia stabilitur. Dei ergo voluntas est ut in bona voluntate maneat, qui & priusquam deseratur neminem deserat, & multos desertores saepe convertit.*

Probatur 4. ex Concilio Tridentino scilicet ita definitur sess. 6. cap. 11. *Nemo autem quamvis justificatus, liberum se esse ab observatione mandatorum putare debet, nemo temeraria illa & a Patribus sub anathemate prohibita vocati, Dei præcepta homini justificato ad observandum esse impossibilia. Nam Deus impossibilia non jubet, sed jubendo monet, & facere quod possis, & petere quod non possis, & adjuvas ut possis. Cujus mandata gravia non sunt, cujus iugum suave est & onus leve. Qui enim sunt filii Dei, Christum diligunt; qui autem, diligunt*

eum, ut ipsemet testatur; servant sermones ejus, quod nique cum divino auxilio possunt. Et postea, Deus namque sua gratia semel justificatos non deserit, nisi ab eis prius deseratur. . . . unde constat, eos Orthodoxæ religionis doctrinæ adversari, qui dicunt justum in omni bono opere saltem venialiter peccare, aut quod intolerabilius est, penas æternas mereri. Et canone 18. si quis dixerit Dei præcepta homini etiam justificato, & sub gratia constituto esse ad observandum impossibilia, anathema sit.

• Fatentur omnes his Concilii Tridentini decretis proscriptam fuisse præfatam Lutheranorum doctrinam, assensuum hoc sensu mandata Dei esse impossibilia, quod ne a justis quidem Dei gratia adjutus impleri possunt, quia videlicet arbitrantur illi hæretici justos in omnibus suis operibus peccare, quantumvis hæc peccata illis non imputentur.

Sed negant communiter Jansenii defensores in eodem Synodi verbis relatam supra Jansenii sententiam de impossibilitate præceptorum vel minimum tangi, idque probant.

Primo ex ipsius Concilii verbis; postquam enim, inquit, sancta Synodus probavit Deum impossibilia non præcipere, ita demum concludit: *Unde constat eos Orthodoxæ religionis doctrinæ adversari, qui dicunt justum in omni bono opere saltem venialiter peccare, aut quod intolerabilius est, penas æternas mereri.* Quod certe multum abest a Jansenii doctrina, sed ipsissimum est Lutheri dogma.

Secundo id evincere conantur ex testimonio Cardinalis Bellarmini, qui lib. 4. de Justificatione cap. 10. hanc quæstionem tractaturus, agnoscat eam moveri solam contra pessilentem Lutheri doctrinam, & eatenus auctoritatem Concilii Tridentini & loci supra descripti admovet: *Ejz autem, inquit, his controversiæ status, utrum homines*

justi

justificati & gratia Domini adjuvante, possint ita legem Domini implere, ut opera ipsorum non modo non sint appellanda peccata, sed etiam vere ac proprie juxta dici mereantur. At inquit, legem Dei possibilem probamus primo his testimoniis quibus utitur Concilium Tridentinum. sess. 6. cap. 11. quæ non solum possibilia sed etiam facilia esse mandata.

Verum apertum est quam quod apertissimum, non modo Lutheri sed etiam Jansenii. Iprensis. doctrinam hoc Synodi decreto fuisse condemnatam; idque vel ipsis Tridentinorum verbis manifeste liquet; sic enim habent loco supra laudato: Nemo temeraria illa & a Patribus sub anathemate prohibita voce uti debet, Dei præcepta homini justificato ad observandum esse impossibilia. Igitur existimabant doctrinam de impossibilitate præceptorum quam hoc suo decreto proscribebant, pridem fuisse a sanctis Patribus sub anathemate prohibitam: sed istud, ut puto, dici non potest de nefanda hoc in calu. Lutheri doctrina; novus quippe ac inauditus fuit error. Lutheri dicentis justos, etiam cum bene vivunt, non posse Dei mandata implere, sed in omnibus suis operibus peccare, uti testantur autores qui de hæresibus scripserunt, Jodocus Cocius, Gabriel Præteolus, Alphonsus a Castro, & alii: agnoscendum est igitur mentem Patrum Tridentinorum fuisse, illam universam sententiam damnare qui dicunt justis impossibilia esse Dei mandata.

Quamobrem Andreas Vega acutissimus Theologus qui Concilio Tridentino interfuerat, ut probet universim nunquam mandata Dei esse impossibilia, colligit lib. 11. de Justificatione cap. 9. ea omnia SS. Patrum testimonia qui sub anathemate prohibuerunt, ne quis diceret, Deum præcepisse aliquid impossibile, docentes, Neminem peccare in eo quod vitare non potest; additque ibidem, Doctores sancti quos

citavimus, universaliter & generaliter interdixerunt, ne quis diceret præcepta Dei esse homini impossibilia. Unde tandem concludit, tam peccatoribus quam justis concedendum esse simpliciter præcepta Dei & omnia & singula esse possibilia.

Accedit insuper sic statuerunt Patres Tridentinos. Dei mandata esse possibilia, ut non modo Lutheri, sed & Jansenii doctrinam funditus evertat; ajunt enim ex ea causa justum hominem posse implere præcepta, quod præsto sit semper auxilium quo adjuvi possint agere, aut saltem illud: auxilium quo possint petere & quo adjuvantur ut possint, Nam Deus, inquit, impossibilia non jubet, sed jubendo monet, & facere quod possis, & petere quod non possis, & adjuvat ut possis. Quod certe e diametro opponitur systemati Jansenii, qui quidem putat ob id præcepta Dei nonnunquam justis impossibilia, quod deest eis gratia qua fiant possibilia.

Quod autem in primo suæ objectionis momento dicunt Jansenii defensores, neminem alium præter Lutherum condemnari in hac Synodi Tridentinæ sanctione, propter ista verba quibus laudatum caput undecimum concluditur, Unde constat eos Orthodoxæ, &c. profecto nullius omnino momenti est; hinc enim solum inferre licet in Lutherum insurgere Patres Tridentinos, quod nemini dubium esse potest; sed inde non sequitur ab omni anathemate immunem esse Jansenii doctrinam, quandoquidem certum est sic eo loci censuram suam accommodasse Synodum, ut eos ordines percellat qui universaliter pronunciant, Impossibilia esse Dei mandata, hocque tritum apud antiquos Patres axioma, Deus impossibilia non jubet, tanquam suæ & catholicæ doctrinæ fundamentum stabilit.

Plus virium non habet quod Jansenii defensores eruant ex Cardinalis Bellarmini auctoritate; tametsi enim hoc Syno-

Synodi Tridentinae decretum dedita opera emissum fuerit adversus Lutheri errores, nihil impedit tamen quominus & adversus alios minus errantes usurpari possit. Unde totus est Bellarminus, cum praesentem quæstionem tractat loco supra citato, ut ostendat universaliter mandata omnia esse possibilia, *Alia*, inquit, *immediate*, *alia mediate*, id est *mediate oratione*, juxta illud Concilii, *Deus impossibilia non jubet, sed jubendo monet, & facere quod possis, & potere quod non possis, & adjuvat ut possis.*

Respondet insuper Jansenius his verbis Concilii Tridentini, *Deus namque sua gratia semel justificatos non deserit, nisi ab eis prius deseratur, non probari, præsto semper adesse gratiæ sufficientis auxilium ad implenda præcepta, quia ibi agitur de gratia habituali & sanctificante, non de gratia actuali. Obijci & illud solet, inquit lib. 3. de gratia Christi cap. 19. quod Deus non deserat si deseratur: ergo nemini denegat auxilium sufficientis, si non ante desertus fuerit. Respondetur sententiam illam habere in Concilio Tridentino & ex divo Augustino desumptam esse. Tam vero Tridentinum quam Augustinus perspicue indicant se sic illam intelligere, quod Deus neminem deserit ab eo discedendo ipsa scilicet subtractione justitia, nisi homo prius Deum per inobedientiam deserat. Hanc fuisse mentem S. Augustini ostendit ex multis locis ab eodem desumptis, uti supra observavimus, ex lib. 8. de Genesi ad litteram, ex commentario in Psal. 70. conc. 2. & ex lib. 13. de Civit. cap. 15. ex quibus sic concludit: Hunc ergo verum sensum esse Concilii, maximeque S. Augustini, ex quo phrasia ista & verba derivata sunt, facile judicabis quisquis consideraveris eum hoc loquendi modo significare voluisse differentiam quæ est inter Deum bonum animæ nostræ, & inter alia creata bona quæ ab homi-*

nibus diligi solent. Et postea, Nam si desertionem Dei, quæ sit actualis gratiæ subtractione, spectare voluerimus, nimis enormiter ab Augustini mente discedunt, qui ei istud paradoxum, & quidem postquam per Adami lapsum in statum damnationis & ira Dei præcipitati sumus, imponere volunt. Tota quippe male doctrinæ hoc agit, Deum adjuvare & non adjuvare hominem, hoc vel illo modo; plus aut minus deserere aut non deserere, prout ei visum fuerit, quia Spiritus ubi vult spirat. Nihil enim celebrius in Augustino quam quosdam a divino adjutorio deseri etiam justos ex occultis judiciis Dei.

Verum frivola omnino est hæc Concilii Tridentini interpretatio; apertum est enim ex ipsis Patrum verbis hanc sententiam, *Deus justificatos non deserit &c.* non esse intelligendam de ea desertione quæ fit per subtractionem gratiæ habituales; nimirum ibidem ajunt, *Qui autem diligunt Deum ut ipsimet testatur, servant sermones ejus: quod utique cum divino auxilio præstare possunt.* Quasi dicant ideo mandata Dei non esse impossibilia, quia divinum auxilium ipsis nunquam deest. Unde ejusdem sessionis cap. 13. loquendo de perseverantiae dono, manifeste declarant gratiam non deesse justis, nisi ipsi gratiæ defuerint, & ibi certe agitur de gratia actuali, Tamen si in Dei auxilio firmissimam spem collocare & reponere omnes debent. Deus enim, nisi ipsi illius gratiæ deseruerint, sicut capit opus bonum, ita perficiet operans velle & perficere. Profecto gratia quæ Deus operabitur velle & perficere, est gratia operans, gratia actualis non habitualis.

Certum est insuper hoc eodem sensu præfatam Concilii Tridentini sententiam explicari a Theologis, ita Bellarminus hac in materia minime suspectus lib. 1. de gratia & libero arbitrio c. 11. Hinc sequitur, inquit, omnes justificatos habere auxilium sufficientis ad per-

perseverandum. Et ibidem ait, Concilium Tridentinum hoc loco apertissime docere, Deum non deferere, quia non denegat auxilium. Ita etiam Andreas Vega insignis Theologus, qui Synodo Tridentinæ interfuerat, lib. de Iustif. 11. cap. 11. rem sic exponit: *Patres non simpliciter & absolute dixerunt iustos posse servare mandata, sed adiecerunt hoc temperamentum, cum auxilio divino; & ut sciremus hoc auxilium tam potens quam necessarium, nulli deesse iustorum, mox subiecta sunt illa verba totius suavitatis plena, Deus namque sua gratia semel iustificatos non deserit, nisi ab eis prius dejeratur. Quibus & alii pene omnes subscribunt Theologi.*

His accedit quod definiit eadem Synodus Tridentina sess. 24. cap. 9. his verbis: *Si quis dixerit posse omnes matrimonium contrahere, qui non sentiunt se castitatis, etiamsi eam voverint, habere donum, anathema sit; cum Deus id recte petentibus non denegat, nec patitur, nos supra id quod possumus, tentari. Quod quidem ut melius intelligatur, sciri debet hunc fuisse Calvinistarum errorem uti & Lutheranorum, neminem posse sine magna temeritate perpetuæ continentis votum emittere, quia gratia non datur semper omnibus, sic v.g. Calvinus lib. 4. Instit. cap. 13. num. 17. Virginitatem Deo perpetuam promittunt, quasi cum Deo ante pepigerint ut se a conjugii necessitate liberaret. Non est quod causentur, sed non nisi gratia Dei fretos votum hoc nuncupare; nam cum ipse non omnibus dari pronunciet, fiduciam specialis doni concipere nostrum non est. Qui habent eo utantur, Si quando se a carne sua inquietari sentiunt, confugiant ad ejus opem, cujus sola virtute possunt resistere.*

Quamobrem in præfato suo decreto definiunt Tridentini Patres nec illicitum nec temerarium esse Continentis votum, tum quia Deus gratiæ auxilium, quo rebellantis concupiscentiæ

motus refrænari possint, nemini illud recte petenti denegat; tum quia non patitur nos supra id quod possumus tentari: quæ quidem rationes manifeste supponunt præito semper adesse gratiam sufficientem, qua quis matrimonii vinculo obligatus castitatem servare possit.

Hanc esse veram ac genuinam Concilii Tridentini mentem contra Calvinum & ejus asseclas acriter defendit Bellarminus tom. 2. lib. 2. cap. 31. ubi illius hæretarchæ adductam supra objectionem solvit his verbis, respondemus continentiam & donum esse Dei, & tamen in arbitrio & potestate hominis positam. . . . Notandum est unum auxilium sufficientem, quod omnibus datur, saltem pro loco & tempore, quo auxilio non tam fit ut operemur, quam ut operari possimus; aliud autem efficax, quo ipsa operamur. Atque hoc posterius est donum singulare quod non omnibus datur; soli enim illi donum habens continentia, qui ipsa continent quos notum est non esse multos.

Probat utique autoritate summorum Pontificum Pii V. & Greg. XIII. qui hanc Baii propositionem, quæ quinquagesima quarta est, definitivè hæc sententia Deum homini nihil impossibile præcipisse, falso tribuitur Augustino, cum Pelagii sit, proscripterunt. Certe ab opinione Lutheri multum aberrat Bajus qui hoc solum spectare voluit, ut duplicem hominis statum distinguere, naturæ scilicet innocentis, & naturæ lapsæ, diceretque homini in statu naturæ innocentis posito mandata non fuisse impossibilia, secus autem homini lapsò; ita libro de peccato originali cap. 12. Dico igitur, inquit, communem animi conceptionem qua dicitur Deus homini nihil impossibile præcipisse, de homine recto, qualis erat cum Deus ab initio mandata & præcepta illi apposuit, esse verissimam. Quis in illo statu ex viribus sibi in sua creatione donatis absque omni impedimento & diffi-

ciat.

facilitate praeſtare poterat quicquid Deus illi praeceperat, & quod veterat vitare. Sicut etiam ſignificat Scriptura qua dicit, Si volueris mandata ſervare, conſervabunt te; nihil enim aliud ſuis ei mandata ſervare, quam velle ſervare. Et poſtea, quod igitur conſideratione prima integritatis & reſpiciendo ad vires homini in ſua creatione collatas, veriſſime dicitur, Deum nihil homini praecepiſſe impoſſibile, hoc de homine corrupto dici non poteſt.

Probatur denique ex conſtitutionibus ſummorum Pontificum Innocentii X. & Alexandri VII. qui hanc condemnarunt propoſitionem, inter ſamofas quinque Janſenianas primam, aliqua Dei praecepta hominibus juſtis volentibus, conſtantibus ſecundum praefentes quas habent vires, ſunt impoſſibilia, deſt quoque illis gratia qua poſſibilia ſiant. Quam quidem propoſitionem declarant temerariam, impiam, blaſphemam, anathemate damnatam & haereticam.

Solvuntur objectiones.

Objiciunt adverſarii Pelagianum eſſe hoc eſſatum, *Deus impoſſibilia non jubet*: ergo falſum eſt juſtis ſemper poſſibilia eſſe Dei mandata.

Diſt. ant. Pelagianum eſt, ſi intelligatur ad ſenſum Pelagii, C. ad ſenſum catholicum, N. Scilicet in eo errabat Pelagius quod diceret praecepta ſemper eſſe poſſibilia, quatenus poſſet quicquam ſola naturae viribus ſine gratiae auxilio divina mandata implere, ut conſtat ex S. Auguſtino qui lib. de praedest. Sanctorum, cap. 19. ſic loquitur de Pelagianis, *ipſi putant acceptis praeceptis jam per ſe ſuſcipiſſos fieri libera voluntatis arbitrio ſanctos & immaculatos*. Idem teſtatur S. Proſper Epistoſa ad S. Auguſtinum hiſ rebus: *Conſequens putant ex divinis praeceptis, ut quia praevaricator ideo dicitur non obediſſe, quia noluit, fidelis quoque ob*

Tom. IV.

hoc non dubitetur fidelis fuiſſe, quia voluit, & quantum quique ad malum, tantum habeat facultatis ad bonum, parique momento animum ſe ad vitia, vel ad virtutes movere.

At certe. ab illa Pelagianorum ſententia vehementer diſtant Catholici cum Dei mandata docent poſſibilia; ſic enim ea poſſe impleri contendunt, ut tamen gratiae divinae neceſſitatem agnoſcant, uti ex profeſſo probavimus initio humiliter tractatus. Aliter Pelagianum eſſet quod ſcribit Auguſtinus abſolute & ſine ulla reſtrictione lib. de natura & gratia cap. 13. *Non igitur Deus impoſſibilia jubet*. Quod ſcribit lib. 2. de peccatorum meritis cap. 6. *Dubitare non poſſunt, nec Deum aliquid impoſſibile homini praecepiſſe*. Pelagianum eſſet quod ſcribunt alii e SS. Patribus ſupra citati, S. Hieronymus dialogo 1. contra Pelagianos, *ſatetur poſſibilia Deum dediſſe mandata*. S. Chryſoſtomus homil. 8. de poenitentia, *Dominus non mandat impoſſibilia*. Denique Pelagianum eſſet quod legitur leſſ. 6. c. 11. Concil. Trident. ſumptum ex Auguſtino, *Deus impoſſibilia non jubet*. Quod certe nemo unquam ſane mentis dixerit.

Objiciunt 2. hoc eſſatum, *Deus impoſſibilia non jubet*, locum proprie non habere pro hominibus in hoc ſtatu naturae lapſae viventibus, quia nimirum haec impotentia implendi mandata Dei qua laborant, proſluit ex Adami peccato, adeoque illos reddit inexcusabiles.

Nego propoſitionem & validis quidem rationibus.

1. Quia haec verba, *Deus impoſſibilia non jubet*, quae S. Auguſtinus ſunt, homines in praefenti naturae lapſae ſtatu conſtitutos reſpiciunt; vult enim admonere homines neceſſitatis qua tenentur recurrere ad orationem, qua divinae gratiae auxilium impetrent, *Deus impoſſibilia non jubet, ſed jubendo admonet*.

Y

monet

monet & facere quod possis, & petere quod non possis. Monet ibi S. Doctor eos omnes quibus modo aliquid imperatur, ut faciant quod possunt, & petant quod non possunt.

2. Totus est in illo libro de natura & gratia, ut refellat Pelagianos qui solis naturæ viribus ascribent præceptorum possibilitatem, in illo autem consensu quæstio erat de præsentis statu, adeoque luce meridiana clarius est S. Augustinum statuere ne iis etiam hominibus qui post Adami peccatum vivunt, impossibilia esse mandata.

3. Hanc nostram responsionem nonnulla illustrare possunt exempla; si herus v. g. servo, qui sibi culpa sua pedes fregisset, imperat tamen ut currat, eumque quod non currat nec possit currere, velit severe castigare, profecto iniquus omnino & crudelis habendus est. Unde sequitur Deum iuste non posse infringere pœnas ob ea peccata quæ vitari non possunt, tum vero ob inobedientiam præceptorum quæ sunt impossibilia.

Instant, S. Thomas quæst. 16. de malo, art. 5. ad 11. ait debere diabolum converti ad Deum, quamvis hoc ipsi sit in eo statu in quo est, plane impossibile: dicendum, inquit, quod sicut ebrius tenetur non peccare, non quidem considerato præsentis statu, sed considerata ebrietatis voluntaria causa secundum quam imputatur ei aliquid ad culpam; ita etiam potest intelligi, quod diabolus tenetur converti ad Deum, quamvis ei sit impossibile secundum præsentem statum, quia in hunc statum ex voluntaria causa devenit. Ergo tametsi præcepta sint impossibilia hominibus in statu naturæ lapsæ constitutis, quia tamen illa impotentia ea adimplendi in culpam eorum, saltem originalem, refuldi merito potest, inde a peccato non excusantur.

Respondeo non dicere S. Thomam, diabolum peccare quod non converta-

tur; non ait, *diabolum teneri converti ad Deum*, significaret enim his verbis novum esse in diabolo peccatum, quod non convertitur; sed ait *posse intelligi, quod diabolus tenetur converti ad Deum*, quæ duo sunt magnopere diversa. Atque id illustrat comparatio ebrietatis quam affert ibi Doctor Angelicus; ebrius enim non peccat, ita ut distinctum a voluntaria ebrietate peccatum committat; sed in eo solum quod ebrietatem non vitavit quam vitare tenebatur; ac proinde eo tantum sensu diabolus tenetur ad Deum converti, quod non debuit ab eo deficere. Eandem tuetur sententiam S. Thomas 2. 2. qu. 150. art. 4. ubi ait incestum quem Loth perpetravit, distinctam non habuisse malitiam ab ebrietate.

Obijcies: gratia omnino defuit S. Petro, cum tentatione pulsatus Christum negavit, idque manifeste docent multi ex SS. Patribus.

S. Augustinus non semel illud asseverat verbis expressissimis, sermone olim 124. de tempore, & in editione nova PP. Benedictinorum serm. 79. in appendice: *Quid est homo*, inquit, *sine gratia Dei, nisi quod fuit Petrus cum negaret Christum? ideo beatum Petrum Dominus paululum subdeseruit, ut in illorum hominum genus posset agnoscere nihil se sine gratia prevalere*. Et in alio sermone qui olim erat 127. de tempore, & similiter reiectus nunc primum in appendicem ab iisdem Benedictinis, ibique est 149. hæc leguntur: *Dicit ei Petrus, etiam si oportuerit me mori tecum, non te negabo. Videte fratres responsionem discipuli, & intelligite dilectionis esse quod dixit. Sed quia per solum sui amoris studium non addito etiam adiutorio Domini veluit esse promissum, stare non potuit per hominem, quod sub divinitate prudebat. Fuit quidem in voluntate, sed non fuit in virtute, sicut ipse Dominus dicit, Spiritus promptus est, caro autem infirma. Et iterum, Sine me nihil*

bil potestis facere. Usque ad mortem promissit & in timore negavit, habuerat confessionem mirabilem, si habuisset in consummatione virtutem.

Tractatu 92. in Joan. loquens de charitate, quæ, inquit, Petro desuit, quando mulieris ancillæ interrogatione perterritus non potuit verum testimonium perhibere. Libro de gratia & lib. arb. c. 17. Charitatem Apostolus Petrus non habuit, quando timore Dominum ter negavit, & tamen quamvis parva & imperfecta non deerat quando dicebat ad Dominum, animam meam pro te ponam, putabat enim se posse quod se velle sentiebat. Lib. de corruptione & gratia cap. 9. quia David, inquit, filius erat promissionis non perditionis, expertus Deo paululum deserente quid esset ipse... hæc & vox Apostoli Petri esse potuit, dixerat quippe in abundantia sua, animam meam pro te ponam, sibi festinando tribuens quod ei fuerat a Domino postea largiendum; avertit ab illo faciem Dominus, & factus est conturbatus.

Idem docet multis etiam in locis S. Chrysostomus, homil. 83 in Marth. Petrus etsi bene animatus fuerat, divino tamen substracto auxilio cecidit. Homil. 72. in Joan. casus Petri non frigiditate, sed superni auxilii derelictu conigit. Homil. 31. in Epist. ad Hebræos; negatio Petri non tam erat socordie & negligentia, quam ex eo quod Deus eum deseruerat, erudiens ut humanam sciret mensuram, & non repugnaret iis quæ dicebantur a magistro, neque ejus quam aliorum essent elatiores spiritus, sed sciret quod absque Deo nihil potest fieri, & quod nisi Dominus edificaverit domum frustra laborant qui edificent eam.

Denique Homil. mox citata in Joan. quid dicis Petre? dicenti non poteris, te posse dicis? experientia cognoscet nihil esse dilectionem tuam sine gratia divina. Unde constat hunc casum Jesum pro ipsius utilitate permisisse; nam cum assertionis suæ favore quodam non staret Petrus,

non quidem impulsus ad negandum, sed desertum reliquit, ut suam ipse intelligeret imbecillitatem.

Fuit pene & eadem sententia S. Basilii qui homil. 22. de humilitate, sine hoc quidem intelligis, inquit, quod gratiam assecutus es, sed gratiam Dei præ nimia stupiditate propriam reputans virtutem, non es honoratior B. Petro Apostolo; neque enim Christum plus potest diligere quam ipse illum dilexit, ut & morti pro illo voluerit; verum quoniam arrogantius dixerat, &c. humane traditus est pusillanimitati & prolapsus est in negationem, lapsu institutus ad pietatem.

Item Victor Antiochenus in cap. 14. Marci hæc scribit, Dominus nimiam illam quam præ se ferebant Apostoli audaciam animique fiduciam nonnullis comprimere & castigare volens, Petrum quidem in trinam negationem prolabi, ceteros vero omnes per fugam dispergi, passus est.

Theodoreus in Psal. 118. Sæpius, inquit, divina gratia nonnullos ad breve tempus deserit, utilitatem illis hinc procurans. Sic magnus Elias derelictus cum esset, in timiditatis affectum incidit, & humana natura imbecillitatem didicit, sed confestim divinam iterum naturam nactus est gratiam. Sic divus Petrus negando prolapsus est, sed protinus Deus eum suffulxit.

Et Arnobius junior in Psal. 29. In voluntate sua, inquit, Dominus præstat decori nostro virtutem, nam si averteris faciem suam, quantumvis amemus Dominum, non eum plus Petro amabimus, etsi ei dicamus, Eriam si oportuerit me mori tecum non te negabo, potuerit nobis negandi eum evenire perfidia, si averterit se nobis.

Theophilactus in Lucæ cap. 22. Petrus a Domino parum relictus.

Ex quibus manifeste colligitur communem fuisse Patrum doctrinam (multa enim alia testimonia citari possent)

B. Petro uti & aliis iustis hominibus defuisse gratiam.

Ab his vero non recesserunt quam multi Theologi, ut Hugo a S. Victore qui annot. in Joan. sic habet, qui tantam charitatem in proposito habent, sic videlicet ut proponant se prius mori velle quam Christum negare, cum perveniunt ad experimentum deficiunt; non enim possunt perferre quod promiserunt, & sunt similes Petro, qui ut dicit Hieronymus, erat quasi avis sine pennis, quando se pro Christo moriturum promissit, avis enim sine pennis volare vult, sed non potest.

Cajetanus in Matth. cap. 26. tunc capit, inquit, Petrus detestari & jurare: considera & treme, o vir iuste, Petrus ipse Jesu attestante mundus, ac per hoc in charitate exillens sacramentis corporis & sanguinis Christi diuine communione pramonitus de futura tentatione, paratus potius mori quam negare Christum, ad unius ancille vocem illum negavit & successive addidit perjurium; quare hoc? quia magna differentia est inter gratiam habituales & illius usum, quia non sumus sufficientes ex nobis ad usum charitatis & gratie quam habemus in anima infusam a Deo, sed eemus ad utendum illa, continuo & gratuito Dei auxilio, quo quia carnis Petrus tunc, quia Deus reliquit Petrum tunc sibi ipsi prædito charitate & gratia habituali, ideo cecidit & perdidit charitatis gratiam, sic Moyses, sic David cecidit.

Cardinalis Toletus rem eandem non minus dilerte docet in cap. 13. S. Joan. permisisit autem, inquit, Dominus Petrum ad tempus cadere, ut non suis viribus, sed divina virtuti & gratie, qua non iuvante necesse est vinci & cadere, confidere disceret.

Ita demum Estius non infimè notæ Theologus in hæc verba 2. Paralip. cap. 32. dereliquit eum Deus, non de Petro quidem nominatione, sed de iusto cadente sic pronunciat: hic locus ostendit

Deo deferentia, id est gratiam non dante, hominem non posse superare tentationem, non ita tamen ut necessario in illud peccatum incidat ad quod tentatur; fieri enim potest ut tentatio tentatione repellatur, sicut clavus clavo pellitur, sed ita ut ab ea salubriter & secundum Deum, sine Dei gratia se expedire non possit.

Igitur & gratia defuit sancto Petro quando Christum Dominum negavit, & nihil est reprehensione dignum in eo quod dicatur eandem gratiam nonnunquam deesse iustis urgente præcepto, quo sensu impossibilia sunt iustis mandata Dei.

Huic argumento respondent nonnulli ex præfatis Patrum & Theologorum testimoniis nihil quicquam inferri posse, quia tunc Petrus iustus non erat, cum sibi ipsi derelictus Christum negavit; huic porro tria solent peccata ascribere: 1. quod Christi verbis non acquievit; 2. quod cæteris se proposuit; 3. quod de suis viribus nimium præsumperie.

Verum etsi lateremur quamdam leviter culpam admisisse B. Petrum, seu cum viribus suis nimirum tribuis, seu cum cæteris se prætulit, uti placuit SS. Augustino & Chrysostomo; non est tamen quod dicatur cum in graviora seu mortalia peccata prolapsus fuisse; ira ut iustus tunc non fuerit, cum ancillæ voce perterritus Christum abnegavit; & illud quidem constat,

1. Ex ipsis Evangelistis, ubi cum Christus Dominus lavare pedes discipulorum incepisset, in hunc modum eos alloquitur, qui lotus est non indiget, nisi ut pedes lavet; vos autem mundi estis, sed non omnes, sciebat enim quis esset eum traditurus. Quæ verba aperte significant discipulos omnes, excepto Juda, mundos & iustos fuisse.

2. Ex multis Patribus qui B. Petrum non nisi leviter & ex magno erga Christum amore peccasse testantur.

S. Hilarius in Math. can. 30. Petrus pro fidei sua calore respondet cæteris licet se an-

scandalizantibus nunquam se scandalizatum iri; tantum enim & affectu & charitate Christi efferebatur, ut & imbecillitatem carnis suae & fidem verborum Domini non intueretur, quasi vero dicta eius efficienda non essent. Sed tam ille quam ceteri ne mortis quidem metu decessuros se de confessione nominis sui pollicentur; ad omnem enim se ministerii consilium intrepida fidei voluntate firmaverant.

S. Ambrosius in Lucæ cap. 22. *Quid negavit Petrus? quod promissis incaute, devotionem consideravit, non respexit conditionem.* Et paulo post, error Petri doctrina iustorum est, & titubatio Petri omnium petra est... unde etiam lapsus Sanctorum utilis.

Hieronymum & Chrysostomum laudat Bellarminus cum Petri Sedisque Romanæ Primatum asserit: *Audi, inquit, Hieronymum in hunc locum, etiam si oportuerit me mori tecum, non te negabo; non est meritis neque mendacium, sed fides est Apostoli Petri & ardens affectus erga Salvatorem.* Audi Chrysostomum, unde, inquit, id sibi accidit? ex multo certe amore & multa voluntate. Itaque aut nullus hic lapsus fuit, aut certe amoris & pietatis excessus fuit.

Idem docent Theologi, Hugo a S. Victore annot. in Joan. Petrus, inquit, ex nimio charitatis affectu & ardore & se positurum animam & non negaturum pro morte promiserat, sed quia virtutem constantiam cum hoc affectu non habebat, idcirco imminente periculo mortis metu deficiit, & affectum charitatis, quem prius habuerat, amisit.

S. Thomas 2. 2. q. 24. art. 12. cum sibi objecisset Petrum non amisisse charitatem quando negavit Christum, respondet ad secundum, dicendum quod charitas amittitur dupliciter, uno modo directe per actuale contemptum, & hoc modo Petrus charitatem non amisit. Alio modo indirecte, quando committitur ali- quid contrarium charitati propter aliquam

passionem concupiscentiam vel timoris. Et hoc modo Petrus contra charitatem faciens, charitatem amisit, sed eam cito recuperavit.

Cajetani testimonio superius laudato nihil clarius desiderari potuit: *Considera, inquit, & treme, o vir iuste; Petrus ipso Jesu attestante mundus; & postea quis Deus reliquit Petrum tunc sibi ipsi praeiusto charitatis & gratia habituali, ideo cecidit & perdidit charitatis gratiam.* Ita Janfenius Gandavensis, Cardinalis Toletus, Maldonatus & alii passim. Unde non videtur revocari posse in dubium quin S. Petrus tunc iustus fuerit, cum Christum negavit. Quapropter Interpreta & omnia hac solvunt.

Respond. distinguendo propositionem, gratia omnino desuit S. Petro cum Christum Dominum negavit, gratia efficax, C. quolibet gratia vel etiam sufficiens, N. cum igitur dicunt Sancti Patres gratiam desuisse Beato Petro, id intelligunt de gratia efficaci, qua quidem licet caruerit, non omni tamen alia destitutus fuit gratia, sed eam certo habuit, qua poterat vel immediate urgentem tentationem superare, vel saltem mediate, quatenus confugere poterat ad orationem, cujus beneficio gratiam uberiolem & efficacem impetrasset.

Est autem hæc responsio valde consentanea doctrinæ S. Augustini; sic enim v. g. loquitur lib. de nat. & grat. c. 69. *Et ipso quo firmissime creditur Deum iustum & bonum impossibilia non potuisse precipere, hic admonemur & in facilibus quid agamus, & in difficilibus quid petamus.* Lib. de grat. & lib. arb. c. 16. *Ideo, inquit, jubet aliqua quæ non possumus ut noverimus quid ab eo petere debeamus, ipsa est enim fides quæ orando imperat.* Et lib. de corrept. & grat. c. 2. *Ad hoc ostenditur, inquit, quid agere debeant, ut quando id agunt, accepisse se gaudeant; quando non agunt, orent ut quod non habent, accipiant.*

Hæc

Hæc revera propositio, de qua nunc questio est, *gratia desuit S. Petro*, vera est & maxime catholica, si intelligatur de gratia efficaci, quia verissimum est S. Petro, quando Christum negavit, gratiam efficacem desuisse, in systemate scilicet omnium Theologorum qui gratiam per se efficacem admittunt, putantque ejusmodi gratiam semper & infallibiliter suum sortiri effectum; sed eadem propositio universim & in genere offerri non debet, ne vitetur hunc sensum inducere, quod nullam penitus gratiam habuerit S. Petrus ad superandam tentationem, eique desuerit etiam gratia sufficiens.

Atque hinc cum superiori sæculo D. Arnaldus Doctor Sorbonicus hanc eandem propositionem sine ulla restrictione & modificatione protulisset in quadam epistola gallice scripta sub hoc titulo: *Seconde Lettre de M. Arnald Docteur de Sorbonne à un Duc & Pair de France, pour servir de réponse à plusieurs Ecrits qui ont été publiés contre la première Lettre, sur ce qui est arrivé à un Seigneur de la Cour dans une Paroisse de Paris; à Paris, 1655.* cum inquam hæc scripseret: *Cette grande vérité établie par l'Evangile, & attestée par les Peres, qui nous montre un Juste en la personne de S. Pierre, à qui la grace sans laquelle on ne peut rien, a manqué dans une occasion où l'on ne peut pas dire qu'il n'ait point péché, &c.* sacra Facultas Parisiensis præfatam propositionem declaravit temerariam, impiam, blasphemam, anathemate damnatam & hæreticam.

Obijcies: Sanctus Augustinus lib. de dono perseverantiæ c. 9. questioni propositæ, cur ex duobus justis uni perseverantia detur, alteri vero non detur, recurrit ad inscrutabilia Dei judicia: sed si justis omnibus datur ratio sufficiens per quam impetrare possint donum illud perseverantiæ, necesse non est recurrere ad in-

scrutabilia Dei judicia, quia facilis & in promptu ratio est, ideo uni potius quam alteri dari perseverantiam, quia ille gratia sufficienti bene usus est, hic vero male usus: igitur saluum est dari omnibus justis gratiam sufficientem, qua vel immediate possint Dei mandata observare, vel saltem possint uberius Dei auxilium impetrare.

Nego min. & dico recte potuisse S. Augustinum recurrere ad inscrutabilia Dei judicia; tamen si detur omnibus & singulis justis gratia sufficiens modo supra exposita, scilicet in illa communis omnium iustorum conditione, adhuc inscrutabilia sunt judicia Dei, cur & duobus justis qui æqualiter in peccatis prolabantur, uni detur gratia efficax qua resurgat a peccato, alteri vero talis gratia efficax non detur. Item inscrutabilia sunt judicia Dei, cur & duobus justis, cum neuter gratiam efficacem petiit, uni tamen non alteri conferretur. Denique inscrutabilia sunt judicia Dei, cur & duobus justis æqualiter bene viventibus unus assumitur ex hac vita priusquam malitia eum pervertat, alter vero non assumitur, qui postquam malitia mutavit eum, eandem perit in æternum; quapropter diximus perseverantiam esse speciale Dei donum, quod, ut ait S. Augustinus libri citati c. 16. datur etiam non orantibus.

Obijcies: Deus non censetur jubere impossibilia, tamen si justis qui cadunt non habeant gratiam sufficientem ad implenda præcepta; si ideoque justis non observant præcepta, quia nolunt ea observare; sed ideo justis peccant non observando præcepta, quia nolunt ea observare: itaque in illa Jansenii sententia quam supra exposuimus, Deus non censetur jubere impossibilia.

Dist. maj. si præcepta cum nolunt observare præcepta, supponantur habere gratiam saltem sufficientem qua possint velle illa observare, C. si supponatur ipsis quamlibet gratiam desisse qua pos-

sibi.

sibilia fiant; N. revera in culpam iustorum refunditur quod nolint observare Dei mandata & ab omni peccato abstinere, sed aliunde supponendum esse mihi videtur, illis non deesse gratiam qua possint, si vellent, ea observare; aliter, ut opinor, certe culpam non possunt, quia nemo peccat in eo quod cavere non potest: sed in ista hypothesi iusti peccata cavere non possent, urgente scilicet tentatione gravi, vel instante præcepto, quandoquidem, ut initio huius tractatus probatum est, nemo potest sine gratia graves superare tentationes & mandata Dei observare.

Neque est quod dicant adversarii tritum hoc essatum, *Deus impossibilia non jubet*, hoc solum importare quod reipsa nullum Dei mandatum in se simpliciter & absolute sit impossibile, quamvis respectu hominis sit impossibile, quatenus ipsi deficient vires ad observanda mandata, quod arguit tantum defectum potestatis in homine, non malam voluntatem in Deo.

Hoc scilicet ratiocinio nihil omnino fingi potest absurdius, quia cum Patres & Concilia statuunt mandata Dei esse possibilia, non agunt de possibilitate mandatorum in se, simpliciter & absolute spectata, sed de possibilitate eorum respective ad hominem cui imponuntur; hæc possibilitas mandatorum in se & universim sumpta, est aliquid mere fictitium.

Utrum infidelibus omnibus detur gratia sufficiens.

HOC primum in ista controversia notandum est, nomine gratiæ intelligi gratiam actualem internam, seu motionem actualem insusam a Deo in ordine ad salutem æternam. Ut video enim, nonnulli sunt Theologi qui contendunt Deum nunquam defuisse infidelibus, infideles præsto habere semper auxilia gratiæ sufficientia ad fidem Chri-

sti complectendam, qui tamen in decursu disputationis aperte significant se per ejusmodi auxilia gratiæ sufficientia nihil aliud intelligere, quam gratias quasdam externas, seu media quasdam a Deo singulis hominibus præparata, qualia sunt sacramenta, prædicatio Evangelii, Christi exempla, & alia id genus quæ omnibus peræque hominibus offerri & dari possunt, nemini denegantur; immo quæ Christus sincere voluit, quantum in ipso est, omnibus & singulis applicari, quandoquidem vult omnes homines salvos fieri.

Cum istis Theologis hic nulla movetur controversia; his enim foret de nomine, quia fatentur omnes Catholici Deum velle omnes homines salvos fieri, & consequenter intentionem Dei esse, quantum in ipso est, merita Christi omnibus hominibus vel etiam infidelibus applicari, neminem positive & absolute excludendo a fide & baptismo. Igitur questio est de gratia sufficiente proprie loquendo, prout est auxilium interius remote saltem sufficiens ad credendum, aut ad immediate eliciendos alios actus supernaturales qui ad fidem recipiendam disponant.

Nonnulli enim Theologi, quorum opinio est dari gratiam sufficientem omnibus infidelibus, non audent quidem affirmare ipsis semper dari gratiam internam sufficientem ad credendum, sed aiunt dari infidelibus gratiam ad Dei leges, quas lumine naturæ cognoscunt, observandas, qua si bene uterentur, certissimam tum fidei tum salutis consequendæ sibi viam aperirent, quam opinionem mox sumus impugnaturi.

Notandum insuper infideles esse duplicis generis, infideles negative qui de fide Christi & religione ne verbum unquam audiverunt; infideles positive quibus Evangelium fuit prædicatum, & tamen non crediderunt. Trita est illa divisio apud Theologos.

Porro hic questio est de infidelibus infi-

infidelitate negativa laborantibus; alii enim quibus prædicatum fuit Christi Evangelium, etiam si supponeremus iis datam non fuisse gratiam interioriorem sufficientem ad credendum, tamen merito præsumuntur habuisse talem gratiam, quo ipso tempore ipsis annuntiabatur Evangelium; quapropter dicuntur infideles positive, vereque peccatum infidelitatis ipsis imputatur, quia fidei resistunt. Ambigitur itaque de infidelibus negative, utrum habeant gratiam sufficientem immediate ad credendum, vel saltem ad alios actus supernaturales elicendos quibus præparentur ad fidem suscipiendam.

CONCLUSIO.

Non datur semper gratia sufficiens infidelibus negativa infidelitate laborantibus.

Probatur 1. ex illo celebri Scripturæ testimonio quod legitur Math. 11. cap. *Va tibi Corozain & Bethsaida, quia si in Tyro & Sidone factæ fuissent virtutes quæ factæ sunt in vobis, olim in cinere & cilicio poenitentiam egissent.* Hinc enim manifeste colligitur Tyriis & Sidoniis denegatam fuisse gratiam sufficientem, eam nimirum gratiam quæ data fuit Corozaitis & Bethsaiditis, quæ certe gratia non erat efficax, poenitentiam enim non egerunt. Certe si Deus fidem iis largiretur qui gratia sufficienti bene utuntur, debuisset eam Tyriis & Sidoniis conferre, cum de illis pronuntiet Christus Dominus futurum, ut si factæ fuissent apud illos virtutes quæ factæ sunt apud Corozaitas, poenitentiam egissent.

Probatur 2. ex Actuum Apostolorum cap. 16. ubi legitur Apostolis volentibus pergere in Asiam, hoc veritum fuisse a Spiritu sancto. Ex quo invicte concluditur Asiaticis datam non fuisse gratiam sufficientem ad credendum, uti nec alia sufficientia gratiæ auxilia quibus præpa-

rarentur ad fidem Christi suscipiendam; quorum enim voluisset Deus homines illos Evangelii predicatione privare, quibus inspirasset fidei desiderium?

Probatur 3. auctoritate S. Augustini cujus in hoc argumento aperta est sententia. Is enim libro de correptione & gratia volens eorum objectioni occurrere, qui dicebant saltem corripiendos non esse eos homines qui a Deo nihil acceperunt & recte dicunt, *quid facimus qui non accepimus*; & rursus cap. 6. libri mox citati, *gratiam non accepimus, ut quid itaque corripimur*, varia distinguit hominum genera, & diversimode de singulis ratiocinatur, puta aliter de Adamo ante peccatum spectato, aliter de hominibus baptizatis; sic vero de iis qui non sunt regenerati, quales sunt infideles quibus nunquam annuntiatum fuit Christi Evangelium: *Qui hæc dicunt extra culpam se videri volunt, in hoc quod non obediunt Deo. . . Nec attendunt, si nondum regenerati sunt, primam esse culpam cur objurant, quod sint inobedientes Deo sibi debeant displicere, quia fecit Deus hominem rectum ab initio humane creature, & non est iniquitas apud Deum. Ac per hoc prima pravitas qua Deus non obediunt, ab homine est, quia ex relictudine, in qua cum Deus primus fecit, sui mala voluntate decidens, pravi effectus est.* Et cap. 7. Si enim, sicut veritas loquitur, nemo liberatur a damnatione qua facta est per Adam, nisi per fidem Jesu Christi, & tamen ab hac damnatione non se liberabunt qui poterunt dicere, non se audisse Evangelium Christi, cum files ex auditu sit. Quanto minus non se liberabunt, &c.

Hic itaque manifeste docet Augustinus excusabiles non fore infideles qui damnabuntur etiam non audito Evangelio, tamen si alunde dicere possint se nihil accepisse, *gratiam non accepimus, ut quid itaque corripimur?* In hoc ejus ratiocinio duo certissime prospiciuntur. Primum quidem existimasse sanctum Do-

ctorem

Storem primam gratiam esse fidem, ex qua impetrentur cætera... in quibus iuste vivitur, qua quidem manifeste supponit carere illos homines qui non regenerati sunt, & qui poterunt dicere non se audisse Evangelium Christi cum fides ex auditu sit. Hi itaque sunt infideles & infidelitate quidem negativa laborantes, qui consequenter carent prima gratia.

Alterum vero etiam certum est, nempe ejusmodi homines nullas habere gratias quibus disponatur ad fidem, hoc supponit S. Augustinus; aliter male responderet objectioni quam sibi proponit; in eo quippe est vis objectionis quod corripiantur qui nihil acceperunt, loquens autem de infidelibus non respondet illos accepisse aliquam gratiam, quod utique responderet de Adamo & de hominibus baptizatis, sed recurrit ad peccatum originale, atque sibi hoc esse imputandum quod nihil acceperint, hoc est nullum beneficium, nullam gratiam, quod primi parentis peccatum contraxerunt; sentiebat itaque omnibus infidelibus non dari gratiam sufficientem.

Atque quod observatione dignum est, non modo loquitur sanctus Augustinus de adjutorio gratiæ quæ foret infidelibus sufficiens ad credendum, sed etiam de illa gratia quæ sufficiens esset ad obediendum Deo & servanda præcepta (præcepta inquam naturalia, neque enim infidelibus imputatur inobedientia quæ committitur contra alia præcepta) unde infideles in hojæ sancti Doctoris sententia, carent gratia sufficiente non modo ad credendum, sed & ad Deo obediendum.

His accedunt alia ejusdem sancti Augustini testimonia dicentis gratiam & fidem, quæ humanæ salutis initium est, fundamentum & radix omnis justificationis, non dari omnibus & nominatim non esse in infidelibus. Lib. de gratia & libero arbitrio cap. 13. probat adversus Pelagium naturam non esse gratiam: Sed non est hæc gratia, inquit,

Tom. IV.

quam commendat Apostolus per fidem Jesu Christi. Hanc enim naturam etiam cum impiis & infidelibus certum est nobis esse communem; gratia vero per fidem Jesu Christi eorum tantummodo est, quorum est ipsa fides; non enim omnium est fides. 2. Thessalon. 3.

Lib. de Prædestin. &c. cap. 9. Fides igitur & inchoata & perfecta donum Dei est, & hoc donum quibusdam dari, quibusdam non dari omnino non dubites, qui non vult manifestissimis sacris litteris respondere. Cur autem non omnibus detur fides movere non debet, qui credit ex uno omnes esse in condemnationem sine dubitatione justissimam; ita ut nulla Dei esset iusta reprehensio, etiamsi nullus inde liberaretur. Eo loci docet Augustinus fidem inchoatam, quæ prima gratia est, donum esse Dei; & querens cur omnibus non detur, quidve sentiendum de iis quibus non datur, affirmat confidenter illos æternum perituros propter peccatum originale; non ait autem ejusmodi homines ituros in condemnationem justissimam, eo quod gratiæ eos moventi ad credendum divinisque inspirationibus resistunt, quod sane non omisisset, si talem gratiam omnibus infidelibus communem agnovisset.

Id insuper colligitur ex eo quod idem sanctus Augustinus frequentissime docet fidem esse quæ gratiam impetrat, eum ipsa fides sit prima gratia ex qua cætera impetrentur... in quibus iuste vivitur, lib. de spiritu & littera c. 30. Ac per hoc, inquit, sicut lex non evacuatur, sed statuitur per fidem quia fides impetrat gratiam, quæ lex impletur, ita liberum arbitrium non evacuatur per gratiam, sed statuitur. Unde fidem præmittit cuicumque gratiæ etiam ei qua homo possit operari quod sibi præcipitur, lib. de gratia & libero arbitrio cap. 14. Ergo, inquit, spiritus gratiæ facit ut habeamus fidem, ut per fidem impetramus orando, ut possimus facere quæ jubemur. Ideo ipsa Apostolus assidue le-

Z

gi

gi preponit fidem, quia quod lex jubet facere non valeamus, nisi per fidem rogando impetremus, ut facere valeamus. Prius est igitur habere fidem quam aliam quamcumque gratiam qua præcepta servantur; adeoque infideles fide etiam inchoata destituti fidem non habent sufficientem ad orandum & servanda præcepta, fides namque impetrat quod lex imperat, inquit idem sanctus Doctor, Enchiridio cap. 117.

Denique in Psalmo 136. sic loquitur de infidelibus, ut aperte significet eos gratiam Dei nullam habere ad facienda præcepta, & implorandum Dei auxilium, qui nempe Deum verum non cognoscunt, neque ullum Liberatorem aut venisse aut venturum sciunt, nec de illa demum gratia adiutrice ejusque ad bene agendum necessitate quicquam audiverunt: Quando illos videmus, inquit, & tam steriles eos invenimus, ut difficile nobis appareat in eis aliquid, unde duci possim ad fidem rectam vel ad bona opera, vel ad spem futuri sæculi, vel ad concupiscentiam liberationis a captivitate mortalitatis scripturas novimus quas eis dicamus. Sed quia nullum fructum in eis invenimus, avertimus ab eis faciem & dicimus, adhuc isti non sapiunt, non capiunt, quia quicquid illis dixeris, finistrum & adversum habent.

Probatur 4. ex S. Prospero qui magistri doctrinam aperte sequens, docet non omnibus univérse hominibus dari auxilium gratiæ internum supernaturale sufficiens ad credendum responsione 4. ad capitula Gallorum: Non omnes, inquit, vocari ad gratiam eos, quibus omnibus Evangelium prædicatur, non recte dicitur, etiamsi sint qui Evangelio non obediant, nisi ad eos respiciat, quibus novidam sacramentum crucis Christi & redemptio sanguinis ejus innotuit. Quia etiamsi constaret, quod jam in universis nationibus & omnibus finibus terra totus mundus Evangelium receperisset, non esset tamen dubium a tempore resurrectionis

Domini usque ad præsentem ætatemuisse homines, qui ab hac vita sine Evangelii cognitione transierint, de quibus dici possit quod vocati non sint, quia nec spem vocationis audierint. Quod si quisquam hanc vocationis plenariam generalitatem ita semper asserit celebratam, ut ab Ascensione Domini in celum, ne unus quidem annus effluerit, intra quem non ad omnes prædicatio missa pervenerit, videat quomodo tunc Asianos vocatos probet, quando Apostoli, sicut scriptum est, veniti sunt à Spiritu sancto loqui verbum Dei in Asia, aut Bithynias, ad quos iidem Apostoli tentabant ire, & non permisit eos Spiritus Jesu... Postremo respiciantur etiam inter Christianos populos tot milia parvulorum qui ab hac vita sine baptismo transierunt & aliquo modo probentur vocati, quibus nec plantaver prædicare, nec rigator potuit subvenire.

His verbis nihil omnino disertius asseri potest, ait enim S. Prosper eos non habere gratiam Dei vocantem quibus annuntiarum non fuit Christi Evangelium, atque item fallum esse verbi prædicationem ad omnes pervenisse. Ne quis autem reclamet adversus Deum, quod omnes non fuerint vocati, obtendit exemplum parvulorum qui ab hac vita sine baptismo transierunt, quibus nemo potuit subvenire.

Objectioni octavæ, quod non omnes homines velit Deus salvos fieri, respondet: Si circa univérsum generis humani salvandam, & agnitionem veritatis vocandam ita indifferens per omnia sæcula asserenda est voluntas Dei, ut usquequaque neminem hominum prætermisisse monstretur, impenetrabilis judiciorum Dei altitudo pulsatur. Quare enim in præteritis sæculis dimiserit Deus omnes gentes ingredi vias suas, quando Jacob elegit sibi Dominus & non fecit taliter omni nationi, & judicia sua non manifestavit eis; & rur qui aliquando non populus, nunc autem populus Dei sit, & quorum aliquando non misatus est, nunc autem misereatur:

Ubi

Et nō dictum est, non plebs mea vas, ut vocentur filii Dei omni, & quare quod quarebas Israel non sit consecutus, electio autem consecuta est, ceteri vero excusati sunt, impossibile est comprehendere, & periculose curiositatis est quærere, cum tamen quod nulla sit apud Deum iniquitas, nemini liceat ignorare nec alia fide quemquam hominum sive ante legem, si e legis tempore iustificatum esse credendum sit, quam hac eadem per quam Dominus noster Iesus-Christus secundum consilium voluntatis sue in fine saeculorum venit quærere & salvare quod perierat.

In his itaque S. Properi principiis, si omnibus & singulis hominibus vel etiam infidelibus, gratiam sufficientem impertiret Deus, vel ad credendum, vel ad querendam veram religionem, vel ad eliciendos quosdam actus supernaturales quibus prepararentur proxime ad fidem Christi suscipiendam; certe iam impenetrabilia non essent iudicia Dei in eo quod quidam vocati sint, alii vero non sint vocati; sed immo recte intelligeretur ideo quosdam efficaciter vocatos, gratiæ sufficienti eos excitanti ad credendum non resisterunt; existimabat igitur S. Prosper non dari auxilia gratiæ internæ sufficientia infidelibus apud quos prædicatum non fuit Christi Evangelium.

Probatur 5. ex S. Fulgentio qui eandem doctrinam expresse tradit lib. de Incarnat. & grat. cap. 7. Nos autem, inquit, incomprehensibilia credentis & demonstrantis iudicia Dei ex una massa perditionis alios salvari dicimus, alios iustis & occulto iudicio derelinqui, ubi derelictos vere auxilio sufficienti privare, quia si illud haberent, nec ita proprie vocaret derelictos. Et respondens semi-Pelagianis qui contendebant nemini denegatum sufficiens auxilium quo salvari possit, ex eo nimirum quod ex Scripturis Deus vult omnes salvos fieri, sic habet: attingunt dicant si possunt ii, qui hoc divina iustitia & bonitati contrarium affir-

mant cur is qui vult omnes homines salvos fieri, & ad acquisitionem veritatis venire, tam multas virtutes fecit in Corrocin & Bethsaida, & nullam harum in Tyro & Sidone facere voluit, ubi si facta fuissent, sicut ipse testatur, forsitan in cinere & cilicio poenitentiam egressent.

Ibi S. Fulgentius hoc nititur Scripturæ testimonio: *Va tibi Bethsaida*, quia si in Tyro & Sydone facta fuissent signa & virtutes quæ facta sunt in te, &c. Lucæ 10. cap. Quo quidem hanc suam folcire sententiam solent Theologi qui putant infidelibus omnibus non dari supernaturale sufficiens gratiæ adiutorium; aiunt enim liquido consistere ex illo loco, non fuisse facta miracula in Tyro quæ facta sunt apud Iudæos, adeoque nec eis datum fuisse ullum gratiæ interioris auxilium quo potuissent credere si voluissent; quibus enim denegatur Evangelii prædicatio, verisimiliter non datur auxilium internum credendi, quomodo enim crederent sine prædicatæ?

His adde eundem Fulgentium non semel affirmare gratiam non dari omnibus, lib. 1. de veritate Prædest. cap. 14. *In cuius gratia largitate*, inquit, *quidam non leviter errant existimantes eam omnibus hominibus aequaliter dari*. Et cap. 20. *Non ergo putemus gratiam Dei omnibus dari*. Si qui sunt autem quibus denegatam & denegari gratiam merito possumus præsumere, maxime infideles quibus nunquam affulsit Evangelii lumen.

Egregie vero idem scribunt Africani Episcopi exules in Sardinia, Epistola nempe Synodica, *De gratia*, inquit, non digne sentia quisquis eam putat omnibus hominibus dari, cum non solum non omnium sit fides, sed adhuc nonnullæ gentes inveniantur ad quas fidei prædicatio non pervenit; beatus autem Apostolus dicit, quomodo invocabunt in quem non crediderunt? aut quomodo credent ei quem non audierunt? quomodo autem audient sine prædicatæ? quo quidem testimonio

nihil omnino præclarius desiderari potest. Probatur denique nonnullis rationibus.

Prima est, gratia illa sufficiens, de qua movetur præfens questio, est vera Christi gratia; tamen non fit gratia efficax; vera tamen est gratia ad salutem ordinata, quæ datur a Deo ex beneplacito & bona voluntate erga homines & ex meritis Christi: sed ex hoc ipso quod gratia est, dici non debet omnibus hominibus communis, dici non debet data omnibus cum gratuito deatur, aliter non esset gratia; in hoc, inquit sancti Doctores, gratia monstratur esse vera gratia quod non omnibus sed quibusdam tantum datur; ita S. Augustinus lib. 2. ad Bonifacium cap. 7. *Nec beneficium, inquit, quod quibusdam gratis tribuitur, appareret, nisi Deus aliis ex eadem massa pariter vel iusto supplicio condemnatis, quid utrique deberetur ostenderet.* Ea lib. de dono perseverant. cap. 12. *Dando, inquit, quibusdam quod non merentur profecto gratuitam, & per hoc veram suam gratiam esse voluit. Non omnibus dando, quod omnes merentur, ostendit.*

Eodem modo ratiocinatur S. Thomas quest. 14. de veritate, art. 15. his verbis: *Si autem nec ipsa preparatio ad gratiam sine aliqua gratia habituali esse potest; aut illa datur omnibus aut non; si omnibus datur, non videtur aliud esse quam aliquod naturale donum. Nam in nullo inveniuntur omnes homines convenire nisi in aliquo naturali.* Porro si qui sunt inter homines quibus gratiam suam denegat Deus, hoc maxime, ut jam dixi, præsumere possumus de infidelibus infidelitate negativa laborantibus: Igitur gratia sufficiens non datur omnibus & singulis infidelibus.

Neque dicatur ex illo principio manifeste sequi, nec dari auxilium gratiæ sufficientis iis omnibus, in quibus nullum est peccatum vel originale vel actuale, quia etiam tunc cum omnibus da-

retur, vera gratia non esset: sed istud omnino dici non potest; diximus enim gratiam sufficientem non defuisse Angelis & primo homini ante lapsum considerato, tum nec deesse iustis ad servanda mandata, quia in eis nullum est peccatum vel originale, vel actuale.

Scilicet longum latumque discrimen est inter infideles & induratos, quibus interdum denegari a Deo gratiam sufficientem exillimamus, & alios homines in quibus nullum invenitur peccatum vel actuale, tamen verum fit gratiam nemini dari ex meritis, non dari omnibus, non dari ex iustitia, sed omnibus ex misericordia Dei & beneplacito. Eæ ratio est, quia cum peccatores excæcati & infideles sint inimici Dei, si Deus illis semper gratiam suam peræque largiretur ac iustis, iam merito conferretur gratia dari ex iustitia, quasi donum esset cuilibet homini debitum, quod tamen falsum est, ut manifeste colligitur ex auctoritatibus mox allegatis. Sed quod Deum iustis nunc hominibus, uti & Adam ante lapsum, conferat gratiam sufficientem in omni necessitatis casu, nemo inde suspicari potest gratiam esse omnibus hominibus debitam, quia nempe hæc gratiæ collatio fundatur quodammodo in meritis illorum hominum qui per primam gratiam omnino indebitam meruerunt habere secundam, atque ita & hæc infusio gratiæ quæ iustificatis nunquam deest, aliunde est gratia quia fundatur in prima gratia.

Secunda ratio est, quia ex consensu omnium Theologorum datur aliqua infidelitas negativa, quidam sunt infideles negativo, qui nempe ne verbum quidem unum audierunt de Christo ejusque religione: hi censentur non peccare, quando non observant præcepta legis divinæ positivæ, & iis sola imputantur peccata quæ legi naturali adversantur: Atqui si datur gratia quedam sufficiens cunctis infidelibus, quæ nimirum possit etiam

etiam mediate per bona opera & rationes pervenire ad fidem Christi, in quantum, si his gratiæ auxiliis bene utantur, Deus alia aut proxime sufficientia aut efficacia subministraret, ut dicunt adversarii, profecto nulla jam daretur infidelitas negativa; & omnes enim & singuli infideles suæ infidelitatis rei forent, in eorum culpa propria esset quod Christo non crederent, ut per se patet: Igitur ejusmodi infidelibus non datur gratia sufficiens.

Atque hinc aperte colligitur illos nec ipsum prædictis controversiæ statum attingisse, qui docent gratiam sufficientem eatenus habere infideles omnes, quatenus Deum per creaturas cognoscere possunt, juxta illud Apostoli, *invisibilia Dei per ea quæ facta sunt visibilia conspiciuntur*; atque ex ejusmodi fide excitari, Deo juvante ad adorandum, ut patet exemplo Cornelii Centurionis Act. 10. cap. & ita impetrare majus fidei lumen quod Deus ipsis communicat, id, inquam, hoc in negotio nullius plane momenti est.

1. Quia ejusmodi cognitio existentie Dei per creaturas mere naturalis est, tum in suo principio, quia lumine naturali parata est, tum in suo fine, quia per illam Deus attingitur solum prout est autor naturæ; ad quam proinde cognitionem non requiritur gratia sufficiens, quæ per se & ex natura sua auxilium est supernaturalis ordinis quo tendit homo & ordinatur ad salutem.

2. Quia si diceretur per illam cognitionem Dei naturalem posse gentiles mereri gratiam sufficientem, hoc aperte Pelagianum esset, gratia enim non ex operibus, gratia non datur ex meritis.

Tertia ratio est, quia nullo fundamento affirmatur talem gratiam sufficientem a Deo dari omnibus infidelibus, qui natura sunt filii iræ per peccatum scilicet originale; vel enim illud fundaretur in certa quadam lege a

Deo facta; vel in aliquo hominis merito: sed neutrum dici potest; non primum, quia ejusmodi legem dandi infidelibus gratiam sufficientem nullibi reperire possunt adversarii; nec secundum etiam, quia, ut mox diximus, gratia non datur meritis: igitur gratia sufficiens non datur omnibus & singulis infidelibus infidelitate, negativa laborantibus.

Quarta ratio est, quia *Fides*, inquit S. August. libro de gestis Pelagii c. 14. *est initium unde bona opera incipiunt*, ex quo sic argumentari juvat: Illi non habent gratiam qua possint converti, qui non habent fidem, qui non possunt credere Evangelio: sed infideles infidelitate negativa laborantes; ii scilicet quibus nunquam affulsit lux Evangelii, credere non possunt Christo & ejus Evangelio: *Quomodo enim invocabunt eum in quem non crediderunt; quomodo credent sine prædicante, quomodo prædicabunt, nisi mittantur?* inquit Apostolus ad Romanos cap. 1. Quod autem dicunt adversarii hos infideles non habere quidem fidem perfectam sed inchoatam; quatenus omnes excitantur & inspirantur a Deo ad cognoscendam infirmitatem suam, & ad implorandum medici alicujus præsidium, hoc certe gratis & sine fundamento affirmant.

Quinta denique ratio est, quia sanctus Augustinus recarrit sæpius ad inscrutabilia Dei judicia, volens hanc quæstionem solvere cur Deus unum potius quam alium infidelem vocet ad fidem; sed posita adversariorum sententia hæc difficultas explicari facillime posset, dicendo nempe eos infideles, qui gratia illa sufficienti omnibus communi bene & felieiter utuntur, gratiam abundantiorē accipere vel etiam ipsam fidem, aliis vero & gratiam & fidem quæ Dei donum est, denegari in poenam illius contumaciæ quæ gratiæ sufficienti resistit: Igitur fallum est Deum dare omnibus & singulis

gulis infidelibus gratiam aliquam sufficientem.

Hoc argumento sic premuntur adversarii, ut cogantur respondere rarum esse infideles bene uti gratia generali, adeoque semper recurendum esse ad inscrutabilia Dei judicia. Sic vero respondere nonne est causam suam defendere?

His adde non parum in hoc debilitari adversariorum sententiam, quod cum ab iis quaeritur, in quo posita sit illa gratia sufficiens quam dicunt omnibus & singulis infidelibus dari, vacillant multum, dubitant quid respondeant, & in ista re assignanda nunquam fere inter se consentiunt: alii enim dicunt esse cogitationem aliquam ab obj. his naturalibus suscitata; alii dicunt esse institam a natura supremi numinis rerum omnium parentis cognitionem; alii putant nihil aliud esse quam remotionem occasionum quibus tentarentur infideles, & consequenter peccarent; alii denique aliud esse censent, in quo certe vehementer decipiuntur, nomine enim gratiae sufficientis intelligere debent supernaturalem aliquam voluntatis motionem & excitationem ad bene agendum.

Solvuntur Objectiones.

Objiciunt adversarii multa Scripturae loca in quibus asseritur Deum non desse hominibus, vocare omnes, eos semper movere & excitare ad salutem, nemini denegare auxilium sufficiens: quia neminem vult perire, quia venit salvum facere universum populum, & alia ejusmodi quorum nonnulla proferemus.

Isaia 65. ait Deus, *Expandi manus meas tota die ad populum incredulum & contradicentem mihi*. Quo quidem testimonio utitur Apostolus ad Rom. 10. dicens, *Ne dixeris in corde tuo, Quis ascendet in Caelum?* Et po-

stea, *prope est verbum in ore tuo & in corde tuo*. Quasi dicat impossibile non esse homini vitam aeternam consequi, quia semper praesto est auxilium Dei.

Item Proverbiorum cap. 1. *Sapientia foris praedicat, in plateis dat vocem suam, in capite turbarum clamat, in foribus portarum urbis profert verba sua, convertimini ad correctionem meam, et proferam vobis spiritum meum.... Vocavi, & renuistis, manus meas extendi*. Ezechiel. 18. *Nunquid voluntatis meae est mors impij, dixit Dominus Deus, & non ut magis convertatur, & vivat?*

Item in novo Testamento Joan. 1. *Qui illuminat omnem hominem venientem in hunc mundum*. 1. ad Timoth. cap. 4. *Qui est Salvator omnium hominum maxime fidelium*. 2. Petri cap. 3. *Sed patienter agite propter vos nolens aliquos perire, sed omnes ad poenitentiam reverti*. Igitur omnibus & singulis hominibus, vel etiam infidelibus datur gratia sufficiens.

Respondeo haec Scripturae loca, aliaque similia quae plane innumera inibi leguntur, accipienda non esse litteraliter de omnibus omnino hominibus universim, quasi Deus omnes & singulos nullo excepto vocet, ad se trahat, illuminet: quasi omnes homines Deum agnoscant, constentur, adorent; sed illa demum omnia intelligi debent synecdochice, ita ut pars sumatur pro toto, omnes homines pro majori hominum parte; quomodo explicanda necessario sunt infinita Scripturarum loca, in quibus terra pro parte terrae, mundus pro mundi parte accipitur; duplici potissimum momento nititur haec solutio.

Primum petitur ex eo quod falsa manifeste essent pleraque haec loca, si hoc pacto intelligentur universaliter de omnibus hominibus, nullo excepto, si de universo mundo nulla ejus parte decepta: certum est enim v.g. Deum non

non vocare omnes homines, ad omnes & singulos non extendere manum suam per auxilium scilicet sufficiens quod omnibus tribuat, per vocationem supernaturalem, cujus certe initium est fides quæ ad omnes & singulos homines non pervenit. Unde hunc locum Proverbiorum explicat vulgo Interpretes de Christo Domino quæ Dei sapientia, quæ foris prædicabat per Apostolos & in plateis; sed in omnem terram non exiit senus eorum, quasi nulla sit terræ pars ad quam non pervenerit, quasi nullus homo hanc prædicationem ignoraverit: quamobrem merito concluditur in hominibus qui de Christo nihil audierunt, non datum auxilium internum supernaturale ad credendum.

Insuper cum dicitur Deus, Joannis primo, *illuminare omnem hominem venientem in hunc mundum*, liquido patet omnibus, hanc propositionem non esse universaliter veram, si intelligatur de auxilio interno supernaturali gratiæ dato omnibus. 1. quia non datur ejusmodi auxilium infantibus. 2. quia non consentur illuminati a Deo qui illum non cognoscunt, qui de Religione Christiana nullum unquam audierunt verbum, quales sunt infideles multi. Quapropter hunc Scripturæ locum explicat S. Thomas Comment. in Joan. de naturali lumine rationis quod datum est omnibus hominibus ad cognoscendum Autorem naturæ & generalia morum principia. Vel si intelligatur de lumine gratiæ, sic, inquit, exponitur a S. Augustino ut ea vox omnem secundum distributionem accommodatam accipiat; & sensus est, Deum illuminare omnem hominem qui illuminatur, quia nemo illuminatur nisi a Verbo. Sic vero exponitur a sancto Chrysostomo, ut sit sensus, Verbum illuminare omnem hominem, quia, quantum in se est, voluit nemini deesse; & culpa est hominis qui non illuminatur.

Secundum momentum sumitur ex eo quod hæc communis est interpretatio apud sanctos Patres, ita v. g. S. Fulgentius, cujus testimonium satis prolixum referam quod multa Scripturæ loca commemorat in hujusce veritatis confirmationem, sic itaque loquitur lib. de Incarnat. & gratia cap. 31. *Quocirca illos omnes Deus vult salvos fieri, sic intelligere debemus, ut nec aliquem putemus salvum fieri posse nisi voluntate Dei, nec existimemus voluntatem omnipotentis Dei, aut in aliquo non impleri, aut aliquatenus impediri. . . . Verumtamen in his omnibus hominibus, quos Deus vult salvos facere, non totum omnino genus significatur hominum, sed omnium universales salvandorum. . . . Est autem familiare divinis eloquiis, ut omnes nunquam dicant, nec tamen omnia humanum genus in ipsis omnibus semper intelligi debere commoneant, sicut est illud quod dicit Dominus per Prophetam Joel (In novissimis diebus effundam de spiritu meo super omnem carnem.) Quod in consensum viginti hominibus in quos Spiritus sanctus linguis igneis venit, factum B. Petrus ostendit; si ergo hic omnem carnem omnes omnino putaverimus homines intelligi, incipiet (quod absit) mendax estimari sermo divinus. . . . B. Paulus alio quoque loco ait conclusisse Deum (omnia in credulitate, ut omnium miseretur) & tamen Deus non ita omnium omnino miseretur, quos in credulitate conclusit, ut omnibus infidelibus gratiam fidei misericorditer donet, cum tamen eandem gratiam fidei non infidelibus Deus misericors donet, sed illis procul dubio de quibus ad Moysen dicit: Misereror cui misereror, & misericordiam præstabo cujus misereror.*

Et postea ibidem, iterum dicit Propheta: *Omnes gentes quascunque scissis, venient & adorabunt coram te Domine, & glorificabunt nomen tuum. Dominus quoque suis fidelibus dicit: Eritis odio omni-*

omnibus gentibus propter nomen meum . Nunquid ergo contrariis sibi repugnat Scriptura divina ? Absit . Sed & illos omnes & istos omnes veraciter dicit , idest , & omnes fideles qui nomen Domini in omnibus gentibus glorificant , & omnes incredulos , qui per eandem omnes gentes , in odio nominis Christi fideliumque ejus mortis fera impietate perdurant . Tale quiddam est etiam in Epistola quam Collofensibus beatus Apostolus scribit , ubi dicit , quia in Christo condita sunt universa , in calis & in terra , visibilia & invisibilia , siue Throni , siue Dominationes , siue Principatus , siue Potestates , omnia per ipsum & in ipso creata sunt ; & ipse est ante omnes & omnia in ipso constant ; quia in ipso complacuit omnem plenitudinem inhabitare , per eum reconciliari omnia in ipsum pacificans per sanguinem Crucis ejus , siue qua in terris sunt , siue qua in calis sunt . Nunquidnam omnia qua in calis & in terris sunt per eum pacificare credemus ? Absit . Qui enim sic sentire voluerit , bicipitem laqueum gemina impietatis incurreret , ut aut Diabolus & Angelos ejus per Christum creatos esse neget , aut eos reconciliandos per sanguinem Crucis ejus affirmet .

Est etiam hæc interpretatio similium Scripturæ testimoniorum Autoris , quisquis ille sit , operis de vocatione gentium , is enim lib. 1. cap. 9. allatis pluribus Scripturarum locis sic loquitur : His igitur & aliis documentis qua possunt ab inquirentibus numerosiora proferri , non dubie demonstratur interdum & pro parte terræ omnem terram , & pro parte mundi totum mundum , & pro parte hominum omnes homines nominari . Quorum tamen discretionem plerumque Scriptura cito aperit , ut sensus legentis ab universitatis appellatione ad partem qua intelligenda est , transferatur . Sicut est Apostoli dicentis , Prædicamus Jesum Christum crucifixum , Judæis quidem scandalum , gentibus autem stultitiam ,

ipsis vero vocatis Judæis atque Græcis Christum Dei virtutem & Dei sapientiam . Nunquid ipse est Christus virtus quibus scandalum , aut ipsis sapientia quibus stultitia ? Idem Scriptor probat cap. 10. Scripturam de Electis & reprobis ejusdem populi loqui tantum de iisdem . Cap. 11. eandem Scripturam de diversorum temporum hominibus loqui , quasi de ejusdem temporis generatione . Demum cap. 12. ostendit illud Apostoli , vult omnes salvos fieri , de omni genere hominum esse intelligendum , & concludit allata Scripturæ testimonia universaliter non esse accipienda .

Cum porro respondemus præfata hæc Scripturæ testimonia literaliter de omnibus & singulis non esse intelligenda , ex illis excipimus ea omnia quæ Dei voluntatem salvandi omnes homines exprimunt , quomodo hæc debeant explicari & ad hanc nostram sententiam accommodari , mox videbitur in sequenti objectione .

Obijcies : certum est Deum velle sincere omnes homines salvos fieri , certum est iterum pro omni & singulis hominibus Christum mortuum . Sed his positis quæ indubitata sunt apud Theologos , omnibus omnino hominibus , qui sui compætes sunt , dantur auxilia gratiæ sufficientia , quibus paulatim viam sibi ad æternam salutem parare possint ; aliter fictitia esset illa voluntas in Deo ; quemadmodum enim Deus non censeretur voluisse , quantum in ipso est , omnes Angelos salvos fieri , si gratiam singulis non dedisset , qua poterant perseverare , ita nec omnium hominum salutem , quantum in ipso est , velle putaretur , si ea gratiæ auxilia omnibus hominibus non conferret , quæ saltem remotam adipiscendæ salutis potestatem tribuerent ; adeoque hæc Dei voluntas non extenderetur ad eos infideles , quibus gratiam sufficientem non largiretur .

Ex

Ex illa Dei voluntate salvandi homines, tum ex Christi pariter morte colligunt Sancti Patres gratiam sufficientem in omnes & singulos homines fuisse diffusam, ita S. Ambrosius qui in Psal. 118. in hæc verba, *Misericordia Domini plena est terra*, sic habet: *Mysticus sol ille iustitia omnibus ortus est, omnibus venit, omnibus passus est, & omnibus resurrexit; ideo autem passus est ut tolleretur peccatum mundi. Si quis autem non credit in Christum, generali beneficio se fraudat, ut si quis clausis fenestris radios solis excludat, non ideo Sol non est ortus omnibus, quia calore ejus ipse se fraudavit, sed quod Solis est, prerogativam suam servat, quod imprudens est, communis a se gratiam lucis excludit. Docet autem Deus & mentis illuminat singulorum, & claritatem cognitionis infundit, si tu aperis oculos cordis & celestis gratia recipias claritatem.*

Idem docet, vel etiam clarius, si fieri potest, Autor operis de vocatione gentium, quod tribui solet S. Prospero, libro nempe 2. cap. 31. *Elaboratum est, inquit, quantum Dominus adjuvit, ut non solum in novissimis diebus, sed etiam in cunctis retro sæculis probaretur gratiam Dei omnibus hominibus adfuisse, providentia quidem pari & bonitate generali, sed multimodo opere diversaque mensura, quoniam fides occulte sive manifeste ipse est, (ut Apostolus ait) Salvator omnium hominum maxime fidelium. Quia sententia subtilissima brevitas & validissimi roboris, si tranquillo consideretur intuitu, totam hanc de qua agimus controversiam dirigit, dicendo enim, qui est Salvator omnium hominum, confirmavit bonitatem Dei super universos homines esse generalem; adjiciens autem, maxime fidelium, ostendit esse partem generis humani, qua merito fidei divinitus inspirata ad humanam atque eternam salutem specialibus beneficiis provebatur.*

Tom. IV.

Dixerat cap. 28. *Fis manifestum quod diversis atque innumeris modis omnes homines vult Deus salvos fieri, & in agnitionem veritatis venire; sed qui veniunt Dei auxilio diriguntur, qui non veniunt sua pertinacia reluctantur.*

Ex quibus manifeste sequitur, inquit Pater Dechamps lib. 3. de hæresi Janſeniana disput. 8. cap. 11. infideles tenuissimo saltem gratiæ sufficientis rore aspersi, cujus beneficio majora in dies gratiæ auxilia impetere, atque adeo paulatim & certis quibusdam gradibus ad salutem pervenire possunt. Quia & profert ibidem auctoritatem S. Augustini qui cum Manicheis disputans, lumen gratiæ cum Solis luce similiter comparat: *Solis istius lumen, inquit S. Doctor non illuminat omnem hominem, sed corpus hominis & mortales oculos, in quibus nos vincunt aquilærum oculi, qui Solem istum multo melius quam nos dicuntur aspicere. Illud autem lumen non irrationabilium animalium oculos patiens, sed pura corda eorum qui Deo credunt, & ab amore infibilibium rerum & temporalium se ad ejus præcepta servanda convertunt. Quod omnes homines possunt, si velint, quia illud lumen omnem hominem illuminat venientem in hunc mundum. Quæ verba, inquit, rem plane conficiunt; ait enim S. Augustinus omnes posse mandata servare, si velint, quia nempe omnes gratiam accipiunt, quæ id volendi potestatem conferat.*

Addit ille testimonium Pauli Orosii Hispani Presbyteri, qui in Africam evasit, ut S. Augustinum adiret, & adversus Pelagium scripserit in Apologico de arbitrii libertate, ubi mentem suam sic exponit: *Mea semper hæc est fidelis atque indubitata sententia Deum adiutorium suum, non solum in corpore suo quod est Ecclesia, cui specialia ob credentium fidem gratia sua dona largitur, verum etiam universis in hoc mundo gentibus longanimitate suam munim-*

A a

que

que clementiam subministrare, non, ut in assertis cum discipulo tuo Celestio, cui jam apud Africanam Synodum occulta illis impiorum dogmatum natura confusa est in solo naturali bono; & in libero arbitrio generaliter universos unam gratiam contributam sed speciatim quotidie per tempora, per dies, per momenta, per atomas & cunctis & singulis ministrare. Sed ne quis id colligeret gratiam singulis momentis conferri, mentem suam paulo post explicat, evidentiissime, inquit, declaratum est nemini hominum fuisse Dei adiutorium, praesentem cum & seduliter insistas, & insit infirmitas. Igitur ipsis quoque infidelibus tum ad peccata vitanda, tum ad salutem certis gradibus promovendam necessaria gratiae divinae auxilia conceduntur.

Nonnulli ex adversariis alia obijciunt S. Augustini testimonia, puta quod in Commentario ad Psalm. 45. in illud, *Deus in medio ejus, non commovebitur*, ait: *Quid ergo est Deus in medio ejus, hoc significat, quod aquas est omnibus Deus & personas non accipit; quomodo enim illud quod in medio est, paria habet spatia ad omnes fines, ita Deus medius esse dicitur, aequaliter consulens*. Item quod scribit lib. de natura & grat. cap. 18. his verbis: *Hinc iam hominibus de ipsius ignorantia difficultatibusque in proleto primi hominis trojabitis viriis atque veluti transfusus justitiam querelam deponentibus ita responsum est, Quibus breviter responderetur, ut quiescant & adversus Deum murmure desistant; nescio enim fortasse quaeratur, si evanescit libidinis nullus hominum victor existeret. Cum vero ubique sit praesens qui multis modis per creaturam sibi Dominum ferventem, aversum vocet, docet credendum, consolatur sperantem, diligenter adhibetur, consentem adjuvet, exaudiat deprecantem, non tibi deputatur ad culpam quod invitus ignoras, sed quod negligis quaerere quod ignoras, nos illud*

quod vulnerata membra non colligis, sed quod volentem sanare contemnis.

Item ajunt eandem doctrinam tradi vulgo ab aliis multis sanctis Patribus, sic sanctus Irenaeus lib. 4. cap. 71. *Consilium quidem bonum Deus dat omnibus*. S. Hilarius lib. 1. de Trinitate ait, *Esse filios Dei non necessitatem esse sed potestatem, quia proposito universis Dei manere, non natura gignentium asseratur*. S. Clemens Alexand. orat. parentica ad gentes, *Audite qui estis longe, audite qui estis prope, nullis relatum est Verbum, lax est communis, omnibus illucescit hominibus*. S. Chrysostomus homil. 7. in Joan. *Christus quantum in ipso est, illuminat omnem hominem venientem in hunc mundum*, S. Paulinus Epist. 1. ad Aprum ait, *Deum, quantum in se est, hominem salvare*.

Igitur omnibus & singulis hominibus, adeoque & ipsis infidelibus dantur auxilia gratiae sufficientia.

Respondent nonnulli ex illo Scripturae effato, *Deus vult omnes salvos fieri*, nequaquam inferri posse Deum omnibus & singulis hominibus vel etiam infidelibus gratiam sufficientem largiri, quia videlicet de omnibus univere hominibus, nullo excepto, non debet intelligi, sed cum aliqua restrictione, quemadmodum illud idem exposuit sanctus Augustinus vel per accommodatam distributionem de singulis generibus, non de singulis generum, libro nempe de corrept. & gratia c. 14. vel ita ut Deus dicatur omnes homines velle salvos fieri, omnes nimirum qui salvantur, non autem omnes omnino qui existunt, in Enchiridio cap. 103. quales interpretationes sequuntur plerique alii Patres, S. Prosper in Epist. ad Rufinum. S. Fulgentius libro citato de Incarnatione & gratia cap. 31. Africani Episcopi in Sardinia exules sua in Synodica, alique quorum loca referemus infra, cum de voluntate Dei

Dei salvandi omnes homines tractabimus.

Quoniam vero stare volumus certum & inconcussum quod loco mox designato probabimus, veram & sinceram esse voluntatem in Deo salvandi omnes homines, huic præfata responsioni non adharebimus, sed respondemus non idcirco dari gratiam sufficientem infidelibus, quod Deus vult voluntate scilicet antecedenti illos salvos fieri. Scilicet ex voluntate generali & antecedenti salvandi omnes homines non sequitur Deum ipsis singulis dare ejusmodi auxilium gratiæ sufficiens internum supernaturale, cujus veritatis probationem habemus omni exceptione majorem & absolute loquendo peremptoriam; constat nimirum non obstante illa generali voluntate Dei salvandi omnes & singulos homines, nullum dari auxilium gratiæ sufficientis internum applicatum infantibus sine baptismo decedentibus, quod unicum exemplum sufficit, ut inferamus ex illa præcise voluntate antecedenti, quam ultro admittimus in Deo, non sequi Deum dare infidelibus ejusmodi gratiam sufficientem.

Neque est quod dicatur multum esse discriminis inter infideles & infantes, nec ullo præcepto tenentur, nec peccata committere possunt, quo fit ut gratia sufficiens ipsis necessaria non sit vel ad observanda mandata, vel ad superandas tentationes; adulti vero servare mandata & peccata vitare tenentur.

Nam 1. huic objectioni quæ petitur ex necessitate gratiæ sufficientis, ut infideles culpam possint quod non servaverint mandata, quod peccata non vitaverint, quod demum occurrentibus inordinatis tentationibus non resistierint, huic, inquam, objectioni quæ diversa est ab ista quæ ex voluntate generali salvandi omnes homines depromunt, mox sumus facturi satis.

2. Et responderi potest quod olim S. Augustinus in simili prope casu; scilicet, cum ad probandum gratiam dari a Deo pro voluntate & beneficio, cui vult & sine ullo merito ex parte hominum, non semel usus fuisset sanctus Doctor exemplo parvulorum, quos inter unus assumitur, alter relinquatur, illud exemplum ferre non poterunt Massilienses, teste Hilario suo in Epist. Parvulorum autem causam ad exemplum majorum non patiuntur adferri. Non aliam profecto causam, quam quia dicebant rationem esse multum diversam adultorum & parvulorum, quatenus parvuli nullos possunt elicere actus quibus gratiam petant vel respuant, quos actus elicere possunt adulti: huic argumentum quid respondet S. Augustinus?

Audiendus est libro de dono perseverantiæ cap. 11. Cur autem, inquit, causam parvulorum ad exemplum majorum, sicut scribitis, non patiuntur adferri, homines qui contra Pelagianos non dubitant esse peccatum originale, quod parvulum hominem intravit in mundum ex quo omnes esse in condemnationem? Sic pariter & nos dicimus, cur causam parvulorum in ista controversia a nobis adferri in exemplum ægre patiuntur adversarii. Eadem est certe & communis causa infidelium & parvulorum in præsentī negotio, Deus enim utroque voluit salvare vera & sincera voluntate; quemadmodum tamen nullum dedit auxilium gratiæ actualiter impenitum & applicatum infantibus non suscepto baptismo morientibus, quos tamen voluit salvos fieri, ita merito dicitur Deum voluisse vera & sincera voluntate salvari infidelium qui de Christo nihil unquam audiverunt, tametsi affirmetur illos nullam habere gratiam sufficientem. Immo, ut ait Thomas de Lemois insignis Thomista lib. 4. p. 2. tract. 3. cap. 15. In majoribus plus impedimenti est respectu gratiæ danda quam in parvulis, ut majori cum

iustitia eis omnem suam gratiam Deus possit denegare, cum ipsi graviora & plura peccata habeant actualia, quam parvuli qui nullum actuale commiserunt.

Neque vero dici propterea debet illam generalem Dei voluntatem salvandi omnes homines esse sterilem, & mere otiosam, quandoquidem nullam gratiam vel etiam sufficientem dat Deus iis quos vult salvare. Hoc, inquam, responderi non potest, quia contendimus, consequenter ad illam voluntatem qua Deus vult omnes homines salvos fieri, Deum quantum in ipso est, præparasse media ad salutem hominum conducentia, præcepit enim ex sincero voluntatis suæ beneplacito, ut prædicaretur Evangelium per omnem terram, tum vero ut Baptismus omnibus & singulis administraretur: *Ite, docete gentes, baptizantes eos in nomine Patris, &c.* Ita ut, si hæc ita non fiant, sinque innumeri infideles qui de Christo ejulque Baptismo nihil unquam audierunt, non in culpam Dei sed hominum refundi debeat.

Responderi etiam posset eo sensu a Deo vocatos fuisse omnes infideles, quod Deus ipsis lumen rationis indidit, quo, mediis creaturis, ad bonum agendum incitarentur, adeo ut si male agant, ex illorum culpa sit, non ex defectu vocationis qua generaliter Deus omnes in universum vocat, quæ solutio est Prosperi aut alterius lib. 1. de vocat. gent. cap. 5. ubi sic habet: *Quamvis hæc & multa similia, veritatis Scriptura pronunciet, secundum ipsam tamen credimus, & piissime confitemur, quod nunquam universitati hominum divina Providentia sua defuerit, quæ licet exceptum sibi populum specialibus ad pietatem direxerit institutis, nulli tamen nationi hominum bonitatis suæ bona subtrahit, ut propheticas voces & præcepta legalia convincerentur in elementorum obsequiis ac testimoniis accepisse.* Ubi ait per elementa, hoc est per creaturas, ad Deum dirigi gentes, qui populum

suum specialibus donavit institutis, quos sensu curam habet generalem omnium.

Cæterum aperto falso est quod in ista objectione proferunt adversarii, ex generali voluntate Dei salvandi omnes homines, tum ex Christi morte colligere sanctos Patres gratiam sufficientem in omnes & singulos fuisse diffusam, si nempe id intelligatur de gratia interna supernaturali, idque extendatur ad omnes & singulos homines, vel etiam infideles; uti facile constabit singula eorum loca paucis examinando.

Quid etenim v. g. inferri potest ex S. Ambrosii verbis? Certe hoc unum affirmat S. Doctor Deum illuminare mentes singulorum; at vel illud intelligitur de lumine naturali, vel de lumine gratiæ & fidei quod supernaturale est; si loquatur Ambrosius de lumine rationis, fateatur illud nemini non fuisse concessum, adeo ut nemo ignorantiam Dei & generalipm bene vivendi præceptorum præendere merito queat; sed non inde sequitur, singulis infidelibus dari gratiam sufficientem. Si sermo esset de lumine fidei, propositio S. Ambrosii foret manifeste falsa, neque enim omnes & singuli infideles lumen fidei divinæ revera acceperunt.

Quod autem dicit Christum, qui Sol iustitiæ est, omnibus ostium, omnibus passum, omnibus venisse, profecto hæc locutiones generales secundum distributionem accommodatam intelligi debent, uti supra diximus, explicando hunc Apostoli locum: *Deus vult omnes homines salvos fieri.*

Idem respondendum est testimonio auctoris operis de vocatione gentium; nec plus virum habent quæ obijciuntur tum ex S. Augustino, tum ex Paulo Orosio.

Quod idem S. August. in Psal. 45. dicit Deum in medio omnium equaliter illis consulere sine acceptione personarum, profecto intelligit de naturali providentia quæ omnium curam habet.

Deus.

Deus, ut verba ipsa demonstrant. Simillimum est quod objicitur ex libro de natura & gratia, ibi enim non agit S. August. de auxilio interno gratiæ, quod Deus omnibus & singulis tribuat, quando nempe ait Deum ubique præsentem per creaturam sibi servientem *aversum vocare*. Sed sensus est Deum per prædicationem Evangelii vel per exhortationes & consilia vocare, docere, consolari. Certe si sermo esset de interno gratiæ auxilio, diceret Deum per seipsum, per suas inspirationes vocare per creaturam sibi servientem. Quibus adde evidentissimum esse S. Augult. non de omnibus omnino hominibus verba facere, sed de solis fidelibus qui credunt, sperant, diligunt.

Denique quod objicitur ex aliis Patribus, Irenæo, Clemente, Hilario, Chrysostomo & Paulino, nequaquam huic nostræ doctrinæ officit; quando eam dicunt Deum illuminare omnem hominem, vel loquantur de lumine rationis quod omnibus & singulis hominibus commune est, vel loquantur de lumine fidei; & sensus est hoc supernaturale lumen fuisse omnibus destinatum voluntate Dei antecedente, in quantum Deus, prout in ipso est, voluit omnes illuminari; aut. dicendum tandem ejusmodi propositiones universales secundum distributionem accommodatam accipiendas ad sensum superius expositum.

Objicies autoritatem Concilii Lateranensis magni hæc dicentis cap. firmiter num. 1. *Et si post suspensionem baptismi quisquam prolapsus fuerit in peccatum, per veram poenitentiam semper potest reparari*. Quæ propositio manifeste falsa esset, nisi singulis peccatoribus, atque etiam infidelibus daretur gratia sufficiens, tum ad fidem suscipiendam, tum ad superandas tentationes, cum denique ad servanda Dei mandata.

Respondeo hujus assertionis sensum esse, nullum dari momentum temporis

in quo peccatores quibuscunque peccatis obstricti, non possint converti ad Deum & per poenitentiam reparari, quia nihil est impossibile Deo, & quia nullum est peccatum absolute irremissibile. Sed profecto sensus non est Deum semper & cuilibet peccatori dare quoddam auxilium internum supernaturale; nemo quippe, etiam inter eos qui existimant gratiam sufficientem dari omnibus & singulis hominibus seu infidelibus, seu induratis, seu justis, dixit unquam ejusmodi gratiam dari *semper*, hoc est quolibet instanti.

Igitur æquivocatio est in ista propositione, *peccator semper potest converti*, vel enim intelligitur eo sensu quod converti possit per auxilium gratiæ sufficiens, quæ in ipso homine sit, eique conferat potentiam proximam suæ conversionis; vel intelligitur eo sensu quod potest Deus quolibet instanti dare huic peccatori auxilium sufficiens, quo per poenitentiam reparatur. Porro nihil omnino officit huic nostræ sententiæ, quod posteriori sensu intelligatur propositio Patrum Lateranensium, fatemur enim quoslibet peccatores per poenitentiam resurgere posse: sed priori sensu dubio procul id non asserunt, quia quolibet instanti non datur gratia sufficiens, vel etiam fatentibus adversariis.

Quibus adde hoc Concilii decretum ad infideles non spectare, sed ad solos peccatores baptizatos, quos definiunt reparari posse per poenitentiam.

Objicies: Concilium Senonense in decreto 15. postquam gratiæ sufficientis necessitatem asseruit, statim addit: *Nec tamen tanta gratiæ necessitas libero præjudicat arbitrio, cum illa semper sit in promptu, nec momentum quidem prætereat in quo Deus non sit ad ostium & pulvis, cui si quis aperuerit januam intrabit ad illum, & cenabit cum illis*. Existimat igitur hoc Concilium gratiam sufficientem dari omnibus & in quolibet.

bet instanti, unde sequitur & ipsos infideles tali gratia non carere.

Respondeo literaliter & strictè non esse accipienda hæc Concilii verba, quia ex illis nimis probaretur, nimirum ne unum quidem præterire momentum in quo Deus non conferat gratiam sufficientem, quod nec ipsi persequuntur adversarii. Quamobrem ibi dicitur Deus quolibet temporis momento pulsare & stare ad ostium, eo sensu quod crebro pulsat, vel pulsat semper, aut per auxilium internum supernaturale, aut per externum, aut denique per internum lumen naturale.

Obijcies auctoritatem Concilii Trid. Sessione sexta cap. 5. ubi dicitur: *Exordium justificationis sumendum a Dei per Christum Jesum gratia præveniente, quam nullis eorum existentibus meritis vocatur, ut qui per peccata a Deo averti erant, per ejus excitantem & adjuvantem gratiam, disponantur.* Eo loci Patres Tridentini absolute & indefinite pronuntiant omnes adultos gratia præveniente vocari, quod oportet universum de omnibus & singulis adultis explicari, tum quia ibi sermo est de gratia ad salutem necessaria quæ datur per Christum qui pro omnibus mortuus est. Tum id constat ex oratione quam adducunt Patres his verbis, *ut qui per peccata a Deo averti erant, &c.* Id enim spectat omnis omnino peccatores: Igitur existimabant Patres Tridentini gratiam sufficientem dari omnibus adultis, adeoque & infidelibus.

Respondeo id unum colligi posse ex hoc Concilii Trid. testimonio initium justificationis non esse a nobis sine gratia Dei operantibus, quod quidem abunde demonstravimus adversus Semipelagianos, hoc vero gratiæ prævenientis donum omnibus & singulis hominibus, vel etiam infidelibus apud quos nunquam prædicatum fuit Evangelium Christi, a Deo liberaliter dari nemquam pronuntiant Tridentini Patres, ut contextus

hunc legenti manifeste patet. Deinde hoc argumento nimis probaretur, scilicet si supponeretur hanc prævenientem gratiam cunctis dari infidelibus, sequeretur ex illis neminem carere gratia efficaci, gratia enim illa præveniens quæ disponunt homines ad justificationem, quæ illos excitat, adjuvat, vocat, est gratia efficax: certe nullus quem sciam ex adversariis contendit infidelibus dari plerumque gratiam efficacem ad bene agendum, etiam quo tempore nondum ipsi fidem Christi suscepunt.

Quamobrem rationes quæ adducuntur in objectione, probant quidem ibi sermonem esse de omnibus adultis, quia verum est neminem adultum justificari posse, nec disponi ad justificationem sine gratia Dei præveniente, sed non probant talem gratiam dari semper singulis adultis.

Instabis, Patres Tridentini eadem Sessione c. 13. definiunt Deum nemini deesse, *Deus enim, nisi ipsi illius gratia defuerint, sicut capis opus bonum, ita perficiet, apertum velle & perficere.* Quæ propositio, cum sit universalis, de omnibus & consequenter de infidelibus intelligenda est; quæ tamen vera non esset, nisi Deus gratiam salutem sufficientem daret infidelibus, ubi & quando ipsis necessaria est: Igitur.

Respondet assertum esse hanc Concilii doctrinam non spectare infideles, eum ibi agatur solum de justificatis, ut clare demonstrant verba hinc immediate præcedentia: *Similiter de perseverantia munere, de quo scriptum est, qui perseveraverit usque in finem, hic salvus erit, quod quidem aliunde haberi non potest, nisi ab eo qui potens est cum qui stat statuere ut perseveranter stet, & cum qui cadit restituere. Nemo sibi certo aliquid absolute certitudine pollicetur, tametsi in Dei auxilio firmissimam spem collocare, & respondere omnes debent.* Deus enim, &c. nimirum noverant Patres Tridentini de justificatis solum, non.

mon de infidelibus aut de peccatoribus obduratis veram esse hanc sententiam, qui jam Deum deseruerunt, vel per peccatum originale simul & actuale.

Obijcies; Deus impossibilia non jubet, ut late probatum est immediate precedenti dissertatione: sed si Deus denegaret infidelibus gratiam sufficientem, tunc juberet impossibilia; his enim impossibilia sunt praecepta qui non habent auxilium sufficiens ad ea observanda: sed infideles sufficienti gratia & consequenter omni gratia destituti, non haberent auxilium sufficiens ad observanda mandata: ergo.

Nego min. & dico in hac nostra sententia Deum non jubere impossibilia: vel enim sermo est de praeceptis legis naturalis, vel de praeceptis legis divinae: sed neutra ex parte Deus censetur jubere impossibilia infidelibus. Non ex parte quidem praeceptorum legis divinae, quia ut fatentur omnes, praecepta legis divinae non obligant infideles, ignorantia invincibilis illorum praeceptorum infideles, qui de Evangelio nihil audierunt, excusat a peccato. Neque etiam ex parte praeceptorum legis naturalis, siquidem nihil vetat quominus ejusmodi praecepta, quae solo rationis lumine absque fidei & revelationis auxilio norunt, sine ulla pariter gratia seu dono supernaturali adimplere possint. Haec doctrina apertissime legitur apud Apostolum ad Romanos cap. 2. ubi testatur 1. fidem esse primam gratiam: *Virtus enim Dei est*, inquit, *in salutem omnium credenti*; *Judeo primum & Graeco, justitia enim Dei in eo revelatur* *ex fide in fidem*, sicut scriptum est, *justus autem ex fide vivit*. 2. eodem tamen homines interdum puniri, qui non observant immo violant praecepta legis naturalis, quorum quidem unum est illud, Deum autorem naturae esse adorandum: *Revelatur enim*, inquit, *ira Dei de caelo super omnem impietatem & injustitiam eorum hominum qui veri-*

tatem Dei in injustitia detinent, quia quod notum est Dei, manifestum est illis; Deus enim illis manifestavit, invisibilia enim ipsius a creatura mundi per ea quae facta sunt, intellecta conspiciuntur, sempiterna quoque ejus virtus & divinitas, ita ut sint inexcusabiles quia cum cognovissent Deum, sicut Deum non glorificaverunt.

Ex quibus sequitur reos haberi a S. Paulo infideles & barbaros, quod Deum non glorificaverint, tametsi nullam gratiam supernaturalem vel etiam sufficientem haberent, quia nimirum sicut per solum lumen naturale sine fide Deum cognoscebant, ita etiam sine ingrato animo & injustitia non potuerunt ab ejus amore abstinere, quantumvis gratia sufficienti essent destituti; siquidem ad praecepta legis naturalis observanda sufficit ratio naturalis, ut aperte colligitur ex hoc Apostoli testimonio, sufficit lex illa naturalis quae scripta est in cordibus nostris, quae dicit bonum esse faciendum, a malo desiliendum: *Manu formatoris nostri*, inquit S. August. in Psal. 99. *in cordibus nostris Veritas scripta*, *Quod tibi fieri non vis, alteri ne feceris*. Hoc & antequam lex daretur, nemo ignorare permisus est, ut esset unde judicaretur etiam ii quibus lex data non est. Quasi dixisset, ii qui nullam habent gratiam, quia ut ostendimus supra; in mente Sancti Doctoris fides inchoata est prima gratia.

Atque hinc intelligitur quid sit respondendum objectioni quae depromi solet ex hoc alio Theologiae principio; *Nemo peccat in eo quod vitare non potest*. Contendimus enim infideles quando peccant, posse non peccare, quatenus, si sermo sit de praeceptis legis divinae, eorum observatione non obligantur; si de praeceptis naturalibus, ea recte observare possunt, & quidem ex motivo honesto & moraliter bono sine gratia sufficienti, cum solo rationis naturalis dicta-

distamine. Legi potest super ea re quod docet S. August. lib. de duobus animabus contra Manichæos, cap. 13.

Quamquam non diffitear aliquando dari a Deo gratiam iis præsertim infidelibus qui nondum plurima commiserunt peccata & antequam in mala peccandi consuetudine obdurerint: quo posito Deus impossibilia non jubet, nec censetur deesse in necessariis, quandoquidem contingit in pœnam peccati originalis & actualium peccatorum quæ commiserunt, ut priventur gratia sufficiente.

Objici solet testimonium S. Thomæ qui questione 14. de veritate, articulo 11. ad 1. sic loquitur: *Si aliquis nutritus in silvis vel inter bruta animalia ductum rationis naturæ sequeretur, in appetitu boni & fuga mali certissima est credendum, quod ei Deus vel per internam inspirationem revelaret ea quæ sunt ad credendum necessaria, vel aliquem fidei prædicatorem ad eum dirigeret, sicut misit Petrum ad Cornelium.*

Verum, ut dicam quod res est, non video quod ex illo S. Thomæ testimonio in præsidium suæ sententiæ; inferre possint adversarii. Hoc unum enim colligi potest divum Thomam præsumere futurum, ut si quis legem naturalem impleret, Deus ipsi gratiam fidei largiretur; quod certe neutiquam probat infideles habere gratiam sufficientem, immo supponit hic Theologus talem infidelē in silvis nutritum solo rationis ductu bonum facere & a malo declinare, quæ quidem re putat Deum certissime moveri ad fidem Christianam largiendam, sed non dicit illum sequi rationis naturalis ductum gratiæ sufficientis beneficio.

Utrum peccatoribus vel etiam excecatis & obduratis detur gratia sufficiens.

Si sermo sit de peccatoribus nondum induratis, hoc est, qui nonnulla commiserunt peccata etiam gravissima, sed in diuturna peccandi consuetudine, & in illo perversitatis statu non obdurerunt; hæc videtur esse communis Theologorum sententia ejusmodi hominibus sufficientem dari gratiam, tum ad nova peccata vitanda, tum ad priorum scelerum maculas salutari poenitentia abstergendas; unde in hac doctrina pluribus demonstranda diutius non immorabor. Sed quia putant nonnulli partem contrariam tenere S. Augustinus, quædam hujus sancti Doctoris testimonia referre non pigebit, quibus apertum sit ab ista veritate nusquam illum recessisse.

Insigne est quod scribit in Psal. 102. *Quid tam longanimum, inquit, quid tam multum in misericordia, peccatur & vivitur, accidunt peccata, augetur vitæ, blasphematur quotidie, & facis solem suum oriri super bonos & malos. Vocas undique ad poenitentiam, vocas beneficiis creatura, vocas impertiendo tempus vivendi, vocas per lectorem, vocas per tractorem, vocas per intimam cogitationem, vocas per flagellum correctionis, vocas per misericordiam consolationis, longanimitas & multa misericordie, sed observas ne longitudine misericordie Dei male utendo, ut tibi thesaurizes quod ait Apostolus iram in die ira & revelationis iusti judicii Dei.* Ex quibus manifestum est Deum eam largiri peccatoribus gratiam ad poenitendum illis sufficientem, dicitur enim longanimitas & multus in misericordia, dicitur vocare peccatores multis modis & per intimam cogitationem.

In Ps. 63. docet peccatores mutari posse in melius & converti si velint: *Nunquid, inquit, consilii corrigendi &*

mu-

mutanda vita mala in bonam non est locus, non est tempus? Nonne si vis hodie fit? nonne si vis modo fit? quid empturus es ut facias? que emplastrum quaesiturus? ad quos Indes navigaturus? quam navim preparaturus? Ecce cum loquor, muta cor, & factum est quod tam sepe & tam diu clamatur ut fiat, & quod eternam penam parturis, si non fiat.

Hanc porro veram ac germanam fuisse S. Augustini doctrinam confirmatur auctoritate unius ex ejus discipulis, quisquis tandem ille fuerit, loquor de autore operis de vocatione gentium qui hoc idem aperte scribit l. 2. c. 26. his verbis: *Gratia quidem Dei in omnibus justificationibus principaliter praemittitur suadendo exhortationibus, movendo exemplis, terrendo periculis, incutendo miraculis, dando intellectum, inspirando consilium, corque ipsum illuminando, & fidei affectionibus imbuendo. Sed etiam voluntas hominis subjungitur, quae ad hoc praedictum est exercitia praesidius, ut divino in se cooperetur operi, & incipiat exercere ad meritum quod superno semine concepit ad studium, de sua habens mobilitate si deficit; de gratiae opitulatione, si proficit. Quae opitulatio per innumeros modos sive occultis, sive manifestis omnibus adhibetur, & quod a multis refutatur ipsorum est nequitia.*

Id vero & multis Scripturarum testimoniis nititur, Ezechiel. c. 33. *Vivo ego, inquit Deus, nolo mortem impii, sed ut convertatur a via sua & vivat.* 2. Petri 3. cap. *Deus patienter agit propter vos, nolens aliquem perire, sed ad poenitentiam reverti.* Quibus accedunt variae exhortationes quibus Deus passim ad poenitentiam invitat peccatores, quae quidem non viderentur sincere, nisi Deus lapsus peccatoribus daret gratias ad resurgendum a peccato, aliaque vitanda scelera.

Quaestio est igitur de hominibus omnino induratis & excecatis qui per lon-

Tom. IV.

gam peccandi consuetudinem ita sunt in malo obfirmati, ut jam nec de Deo quem offendunt, nec de peccatis ipsis quae committunt, vel per somnium cogitent; & quaeritur utrum omni prorsus gratia sufficienti priventur.

Tres sunt super isto negotio Theologorum sententiae.

Prima est eorum qui docent hominibus excecatis & induratis nullam prorsus dari gratiam sufficientem, tum ad resurgendum a peccato, tum ad nova peccata vitanda.

Secunda e diametro primae opposita eorum est qui contendunt quibuslibet excecatis & induratis, nulla facta exceptione, dari & praesto semper adesse gratiam sufficientem.

Tertia sententia quam ut aliis longe probabiliorē amplectimur, docet induratis & excecatis dari plerumque gratiam sufficientem, extare tamen quosdam induratos vitae tam perditae, ut eos tradat in reprobum senium, & quibus proinde omnem interdum gratiam sufficientem denegat in poenam praecedentium scelerum; quamobrem sit

PRIMA CONCLUSIO.

Omnibus peccatoribus excecatis & induratis Deus non omnem semper gratiam sufficientem denegat, sed etiam ipsis aliquando largitur, ad mentis cecitatem & cordis duritiem depellendam, ac nova subinde vitanda peccata.

Primo, quia ad illos peccatores excecatis & induratos Scripturae interdum dirigunt correptiones, quod in peccato obfirmati mancant, & insuper exhortationes ad mutandam vitae rationem & agendam poenitentiam continent, Actorum cap. 7. *Dura cervicis & incircuncisis cordibus, vos semper Spiritus S. resistitis.* Sed ejusmodi invitationes manifeste supponunt dari a Deo gratiam sufficientem illis peccatoribus, frustra enim ad poenitentiam invitarentur, nisi

Bb

Deus

Deus ipsis largiretur auxilia gratiæ sufficientia.

Secundo id constat ex ipso illorum hominum testimonio; multi enim, cum tandem ad bonam frugem reversi sunt, bona fide declararunt se per multos annos, quandiu & Dei ipsius & legis omnis veluti obliiti vitam agebant peccatissimam, quosdam interdum expertos esse conscientia stimulos, quasdam inspirationes: sed ejusmodi inspirationes, boni conscientia motus & invitationes ad agendam poenitentiam totidem sunt gratia; igitur indurati omnes non omni gratia sufficiente privantur.

Tertio, id insinuare videtur S. Aug. in Psal. 6. his verbis: *Nam ea est, inquit, cecitas mentis, in qua quisque datus fuerit ab interiore Dei luce secluditur, sed nondum penitus cum in hac vita est, sunt enim tenebra exteriores quæ magis ad diem Judicii pertinere intelliguntur, is penitus extra Deum sit, quisquis dum tempus est, corrigi noluert.* Esse autem extra Deum penitus, idem est ac esse in summa cecitate. Et lib. de natura & gratia c. 22. sic loquitur: *Nec cogitas Pelagius, pravaricatorem legis quam digne lux deserat veritatis quæ desertus atque fit cæcus, & plane necesse est ostendas, & cadendo vexetur, vaxatque non surgat, ut ideo tantum audias legis vocem qua admonentur implorare gratiam Salvatoris.* Igitur ex S. August. hoc habent excæcati, ut audiant vocem legis, & moveantur ad implorandam Salvatoris gratiam.

Quæ porro obijci possunt in hanc conclusionem, mpx adducemus in probationem sequentis & ad cujus sensum intelligi debent.

SECUNDA CONCLUSIO.

Sunt tamen quidam peccatores tam insigniter excæcati & indurati, & nullam penitus habere gratiam merito ceñteantur.

Probat 1. ex Scripturis quæ, nisi vis maxima ipsis inferatur, aperte denotant quosdam excæcatos & induratos omni penitus gratia esse destitutos. *Eccles. c. 7. Considera opera Dei, quod nemo possit corrigere quum illo despexeris.* Jeremize 51. *Curavimus Babilonem & non est sanata, derelinquamus eam, & abeamus unusquisque in terram suam.* Ubi sub nomine Babilonis Interpretes solent intelligere peccatores obduratos qui derelinquuntur, quia curari noluerunt & sanari.

Isayæ c. 5. Deus sub nomine vineæ indicans populum, qui se multis beneficiis pridem sibi collatis indignum reddidit, sic loquitur: *Et nunc ostendam vobis quid ego faciam vineæ mee. Auferam sepem ejus, & erit in dirapionem, diruam matoriam ejus, & erit in concultationem, & ponam eam desertam, non putabitur, & non fodietur, & ascendent vapores & spina, & nubibus mandabo ut pluant super eam imbrem.* Hæc omnia si litteraliter accipiantur, per vineam indicatur Judæa quæ a longo tempore deserta est, sine Rege, sine Lege, sine Templo. Sed spiritualiter sumitur vulgo ab Interpretibus pro anima hominum qui divinis inspirationibus resistunt, ut docet S. Hieronymus in hunc locum: *Tollitur, inquit, Dei auxilium ab iis qui indigni sunt, ut quia non senserunt Deum per beneficia, sentiant per supplicia.*

Ira etiam S. Cyrillus in eadem verba, Christo, inquit, nos obmunientia & arcano adminiculo cæu materia tantum nos fingente obvisi & expositi non erimus, nec immundorum spirituum incursionem, nec dirapitionem ferarum agrestium obiecti, nec lusu & deliciis vulgibus... at si Deus nos injuriam facere volentes relinquat, & contra superna nudet & destituat, in omnium malorum discrimen veniemus, & quivis nos ac bona nostra facile invadet. Et rursus, *Es non putabitur, & non fodietur, id est, nulla ei cura*

cura imponitur qua eam possit corrigere & in melius reducere. Hæc supernaturalis cura quæ possit hominem corrigere & in melius reducere, profecto nihil aliud est quam gratia sufficiens, quæ tamen supponit peccatores quandoque destitutos & nudatos.

Item *Isayæ 6. cap. Excæcavi cor populi hujus, & aures ejus aggravavi, & oculos ejus claude, ne forte videat oculis suis & auribus suis audiat, & corde suo intelligat & convertatur, & sanem eum.* Nunquid vero Deus daret gratiam sufficientem, hoc est, bonas & sanctas inspirationes populo, quem dedita opera dicitur excæcavit aut quem excæcari præcepit ne intelligat in corde suo & convertatur? Hoc certe omnino foret illud.

Atque hoc esse intelligendum de vera excæcatione in eo posita quod Deus omnem interdum subtrahat gratiam sufficientem, quæ ejusmodi homines possint credere & convertere se, manifeste patet ex sancto Joanne qui cap. 12. hæc eadem *Isayæ* verba Judæis incredulis, & in sua incredulitate obfirmatis disferre applicat: *Cum autem, inquit, tanta signa fecisset coram eis, non credebant in eum, ut sermo Isayæ Propheta impletur, quem dixit: Domine, quis credidit auditui nostro, & brachium Domini cui revelatum est? Propterea non poterant credere, quia iterum dixit Isayæ, Excæcavi oculos eorum ut non videant oculis & non intelligant corde & convertantur, & sanem eos.* Idem legitur apud sanctum Matthæum cap. 13. ubi de Judæis sic loquitur Christus, *Ideo in parabolis loquor eis, quia videntes non vident, & audientes non audiunt neque intelligunt, & adimpletur in eis prophetia Isayæ, Or. Ex illis locis Judæi nonnulli non poterant credere, igitur non habebant gratiam sufficientem, quæ scilicet dat plenam & proximam agendi potentiam.*

Insigne est quod scribit sanctus Pau-

lus ad Romanos, nam cap. 1. loquens de hominibus vitam turpissimam agentibus, ait, *Propterea tradidit illos Deus in passiones ignominie.* Et postea, *Sicut non probaverunt Deum habere in notitia, tradidit illos Deus in reprobum sensum.* Quod certe fieri non potest, quasi Deus ejusmodi homines compelleret in peccatum, Deus enim intentor malorum est; sed quia Deus postquam eos in multa patientia diu sustinuit, tandem omnem silem subtrahit gratiam, *Indurat enim non imperiando malitiam, sed non imperiando gratiam.*

Capite secundo ejusdem Epistolæ sic loquitur Apostolus, *Au divitiis bonitatis ejus & longanimitatis contemnis? Ignoras quoniam benignitas Dei ad penitentiam te adducit? Secundum autem duritiam tuam & impenitentem cor chesaurizas tibi iram in die ire.* Ubi duo delenduntur status hominis; primus cum divitiis bonitatis divinæ seu gratiæ accipiunt; alter vero cum per duritiam & impenitentem cor sibi thesaurizant iram; in primo gratiam suam Deus largitur; in secundo quoniam Dei patientiam & bonitatem contempserunt, omnino deseruntur per subtractionem cujuscumque gratiæ.

2. Ejusmodi hominum excæcationum & induratorum per subtractionem cujuscumque gratiæ memorabilia exempla nobis subministrant Scripturæ; primum est Pharaonis de quo hæc legitur Exodi 9. cap. *Dixit autem Dominus ad Moysen; Ingredere ad Pharaonem & loquere ad eum. . . . ingravatissimeque est cor Pharaonis, & non auditur eos. . . . nunc enim extendens manus percussimus te, & populum tuum peste, pavibisque de terra. Idecirco autem posui te, ut ostendam in te fortitudinem meam, & narreretur nomen meum in omni terra.* Ex quibus verbis sic ratio-cinatur Apostolus ad Rom. cap. 9. *Igitur non volentis, neque currentis, sed*

miserentis est Dei; dicit enim Scriptura Pharaoni, quia in hoc ipsum excitatus es, ut ostendam in te virtutem meam, & ut annuntietur nomen meum in universa terra; ergo cuius vult miseretur, & quam vult indurat. Ex illo exemplo colligere est veram fuisse Pharaonis indurationem per subtractionem scilicet cuiuscumque gratiae sufficientis, Deus enim dicitur indurasse Pharaonem, ut inde suam ostenderet virtutem, suam fortitudinem, addit Apostolus neminem propterea conqueri posse adversus Deum, *Voluntati enim ejus quis resistit?* Sed Deus non ostenderet potentiam & fortitudinem suam in hoc exemplo, si gratiam solummodo efficacem denegasset Pharaoni, si ipsi concessisset gratiam sufficientem qua posuisset hanc suam depellere indurationem, non concluderet. Apostolus Deum misereri cuius vult, indurare quem vult; igitur Pharaon induratus est per denegationem gratiae sufficientis.

Secundum exemplum commemorari potest de Antiocho, cui legitur 2. Machab. 9. cap. is enim cum superbe dixisset, se venturum Ierosolymam & congeriem sepulchri Iudaorum eam facturum. Deus percussit eum insanabili & invisibili plaga, de eo autem subiicit Auctor facer, *Orabat autem hic seculus Dominum a quo non esset misericordiam consecutus.* Certe indurati qui frustra confugiunt ad Deum, non habent gratiam sufficientem, signum est enim eos non querere Deum ex motivo honesto & supernaturali.

Tertium exemplum adducitur in Epistola ad Hebraeos cap. 12. ubi de Esau sic loquitur Apostolus, *Ne quis fornicator aut profanus ut Esau, qui propter unam escam vendidit primitiva sua, scitote enim quoniam & postea cupiens hereditare benedictionem reprobatus est, non enim invenit penitentiae locum, quanquam cum lacrymis inquisisset eam.* Igitur non habuit gratiam sufficientem,

Probatur 2. ex S. Augustino qui docet multis in locis indurare & excicare apud Deum nihil aliud esse quam nolle misereri & gratiam non dare, gratiam subtrahere, gratiam, inquam, sufficientem: non enim indurantur quotquot sunt quibus gratia efficax deficit; lib. 1. ad Simplicianum quæst. 2. sic definit obdurationem, *Ut obduratio Dei sit nolle misereri.* Et postea, *Ut ob hoc dicatur obdurare peccantes quosdam, quia non eorum miseretur, non quia impellit ut peccent.* Tractatu 53. in Joan. Sic excusat, *sic obdurat Deus deferendo, & non adjuvando, quod occulto iudicio facere potest, iniquo non potest.* Et iterum ibid. *Abis ut sis iniquitas apud Deum, sive quando non adjuvas, iuste facis.* Ubi objectionem preoccupat sanctus Doctor quæ statim obvia est, ex eo quod docet Deum indurare & excicare deferendo; sed non potest cum aliqua veri specie proponi talis obiectio, nisi supponatur Deum deferere per subtractionem cuiuscumque auxilii etiam sufficientis, aut ipse statim respondisset sic Deum deferendo indurare, ut gratiam tamen sufficientem vel induratisimis peccatoribus conferat, sed huic objectioni reponit sanctus Doctor, hoc Deum occulto iudicio facere, consentaneæ ad Apostolum qui docet in simili calu Deum misereri cuius vult, & indurare quem vult; igitur existimabat sanctus Augustinus excritos & induratos sufficienti gratia interdum privatos esse.

Id insuper clarius, si fieri potest, scribit in Epistola 194. *Deus, inquit, obdurat non impertiendo malitiam, sed non impertiendo gratiam.* Et in Pl. 147. *Ecce deseris peccatorem, ecce non vocas, ecce non aperis sensum, ecce non infundis gratiam.* Quod certe non nisi absolute diceret, si gratiam sufficientem dari peccatoribus induratis existimasset.

Sunt & alia prope innumera loca apud eundem Augustinum in quibus testis.

restatur, ita quandoque deferri excecavos & induratos, ut non possint cernere quod bonum est, & facere quod faciendum, quæ certe impotentia gratiæ sufficientis defectum arguit, quomodo ex iis locis in quibus homo dicitur posse bonum velle & facere, inferimus illum gratiæ quadam sufficiente esse adjuvatum, lib. de perfectione iustitiæ cap. 19. *Quasi non debeat Deo agere gratias, quia præcepta voluit qui desertus omni lumine veritatis, hæc velle non potest.* Quæst. 14. in Math. Cogimur sateri aliis quibusdam peccatis ita eos excecatis meruisse, quia tamen excecatione non poterunt credere. Et paulo post, credere non poterant, lib. 17. de Civitate Dei cap. 19. *Quid ergo mirum si hæc manifesta non vident, quorum oculi sunt obscurati ne videant; quid mirum, si celestia non suscipiunt, qui ut in terrena sint prout, dorsum eorum semper incurvum est?*

Denique ait passim cecitatem cordis poenam esse peccati quæ ex divino pendet iudicio, & similis est cecitati corporis quæ sit amota omni videndi potestate, lib. 1. operis imperfecti contra Julianum, num. 47. *Eandemque cecitas, inquit, si peccati poena non esset, non diceretur, excecavit enim illos malitia illorum. Quod si Dei iudicio non veniret, non legeremus, obscurarentur oculi eorum ne videant, & dorsum eorum semper incurva: quis porro volens cæcus est corde, cum velis nemo cæcus esse vel corpore?* Lib. 5. contra Julianum cap. 3. *Cecitas cordis quam solus removet illuminator Deus, & peccatum est, quo in Deum non credimus, & poena peccati qua cor superbum digna animadversione puniatur, & causa peccati, cum mali aliquid cæci cordis errore committitur.* Ex quibus perspicuum maxime est induratos esse quosdam homines, quibus omnem gratiam denegat Deus.

Huic vero nostræ sententiæ favet aperte ipsum testimonium ejusmodi ho-

minum scelestissimorum, cum beneficiæ gratiæ tandem respicerunt, bona fide profitentur se per multos annos nullas sentisse pia desideria, nullas bonas cogitationes quibus excitarentur ad conversionem, inde sequitur consequenter eos nullam habuisse per illud tempus gratiam sufficientem, qua hanc suam depellere possent indurationem.

Objicies: ea sententia non debet admitti, quæ conciliari non potest cum istis fundatissimis Ecclesiæ dogmatibus, Deus vult homines salvos fieri, Deus non vult mortem peccatoris, sed magis ut convertatur; Deus non vult aliquos perire, sed omnes ad poenitentiam reverti: Christus pro omnibus hominibus mortuus est, &c. Sed ista sententia quæ docet peccatoribus induratis non dari gratiam sufficientem, qua suam depellere possint indurationem & alia nova vitare peccata, conciliari nequitiam potest cum præfatis Ecclesiæ dogmatibus; si enim Deus vult sincere peccatores induratos salvos fieri, debet saltem iis conferre gratiam sufficientem, qua possint, si velint, poenitentiam agere: igitur.

Nego min. & dico certum & inconcussum manere istud Ecclesiæ dogma, quod nempe Deus velit omnes homines salvos fieri, in sententia illorum Theologorum qui docent peccatoribus excecatis & induratis gratiam sufficientem aliquando denegari, quia videlicet ex illa voluntate generali & antecedente, qua Deus vult omnes homines salvos fieri, non sequitur Deum dare peccatoribus excecatis & induratis semper & quolibet vitæ suæ instanti gratias sufficientes ut resurgant a peccato; satis est si pluries & multis repetitis vicibus eos vocaverit ad poenitentiam, invitaverit, fatentibus etiam adversariis. Certe postquam Deus per multos annos non defuit illis hominibus, postquam multis variisque modis gratiæ motus & inspirationes contem-

plerant, quamquam postea in malitia obdurerint, eosque in reprobum sensum tradiderit Deus; tamen merito hæc verba ad ipsos dirigere potest, *Itaque 5. Quid est quod debui ultra facere & non feci?* Proverb. 1. *Vocavi & non fuistis, extendi manum meam, & non fuit qui aspiceret: despexistis omne consilium meum, & increpationes meas neglexistis; ego autem in interitu vestro ridebo & subsannabo.* Actorum 7. *Dura cervix & incircuncis cordibus & auribus, vos semper Spiritui sancto resistitis.* Vocavit enim sæpissime obdurateos, ex quo etiam scelera committunt, habuerunt identidem gratias sufficientes, pia desideria, pias respiscendi cogitationes; sed quia centies & millies consilium Dei desperaverunt, quia increpationes neglexerunt, & in diurna peccandi consuetudine obdurerunt; Deus tandem tradidit illos in reprobum sensum, per subtractionem scilicet gratiæ illius quem rejecerunt, & ita plerumque iis denegatur gratia sufficiens, quod certe huic dogmati, quo Deus dicitur velle omnes homines salvos fieri, neutiquam præjudicat.

Objicies: excitati & indurati tenentur mandata Dei observare: atqui nisi supponantur habere gratiam sufficientem, hoc ipso non tenentur illa observare, nemo enim tenetur ad impossibile, Deus nemini præcipit impossibile: sed sine auxilio gratiæ sufficientis impossibile foret induratis adimplere præcepta; quemadmodum propter eandem causam non possent graves que occurrunt identidem tentationes superare, nec nova vitare peccata: igitur exccatis & induratis Deus non denegat gratiam sufficientem, saltem pro eo instanti quo urget præceptum, & vincenda est aliqua tentatio.

Nego min. & ad probationem dist. maj. nemo tenetur ad impossibile sine illius culpa, C. si ex illius culpa sit impossibile, N. Porro ex culpa est ob-

duratorum & excrccatorum, quod præcepta tandem sint ipsis impossibilia; juste enim & in poenam præcedentium peccatorum eo privantur auxilio gratiæ qua potuissent illa observare & occurrentes superare tentationes ut expresse docet, S. Thomas 2. 2. qu. 2. art. 5. ad primum, uti & lib. 3. contra gentes cap. 160. his verbis: *Quamvis autem illi qui in peccato sunt, vitare non possint per propriam potestatem, quin impedimentum gratiæ præsent, vel ponant, ut ostensum est, nisi auxilio gratiæ præveniantur, nihilominus tamen hoc ei imputatur ad culpam, quia hic defectus ex culpa præcedente in eis relinquitur.* Sicut ebrius ab homicidio non excusatur quod per ebrietatem committit, quam sua culpa incurrit. Ubi manifestum est S. Thomam loqui de peccatore cui nulla relinquitur gratia sufficiens, qua possit non præstare impedimentum gratiæ, & tamen docet hoc ei ad culpam imputari quod in peccatum cadat, quia nimirum ex priori sua culpa illam impotentiam incurrit; quod quidem exemplo de ebrio committente homicidium probat.

Insigne est ac memorabile quod ad præsentem difficultatem solvendam scribit sanctus Augustinus, nimirum ait ejusmodi induratos, quos divina gratia spoliatos testatur Scriptura, merito tamen posse redargui, uti revera Deus jubendo, minando, increpando eos percellit, quæstione 50. super Deuteronom. *Quod vero dicit, & non dedit Dominus Deus vobis, nullo modo inopans & arguens hoc diceret, nisi ad eorum quoque culpam pertinere intelligi vellet, ne quisquam se ex hoc excusabilem putet. Simul enim ostendit sine adjutorio Domini Dei eos intelligere obedire non posse oculis cordis & auribus cordis, & tamen si adjutorium Dei dedit, non ideo excusabile hominis vitium, quoniam judicium Dei quamvis occulte, tamen iusta sunt.*

Præterire hic loco non possumus quod scribit S. Doctor lib. de corrept. & grat. ubi nonnulli sic argumentantes inducuntur: *Præcipiant tantummodo nobis quid facere debeamus, quia nobis præstant, & ut faciamus orent pro nobis, non autem nos corripiant & arguant, si nos fecerimus* recte autem corripere, si cum mea culpa non haberem, hoc est, si eam possem mihi dare, vel sumere ipsa nec facerem, vel si dante illo accipere noluissem, cum ergo & ipsa voluntas a Domino præparatur, aut me corripit, quia vides me ejus præcepta facere nolle. Ex quibus patet illos homines quando peccabant, suæ excusationis rationes reddere, quod non acceptarent gratiam per quam peccata vitarent, & mandata custodirent.

Huius argumento respondet S. Augustinus aliter ratiocinandum esse de primo homine qui peccavit quando primum lapsus est, qui non potest dicere, Non accepi gratiam, quia acceptam gratiam Dei suo in malum libero amisit arbitrio; aliter vero de illis qui in peccato sunt vel originali vel actuali: *Si autem hoc adiutorium, inquit, vel Angelo vel homini, cum primum facti sunt, defuisset, quoniam non talis natura facta erat, ut sine divino adiutorio posset manere, si nolles, non utique sua culpa defuisset, sine quo perseverare non possent.* Nunc autem quibus defuit tale adiutorium, jam pena peccati est, quibus autem datur, non secundum debitum. Igitur, quemadmodum si Adam non habuisset gratiam ad perseverandum, non peccasset, quia ex priori culpa ei non fuisset denegata talis gratia; ita quibus modo in penam præcedentis peccati negatur, sua culpa cadunt, propterea quod ex priorum culpa gratiæ auxilio destituuntur.

Nec est quod dicatur ex his S. Augustini verbis sequi vera denegationem gratiæ nunc quibus denegatur, penam peccati esse, non autem id

quod sit ab homine qualibet gratia destituito peccatum esse. Namque ex serie contextus toto hoc in libro loquitur sanctus Doctor in ordine ad imputationem peccati, agitur enim utrum peccent & corripi debeant, qui carent gratia quando agunt.

Verum illa non modo penam esse peccati, sed & peccatum simul, aperte declarat S. Augustinus lib. 1. retractat. cap. 15. his verbis: *Qui vero, inquit, cogenti cupiditati bona voluntate resistere non potest, & ideo facit contra præcepta iustitia, jam hoc peccatum est, ut sit & pena peccati.* Ubi expresse docet in eo qui tentationi resistere non potest, peccatum esse, tametsi impotentia illa pena sit peccati.

Opponunt quidem nonnulli hanc doctrinam, qua dicimus peccatores excusatos peccare cum agunt contra præcepta, tametsi careant gratia efficaci in penam præcedentium scelorum, retractatam in eodem libro retract. c. 10. ubi sic loquitur, *Verum est enim omnes homines hoc posse; id est, divina implere, & ad id se posse convertere si velint, sed præparatur voluntas a Domino, & tantum augetur munere charitatis ut possint.*

Sed ex illo testimonio nihil inferri potest adversus nostram sententiam, ibi enim explicat solum S. Augustinus, quod dixerat lib. 2. de Genesi contra Manichæos, omnes homines, si velint, posse se convertere ad divina mandata implenda; id posse, inquam, per gratiæ auxilium, ne existimarent Pelagiani id dictum fuisse, quasi id possint solis naturæ viribus, sed ibi non dicit sanctus Doctor ejusmodi gratiæ auxilium omnibus dari etiam viris perditissimis; adeoque hanc doctrinam ubique passim in suis libris contra Pelagianos traditam non retractat.

Quamobrem illulorix non sunt Dei vocaciones, admonitiones, increpaciones quas peccatoribus obduratis tam frequenter objicit Deus in Scripturis vel per seip-

seipsum vel per Prophetas, millies enim gratiam suam tribuit illis hominibus, qua possent ejus vocem audire, præcepta servare, tentationes vincere, nova vitare peccata, qui tamen pervicaciter in rebellis obstinate persistunt, culpa ipsorum est quod, cum in suscepta semel peccandi consuetudine permanentes, ad bonam frugem reverti noluerint, admonitiones & correptiones suo cauant effectu.

Ergo, inquires, Deus absolute loquendo deserit illos peccatores, quibus videlicet omnem data occasione & in calu necessitatis denegat gratiam; absurdum consequens; hoc enim essatur, *Deus neminem deserit nisi prius deseratur*, ab omnibus receptum est: ergo & antepedens.

Respondeo huic nostræ sententiæ plurimum & asperse favere hoc essatum, *Deus neminem deserit nisi deseratur*, quod habetur in Concilio Tridentino sess. 6. cap. 11. & ex divo Augustino desumptum est, hinc enim sequitur iustos quidem, ut antea probavimus, gratia sufficiente non carere qua ipsis possibilia fiant mandata, quia cum sint iusti Deum non deseruerunt, sed quod spectat peccatores obduratos, sequitur immo eos a Deo iuste posse deseri, ipsi enim Deum deseruerunt; qui cum affirmant Deum neminem deserere nisi prius ab eis deseratur, censent consequenter Deum posse deserere eos a quibus fuit prius desertus.

Instabis: si Deus hoc pacto plecteret peccatores induratos, nimirum si in culpam ipsis imputaretur quod volutum fuit in præcedentibus peccatis, quamvis pro tempore præsentis vitari non possit, sequeretur infidelitatem negativam imputari debere ut peccatum; hæc enim ex peccato saltem originali proficiscitur: atqui tamen infidelitas negativa, in his nempe qui nihil penitus de fide audierunt, poena quidem peccati est, sed non est peccatum, ut vulgo docent Theo-

logi propter istud Christi Domini dictum, *Si non venissem & locutus eis fuissim, peccatum non haberent*. Ergo.

Nego aut. & paritatem, ratio disparitatis est, quia infideles negativa infidelitate laborantes ignorant invincibiliter legem Christi & ejus mandata, si des enim ex auditu; de Christo autem nihil quicquam audiverunt: at ignorantia invincibilis excusat a peccato, ut fuisse ostendimus in Tractatu de actibus humanis, efficit quippe ut actio non sit voluntaria, quia lex non est cognita; sed quæ committuntur a peccatoribus excæcatis & induratis in circumstantia superius exposita, hoc est, quando ipsi decit gratia sufficiens, Deo illis desiciente in poenam præcedentium scelerum, certe ejusmodi crimina quæ perpetrant, sunt ipsis maxime voluntaria & libera, vel in seipsis vel in sua causa, nempe in præcedentibus peccatis quæ libere & gratiæ divini tunc ipsis datæ resistendo, commiserunt: qui cognita non facis, non excusatur sed peccat, inquit S. Augustinus lib. de corrept. & gratia cap. 6.

Quamobrem illud solummodo ut peccatum imputari dicimus quod volutum fuit in peccato actuali, non autem quod volutum fuit in originali: sed infidelitas negativa vobis non fuit in peccato præcedente actuali, peccata vero obduratorum voluta fuerunt in præcedentibus peccatis actualibus, ut per se patet: igitur maxima est disparitas inter peccata obduratorum, & infidelitatem negativam.

Hæc postrema ratio sumitur ex divo Thoma, qui 2. 2. q. 10. art. 10. sic loquitur de infidelitate: *Si autem accipiamur, inquit, secundum negationem puram, sicut in illis qui nihil audierunt de fide, non habet rationem peccati, sed magis poena, quia talis ignorantia divinum ex peccato primi parentis consecuta est*.

Instabis iterum: ex principio supra posito sequeretur etiam peccata, quæ infans

fanus vel amens committit in amentia causata ex sua priori culpa, homini ad culpam merito imputari, quod tamen videtur absurdum.

Huic objectioni respondet Lemos mirum sibi videri hoc argumentum proponi a nonnullis Thomistis qui scire tenentur sanctum Thomam docere, effectum causam voluntariam subsequenter voluntati imputari debere eo etiam tempore quo in potestate nostra non est, ut de ebrietate aperte dicit loco supra citato; nam, inquit iste Theologus, eadem prorsus ratio est de amentia, quæ in eo solum distat ab ebrietate, quod illa diuturnior sit quam ebrietas.

Respondet 2. dato quod peccata facta in ebrietate vel amentia causata ex priori culpa non imputarentur homini ad novam culpam, sicut nonnullis authoribus placet, nimirum Gabrieli, Almaino, Majori, Castro, Covarruvie Cordubensi, Joanni Azor & aliis recentioribus, nihilominus imputarentur induratis & excæcatis peccata quæ committunt in eo statu, in quo propter præcedentia peccata privantur omni gratia sufficiente. Et ratio est quia in casu ebrietatis vel amentie, postquam semel habita est ex priori culpa, opera quæ sequuntur non sunt libera & voluntaria, sed ea exercent amentes & ebrii velut bruta sine ratione & judicio. Sed qui peccant gratia sufficiente delicti in poenam præcedentium peccatorum, manent semper liberi, & libere peccant; aliud enim est libertas ad peccandum & non peccandum, & hanc habent ejusmodi homines; aliud vero sufficientia ad non peccandum, & hanc ex priori sua culpa libere admissa non habent.

Observat tamen idem Lemos amentiam & ebrietatem non efficere, ut opera quæ sequuntur, sint vere peccata & imputentur ad culpam, nisi quando homo sit amens vel ebrius ex culpa sua, ut colligere est ex S. Thoma 2. 2. q. citata art. 2.

Tom. IV.

Obijcies: si excæcati & indurati carent omni gratia sufficiente, non esset tantopere vituperanda desperatio Judæ proditoris; qui nimirum per substructionem ejusleunque auxilii divini in tantum scelus prolapsus est: sed illa tamen Judæ desperatio omnibus semper visa est execrabilis, nemo illum talis criminis & impoenitentiae finalis reum excusare ausus est: igitur non omni auxilio divinæ gratiæ delictus fuit Judas, adeoque nec alii scelestissimi & indurati homines.

Nego maj. tametsi enim suspicemur quibusdam excæcatis aliquando tandem post multos annos Deum denegare omnem gratiam in poenam peccatorum, non dicimus tamen Judæ proditori defuisse gratiam sufficientem, qua posset hujus desperationis tentationem vincere, id enim non habemus revelatum in Scripturis, immo, ut conjiciunt nonnulli Theologi, magis Scripturæ sacræ consensum est habuisse illum multa gratiæ sufficientis auxilia, cui & mensam suam & honorem Apostolatus contulerat Christus Dominus, quique ad se reversus dixit, *Peccavi tradens sanguinem justum*; hæc enim sancta fuit inspiratio ad agendam poenitentiam. Quod idem dicendum de blasphemia & desperatione Cain, cum etiam non constet eum non habuisse gratiam sufficientem ad resurgendum a peccato. Hinc etiam nemo unquam de salutis sua desperare debet, imo tenetur sperare se cum divinæ gratiæ auxilio vitam æternam consequi posse, quia notum ipsi non est sibi denegari a Deo gratiam sufficientem.

An omnibus & singulis infantibus sufficienter providit Deus de remedio salutis.

Non agitur, ut per se patet, in præsenti controversia de gratia sufficiente sumpta pro actuali motione, Cc ia

in quem sensum huc usque a nobis usurpata est : constat enim ejulcemodi auxilium non dari infantibus . Insuper nemo dubitat quin Deus sufficienter providerit iis infantibus qui revera per baptismum regenerantur : cujus nempe beneficio possunt ad regnum cœlorum pervenire .

Quamobrem examinandum superest, utrum sufficienter a Deo provisum fuerit iis infantibus quibus per baptismum nec succurritur nec succurri potest, quæcumque adhibeatur humana diligentia, quales sunt parvuli qui moriuntur in utero materno : constat enim apud omnes Deum omnibus parvulis in lucem editis, qui sola parentum negligentia privantur baptismo, sufficienter provi- disse media, quæ per accidens duntaxat ipsis non applicantur.

Partem negantem, hoc est, ejulcemodi parvulis in utero materno decedentibus a Deo provisum non fuisse medium sufficiens ad salutem, tenet Vasquez non infirmæ notæ Theologus in 1.º p. disp. 96. ubi nempe hujus suæ sententiæ patronos & defensores laudat Gregorium Arim. in 1. dist. 46. qu. 1. Rich. art. 7. Gabriel. in 4. dist. 4. qu. 2. art. 3. S. Thom. in 4. dist. 6. q. 1. art. 1. Dried. tract. 5. de capt. contra quos sit

CONCLUSIO.

Omnibus & singulis infantibus vel etiam in utero materno decedentibus media ad salutem sufficientia providit Deus, hoc est, non modo baptismum istis infantibus præparavit, sed & quantum in ipso est voluit sincere ut ipsis administraretur.

Et ratio est, quia Deus vera & sincera voluntate vult omnes & singulos homines salvos fieri, etiam post Adami lapsum; nec ulla videtur asserri posse ratio, cur ista sententia terminis universalibus concepta ad solos restringatur adultos : atqui falsum est Deum velle

sincere omnes & singulos homines salvos fieri, nisi providerit sufficienter omnibus & singulis infantibus, & quantum in ipso est, illis præparaverit baptismum, volens sincere ut ipsis administraretur; qui enim vult finem alteri, consequenter ei præparat media ad illum finem obtinendum necessaria, cupiens, quantum in ipso est, ut media illa applicentur: ergo &c.

Ad id porro demonstrandum plura vel ex Scripturis vel ex sanctis Patribus huc atcessere nihil attinet, quæ ammirum sequentibus articulis adducemus: ubi & Deum velle omnes homines salvos fieri, & Christum pro omnibus mortuum, invictè, ut puto, ostensuri sumus.

Omittere vero non possumus quod super illo negotio speciatim scribit autor librorum de vocatione gentium l. 2. c. 23. Cum *quaerimus*, inquit, *quomodo omnes homines salvos fieri veli*, qui non omnibus illud semper impertis, in quo per voluntariam fidem percipienda gratia sint capaces? Non irreligiose arbitror credi, neque inconvenienter intelligi, quod isti paucorum dierum homines ad illam pertineans gratia partem, quæ semper universis est impensa nationibus; quæ utique si bene eorum uterentur parentes, etiam ipsi per eosdem juvarentur; omnium namque exordia parvulorum, totaque illa principia necdum rationalis infansia sub arbitrio jacent voluntatis aliena, nec ullo modo eis nisi per alios consui potest: Et consequens est illos ad eorum pertinere consortium, quorum vel recto vel pavo aguntur affectu; sicut enim ex aliena confessione credunt, ita ex aliena infidelitate aut dissimulatione non credunt.... sicut autem circa majores præter illam generalem gratiam parcius atque occultius omnium hominum corda pulsantem, excellentiore opere, largiore munere, potentiorè virtute vocatio specialis exeritur, ita etiam circa innumeros parvulos eadem manifestatur electio. Ubi ait 1. infantes ad eam

gra-

gratiae partem pertinere quae universis est impensa nationibus. 2. Plerumque in sola parentum culpa esse, quod non baptizentur. 3. pro infantibus ut & pro adultis duplicem admitti debere gratiam generalem nempe & specialem, quae sane voluntatem salvandi parvulos in Deo manifeste denotant.

Obijcies, ejusdemmodi voluntatem pro infantibus esse in Deo negat S. Augustinus, Epistola 194. ubi haec scribit : *Quid dicam de inopinitis & repentinis innumerabilibus mortibus, quibus saepe etiam religiosorum Christianorum praeventiuntur & baptismo praeripiuntur infantes, cum e contrario sacrilegorum & inimicorum Christi aliquo modo in Christianorum manus venientes ex hac vita non sine sacramento regenerationis emigrant.* Ubi in solum divinae voluntatis arcanum refundit, quod quidam infantes non baptizentur, cum alii baptismum recipiunt. Id vero longe clarius docet lib. de Domino persever. cap. 12 his verbis, *plerumque enim septimanibus parentibus & parvatis ministris, ut baptismus parvulo detur, Deo tamen nolente non datur, qui eum paululum in hac vita non tenuit, ut daretur.* Unde sic arguuntur; illis Deus sincere non praeparavit baptismum, qui revera non baptizantur, Deo sic nolente: atqui ex sancto Augustino plerumque non baptizantur infantes, Deo sic nolente: ergo &c.

Dist. min. Deo nolente, hoc est nulla praesupposita ex parte Dei voluntate efficaci & consequente, C. nulla voluntate inefficaci & antecedente, N. seu igitur per illa verba *Deo nolente*, intelligat Augustinus Deum minime velle illos infantes baptizari, seu pertendat Deum positive velle illos non baptizari; id unum certum est in mente sancti Doctoris non esse in Deo voluntatem consequentem & efficacem, de parvulorum baptismo; sed propterea colligi non debet illum excludere a Deo voluntatem etiam generalem & antecedentem, qua

nempe vult salvare omnes homines, in quorum numero continentur infantes; ut enim mox dicturi sumus, voluntas qua vult Deus quosdam homines damnare, quae dicitur voluntas consequens, recte cohaerere potest cum illa generali & antecedente voluntate qua vult omnes homines salvos fieri; siquidem duae illae voluntates, cum diversimode respiciant suum objectum, non sunt nisi apparenter & in speciem contrariae. Unde licet his verbis *Deo nolente* docuerit Augustinus Deum positive velle infantes non baptizari, voluntate scilicet efficaci & consequente, non omnem tamen excludit a Deo voluntatem antecedentem, qua velit facere illos baptismum recipere, quam voluntatem antecedentem & generalem agnovisse S. Augustinum articulo sequenti ostendetur.

Inlabis: In eo nulla est vera & sincera voluntas vel etiam antecedens qua velit baptizari parvulos, qui nullum omnino medium vel sufficiens illis procurat; quicunque enim vult finem, consequenter praeparat media: atqui nullum omnino medium parvulis procurat Deus, quandoquidem aliud non est pro parvulis salutis aeternae medium quam baptismus: est ergo plane illusorium affirmare Deum velle sincere parvulos baptizari.

Nego maj. inde enim solummodo colligi debet non esse voluntatem efficacem & consequentem, vi cuius sapiens provisor media sufficientia atque etiamnum efficacia procurat; adeoque Deum, qui non interturbato causarum naturalium ordine, ope cuiusdam miraculi, patitur ut infantes sine baptismo decedant, non velle voluntate efficaci & consequente illis procurare baptismum; quod neutiquam impedit, quominus sincere voluerit voluntate antecedente illos baptizari, qui nempe baptismum ipsis praeparaverat cum vero salutis eorum desiderio, cupiens quantum in se erat, ut ipsis applicaretur, ita ut non ex ejus voluntate tanquam radice, sed ex eo-

num vel aliorum culpa oriatur, quod vera & de facto non baptizentur.

Infiabis, eodem cap. 12. de dono persever. questioni proposuisti cur e duobus parvulis uni datur baptismus. non alteri, respondet sanctus Doctor inscrutabilia esse judicia Dei, nec alteram proferre rationem: sed in hac nostra sententia proposuisti questioni facile responderi posset unum ex illis infantibus baptizari, quia nullum occurrit impedimentum ex parte causarum secundarum, secus vero alterum; igitur.

Nego min. & dico præsupposita nostra responsione adhuc recurrendum ad inscrutabilia Dei judicia, scilicet specialis est gratia pro eo infante qui baptizatur, quod causæ secundæ in ejus favorem sic disponantur, ut baptismum recipiat; illud vero alteri non indulgeat: divinum est v. g. ac singulare Dei beneficium, quod unus ex illis infantibus non moriatur ante susceptum baptismum; alter vero parvulus moritur nondum baptizatus. Deo cursum causarum secundarum non invertente; cur ita uni efficaciter providet, potius quam alteri, o altitudo!

An Deus velit voluntate sincera omnes & singulos homines. salvos fieri.

NOtandum s. hominem in duplici statu considerari posse, nimirum in statu naturæ innocentis, & in statu naturæ lapsæ. De priori statu nulla est difficultas inter Theologos; sentitur enim omnes Deum ante prævisum Adami peccatum, voluisse omnes & singulos homines. salvos fieri; unde superest examinandum, an Deus conceptam hanc ante peccatum primi parentis voluntatem salvandi omnes homines, etiam servaverit post Adæ peccatum respectu reprobatorum qui revera non salvabuntur.

Notandum 2. duplicem a Theologis distingui in Deo voluntatem, unam quæ dicitur antecedens, alteram quæ dicitur

consequens. Voluntas antecedens est ea qua Deus vult aliquid in se spectatum, absolute & veluti in genere sine ullis circumstantiis, quæ v. g. versatur circa salutem hominum in se spectatam, non habita ratione circumstantiarum, puta meriti cujusque hominis. Talis voluntas his recte verbis exprimitur: Volo salvare omnes homines.

Voluntas consequens ea dicitur qua Deus vult aliquid suis indutum circumstantiis, qua v. g. vult salutem alicujus electi cum omnibus circumstantiis in quibus salvabitur, in quibus salus illa actuponetur, exprimeretur recte his verbis: Volo salvare Petrum, quem ad ostensionem meæ misericordiae statui liberare a massa perditionis. per gratias efficaces.

Ubi juvat observare sic explicari voluntatem Dei antecedentem & consequentem ab illis Theologis, qui gratiam per se efficacem admittunt; alter enim utramque definiunt Molina & ejus defensores, qui dicunt voluntatem antecedentem eam esse quæ antecedit nostrum consensum & prævisionem meritum nostrorum; consequentem vero quæ sequitur consensum liberi arbitrii, & præscientiam meritum.

Itaque voluntas Dei de salute omnium hominum dicitur antecedens, quia concipitur esse in Deo, antecedenter ad omnes circumstantias in quibus salvantur quicumque salvantur. Dicitur generalis, quia omnes prorsus & singulos homines complectitur; inefficax, quia suum non habet effectum, non enim omnes salvantur. Juxta quosdam Theologos dicitur conditionata, quia aliquam semper ex parte creaturæ includit conditionem, nimirum inquirunt si velit gratiæ divinæ cooperari. An sit voluntas signi vel beneplaciti fusiuss. examinabitur postea.

Voluntas consequens dicitur per oppositionem consequens, particularis, efficax & absoluta propter rationes oppositas.

fitas: de antecedenti non de consequenti movetur nunc controversia.

Esse in Deo voluntatem sinceram salvandi omnes & singulos homines aperte negatur Prædestinatiani, de quibus plura dicemus articulo sequenti, cum de sorte Christi Domini pro omnibus hominibus disputabitur. Unum ex illorum dogmatibus erat, quod Deus non vult omnes homines salvos fieri, sed tantum eos qui revera salvantur.

Fuit etiam hæc Calvini doctrina, Deum non velle omnes & singulos homines salvos fieri, ut apertissime testatur lib. 3. Institut. cap. 24. num. 16. his verbis: *Adducitur secundo Pauli locus, ubi tradit Deum velle omnes salvos fieri, cuius etsi diversa est quam superioris ratio, al ad tamen est commune. Respondeo primum ex contextu palam fieri quomodo velit, utrumque enim copulas Paulus, quod velit salvos fieri, & ad agnitionem veritatis venire.... quo nihil aliud profecto significat quam nulli hominum ordini vim ad salutem præcussisse, quin potius misericordiam suam sic effudisse, ut nullum ejus expertem esse velit..... Nam si tenacius urgeamus quod dicitur velle misereri omnium, ego contra excipiam quod alibi scribitur Deum nostrum esse in cælo, ubi faciat quæcumque velit. Idem docet lib. de occultis Dei providentiis: Quod citare, inquit, soletis ex Paulo Deum omnes velle salvos fieri, quam nihil errori vestro suffragetur, alibi planum scilicet mihi videtur. Nam certo certius est, Paulum illis non de singulis hominibus agere, sed intelligere ordines & genera vocationum.*

Suum sequuntur hac in doctrina magistrum Calvinistæ omnes. Beza lib. de æterna Dei prædestinatione pag. 419. Zanchius de prædest. cap. 5. Willetus in synopsi Papismi lib. de reparatione generis humani, Chamierus tom. 3. lib. 7. cap. 3. & alii passim.

Sic vero rem declarant Genevenses in Synodo Dordracena pag. 561. *Deus,*

inquit, ab æterno liberrime sua voluntate aliquas certas personas in & cum Adam lapsas, reas, & corruptas statuit apud sese in statu peccati & corruptionis sua propria relinquere, nec eas illarum remedium gratia sanctæ in Christo adhibere. Ubi postquam expresse affirmarunt Deum nolle omnes homines salvos fieri, sic concludunt: Hec est simplex & fidelis sententia nostra, atque adeo ut certo asseverare non dubitamus omnium Ecclesiarum Gallicarum.

Item Jansenius Ipreus lib. 3. de gratia Christi capite 20. moleste quidem non fert, quod cum sancto Damasceno, divo Thoma & peritque omnibus Theologis dicatur duplicem esse in Deo voluntatem, unam antecedentem & alteram consequentem, quia, inquit, nihil omnino hæc doctrina Damasceni de antecedente salutis omnium voluntate recentioribus prodest, ut que optime cum neganda salutis & gratiæ sufficientis voluntate consistit. Nisi forte & Angelis & hominibus damnatis, antecedente voluntate salutis, gratiam sufficientem aliæque redemptionis instrumenta suppeditari & erogari putent. Sed de illa voluntate antecedente sic loquitur, ut eam omnino repudiet pro statu naturæ lapsæ, aut saltem eam putet in sola præcognitione mentis adeoque nuda quadam velleitate nihil omnino gratiæ causante consistere. In quos omnes sit

CONCLUSIO.

Est in Deo vera & sincera voluntas salvandi omnes & singulos homines etiam post Adæ peccatum.

Probatur 1. ex Scripturis in quibus hæc veritas apertissime legitur multis in locis, Ezechiel. cap. 33. *Uro ego, dicit Dominus Deus, nolo moriemur impij, sed ut convertatur impius a via sua, & vivat.* Si enim non sit in Deo voluntas saltem antecedens salvandis impijs, profecto Deus vult illos perire.

Item

Item expressissimum est testimonium S. Petri secundæ Epist. capit. 3. *Non tardat Dominus*, inquit, *promissionem suam, sed patienter agit propter vos nolens aliquos perire, sed omnes ad penitentiam reverti*. Id ipsum dixerat Christus Math. cap. 18. *Sic non est*, inquit, *voluntas ante Patrem vestrum qui in celis est, ut pereat unus de pusillis istis*. Si neminem perire vult Deus, igitur vult omnes salvos fieri.

Sed disertus & palmaris est locus qui petitur ex Apostolo primæ ad Timoth. cap. 2. *Obsecro igitur*, inquit, *primum omnium fieri obsecrationes, orationes, postulaciones, gratiarum actiones pro omnibus hominibus..... hoc enim bonum est & acceptum coram salvatore nostro Deo, qui omnes homines vult salvos fieri, & ad agnitionem veritatis venire*. Ubi loquitur Apostolus de omnibus & singulis hominibus nullo profus excepto 1. quia loquitur in universum, absque ulla exceptione & limitatione. 2. quia de iis hominibus verba facit, pro quibus admonet fieri debere orationes, obsecrationes, gratiarum actiones: sed dubio procul pro omnibus & singulis hominibus, nec tantum pro singulis generibus monet Apostolus fieri debere orationes & obsecrationes: & reipia pro omnibus & singulis non pro electis solum orat Ecclesia. 3. quia de iis omnibus loquitur Apostolus pro quibus Christus fudit suum sanguinem, sed Christus non pro quibusdam tantum non pro electis solum, sed pro omnibus & singulis fudit suum sanguinem, ut ostendat sequenti articulo: igitur in mente Apostoli Deus vult omnes & singulos homines salvos fieri.

Probatur 2. ex SS. Patribus. Id aperte docet S. Cyprianus Epistola 32. ad Antonianum, *Nam*, inquit, *cum scriptum sit, Deus mortem non fecit, nec statatur in perditione vivorum, utique qui neminem vult perire, cupit peccatores penitentiam agere*. Et de Orat. Domi-

nica: *Nam cum discipuli*, inquit, *ab eo non jam terra appellentur, sed sal terra & Apostolus primum hominem vocat de terra limo, secundum vero de colo: merito & nos qui esse debemus Patri Deo similes (qui solem suum oriri facit super bonos & malos, pluit super iustos & iniustos) sic Christo monente oramus & precamur ut precem pro omnium salute faciamus*.

Item S. Basilii in Psal. 29: qui ad illa verba *quoniam ira in indignatione ejus*, sic scribit: *pœna secundum justum Dei judicium, vita vero in voluntate ejus*. Quid ergo dicit? quod hoc vult Deus, hoc est ut omnes ejus vite participes sint: circumstantia vero peccatorum non ipsius voluntate fiunt, sed pro merito eorum qui peccaverunt, inferuntur.

Et S. Ambrosii lib. de Paradiso cap. 8. *Venerat Dominus Jesus*, inquit, *omnes salvos facere peccatores, etiam circa impios ostendere suam debuit voluntatem*... denique nec Judæos omnes credituros fiebat, & tamen ait, *non veni nisi ad oves perditas domus Israel: ergo non in mandante culpa est, sed in pravariicante peccatum est, & quod in Deo fuit, ostendit omnibus quod omnes voluit salvare*.

Item S. Chryl. homil. 2. in Epist. ad Hebræos. *Quantum in Deo est*, inquit, *omnes salvos esse voluit*. Homil. 44. *De longitudine premiorum Paulus ait*. Qui vult omnes homines salvos fieri & ad agnitionem veritatis venire? cur igitur non omnes salvati sunt, si vult salvos esse? quoniam non omnium voluntas illius: voluntatem sequitur.

Et S. Hieronymus ad cap. 63. *Isayæ*. *Quare*, inquit, *multi non sunt salvati, si ipse salvavit eos? causa perspicua, ipsi non crediderunt, voluit ergo salvare cupientes, sed illi credere noluerunt, sed voluntas venientis hæc fuit, ut omnes crederent & salvarentur*. Quod id ipsum docent Paulinus Nolanus Epist. 2. Isidorus Pelusiota Epist. 277. S. Cyrillus Alexandrin. lib. 2. ad Imperatrices &c.

His.

His vero præsertim subiungi debet auctoritas S. Augustini, quanquam in eorum omne præsidium collocant adversarii, sed mali utique; is enim libro de spiritu & littera cap. 33. hac quæstione sibi proposita, an voluntas credendi sit donum Dei, necne, quia, inquit, si credimus natura, quare non omnibus, cum sit idem Deus omnium creator? si dono Dei etiam hoc, quare non omnibus, cum omnes homines velis salvos fieri, & in agnitionem veritatis venire? Sic respondet: Prius igitur illud dicamus & videamus, utrum huic satisfaciatur quæstioni, quod liberum arbitrium naturaliter attributum a Creatore animæ rationali, illa media vis est quæ vel intendi ad fidem, vel inclinari ad infidelitatem potest, & ideo nec istam voluntatem qua creditur Deo dici potest homo habere quam non accepit: quandoquidem vocante Deo surgit de libero arbitrio, quod naturaliter cum crearetur, accepit. Vult autem Deus omnes homines salvos fieri, & in agnitionem veritatis venire, non sic tamen ut eis adimat liberum arbitrium, quo vel bene vel male utentes iustissime judicentur. Quod cum sit, Infideles quidem contra Dei voluntatem faciunt, cum ejus Evangelio non credunt, nec ideo tamen eam vincunt, verum si ipsos fraudant magno & summo bono malisque pœnalibus impliant, experturi in supplicii potestatem ejus, cujus in donis misericordiam contemperant. Ubi ait S. Augustinus Deum, quantum in se est, velle omnes homines salvos fieri: ita ut ideo non salventur omnes, quia propria mala voluntate gratiam Dei contempserunt.

Quod porro huic luculento Augustini testimonio reponunt adversarii, præfata verba non continere propriam sancti Doctoris sententiam, sed meram esse Pelagianorum objectionem, quam sibi refellendam proponit utque ad initium capitis 34. his verbis incipientis, hæc disputatio &c. frivolum plane est, & absurdum, ut cuilibet ad seriem con-

textus attendenti manifeste patebit.

Scilicet cum istam quæstionem proposuisset S. Augustin. Unde sit illa voluntas qua credimus, an ex Deo, an ex libero arbitrio? hanc rationem dubitandi adducit, Si credimus natura, inquit, quare non omnibus datur? si dono Dei, quare etiam non omnibus, cum Deus velit omnes homines salvos fieri? Quibus statim respondet, & ad primam quidem dubitandi rationem, reponit voluntatem qua credimus esse a Deo, licet credamus per liberum arbitrium, quia ipsam liberum arbitrium est a Deo datum: ad secundam dubitationis partem, Deum velle omnes homines salvos fieri, ita ut tamen liberum arbitrium non adimat, quasi dixisset, uti & nos ipsi dicimus in Scholis voluntatem illam non esse efficacem pro omnibus, esse antecedentem, non semper impleri, cum Infideles male suo libero arbitrio utentur, non salventur. Unde manifeste sequitur S. Doctorem agnovisse in Deo voluntatem istam generalem salvandi omnes homines; si enim existimasset Deum non velle omnes salvos fieri, quæstioni propositæ respondisset assertive, Deum non velle omnes homines salvos fieri, & ita dono Dei esse quod quidam credent.

Eandem tradit doctrinam lib. de Catechizandis rudibus cap. 26. A quo interitu, inquit, hoc est penis sempiternis, Deus misericors volens homines liberare, si sibi ipsi non sint inimici, & non resistant misericordia Creatoris sui, misit unigenitum filium suum, hoc est Verbum suum aequale sibi, per quod condidit omnia: Et manens quidem in divinitate sua, & non recedens a Patre nec in aliquo mutatus assumendo tamen hominem, & in carne mortali hominibus apparendo venit ad homines, ut quemadmodum per unum hominem qui primus factus est, id est Adam, mors intravit in genus humanum, quia consensit mulieri suæ seductæ a Diabolo, ut præceptum Dei transgredirentur: sic per

istum

unum hominem, qui etiam Deus est Dei filius, Jesum Christum, delectis omnibus peccatis praeiis, credentes in eum omnes in aeternam vitam ingrederentur. Constat praeterea quae a nobis adducta sunt, ubi ostendimus dari gratiam sufficientem.

Hanc sancti Augustini doctrinam aperte confirmat ejusdem fides interpres & discipulus Prosper, nimirum ad capitula Gallorum Sent. 8. *Qui dicit*, inquit, *quod non omnes homines velit Deus salvos fieri, sed certum numerum predestinatorum; durius loquitur, quam loquendum est de altitudine inscrutabilis gratiae Dei, qui & omnes homines vult salvos fieri, atque in agnitionem veritatis venire.*

Quin & alter, quisquis tandem ille sit autor Librorum de vocatione gentium, veram esse in Deo voluntatem salvandi omnes homines probat toto fere libro secundo, cap. 2. 16. 17. & 25. quod idem etiam docent S. Joannes Damascenus lib. 2. cap. 29. S. Bernardus homil. 4. super missus est, & alii passim SS. Patres, quorum testimonia sumus adducturi sequenti articulo ubi ostendimus Christum Dominum pro omnibus esse mortuum.

S. Anselmus in cap. 6. Matih. in ista verba, *Fiat voluntas tua*, sic loquitur: *Duae sunt voluntates in Deo, una misericordiae quae non est cogens, nec aliquid libero arbitrio aufert, qua omnes homines vult salvos fieri, quod tamen in libera voluntate eorum positum est; est & alia quae est de effectibus rerum de qua dicitur. Omnia quaecunque voluit fecit, huic nemo potest resistere, de qua dicitur, voluntati ejus quis resistet? Hac providentia concordat semper, alia vero non semper. Si enim venit per misericordiam de aliquo pravo quod sit justus, & conferat ei gratiam suam, & tamen ille per liberum arbitrium suum contradicat, nec gratiae Dei consentiat, haec voluntas Dei non concordat providentia, quia quamvis per divinitatem gratiam con-*

ferat, tamen scit non consenturum... in terra multi contradicunt voluntati Dei, illi scilicet quae est ex misericordia. Cum enim vellet pravos etiam salvare, si vellet, tamen ipsi contradicunt operibus huius voluntati.

Dehinc eandem sententiam unanimi consensu professi sunt omnes e Schola Theologi.

Ita S. Bonaventura in 1. dist. 46. qu. 1. art. 1. his verbis: *Propterea Deus dicitur velle omnium salutem quantum in se est & antecedenter: connotatur in omnibus ordinatio ad salutem, tum ex parte naturae datae, tum ex parte gratiae oblatae. Dedit enim Deus eis naturam secundum quam possent eum cognoscere, & cognitum quaerere, & questum invenire, & inventio inhaerere, ac per hoc salutem obtinere. Gratiam similiter obtulit, dum filium misit & obtulit, cujus pretium salutis omnium sufficit. Leges etiam & mandata tribuit salutis & ostendit. Ipse etiam praesto est omnibus inquirentibus, & prope est omnibus invocantibus eum. Velle ergo hominem antecedenter salvare, est ordinatum ad salutem facere, & volenti pervenire non deesse. Unde velle antecedenter salvare, non connotat salutem. Velle autem consequenter, sive absolute salvare, est velle dare salutem ei, quem praescit ad salutem perventurum per suum auxilium & gratiam, & connotat salutis effectum. Non poterat Bonaventura clarius exprimere totum hoc nostrum systema de voluntate antecedente Dei omnes salvandi homines.*

Eodem modo loquitur Scotus in eandem quaestionem scribens: *Licet*, inquit, *illud dictum Apostoli posset exponi de distributione accommodata pro omnibus qui salvi fiunt, tamen multo melius posset exponi de voluntate antecedente sic, id est, vult omnes homines salvare & salvos fieri, quantum scilicet est ex parte sui, & voluntate sua antecedente, pro quanto dedit eis dona naturalia & leges certas, & adjutoria communia sufficientia ad salu-*

salutem. Et paulo post, *Esse Deus non habeat voluntatem beneplaciti ad istum salvandum, tamen vult isti, illa adiutoria communia antecedentia ad salutem omnium, quibus iste etiam potest sufficienter bene vivere & salvari, propter qua dici potest, quod quantum est ex parte sui vult omnes homines salvos fieri.*

Clarius vero S. Thomas quæst. 23. de veritate art. 2. in corpore: *Quia ergo, inquit, Deus omnes homines propter beatitudinem fecit, dicitur voluntate antecedente omnium salutem velle; sed quia quidam sue salutis adversantur, quos ordo sue sapientia ad salutem venire non patitur propter eorum defectum, implet in eis alio modo id quod ad suam bonitatem pertinet, scilicet eos per justitiam damnans. Et in solutione ad 2. Vult Deus salvari voluntate antecedente humana nature quam ad salutem fecit, sed vult eum damnari voluntate consequenter propter peccata qua in eo inveniuntur. Idem habet in 1. dist. 40. q. 4. art. 2.*

S. Laurentius Justinianus lib. de contemptu mundi cap. 8. *Noli, o homo, inquit, cum derelinquis bonitatem damnare divinam, quod suam tibi minime prædonavit gratiam, quod ad peccatum impulit, & bene agendi tibi negaverit potestatem. Inique cogitas dum talia meditaris. Nunquid scelus auctor est Deus? An forte peccatorum faves voluntatibus malis? Nonne potius illam insequitur, judicat, punit, & damnat? vult quantum in ipso est, omnes salvos fieri & ad agnitionem veritatis venire, quatenus in omnibus reperiat quod coronet.*

Joannes major in 1. dist. 41. q. 1. *Secundo agens 1. ad Timoth. 2. Deus vult omnes homines salvos fieri, de electis manifestum est, de reprobis intelligo quantum est ex parte Dei. Et in 1. distinct. 47. quæstione unica docet, Deum velle omnes non solum prædestinatos sed etiam præfatos salvos fieri, quatenus dat eis intellectum, voluntatem, præcepta & consilia, & paratus est eis coargere, si his*

Tom. IV.

utantur: defectus ergo ex parte eorum est. Quod quidem & alii plerique omnes docent, quorum testimonia hic describere molestum nimis esset; consuli possunt Gabriel Biel dist. 46. in 1. quæstione unica. Ocham in 1. dist. 46. quæst. 1. Carthusianus 1. dist. 40. q. 3. Alensis 1. p. q. 36. membro 2. & 2. q. 110. memb. 8. Egidius 2. dist. 37. quæst. 2. art. 2. Capreolus in 1. dist. 45. quæstione unica. Ricardus 1. dist. 46. art. unico. Horantius lib. 1. locorum Cathol. cap. 34. & alii.

His accedit auctoritas Conciliorum quæ Prædestinationum errores condemnarunt in duplici occasione.

1. Quidem, in quinto sæculo habitum est Concilium Arelatense, in quo probata fuit Fausti Regiensis Epistola quam dederat ad Lucidum Presbyterum, ut ipsum a multis erroribus avocaret, quorum unus erat, Deum non velle omnes homines salvos fieri. Circa idem tempus Epistola quæ errores suos revocavit Lucidus, fuit similiter approbata in quodam Concilio Lugdunensi.

2. Merito profertur Concilium Moguntinum quod nono sæculo habitum est sub Rabano, & ubi dammati sunt errores Godefraldi Monachi; quorum unus hic fuit, quod Deus non vult omnes homines salvos fieri, quod idem postea præstitit Concilium Carisiacum, ut fusus dicitur sequenti articulo.

Solvuntur Objectiones.

Objicies: illa sententia propugnari non debet, quam velut falsam & erroneam proscripserunt olim Sancti Patres in Pelagianis & Sempipelagianis: atqui sententiam quæ ita ait in Deo voluntatem generalem salvandi omnes homines, ut falsam & erroneam proscripserunt olim Sancti Patres in Pelagianis & Sempipelagianis.

Ac primo hanc fuisse Pelagianorum doctrinam ex eo colligitur, quod Pela-

Dd

gus

gius ipse Commentariis in Epistolas S. Pauli, qui extant inter opera sancti Hieronymi, ista Apostoli verba, *Deus vult omnes homines salvos fieri*, sic interpretatur, *si tamen ipsi vocanti Deo consentire voluerint*; quem plane eundem sensum iisdem verbis tribuit Julianus, ut videre est apud S. Augustinum lib. 4. in eundem Jul. cap. 8. Hanc autem sententiam refellit S. Doctor multis in locis & præsertim lib. mox citato contra Jul. in Enchiridio cap. 97. & 103. lib. de corrept. & grat. c. 13. lib. de Prædest. Sanctorum cap. 14. & Epist. ad Vitalem, quæ quidem loca ad istius rei elucidationem sumus adducturi huic objectioni respondendo.

2. Eandem quoque fuisse Semipelagianorum doctrinam testantur Prosper & Hilarius in Epist. ad S. Augustinum, & idem S. Prosper in Epist. ad Rufinum: ubi est illud, inquit, *quod nobis quasi contrarium a non intelligentibus semper opponitur, quod Deus omnes homines velit salvos fieri*. Quod idem observat carpitque S. Fulgentius lib. de Incarnat. & grat. cap. 29. & 31. ergo revera Deus non vult omnes homines salvos fieri.

Dist. min. hanc sententiam proscripserunt SS. Patres assertam ad sensum Pelagianorum & Semipelagianorum, C. ad sensum Theologorum, qui maxime catholicus est, N. scilicet is fuit Pelagianorum & Semipelagian. error, quod dicerent esse in Deo voluntatem generalem salvandi omnes homines, sed quæ æqualis plane esset pro omnibus & indifferens; ita ut non alia voluntate voluerit Deus salvare Petrum quæ voluit salvare Judam; unde omnem prorsus rejiciebant prædilectionem, electionem secundum propositum, omnem prædestinationem, Deumque dicebant indifferenter se habere erga omnes, eademque omnibus indiscriminatim, seu, ut loquitur Faustus, indifere præparare media ad salutem necessaria.

-De Pelagianis quidem id manifestè colligitur ex S. Augustino lib. 4. cap. Jul. cap. 8. *Sed ponis*, inquit, *Apostolicum testimonium, & ab eo dicis pulsantibus aperiri qui omnes homines vult salvos fieri, & in agnitionem veritatis venire; ut videlicet intelligamus, docentibus vobis, ideo non omnes salvos fieri & in agnitionem veritatis venire, quia ipsi nolunt petere cum Deus velit dare, nolunt querere cum Deus velit ostendere, nolunt pulsare cum Deus velit aperire*. Quod quidem refellit S. Doctor ostendens certa quadam peculiari voluntate Deum velle quosdam salvos fieri: *Novit Dominus*, inquit, *qui sunt ejus, & in eorum salute atque in suum regnum introductione certa est voluntas ejus*; tum vero ex parvulorum exemplo, quos certe æquali voluntate non dilexit, non elegit, quæ ceteros qui revera percepto baptismo salvantur.

De Semipelagianis idem constat ex S. Prospero Epist. ad S. August. ubi sic refert sententiam Semipelagianorum. Num. 3. *Hæc ipsorum definitio ac propositio est ... propositum vocationis Dei quo vel ante mundi initium vel in ipsa conditione generis humani, eligendorum & rejiciendorum dicitur facta discretio; ut secundum quod placuit creatori, alii vasa honoris, alii vasa contumelie sint creati, & lapsis curam resurgendi adimere, & sanctis occasionem teporis asferre*. Num. 4. *Bonitas in eo appareat, si neminem repellas a vita, sed indifferenter universos velis salvos fieri & in agnitionem veritatis venire*. Quod ipsum expresse testatur sanctus Fulgentius loco citato in objectione, ubi sic habet: *Illud vero Apostolicum*, inquit, *ubi dicitur de Deo, qui vult omnes salvos fieri & ad agnitionem veritatis venire, non sicut oportet intelligunt, qui hanc Dei voluntatem sicut in vasis misericordie, sic & in vasis iræ accipiendam existimant*.

Quibus præsuppositis mirum videri non

non debet, quod Sancti Patres negent aperte Deum velle omnes homines salvos fieri; loquuntur enim de voluntate indiscrcta & indifferenti ad sensum Pelagianorum & Semipelagianorum, qui omnem prorsus a Deo respuebant prædilectionem, prædestinationem, electionem, secundum propositum. Unde merito ejuscemodi sententiam de voluntate generali redarguunt; falsum est enim, erroneum & plane hæreticum, Deum velle omnes homines salvos fieri voluntate generali, quæ sit indifferens & indiscrcta per exclusionem ad aliam voluntatem prædilectionis; quia de fide est Deum speciali sua gratia quosdam præ aliis eligere, diligere, prædestinare.

Hoc mirum in modum explicat autor lib. 2. de vocatione Gentium cap. 31. *Gratiam Dei, inquit, omnibus hominibus adfuisse providentia quidem pari & bonitate generali, sed multimodo opera, diversaque mensura. Quoniam sive occulte sive manifeste ipse est, ut Apostolus ait, salvator omnium hominum maxime fidelium. Quæ sententia subtilissima brevitas & validissimi roboris, si tranquillo consideretur intuitu, totam hanc, de qua epimus, controversiam dirimit. Dicendo enim, qui est salvator omnium hominum, confirmavit bonitatem Dei super universos homines esse generalem; adjiciendo autem, maxime fidelium, ostendit partem esse generis humani, quæ merito fidei divinitus inspirata ad summam atque æternam salutem specialibus beneficiis provehat.*

Omitto quod illam Pelagianorum & Semipelagianorum sententiam de voluntate generali salvandi omnes homines, velut aliis nonnullis erroribus implicitam, condemnant illi Patres.

1. Enim ita docebant hæretici Deum velle omnes homines salvos fieri; si tamen, inquebant, ipsi velint, ut istam hominum voluntatem quam Deus a nobis exigit, solis naturæ viribus assigna-

rent, ut de Pelagianis constat ex sancto Augustino lib. 4. contra Jul. cap. 8. & de Semipelagianis ex jam citatis Epistolis Prosperi & Hilarii ad S. Augustinum.

2. Et alter Semipelagianorum error fuit ita Deum velle omnes homines salvos fieri si velint, ut id etiam ad parvulos extenderent non percceptor baptismate decedentes; agebant enim idem illos non salvari, quia si diutius vixissent, salvari noluissent; testatur sanctus Prosper in Epist. ad S. August. unde facile intelligitur cum Pelagianis & Semipelag. dicentibus Deum velle omnes homines salvos fieri, consentire non potuisse Sanctos Patres.

Unde cum dixisset Janfenius Semipelagianum esse, dicere Christum pro omnibus omnino hominibus esse mortuum, hæc propositio damnata fuit a summis Pontificibus Innocentio X. & Alexandro VII. tanquam falsa, temeraria & scandalosa; neque enim Semipelagiani erroris vel minimum suspecti sunt qui hanc propositionem ad sensum videlicet a Semipelagianismo plane diversum tenent & prædicant.

Instabis: ille non admittit in Deo voluntatem salvandi omnes homines, qui celebrem hunc Apostoli locum, *Deus vult omnes homines salvos fieri*, negat de omnibus & singulis hominibus intelligendum, sed ad solos ubique prædestinatos restringit; atqui S. August. hunc Apostoli locum ad solos restringit prædestinatos qui refores salvantur, tres enim tantum exceptiones hujus loci afferit passim in suis scriptis quæ in hunc scopum tendunt.

Prima est, ut illa Apostoli verba intelligantur per accommodatam, ut ajunt, distributionem de singulis generibus non de singulis generum, eo nempe sensu quod ex omni hominum genere aliquos velit Deus salvos fieri, Mares ut feminas, liberos ut servos, Reges ut subditos, &c. non autem quod sin-

gulos ex quolibet genere salvari velit, sic lib. de corrept. & grat. cap. 14. Ita dictum est, inquit, omnes homines vult salvos fieri, ut intelligantur omnes predestinati, quia omne genus hominum in eis est, sicut dictum est Phariseis, decimatis omne olus, ubi non est intelligendum nisi omne quod habebant, neque enim omne olus, quod erat in toto terrarum orbe, decimabant. Et in Enchiridio cap. 103. Aut certe, inquit, sic dictum, qui omnes homines vult salvos fieri, non quod nullus hominum esset, quem salvum fieri nolles, qui virtutes miraculorum facere noluit apud eos quos dicit acturos esse penitentiam si fecisset; sed ut omnes homines omne genus humanum intelligamus per quasque differentias distribuum; Reges, privatos; nobiles, ignobiles; sublimes, humiles; doctos, indoctos; integri corporis, debiles; ingeniosos, tardicordes, fatuos, divites, pauperes, mediocres, mares, feminas, infantes, pueros, adolescentes, juvenes, seniores, senes; in linguis omnibus, in moribus omnibus, in artibus omnibus, in voluntatibus & conscientiarum varietate innumerabili constitutos; & si quid aliud differentiarum est in hominibus.

Secunda est, ut illa divi Pauli verba sic intelligantur, ut Deus dicatur omnes homines velle salvos fieri, omnes nimirum qui revera salvantur; quasi dixerit Apostolus nullum salvum fieri posse quem Deus non voluerit salvare, id legitur ibidem in Enchiridio cap. 103. Ita, inquit, intelligere debemus, quod scriptum est, qui vult omnes homines salvos fieri, tanquam si diceretur nullum hominem fieri solvum, nisi quem salvum fieri ipse voluerit; non quod nullus sit hominum, nisi quem fieri velit; sed quod nullus sit nisi velis; ideo rogandus ut velit, qui necesse est fieri si voluerit. Quam interpretationem tradit idem sanctus Doctor lib. de Prædest. Sanctorum cap. 8.

Tertia S. Augustini expositio est, ut ideo dicatur Deus velle omnes homines salvos fieri, quia facit ut id velimus & ab ipso posulemus; lib. de corrept. & grat. cap. 51. Potest etiam, inquit, sic intelligi quod omnes homines Deus vult salvos fieri, quoniam nos facit velle, sicut misit Spiritum filii sui clamantem Abba Pater, id est nos clamare facientem, Ita & l. 22. de Civit. Dei cap. 11. & 2.

Sic porro Apostoli verba exponentem Augustinum facile secuti sunt Hilarius in Epist. ad ipsum Aug. S. Prosper in Epist. ad Rufinum cap. 8. Africani Præsules in Sardinia exules congregati sua in Epist. Synodica. S. Fulgentius lib. de Incarn. & grat. cap. 31. Petrus Diaconus in Epistola ad eundem Fulgentium. Greg. M. in primum Reg. lib. 5. Primasius in cap. 9. Epist. ad Rom. Auctores noni sæculi qui adversus Hincmarum scribere. Magister Sent. in primum, dist. 46. & nonnulli alii Scholastici. Igitur existimant illi omnes non esse in Deo veram & sinceram voluntatem salvandi omnes & singulos homines.

Dist. min. hanc Dei voluntatem salvandi omnes homines restringit ad solos predestinatos, ubi sermonem habet de voluntate absoluta, efficaci & completa, C. ubi sermonem habet de voluntate generali tantum & antecedente, N. scilicet iis in locis loquitur Augustinus adversus Pelagianos aut Semipelagianos, qui quidem, ut mox dicebamus, voluntatem absolutam & ex parte Dei plene efficacem salvandi omnes homines ita Deo tribuebant, ut vellent Deum omnibus & singulis equaliter & indiscriminatim salutem procurare; adeo ut neminem præ alio diligeret, & neminem a gloria excluderet; idque hoc fulti Scripturæ testimonio, Deus vult omnes homines salvos fieri. Quocirca mirum videri non debet, si hunc Apostoli locum sic

sic exponat Augustinus, ut ad solos restringat prædestinatos hanc Dei voluntatem salvandi omnes homines, siquidem verissimum est ad solos pertinere prædestinatos voluntatem salvandi absolutam, consequentem, efficacem, & ex parte Dei completam; quod quidem non impedit, quominus in aliis locis idem sanctus Doctor voluntatem generalem & antecedentem Deo tribuat, ut supra ostendimus.

Huic solutioni astipulantur S. Thomas & S. Bonaventura, ille quidem in 1. dist. 46. q. 1. art. 1. ad 1. his verbis: *Secundum Damascenum, inquit, verbum Apostoli intelligitur voluntate antecedente & non de consequente. Sed secundum Augustinum intelligitur de consequente. Unde exponis eam dupliciter, uno modo ut sit distributio accommodata pro omnibus qui salvantur, ut in littera dicitur: alio modo ut sit distributio pro generibus singulorum.* Et S. Bonaventura in 1. dist. 46. q. 1. prolatis nonnullis S. August. expositionibus, ubi de solis prædestinatis Apostoli verba interpretatur, ait: *Necesse est sic vel sic solvere supposito quod velle dicas ibi velle Dei, secundum quod dicitur velle placito quietato, sive voluntate absoluta, de qua verum est dicere, omnia quaecunque voluit fecit. Sed Damascenus facit vim in modo volendi; distinguit enim in Deo voluntatem antecedentem & consequentem. . . . prima scilicet antecedens dicitur a Magistris voluntas conditionalis, sive voluntas qua Deus vult quantum in se est. Secunda autem scilicet consequens dicitur absoluta.*

Neque movere debet aliorum, qui citati sunt, auctoritas. 1. enim Hilarius, Prosper, Africani Præfules, S. Fulgent. & Petrus Diaconus scribunt adversus Semipelagianos, qui similiter generalem adittebant in Deo voluntatem æqualem & indifferentem pro omnibus & singulis; cæteri sequuntur Augustinum illius fultæ auctoritate & sen-

tentiis, adeoque in eundem sensum exponi debent.

Inistabis: incredibile est hunc Apostoli locum de voluntate generali & antecedente salvandi omnes & singulos homines intelligi posse, & in hunc tamen sensum nullibi uoquam nec tenaci accipi ab Augustino: ergo revera putabat August. &c.

Neg. ant. & dico communem hanc Theologorum interpretationem de voluntate generali salvandi omnes homines consulto fuisse ab Augustino prætermittam; quia nempe in illis contra Pelagianos concertationibus periculosa fuisset; inde enim occasionem arripuissent isti hæretici accusandi Catholicos, quasi voluntatem quandam in Deo admisisse indistinctam & indifferentem, quæ vix conciliari possit cum electione gratuita, quam quidem demonstrandam in se suscepit Augustinus. 2. quia Pelagianos inter & S. Augustin. erat solum quæstio de voluntate absoluta, & ex parte Dei completa; adeoque mirum non est quod obiectum a Pelagianis hunc Apostoli locum semper restringat Augustinus ad solos prædestinatos.

Inistabis: ille nullam admittit in Deo voluntatem vel antecedentem, qui tamquam certum & indubitatum docet voluntatem Dei semper impleri, nec unquam voluntate humana impediri posse: atqui S. August. ubique passim docet voluntatem Dei semper impleri, sic in Enchiridio cap. 97. *Videndum, inquit, quomodo sit de Deo dictum, quod ait Apostolus, Deus vult omnes homines salvos fieri. Cum enim non omnes sed multo plures non sint salvi; videtur utique non fieri, quod Deus vult fieri, humana scilicet voluntate impediente voluntatem Dei. Quando enim queritur causa, cur non omnes salvi fiant, respondere solet quia hoc ipsi volunt. Quod quidem de parvulis dici non potest, quorum nondum est velle seu nolle. Nam quod.*

quod infanili motu faciunt, si eorum voluntati judicaretur esse tribuendum, quando baptizantur, cum resistunt quantum possunt, utiam nolentes eos salvos fieri diceremus. Sed apertus Dominus in Evangelio compellens ipsam civitatem, quoniam, inquit, volui colligere filios tuos, sicut gallina pullos suos, & noluiisti, tanquam Dei voluntas superata sit hominum voluntate, & infirmis volens impedientibus, non potuerit facere potissimus, quod volebat; & ubi est illa omnipotentia qua in celo & in terra omnia quaecunque voluit fecit, si colligere filios Jerusalem voluit, & non fecit? Unde cap. 103. ejusdem libri postquam varias istius loci, Deus vult omnes homines, salvos fieri, interpretationes adduxit, sic tandem concludit: Et quocunque alio modo intelligi potest, dum tamen credere non cogamur, aliquid omnipotentem Deum voluisse fieri, factumque non esse, quia veritas cantat, omnia quaecunque voluit fecit in celo & in terra. Ergo non admittit S. Augustinus voluntatem etiam antecedentem salvandi omnes homines.

Dist. min. voluntatem Dei consequentem, C. antecedentem, N. quandam porro voluntatem antecedentem de salute hominum quæ sit vera & sincera, & tamen quæ suo privetur effectu, in Deo admisisse sanctum Augustinum abunde ostendimus ex lib. de spr. & litt. cap. 33. & lib. de catechizandis rudibus cap. 16.

Insuper, S. Augustinus per sæpe utitur exemplo parvulorum, ut ostendat non esse in Deo voluntatem salvandi omnes homines; ita loco mox citato, tum lib. 4. c. Jul. c. 8. & lib. 6. c. 5. &c. ergo saltem existimavit Deum non velle salvos fieri parvulos; adeoque non admisit voluntatem veram & sinceram salvandi omnes homines.

Dist. maj. ut ostendat non esse in Deo voluntatem salvandi omnes ho-

mines, ad sensum Pelagianorum, C. ad sensum Theologorum, N. scilicet utitur S. Augustinus exemplo parvulorum, ut ostendat non esse in Deo voluntatem indifferentem, indiscriminabilem, & æqualem pro salute omnium; quæ nimirum voluntate velit salvare omnes si velint; & non aliter velit salutem unius hominis quam alterius, quæ fuit, ut diximus, doctrina Pelagianorum. Et apposite quidem in illa occasione exemplum parvulorum adhibuit sanctus Doctor; quia nempe eo penitus vincebantur Pelagiani, utpote cum Deus æquali voluntate non velit salvare parvulos qui non percepto baptismo moriuntur, quæ vult electos salvare: quod non impedit, quominus aliunde voluntatem antecedentem admisit etiam de salute parvulorum. Consule quæ hæc de re superius a nobis dicta sunt.

Objicies: si admitteretur in Deo voluntas antecedens salvandi omnes homines, dux essent in eo voluntates contrariæ in ordine ad salutem reprobos, ista nempe quæ vellet salvare reprobos, altera quæ sine dubio vult damnare; absurdum consequens, ergo & antecedens.

Nego maj. & dico duas illas voluntates, antecedentem & consequentem, quas admittunt Theologi, non esse inter se contrarias, quia illæ voluntates proprie loquendo non sunt contrariæ, quæ versantur circa objectum suum diversimode consideratum: atqui voluntas antecedens quæ vult Deus salvare omnes homines, & voluntas quæ vult reprobos damnare, versantur circa objectum suum diversimode consideratum; voluntas enim antecedens, quæ vult salvare omnes homines, versatur circa salutem hominum spectatam in genere, Deo nondum attendente ad circumstantias; voluntas autem consequens, quæ vult quosdam ex illis damnare, versatur circa illorum salutem spectatam in particulari, Deo attendente ad circumstantias.

tias, & judicante ejusmodi salutem non expedire: ergo proprie loquendo duæ illæ voluntates non sunt contrariæ.

Egregie id explicat S. Thomas 1. p. q. 19. art. 6. ad primum, his verbis: *Unumquodque secundum quod bonum est, sic est volitum a Deo. Aliquid autem potest esse in prima sui consideratione, secundum quod absolute consideratur, bonum, vel malum; quod tamen prout cum aliquo adjuncto consideratur, quæ est consequens consideratio ejus, e contrario se habet. Sicut hominem vivere est bonum, & hominem occidi est malum secundum absolutam considerationem. Sed si addatur circa aliquem hominem, quod sit homicida, vel vivens in periculum multitudinis, sic bonum est eum occidi, & malum est eum vivere. Unde potest dici quod iudex justus antecedenter vult hominem vivere, sed consequenter vult homicidam suspendi. Similiter Deus antecedenter vult omnem hominem salvari, sed consequenter vult quosdam damnari secundum exigentiam suæ justitiæ. Qui quidem modus conciliandi voluntatem antecedentem, quæ vult Deus salvare omnes homines, cum voluntate consequente, quæ nonnullos ex illis vult damnari, cæteris fere omnibus placuit Theologis.*

Insigne est etiam quod super ea legitur Enchiridio Coloniensi titulo de Sacramento poenitentiae cap. quinto statuendum est: *Deus tam est benignus ac misericors, ut non tantum voluerit hominem lapsum, atque adeo quantumlibet criminisum resurgere ac respicere: nam apud Ezechielem, rex autem exemplo fiet dilucidior, Legislator legem ferens omnes cives suos vult esse bonos & pacificos, nec vult ut crimina ab eis patrentur pœnis luenda, idque voluntate antecedente. Interim tamen filii sui aliqui charissimi, tata legis transgressoris mortem vult, quem vellet non peccasse, ut nihil plerendum in eo posset invenire, idque voluntate consequente, quæ mortem filii vult*

propter aliquid jam factum. Item hor- tulanus plantat arborem, non ea mento ut excidat & in ignem mittatur; tamen dum post longam expectationem tam multum fructum producentem videt, & terra excidit, & in ignem mittit. Non secus misericors Deus vult omnes homines salvos fieri, quod ad se attinet, voluntate antecedente. Quod vero reprobos damnat, fit voluntate consequente, quod justum sit eos quibus præbita est omnis occasio consequenda salutis, nec apprehendere voluerunt, damnare.

Instabis: si ad conciliandam Dei voluntatem antecedentem cum consequente, locum haberet trita hæc & pervulgata S. Thomæ comparatio, ad summum inde colligeretur, Deum velle voluntate antecedenti salvare omnes homines ante prævisionem peccati originalis; siquidem justus iudex vult hominem vivere ante prævisionem illius criminis, spectans illum ut hominem, non ut homicidam, quem respiciens ut homicidam, non vult amplius vivere sed suspendi: atqui cum Theologi doceant Deum velle salvare omnes homines voluntate antecedente, id intelligunt de hominibus consideratis post peccatum originale; ut nos initio hujus disputationis monuimus; hoc igitur pacto conciliari non possunt duæ illæ contrariæ voluntates.

Dist. maj. si trita hæc & pervulgata S. Thomæ comparatio locum haberet, simpliciter & quoad omnia, C. secundum quid & quoad aliqua tantum, N. quamquam igitur ista comparatio adinstar cæterarum, propositæ materiæ simpliciter & ex omni parte applicari non possit, ea tamen merito a nobis usurpatur, utpote quæ maxime appositæ sit ad conciliandam Dei voluntatem antecedentem cum consequente; colligitur enim ex illa comparatione duas voluntates non sibi pugnare ut contrarias, eo præcise quod versentur circa obiectum diversimode consideratum; ita ut, quemad-

madmodum iustus iudex vult vitam hominis spectans illum ut hominem, & ejusdem vult mortem quem respicit ut homicidam; ita similiter dici possit sine absurditate Deum velle omnes homines salvos fieri, cum illos respicit in genere, non attendens ad circumstantias; & quosdam ex illis damnare velle, quando attendit, aut ait S. Thomas loco citato, ad exigentiam suæ justitiæ.

Certe nihil esse contradictionis, quod in Deo admittatur duplex voluntas, una antecedens, altera consequens circa salutem hominum, ex eo perspicuum maxime est, quod teneantur adversarii hanc utramque voluntatem Deo ascribere pro salute Angelorum; nimirum aiunt Deum voluisse voluntate antecedente salvare omnes Angelos, quandoquidem nullum in illis primitus fuit peccatum quod plecteretur, & tamen voluisse voluntate consequente quosdam damnare, quia peccaverant, id apertissimis verbis docet Janfenius lib. 10. de gratia Christi cap. 1. *Habuit Deus, inquit, generalem voluntatem benevolentia erga omnes Angelos, ex qua, quantum in se est, omnium beatitudinem aternam voluit, omnibusque propterea beatitudinis consequenda media sufficientissima largitus est.* Quidni ergo diceretur Deum velle voluntate antecedente omnes homines salvos fieri, & velle voluntate consequente quosdam ex illis hominibus damnare?

Instabis: vel illa voluntas antecedens salvandi omnes homines esset absoluta, vel esset conditionata: atqui neutrum dici potest; primo quidem dici non potest illam esse absolutam, quia omnis Dei voluntas semper impletur, sola voluntas conditionata non impletur, defectu nempe conditionis; unde recte concipitur eam voluntatem qua voluit Deus salutem omnium hominum ante prævisionem peccati originalis, non impleri; quia ejusmodi voluntas erat conditionata; voluit enim tunc Deus salutem omnium hominum si vellent bene uti gratia

sufficiente; quamobrem voluntas conditionata salutis hominum benequidem consistere potest cum voluntate absoluta eos reprobandi propter peccatum, quod postea commissum fuit; secus vero voluntas absoluta salvandi cum voluntate damnandi eundem hominem, ubi utraque voluntas supponit peccatum. Secundo dici non potest ejusmodi voluntatem antecedentem, esse conditionatam; ut enim supra dictum est, hancce voluntatem conditionatam admittabant Pelagiani, qui Deum dicebant velle omnes salvos fieri, si tamen vocanti Deo consentire voluerint, aut saltem, quanquam alio sensu, admititur quoque a nonnullis Theologis; qui contendunt Deum velle omnes homines salvos fieri, si bene utantur gratiis sufficientibus quas illis decernit & quarum usum ope scientiæ mediæ præcivir; quæ quidem voluntas conditionata utroque sensu est absurda: ergo fictitia est illa voluntas antecedens, qua dicitur Deus velle omnes homines salvos fieri post prævisionem peccati originalis.

Nego min. & dico voluntatem generalem & antecedentem salvandi omnes homines dici posse & absolutam & conditionatam. Primo quidem dici potest absoluta; nam ea voluntas dici potest absoluta, qua Deus vult aliquid nulla appposita conditione: atqui dici potest, Deum velle salvos fieri omnes homines nulla conditione apposita; ut si dicat Deus spectans homines in genere, Volo salvare omnes homines; quæ voluntas legitur in Scripturis, cum dicitur velle omnes homines salvos fieri, vel le neminem perire, nolle mortem peccatoris, sed ut convertatur, &c. quæ quidem leguntur sine ulla apposita conditione: ergo voluntas salvandi omnes homines dici potest absoluta.

Quod autem obijciunt omnem voluntatem Dei absolutam semper impleri, jam diximus id verum esse de voluntate

ne absoluta consequente, non autem de antecedente.

Secundo, ejusmodi voluntas salvandi omnes homines dici potest conditionata, non eo quidem sensu, ut jam præmonuimus initio disputationis, quod conditio se teneat ex parte hominum, quasi Deus diceret, Volo salvare omnes si velint, si bene utantur gratiis sufficientibus: verum eo sensu quod conditio se teneat ex parte Dei, quasi diceret Deus, Volo omnes & singulos homines salvos fieri, si tamen id consentiat cum iustitia mea, cæterisque attributis; ita S. Thomas mox laudatus, quanquam non rejicienda quoque sit ista propositio conditionata, quam efferre Deum opinantur aliqui Theologi, Volo salvare omnes homines, & revera salvabuntur, si tamen ipsi gratiæ non resistant.

Instabis: qui potest omnes & singulos homines salvare, neque tamen eos salvat; profecto non censetur habere veram & sinceram voluntatem de eorum salute; si enim Rex aliquis regnum posset ita gubernare suum, ut omnes tranquillam agerent vitam, nec tamen id præstaret; haud dubie non censeretur habere sinceram voluntatem de felicitate suorum subditorum; atqui constat Deum posse, si velit, salvare omnes homines, nec aliunde id repugnat quicquam, vel ex parte illius providentiæ, vel ex parte illius iustitiæ, cæterorumque attributorum: ergo fictitia est ejusmodi voluntas in Deo salvandi omnes & singulos homines.

Nego maj. Inde enim solummodo sequitur Deum non velle voluntate consequente & efficaci omnes & singulos homines salvos fieri, quibus profecto tunc media procuraret efficacia ad salutem obtinendam, qui tamen aliunde veram & sinceram de illorum salute habet voluntatem. Ad probat. vero negamus paritatem; ratio disputationis est, quia Princeps in suo regno, tametsi non simpli-

citer privatus homo, est provisor particularis ad unum duotaxat finem determinatus, nimirum ut subditorum suorum tranquillitatem procuret; at vero Deus est provisor generalis, qui proinde non debet necessario æternæ hominum felicitati efficaciter invigilare, qui non modo potest pro sua misericordia eos salvare; sed & juxta suæ iustitiæ leges eos peccato semel obstrictos damnare; quo fit, ut, licet hominum peccata & ruinam efficaciter non impediatur, non minus proinde censetur velle sincere voluntate saltem antecedente eorum salutem.

Et certe poterat Deus omnes & singulos homines antecedenter ad peccatum originale ita regere, ut nullus eorum peccaret, & omnes salvarentur, quod tamen dubio procul non præstitit: atqui fatentibus adversariis, voluit Deus sincere omnes & singulos homines salvos fieri antecedenter ad peccatum originale; ergo etiam si Deus omnes homines post prævisionem peccati originalis efficaciter salvare potuerit & non salvaverit; non inde sequitur illum non habuisse veram & sinceram de eorum salute voluntatem, etiam consequenter ad peccatum originale.

Utrum voluntas salvandi omnes homines sit voluntas beneplaciti vel signi.

Communis est hæc divisio apud Theologos, qua voluntas Dei dividitur in voluntatem beneplaciti, & voluntatem signi; utraque est potius volitio seu actus voluntatis, quam voluntas, quæ, proprie loquendo, est ipsamet facultas, sed loquendum ut multi. Voluntatis igitur beneplaciti est omnis actio voluntatis divinæ, quæ Deus aliquid vult; voluntas autem signi non est actus Deo inexistens, & ideo nonnisi metaphoricè est voluntas divina, sed est solummodo signum voluntatis divinæ, effectus qui prodire videtur a voluntate

divina, quintuplex distingui solet, vel ut alii loquuntur, quiaque dicitur habere membra, nempe præceptum, prohibitionem, permissionem, consilium, & operationem, prout fert tritus iste versiculus,

Præcipit, & prohibet, permittit, consiliat, implet.

Scilicet hæc omnia, præceptum, consilium &c. appellari solent in Scripturis voluntas Dei, Matt. 6. *Fiat voluntas tua.* Cap. 12. *Qui fecerit voluntatem Patris mei qui in caelis est, ipse meus frater, & soror & mater est.* Act. 13. *Qui faciet omnes voluntatis meas.* In quibus & similibus locis, nomine voluntatis non intelligitur vera voluntatis divinæ actio, sed consilium vel præceptum quod voluntatis divinæ signum est.

Et ratio est, quia Deus quandoque vult non fieri quod præcipit, & quandoque vult fieri quod prohibet: Genesios 22. cap. Deus præcipit Abraham, ut filium suum immolet, quem tamen volebat non immolari; quod eleganter explicat S. Ambrosius lib. 1. de Abraham cap. 8. *Probatum, inquit, quasi fortior tentandum putavis majoribus.* Et hic quidem exemplo docemur, quia veris probatur quis, tentatur autem compositis & filiis. Non enim volebat Deus immolari a Patre filium, nec impleri hoc munus volebat, qui ovem pro filio immolandum obtulit, sed tentabat affectum Patris, Dei præcepta præferret filio, nec paterna pietatis contemplatione vim devotionis inflecteret. His positis,

Respondeo, voluntatem illam antecedentem qua Deus vult omnes homines salvos fieri, esse voluntatem beneplaciti; siquidem, ut patet, id exposcunt ea omnia Scripturnæ, Patrum, & Theologorum testimonia a nobis superius allata, quæ nonnisi de vera & sincera voluntate intelligi possunt; voluntas autem signi non est vera voluntas, verus voluntatis actus, sed aliquod duntaxat voluntatis signum & argumentum; quo

fit ut, qui non aliam voluntatem quam signi de salute omnium hominum Deo ascribunt, in rei veritate nullam admittant voluntatem, nisi verbo-tenus; id unum docent voluisse Deum, ut ad omnes & singulos dirigerentur præcepta, consilia, prædicatio Evangelii &c. sine ulla ex parte ipsius voluntate qua voluerit ejusmodi signa hominibus applicari: ergo voluntas antecedens qua vult Deus omnes homines salvos fieri, est voluntas beneplaciti.

Neque est quod obijciatur auctoritas S. Thomæ, qui cum nonnullis 1. par. qu. 19. art. 6. ad 1. docet hanc voluntatem antecedentem esse potius velleitatem quam voluntatem: *Similiter, inquit, Deus antea dederit vult omnem hominem salvum, sed consequenter vult quosdam damnari secundum exigentiam sue justitiæ.* Neque tamen id quod antecedenter volumus, simpliciter volumus, sed secundum quid . . . unde magis potest dici velleitas, quam absoluta voluntas. Et sic patet quod quicquid Deus simpliciter vult, fit; licet illud quod antecedenter vult, non fiat. Porro velleitas non videtur esse voluntas beneplaciti, sed tantum signi; unde juxta illam S. Thomæ mentem, Deus vellet, inquit, sed non vult salvos fieri omnes homines.

Verum facilis est responsio, nam eo loci S. Thomas voluntatem antecedentem appellat velleitatem, si comparatur cum voluntate absoluta; quatenus, ut ibidem ait, per ejusmodi voluntatem antecedentem Deus non vult simpliciter, sed tantum secundum quid, & plerumque sub aliqua conditione id quod vult; Unde, inquit, magis potest dici velleitas, quam absoluta voluntas; ubi manifeste opponit velleitatem voluntati absolute, non autem omni veræ & sincere voluntati: quamobrem quest. 23. de verit. art. 3. dividit voluntatem beneplaciti in antecedentem & consequentem, unde sequitur illum existimasse volun-

voluntatem antecedentem qua Deus vult omnes homines salvos fieri, esse voluntatem beneplaciti.

An Christus pro omnibus & singulis hominibus sit mortuus.

Certum est 1. Christum non esse mortuum efficaciter pro omnibus & singulis hominibus; omnes enim & singuli non salvantur. Certum est 2. Christum esse mortuum sufficienter pro omnibus, eo sensu quod Christi mortis pretium sufficiens fuerit ad redimendos omnes & singulos homines.

Sed questio est, utrum vere & sincere voluerit Christus Dominus hocce mortis sue pretium pro redemptione omnium hominum, vel solummodo pro salute prædestinatorum exhibere. Deoque offerre.

Inter eos qui Christum Dominum negarunt mortuum pro salute omnium hominum, primus recenseri potest Lucidus quidam Presbyter Prædestinationum quinti sæculi facile princeps. Hujus cum nonnulli errores circa prædestinationem & Dei gratiam innotescere cœpissent, Faustus Reicensis Episcopus Epistolam ad ipsum dedit, in qua eum admonet jam tum Gallicos Antistites meditari cum unitate suspendere, nisi protinus illos errores ipse ejuraret. Lucido sex condemnandas Propositiones obtulerat Faustus, ut manifeste constat ex quodam Lucidi libello quem ad Episcopos pœnitentie ductus transmisit. *Correctio vestra, inquit, salus publica, & sententia vestra medicina est; unde & ego summum remedium duco, ne errores præteritos accusando excusent, & saluifera confessione mea diluant; Proinde juxta prædicandi statuta Concilii damno vobiscum sensum illum qui dicit: 1. Laborem humana obedientia divina gratia non esse suspendendum. 2. Qui dicit post primi ho-*

minis lapsum ex toto arbitrium voluntatis extinctum. 3. Qui dicit, quod Christus Dominus Salvator noster mortem non pro omnium salute suscepit. 4. Qui dicit, quod præscientia Dei hominem violenter compellat ad moriendum, vel quod Dei pereat voluntate, qui percutit. 5. Qui dicit, quod post acceptum legitime baptismum in Adam moriatur quicumque deliquerit. 6. Qui dicit alios deputatos ad mortem, alios ad vitam prædestinatos.

Eandem Fausti Epistolam, quæ hæc errorum Lucidi capita continebat, Episcopi in quodam Arelatenſi Concilio congregati calculo suo comprobant; quæ ex causa damnati vulgo dicuntur Prædestinatiani in Concilio tertio Arelatenſi; ejus rei finem faciunt Faustus ipse Reicensis in præfatione librorum suorum *de gratia & libero arbitrio* ad Leontium Episcopum, his verbis: *Quod pro sollicitudine pastoralis, inquit, beate Papa Leonti in condemnando Prædestinationis errore Concilium summorum Antistitum congregastis, universis Galliarum Ecclesiis præstistis, &c.* Et infra, *in quo quidem opusculo post Arelatenſis Concilii subscriptionem, novis erroribus deprehensis adjici aliqua, Synodus Lugdunensis exegit.* Tum vero nono sæculo Hincmarus Remensis lib. de Prædestinatione cap. 1.

Verum Prædestinationum sectam, quæ quinto sæculo exiit, meram esse fabulam, merumque Fausti commentum, multi hujusæ ætatis contendunt, Ulfertus Armachanus, Manguinus Contensonius, & plures cum Theologi tum historiæ Ecclesiasticæ Scriptores, multis fulti momentis quæ nonnisi strictim attingemus, quoniam istiusmodi questionum longior discussio ad historiæ Ecclesiasticæ tractatores pertinet.

Obijciunt 1. suppositionis merito suspecta creditur illa historiæ, ejus nemo meminit præter Faustum in hoc quinto sæculo, & nemo posterioribus sæculis usque ad Hincmarum, uterque enim nullam omnino meretur fidem; Faustus

quidem, qui cum esset Semipelagianorum Coriphæus, recte intelligitur confixisse ejusmodi historiam, ut sancti Augustini discipulis invidiam constaret; Hincmari vero qui Fausti commentum adoptavit, quo facilius Gotschalchi condemnationem promoveret: atqui hujus historię nemo in hoc quinto sæculo præter Faustum, nec in sequentibus usque ad Hincmarum qui nono sæculo debebat: igitur merito falsa præsumitur.

Nego maj. 1. quia non intelligitur adeo impudentem fuisse Faustum, ut comminisci ausus fuerit ejusmodi historiam, in qua congregati referuntur Episcopi in duplici Concilio, & Lucidus Presbyter quosdam publicasse dicitur errores, ac postmodum ejurasse. Siccine nominatim designasset Presbyterum, Episcopos, Concilia? An vero tunc temporis nemo insurrexisset adversus Faustum, nemo eum mendaciarum peregrisset, qui hac ætate propter alia aspita tot sustinuit æmulos & hostes? Illud profecto non siliisset Joannes Maxentius ei non parum insensus, qui acerrime adversus illum scripsit. 2. quia ejusmodi acta quæ referuntur ab Autore clarissimo, ab omnibus deinceps suscepta sunt, nemo contradixit nono sæculo, cum approbata sunt ab Hincmaro Remensi, extant in Annalibus Baronii, in omnibus Conciliorum collectionibus, ea demum multi adoperantur Eruditi.

Obijciunt 2. manifestum suppositionis indicium esse, quod Fausti Epistola in nonnullis codicibus munita legatur subscriptionibus plurimorum Gallię Episcoporum, nimirum Auxanii, Pauli, Eutropii, Pragmatici, Patientis, Euphronii, Megetii, Claudii, Leucadii, & Juliani; in aliis vero codicibus qualis citatur ab Henrico Canisio tom. 5. antiq. lect. non reperiantur ejusmodi subscriptiones Episcoporum.

Nego ant. siquidem recte dici potest MS. illum codicem quem habuit Canis-

ius ex Bibliotheca Monasterii S. Galli, nullam mereri fidem, nequaquam vero cæteris anteponendum; teste enim ipso Canisio perturbatissimus est ille codex indigestam rerum variarum multitudinem continens.

Obijciunt 3. testatur Faustus hac præfatione ad Leontium, operi suo de gratia & libero arbitrio subscripsisse Arelatensem Synodum, his nempe verbis supra citatis, in quo quidem opusculo, &c. aut igitur falsum est quod denarrat Faustus, aut si revera opus illud Fausti comprobant Arelatenses Episcopi, nullius plane ponderis est illorum subscriptio; qui suum fecerunt opus ex omni parte Semipelagianum, & ab omnibus Catholicis improbatum.

Nego ant. tamen enim nomine opusculi significet Faustus suos libros de gratia & libero arbitrio, ad illud tamen opusculum non refert subscriptionem Concilii Arelatensis, quia non fuit elaboratum nisi post celebrationem hujus Concilii; ut manifeste liquet ex ejusdem præfationis initio, ubi sic habetur: *Quod pro sollicitudine pastoralis*, inquit, *beate Papa Leonti, in condemnando Prædestinationis errore Concilium summorum Antisistum congregastis, universis Galliarum Ecclesiis prestitistis; quod vero ad ordinanda quæ collatione publica doctissime promulgistis, operam infirmis humeris eamque mandastis, parum sanctæ estimationi vestre consulistis, & me iudicio charitatis, vos periculo electionis onerastis*. Ex quibus patet Faustum non nisi post Synodum Arelatensem composuisse suos libros de gratia & libero arbitrio, in quibus si quidquam ab eo peccatum est, profecto ab Arelatensibus Episcopis non fuit approbatum.

Obijciunt præterea, in illa Synodo Arelatensi duo dicuntur subscripsisse Episcopi ejusdem Ecclesiæ Augustodunensis, nimirum Euphronius & Pragmaticus ejus successor: atqui certum est eidem Synodo non interfuisse duos ejusdem.

dem civitatis Episcopus: ergo, &c.

Nego min. fieri enim potuit, ut tunc sedem eandem simul occuparent duo Episcopi ex ignorantia canonis Nicæni, ut antea contigerat, Valerio Hipponensi Episcopo vivente, in ejusdem civitatis Episcopum ordinari sanctum Augustinum.

His vero ita præmissis, alterum inter Prædestinarios numerare possumus, Gotescalcum nempe Orbacensem Monachum, qui nono sæculo præfatas Lucidi propositiones instauravit; recensentur ab Hincmaro Remensi in Epistola quam ea de re scripsit ad Nicolaum summum Pontificem, ubi inter alia narrat Gotescalcum docuisse, quod Jesus Christus Dominus noster & Salvator non fuit crucifixus, neque mortuus est pro redemptione totius mundi, id est pro redemptione omnium hominum, sed pro eis duntaxat qui salvantur. Quid porro in hac Gotescalchi causa contigerit in Galliis, videbitur postea in decursu istius disputationis.

Item Calvinistæ ut negabant Deum velle omnes & singulos homines salvos fieri, quemadmodum ostendimus in præcedenti questione, ita & in istis principiis ratiocinando, volebant Christum non esse mortuum pro omnibus hominibus, pro reprobis, sed solum pro prædestinatis; quam quidem doctrinam sanxerunt in Dordracæ Synodo cap. 2. artic. 6. his verbis: *Rejicit Synodus errorem eorum qui impetrationis & applicationis distinctionem usurpant, ut incautis & imperitis hanc opinionem instillent, Deum quantum ad se attinet, omnibus hominibus ea beneficia voluisse conferre, quæ per mortem Christi acquiruntur.* . . . Nam isti dum simulant se distinctionem hanc sano sensu proponere, populo perniciosum Pelagianismi venenum conantur propagare. Quibus, ultro subscibunt cæteri omnes Calvinianæ factionis.

Janfenius Iprensis Episcopus lib. 3. de gratia Salvatoris cap. 20. præmissa & re-

cepta communi & pervulgata divisione, quam usurpare solent Theologi, cum dicunt Christum mortuum quidem sufficienter pro omnibus, sed non mortuum efficaciter; in eo fateretur sicut non esse statum questionis, sed in eo, quod Christus dicatur mortem suam vere & sincere pro omnium salute obtulisse; sic enim habet fere ad initium capituli: *Et quia ipsa phrasis, inquit, quæ quis dicitur se pro aliquo redemptionem dare, pro se ferre videatur redemptionem ex redimentis animo, in usum ac liberationem captivorum offerri ac dirigi, quæ oblatio ac directio Christi imanis esse non potest. Et quia alioquin etiam pro demonibus se dedisse redemptionem dici posset, quibus redimendis sine dubio pretium sanguinis ejus est sufficiens, ac denique, quia Prospero antiquior ac doctior Augustinus nunquam in scriptis suis fateretur, Christum pro omnibus, nullo excepto, se dedisse redemptionem, vel crucifixum esse, vel mortuum; sed tantummodo pro illis, quibus mors ejus profuit, qui certo modo multi & omnes sunt &c.* ubi toto atque integro capite pro viribus ostendere conatur in hunc sensum pro omnibus & singulis hominibus Christum non esse mortuum: quocirca in illorum omnium sententiam lit.

CONCLUSIO.

Christus Dominus pro omnibus & singulis hominibus, non pro solis prædestinatis mortuus est.

Probat 1. ex Scripturis quæ istam doctrinam apertissime tradere mihi videntur.

1. Enim Epist. ad Rom. cap. 8. sic de Patre æterno loquitur Apostolus, qui etiam proprio filio non pepercit, sed pro nobis omnibus tradidit illum; quo testimonio utitur S. Augustinus lib. 2. de nuptiis cap. 33. ut probet omnes vel etiam parvulos peccati originalis reos esse, quoniam & pro illis Christus mortuus.

mortui est traditus. Cap. 14. ejusdem Epistolæ hortatur Apostolus, ne quis per offitulum ex ciborum comestione perdat fratrem, pro quo mortuus est Christus: *noli cibo illum tuum perdere, pro quo Christus mortuus est.* Unde patet Christum esse mortuum etiam pro iis qui pereunt.

2. Epist. 2. ad Corinth. cap. 5. hæc leguntur: *Charitas enim Christi urget nos, estimantes hoc; quoniam si unus pro omnibus mortuus est, ergo omnes mortui sunt.* Et pro omnibus mortuus est Christus, ut et qui vivunt, jam non sibi vivant sed ei qui pro ipsis mortuus est. Ubi certe supponit Apostolus Christum esse mortuum pro omnibus & singulis, nullo excepto; inde enim vult probare universos generatim sine exceptione in Adam mortuos esse: morte peccati, cujus certe argumentationis nullas vis futura esset, nisi similiter pro omnibus & singulis mortuus fuisset Christus.

3. 1. ad Timoth. cap. 2. cum dixisset divus Paulus, Deum velle omnes homines salvos fieri, & ad agnitionem veritatis venire, subdit illico, *Unus enim Deus, unus & mediator Dei & hominum homo Christus Jesus, qui dedit semetipsum pro omnibus.* Ubi & Deum velle omnes homines salvos fieri; & Christum pro omnibus mortuum inde repetere videtur Apostolus, quod unus sit Deus, unus enim Deus, inquit; unde sequitur in ejus mente omnes intelligi homines quorum unus est Deus.

4. Epist. ad Hebr. cap. 2. scribit Apostolus Jesum propter passionem mortis gloria & honore coronatum, ut gratia Dei pro omnibus gustaret mortem. Ubi vocabulum omnibus sumi debet pro singulis totius mundi hominibus, additur enim versiculo sequenti, *decebat enim eum propter quem omnia & per quem omnia &c.* quæ verba reprobos ut electos complectuntur.

5. Et ea merito adjuangi possunt, in

quibus Christus Dominus dicitur Salvator omnium hominum, Joan. 3. cap. *Sic dilexit mundum; ut filium suum unigenitum daret, ut omnis qui credit in eum non pereat, sed habeat vitam æternam; non enim misit Deus filium suum in mundum, ut judicet mundum, sed ut salvetur mundus.* Et cap. 4. Samaritani per biduum a Christo edocti dicunt, *scimus; quia hic est vere Salvator mundi.* Et secundo Joan. 2. *Advocatum habemus apud Patrem, Jesum Christum justum; & ipse est propitiatio pro peccatis nostris, non pro nostris autem tantum, sed etiam pro totius mundi.*

Quo demum pertinent quæ a nobis adductæ sunt superiori articulo, ut ostenderemus veram & sinceram esse in Deo voluntatem salvandi omnes homines, quam certe voluntatem cum morte Christi pro universis hominibus summam habere conjunctionem nemo non videt.

Probatur secundo ex sanctis Patribus: quorum meo quidem iudicio una fuit hoc in negotio mens; una sententia, scilicet Christum pro omnibus & singulis mortuum esse.

Clement. Romanus Epist. ad Corinth. n. 7. hæc scribit: *Sanguinem Christi innocentis oculis imueamur, & quam pretiosus Deo sit ejus sanguis, consideremus, quia propter nostram salutem effusus, toti mundo penitentiae gratiam obtulit.*

Sanctus Irenæus lib. 4. adversus hæreses cap. 5. ostendit ex professo Christum venisse ut salvaret universum mundum. Quod quod autem, inquit, timebant & solliciti erant circa legem ejus, ipsi decurrerunt Christo & salvati sunt omnes: *Ita enim, inquit discipulis, ad oves quæ perierant domus Israel; & Samaritanæ autem, inquit, cum mansisset Dominus apud eos biduum, multo plures crediderunt propter sermones ejus; & mulieri dicebant, Jam non propter tuam laqueam credimus, ipsi audivimus &*
sci.

scimus quoniam hic est vere Salvator mundi.

Clarius id ipsum affirmat S. Clemens Alex. lib. 7. Strom. pag. 703. ubi loquens de Christo, Nunquam ergo inquit, Servator habet odio homines, qui etiam propter suam excellentem benignitatem & in homines charitatem, non despecta carnis humana imbecillitate, sed ea indutus ad communem venit hominum salutem.

Item S. Cyprianus Epist. 52. sic hortatur ad concedendam lapsis poenitentibus veniam. Et Paulus quoque Apostolus, inquit, in Epistola sua posuit: Si cum adhuc peccatores essemus, Christus pro nobis mortuus est, multo magis nunc iustificati in sanguine illius, liberabimus per illum ab ira... hinc Christus hortatur, ne in totum peras quem redemit.

Et sanctus Cyrillus Hierosolymitanus Catechesi. 15. ubi de Christo sic loquitur: Vinclos a peccatis solvit, & omne genus humanum in mundo redemit, neque totum esse per illum mundum liberatum, non enim simplex homo fuerat, sed filius Dei unigenitus pro illo mortuus, quandoquidem etiam unius viri Adam peccatum potuit efferre mundo. Apposita est sane hoc in negotio Christi comparatio cum Adam quam adducit Cyrillus.

Optatus Milevitanus idem his verbis pronunciat, Constat sanguine Christi omnes esse redemptos. Ubi, cum id non affirmet eo sensu quod revera & de facto omnes, & singuli homines per Christum sanguinem salvi fiant; veram saltem & sinceram Christi voluntatem de procuranda omnium salute, aperte significat.

Idem & S. Greg. Nazianz. non uno in loco, Orat. 38. loquens de hereticis, ait, pro quibus etiam mortuus est Christus. Orat. 42. Christum pro omnibus sacrificium obtulisse. Verum magna illa, inquit, & quantum ad illam na-

turam, immaculabilis victima legalium sacrificiis immixta est, illa, inquam, non exigua cuiusdam partis orbis terrarum, nec ad exiguum tempus sed totius mundi nunquam intermorisura expiatio. Orat. tertia scribit Christum pro eorum salute a quibus in crucem agebatur, lacrymas fudisse. Et ad Julianum Apostatam verba dirigens: Tu manum movere adversus eam ausus es, quæ & pro te & propter te clavus affixa est?

S. Basilius homil. in Ps. 48. Omnes enim, inquit, peccaverunt & egent gloria Dei, iustificati gratis ipsius gratia per redemptionem quæ est in Christo Jesu Domino nostro.... inventum tamen unum est pro omnibus simul hominibus dignum pretium, nempe sanctus & omni pretio superior pretiosus sanguis Domini Jesu Christi quem pro nobis omnibus effudit.

S. Epiphanius hæresi 69. non minus expresse loquitur: Ipse Christus, inquit, Sacerdos, ipse hostia semetipsum obtulit pro omni creatura Pontificatus officio fungens.

Item S. Cyrill. Alex. in Epistola ad Monachos: Unus, inquit, ex omnibus resurgens qui pro omnibus mortuus erat, ut proprio sanguine redimeret quicquid sub celo est, & acquireret Deo ac Patri omnes qui in universa terra consistunt.

Tum vero S. Ambrosius lib. 3. de offic. cap. 3. sic scribit, Christus quoque Dominus qui pro omnibus mortuus est, mercedem suam evacuatam delebit. Et in lib. de Joseph cap. 7. Christus omnibus vitam dedit; ipse pro omnibus mortem suam obtulit.

Et sanctus Hieronymus in 2. Epist. ad Corint. cap. 5. super illa verba, Christus pro omnibus mortuus est. Solus, inquit, inventus est, qui ut immaculata hostia pro omnibus, qui erant in peccatis mortui, offerretur.

His porro præsentis doctrinæ testimoniis luculentissimis, quorum quidem ut parum

parum dubia est hac in parte sententia, nonnisi pauca strictim adduximus loca, merito subiungimus S. Augustinum, cuius imprimis patrocinio gloriari solent adversarii. Palmare est, quod frequenter repetit suis in libris contra Pelagianos pro iis omnibus mortuum esse Christum, qui per peccatum Adami mortui sunt, lib. 6. contra Jul. cap. 4. *Eo modo itaque*, inquit, *intelligimus mortuos, pro quibus omnibus unus mortuus est Christus, quomodo alibi dicit: Et vos cum essetis mortui in delictis Et in praeputio carnis vestrae, vivificavit cum illo. Ac per hoc unus*, inquit, *pro omnibus mortuus est, ergo omnes mortui sunt, ostendens fieri non potuisse ut moreretur, nisi pro mortuis.* Ex hoc enim probavit omnes mortuos esse, quia pro omnibus mortuus est unus. Impingo, inculco, infercio recusanti: accipe, salubre est, nolo moriaris. Unus omnibus mortuus est: ergo omnes mortui sunt. Vide quia consequens esse voluit, ut intelligantur omnes mortui, si pro omnibus mortuus est.

Lib. 2. oper. imperf. cap. 175. eundem alloquens Julianum: Hinc te exue si potes, inquit, quod unus pro omnibus mortuus est, Et aude dicere non omnes mortuos pro quibus mortuus est Christus; cum statim tibi Apostolus fauces premas Et opprimas audacissimam vocem, quid sequeretur ostendens Et dicens: Ergo omnes mortui sunt. Noli sic laudare Apostolum, noli sic exponere uti nolis audire. Si unus pro omnibus mortuus; ergo omnes mortui sunt. In hos omnes cum peccato mors pertransiit per illum in quo omnes moriantur: ibi sunt, Et parvuli, quia Et pro ipsis Christus mortuus est, qui propterea pro omnibus mortuus est, quia omnes mortui sunt, quibus & similibus locis, cum probet Augustinus omnes & singulos homines vel etiam infantes qui sine baptismo decedunt, in Adam mortuos esse morte peccati, quia Christus

ab Apostolo dicitur mortuus pro omnibus; unde manifeste sequitur cum existimasse Christum esse mortuum pro omnibus; ita ut sit quoque mortuus pro infantibus sine baptismo decedentibus; aliter enim nulla vis fuisset hocce in argumento; nec ex morte Christi potuisset efficaciter probare omnes & singulos infantes in Adam mortuos esse, sed tantum eos pro quibus mortuus est.

Eodem argumento clarius adhuc, si fieri potest, utitur sanctus Doctor l. 2. de nupt. & concup. cap. 33. ubi cum hanc adduxisset Juliani argumentationem dicentis parvulos peccati originalis non esse reos, quia pro iis Christus non est mortuus, sic egregie respondet: Ipse dicit, quomodo rei sunt parvuli, pro quibus Christus mortuus est? Nos respondemus, immo parvuli quomodo rei non sunt, pro quibus Christus mortuus est? Quam rationem confirmat ex Apostolo, Dicit de Deo Patre, quia proprio filio suo non pepercit, sed pro nobis omnibus tradidit illum. Puto quod ita dicat, Christum traditum pro omnibus nobis, ut in hac causa parvuli non separantur a nobis. Sed quid opus est hinc satagere, unde nec iam ipse contendit, quandoquidem non solum confiteretur mortuum etiam pro parvulis Christum, verum etiam inde nos arguit quod eosdem parvulos reos dicimus, pro quibus mortuus est Christus? Jam itaque Apostolus qui dixit, pro nobis omnibus traditum Christum, dicat etiam quare sit pro nobis traditus Christus; traditus est, inquit, propter delicta nostra. Quibus certe nihil ad hanc nostram sententiam significantius desiderari potest, probat enim sanctus Augustinus beneficam Christi morientis voluntatem erga homines tam late patere, quam peccatum originale, quo putat fortiterque contendit eo loci adversus Julianum constringi omnes & singulos homines nullo excepto, nequi-

quidem parvulis qui in utero matris decedunt.

Sunt & alia plane innumera in ejusdem sancti Augustini scriptis quæ non minus eandem veritatem confirmant Tract. 12. in Joan. ad illa verba, *Non enim misit Deus filium suum, ut judicet mundum, sed ut salvetur mundus per ipsum*, hæc scribit: *Ergo quantum in medio est, salvare venit agrotum: ipse se interimit, qui præcepta medici servare non vult: venit Salvator in mundum, quare Salvator dictus est mundi, nisi ut salvet mundum, non ut judicet mundum: salvari non vis ab ipso, ex te judicaberis.* Et lib. de catechizandis rudibus, cap. 26. *A quo interitum*, inquit, *Deus misericors volens homines liberare, si sibi non essent inimici & non resisterent misericordie creatoris sui, misit unigenitum filium suum; ut quemadmodum per unum hominem qui primus factus est, id est Adam, mors intravit in genus humanum, quia consensus mulieri seductæ a Diabolo ut præceptum Dei transgrediretur; sic per unum hominem qui etiam Deus est, filius Dei, Jesus Christus, deleatis omnibus peccatis credentes in eum omnes in vitam æternam ingrederentur.*

Libro 2. de Symbolo ad Cathecumenos cap. 5. *Clamat cælum*, inquit, *novi syderis radians fulgore, clamat terra turbata per Herodem, veniunt Magi admoniti, inquirunt Judæi turbati, quærunt ubi esset qui ubique totus est, quæritur in mundo fabricator mundi. Ad hoc autem quærebatur non ut agnosceretur, sed ut occideretur, quia mundus per eum factus est, & mundus eum non cognovit. O munde immunde, venit qui te redimat, & turbaris, & hinc tu vis perdere, quando ille te disposuit liberare: o Judæorum terra impia non congruis cælo, cælum demonstrat ut adoretur, tu quæris ut insans necetur: ille tibi annunciat Deum hominem suscepisse pro te, & tu vis perdere eum qui ve-*

Tom. IV.

nit redimere te. Reprobos & nunquam baptizatos hic appellat, & quorum tamen Christus dicitur voluisse salutem, liberationem, redemptionem.

Atque quod diligentissime est observandum his in locis Christus non dicitur mortuus pro omnibus, eo sensu duntaxat quod pretium exhibuerit sufficiens ad salutem universo generi humano procurandam; sed quod voluerit succedere, quantum in se est, ejuscemodi suæ mortis pretium omnibus & singulis applicari hominibus. Neque enim sine maxima absurditate dici potest captivos fuisse liberatos & redemptos ex munificencia alicujus Regis, eo precise quod habeat in ærario suæ pecuniæ summam his captivis redimendis sufficientissimam, nisi saltem quantum in ipso est eam exhibeat.

Eandem porro doctrinam tradunt insignes S. Augustini discipuli.

Sanctus Prosper acerrimus doctrinæ sancti Augustini defensor, ab eo hac in parte vel latum unguem non discessit, nimirum expresse asserit Christum pro omnibus hominibus sanguinem fuisse; ita ut ex iis nullus sit qui redemptus a Christo dici non possit, quanquam non omnes re ipsa salutem consequantur, sic responsione 1. ad objectiones Vincentianas, *Quod ad magnitudinem*, inquit, *& potentiam pretii, & quod ad unam pertinet causam generis humani sanguis Christi redemptio est totius mundi. Sed qui hoc seculum sine fide Christi & sine regenerationis sacramento pertranscunt, redemptionis alieni sunt.* Cum itaque propter omnium naturam, & unam omnium causam a Domino nostro in veritate susceptam recte omnes dicantur redempti, & tamen non omnes a captivitate sint erui, redemptionis proprietas haud dubie penes illos est, de quibus princeps mundi misus est foras.

Simillimum est quod scribit responsione ad objectionem nonam Gallorum:

FF

Cum

Cum itaque inquit, rectissime dicatur Salvator pro totius mundi redemptione crucifixus propter veram naturæ suspensionem, & propter communem in primo homine omnium perditionem, potest tamen dici pro his tantum crucifixus, quibus mors ipsius profuit. Dehinc pro ipsis etiam reprobis mortuum fuisse perhibet, Diversa ergo ab istis fors eorum est, qui inter illos censentur, de quibus dicitur, Mundus eum non cognovit, ut possit secundum hoc dici Redemptor mundi, dedit pro mundo sanguinem suum, & mundus redimi noluit, quia lucem tenebre non receperunt. Ubi per mundum Prosper intelligit reprobos, qui quidem idcirco tantum non sunt per Christi sanguinem redempti, quia redimi noluerunt, non quod Christus noluit eos esse redemptos, Dedit enim pro mundo sanguinem suum; quod significat voluisse Christum, & quidem sincere mundum redimere.

Certe verissimum est quod fatetur Janfenius, has locutiones, esse passum, crucifixum, se redemptionem dedisse pro omnibus, plus aliquid dicere, quam nude pretium sufficiens obtulisse, sed illud indicare, intentione morientis pretium pro illis oblatum esse; adeoque fatendum est non eo sensu intelligenda esse verba sancti Prosperi, tametsi dicentis, Christum esse mortuum pro omnibus hominibus, quod illius mors tanti fuerit pretii, ut omnibus & singulis redimendis par fuerit, sed eo sensu quod Christus pro singulis Patri suo sanguinem obtulerit volens sincere eos redimi.

Quibus adde quod hic sanctus Doctor, cum resevivisset conqueri Massilienses, quod docuisset Augustinus Christum pro omnibus & singulis hominibus non esse mortuum, nusquam ipsis respondet id verum esse; sed immo affirmat in præfatione responsionis ad objectiones Vineentianas, male & injuste Augustino imputari blasphemias,

mendacia, opiniones impias, prophanas, blasphemias, quarum hæc una est, Quod Dominus, noster Jesus Christus non pro omnium hominum salute & redemptione sit passus. Ab eadem calumnia vindicat magistrum suum in præfatione quæ responsioni ad capitula Gallorum præfixa est: igitur existimabat sanctus Prosper Christum esse mortuum pro omnibus.

Ex quibus facile respondetur objectioni quam petit Janfenius ex nonnullis Prosperi verbis, quibus ait pro solis prædestinatis, pro iis solis qui salutem consequentur, mortuum esse Christum; vult enim solummodo Christum magis proprie pro illis hominibus mortuum, illos magis proprie redemptos, quod huic nostro dogmati nequicquam præjudicat; verum est enim Christum plura contulisse electis quam aliis hominibus, & magis, ut ita dicam, pro illis esse mortuum.

Item sanctus Fulgentius qui lib. 2. de remissione peccatorum cap. 16. testatur Christum pro Juda ipso traditore mortuum: Post traditionem igitur Christi, habuit traditor tempus quo per illum sanguinem qui effusus est in remissionem peccatorum ipsius quoque Juda possit remitti peccatum, quoniam Christus qui pro impiis mortuus est, non denegasset suo traditori remissionis beneficium, si non ille sibi desperando adimeret tempus remissioni concessum.

Cæsarius Arelatensis in homil. 55. quæ legitur apud Augustinum ser. 249. in appendice sic Christum inducit peccatores alloquentem in extremo iudicio: Suscepi dolores tuos, ut tibi gloriam darem, suscepi mortem tuam, ut in æternum viveres; conditus tamen in sepulchro, ut tu regnares in celo: cur quod pro te pertuli, perdidisti? Cur ingratis redemptionis tue munera renuisti? Nonne te ego morte mea quæro, redde mihi vitam tuam pro qua meam dedi.

Sanctus Leo Magnus serm. 1. de Nativitate

sivitate Domini: Una, inquit, cunctis letitia communis est ratio, quia Dominus noster peccati mortisque destructor, sicut nullus a reatu liberum reperit, ita pro liberandis omnibus venit. Idem legitur in sermonibus 3. 7. 11. 16. & 19. de Passione Domini.

Beda venerabilis sancti Augustini doctrinæ perstudiosus, idem tradit in ex-put 24. sancti Lucæ: Verum, inquit, quomodo post Resurrectionem clavorum vel lanceæ loca pandendo, discipulorum dignatus est fidem spemque roborare, ita in diem Iudicii, & eadem Passionis sua indicia, & ipsam pariter crucem monstrando, venturus est impietatem superbiorum infidelitatemque confundere, scilicet ut ipsum se esse, qui ab impiis & pro impiis mortuus est cunctis palam Angelis & hominibus ostendat.

Apposita est ratio quam suppeditat Hincmarus lib. de prædest. cap. 34. Si Christum, inquit, his tantum remedia attulisse dicimus qui redempti sunt, videbimus absolvere non redemptos quos pro redemptione contempta constat esse puniendos.

Ita sanctus Anselmus in cap. 2. Epistolæ t. ad Timoth. super hæc Apostoli verba, Dedit redemptionem semetipsum pro omnibus, hæc scribit: nulum excipiens, qui vellet redimi ad salvandum. In hoc enim patet quantum Deus homines diligat, & eos velit omnes salvos fieri, si perversitas eorum non obstitit, quia mediator Deus, quem Deus inter se & homines posuit, mortem pro omnibus sustinuit, ut omnes a morte redimeret. Et ideo qui non salvantur, non est quod de Deo vel de mediatore possint conqueri, sed de seipsis qui nec redemptionem quam mediator dedit, nec salutem quam Deus obtulit, voluerunt accipere.

Christi sanguinem semet ipsum in cruce cujusunque animæ pretium esse agnoscere etiam Hildebertus Cenomanensis primum. Episcopus, & postea

Turonensis Archipræsul, cum ipse captivus in Britannia majore pie non minus quam eleganter scribebat Epistola 39. De Redemptione nihil ago, semel Christi sanguine redemptus, iterum redimi non requiro. Sanguis ille redemptio mea est, sanguis ille pretium meum. Indignum est ut sub pretio redigar, cuius pretium sine pretio.

Insigne est quod scribit sanctus Bernardus meditat. cap. 3. ubi morales omnes compellat ut sanguinis Christi pretium non frustrentur: Quare animam tuam, inquit, vilipendis & ei carnem præpavis, totus quidem iste mundus ad unius animæ pretium æstimari potest. Non enim pro toto mundo Deus animam suam dare voluit, quam pro anima humana dedit. Sublimius ergo est animæ pretium quæ non nisi sanguine Christi redimi potuit. Quam ergo commutationem dabis pro anima tua qui pro nihilo das illam? Nonne Dei filius cum esses in sinu Patris a Regalibus sedibus pro ea descendisti, ut eam liberaret a potestate diaboli? Quam cum videret peccatorum funibus involtam jamjamque demonibus tradendam, ut morte perpetua damnarentur, flevit super illam: quæ flere se nesciebat, nec solum flevit, sed etiam occidi se permisit, ut pretioso sanguinis sui pretio eam redimeret. Item item. 2. in Psal. Qui habitat, hæc habet: Possunt omnia dicere, Creator meus es tu. Possunt & animalia dicere, Pastor meus es tu. Possunt omnes homines dicere, Redemptor meus es tu.

Ait sanctus Laurentius Justinianus Christum pro omnibus & singulis, atque etiam pro iis qui peribunt, suum fuisse sanguinem, quorum scilicet salutem sivebat. De triumph. Christi agone cap. 19. Pendens, inquit, extendis brachia, apertis manibus & perfossis pedibus, inclinato capite, universos invitas dicens, Sitio, quod enim mulieri uni Samaritana dixerat, Da mihi bibere. hæc in Cruce nunc fixus omnibus

Et 2

ait:

ait, *Sitio* ; vos, inquit, volo, vos cupio, vos corpori meo unire, vos mihi associare *sitio*. Et sermone de Passione Domini in hæc verba, *dixisti Sitio* ; Nunquid fuit *satietas* ? *Sitio*ne qui *sitientibus ardentibus refrigerium præstat* ? An *vita fons sitire valet* ? potest, inquam, quoniam *vult*. *Sitio* utique percontium salutem animarum.

Hanc porro doctrinam Christum pro omnibus & singulis sanguinem suum fuisse summo consensu propugnavit, ut opinor, omnes Scholastici Doctores, quorum testimonia singula si hic percererem, in immentum cresceret ista dissertatio, unum loco cæterorum adducam divum Thomam, qui hæc verba sancti Pauli ad Corinth. 1. ad Corinth. cap. 15. *Sicut in Adam omnes moriuntur*, sic habet : *Quod infertur, ergo omnes mortui sunt, exponitur primo ut dicatur, omnes mortui sunt morte peccati in Adam, non enim esset necessarium, quod Christus pro omnibus moreretur, nisi omnes mortui essent morte peccati in Adam*. Ubi consequenter S. Thomas existimat Christum pro iis omnibus esse mortuum, qui mortui sunt in Adam, ac proinde pro omnibus & singulis, nemine excepto. In caput 19. Joan. lect. 5. *Per hoc*, inquit, *quod dicit, Sitio, ostenditur ejus ardens desiderium de salute generis humani*. 1. Timoth. 2. *vult omnes homines salvos fieri, vehementer autem desiderium consuevimus exprimere per sitim*.

Item ait Christum esse mortuum pro iis qui peribunt & non salvabuntur, in caput 14. Epist. ad Rom. *Noli*, inquit, *cibo tuo illum perdere pro quo, id est pro ejus salute Christus mortuus est*. Et in cap. 8. Epist. 1. ad Corinth. *Peribis infirmus in tua scientia frater, propter quem salvandum Christus mortuus est*.

Probatur 1. ex decretis Conciliorum.

Ac 1. Quidem citari potest Concilium

Nicænum generale primum, ius cuius symbolo Catholica fides his verbis exprimitur, *qui propter nos homines & propter nostram salutem descendit de calis*. Quam sane fidei professionem e-dere tenentur omnes Christiani, seu sint prædestinati, seu reprobi.

2. Et laudari potest Concilium Arelatense in quo approbata fuit Epistola Fausti Rejenis sub anathemate condemnantis, ut dictum est, unam & propositionibus Lucidi Presbyteri, qua negabat aperte Christum esse pro omnibus hominibus mortuum.

3. Loco, ea Concilia producimus, quæ quidem, cum nono sæculo gravis exarsisset in Galliis controversia occasione Gotschalchi, damnant hoc caput quod a præfato Monacho docebatur, Christum non esse pro omnibus hominibus mortuum, neque voluisse Deum ulla ratione ut salvarentur qui revera non salvantur; istud primum damnavit Synodus Moguntina præside Rabano cum plerisque aliis Episcopis, ac deinde Concilium Carissimum cuius præses & dux Hincmarus Remensis : ibi quatuor edicta sunt celeberrima capitula, quorum postremum declarat, nullum hominem fuisse vel futurum, pro cuius salute Christus non sit passus, licet non omnes mortis ejus beneficio recipiantur.

4. Denique, id constat ex Concilio Tridentino quod istam doctrinam aperte declaravit sess. 6. cap. 2. ubi loquens de Christo sic habet, *Hunc proposuit Deus propitiatorem per fidem in sanguine ipsius pro peccatis nostris, non solum autem pro nostris, sed pro totius mundi*. Et cap. 3. *Verum, & si ille pro omnibus mortuus est, non omnes tamen mortis ejus beneficium recipiunt, sed ii duntaxat, quibus meritum Passionis ejus communicatur*. Ubi docent Patres Tridentini, non pro omnibus tantum prædestinatis Christum esse mortuum, sed & pro omnibus & singulis hominibus, etiam

etiam pro reprobis, nam cum dixissent cap. 3. Christum pro omnibus esse mortuum, ne quis proterva interpretatione utens, hæc verba ad solos prædestinatos restringeret, statim addunt, *Non omnes tamen mortis ejus beneficium recipiunt*. Quasi dicant Christum etiam esse mortuum pro iis qui mortis ejus beneficium non recipiunt.

Adde quod eam esse Patrum Tridentinorum mentem merito colligitur ex eo quod hoc suum decretum stabiliunt ex testimonio sancti Joannis in 1. Epist. cap. 2. dicentis, *Hunc proposuit Deus propitiationem per fidem in sanguine ipsius pro peccatis nostris, non solum autem pro nostris, sed etiam pro totius mundi*. Ubi quisquis hæc verba pro totius mundi de solis prædestinatis interpretabitur, ab sancti Joannis mente vehementer alienus erit, nam eo loci ad spem & fiduciam peccatores erigit, cavendo ne de salute sua desperent, unde ipsis Christi redemptionem pro omnibus hominibus proponit. Quæ vero foret ejus ratiocinatio, si putaret Christum esse mortuum duntaxat pro electis? is perfectio foret sensus, si quis inter vos peccavit, spem omnem non abiciat, Christus enim mortuus est pro iis qui beneficium ejus mortis recipient, id certe ad desperationem potius quam ad fiduciam impelleret.

Deinde sensus Patrum Tridentinorum merito colligitur ex eorum scopo, volunt enim ibi occurrere doctrinæ Calvinistarum, qui ad solos prædestinatos accommodabant ea omnia Scripturæ loca in quibus Christus dicitur pro omnibus mortuus; fatebantur quidem Christum esse mortuum pro omnibus sufficienter, sed negabant Christum pro omnibus & singulis, nullo excepto, se dedisse in pretium & redemptionem, quasi sincere voluisset mori pro reprobis. Sed contra Patres Tridentini hanc, de qua hic questio est, Christi voluntatem stabiliunt, dicentes videlicet mor-

tem Christi ad eos quoque pertinere qui hujus beneficium non recipiunt.

Neque ista Christi mors pro omnibus hominibus oblata, etiam pro reprobis & iis qui nunquam salvabuntur, intelligi tantum potest de sufficientia pretii; alioquin idem dici posset de malis Angelis, quorum certe saluti procurandæ sufficientissima fuit Christi Domini mors, quod tamen nec dicunt nec cogitant Patres Tridentini.

His adde Constitutiones summorum Pontificum Innocentii X. & Alexandri VII. in quibus damnantur quinque propositiones Janſenianæ, quarum poſtrema hæc est, *Semipelagianum est dicere Christum pro omnibus omnino hominibus mortuum esse aut sanguinem fuisse*. Quo sensu illud docuerit Janſenius, ex ejusdem verbis declaravimus supra.

Solvuntur Objectiones.

Objicies 1. Scriptura restringit mortem Christi ad multos, Math. 20. cap. *Filius hominis non venit ministrare & dare animam suam redemptionem pro multis*. Et cap. 26. *Hic est enim Sanguis meus novi testamenti, qui pro multis effundetur in remissionem peccatorum*. Epist. ad Hebr. cap. 9. *Sic & Christus semel oblatus est ad multorum exhaustiendâ peccata*. Hos vero multos in aliis locis passim interpretatur Scriptura oves Christi Joan. 10. *animam meam pono pro ovibus meis*. Aliquando etiam populum Christi, Math. 1. *Vocabis nomen ejus Jesum, ipse enim salvum facies populum suum*. Denique Ecclesiam Christi, ad Ephes. cap. 5. *Christus dilexit Ecclesiam, & seipsum tradidit pro ea*. Atqui reprobi & finaliter impenitentes, nec sunt oves Christi, nec populus ejus, nec Ecclesia: ergo Christus non est mortuus pro omnibus & singulis hominibus.

Dist. ant. Scriptura restringit mortem

tem Christi ad multos sine exclusione cæterorum, C. cum exclusione cæterorum, N. non sunt igitur intelligenda hæc loca Scripturæ in quibus legitur Christum pro multis esse mortuum; quasi pro electis & prædestinatis precium suæ mortis impensum voluerit, non autem pro omnibus & singulis: idque duplici potissimum ex causa.

Primo, quia nullum est ex adductis testimonium, in quo habeatur particula exclusiua tantum, ubi nempe Christus dicatur mortuus tantum pro electis, unde sequitur manifeste Scripturam in ejusmodi propositionibus restringere mortem Christi ad multos homines sine exclusione cæterorum; eo nempe sensu quod Christus dicatur pro omnibus suis, pro electis, pro populo suo magis præcipue mortuus; non autem eo sensu quod neutiquam alios redimere voluerit.

Secundo, quia generatim loquendo vox illa multis non est exclusiua omnium, quando in aliis locis eadem res tribuitur omnibus; quia nil vetat quominus aliquid dicatur de multis, quod revera convenit omnibus; vox enim multi continetur sub voce omnes: unde fatentibus adversariis recte colligitur peccato originali obnoxios esse omnes homines nullo excepto, ex istis Apostoli verbis quæ leguntur cap. 5. Epist. ad Rom. in quo omnes peccaverunt; licet in eodem capite habeatur, per inobedientiam unius hominis peccatores constituti sunt multi. Proindeque Scriptura non restringit mortem Christi ad multos cum exclusione cæterorum.

Instabis: si qua ex causa Scripturæ non conferentur restringere mortem Christi ad multos, hoc est ad solos electos, maxime quia nonnullis ejusdem Scripturæ locis Christus dicatur mortuus pro omnibus: atqui hæc ratio nulla est: siquidem innumera proferri possunt testimonia, in quibus expref-

se & diserte aliquid tribuitur omnibus hominibus, quod tamen cum restrictione accipi debet, & quibusdam tantum competit; sic v. gr. Christus Joan. 12. Si exaltatus fuero a terra omnia traham ad me ipsum; qui professio omnia ad se non traxit, omnes non traxit Infideles, non omnes parvulos, non omnes obduratos, Ad Rom. cap. 14. ait Apostolus: Vivo ego, dicit Dominus, quoniam mihi flectetur omne genu, & omnis lingua confitebitur Deo. Quanquam multa adhuc hominum milia Deum non servant, & Idolis genu flectant, inquit autor de vocatione gentium lib. 1. cap. 19.

Item Joan. 1. cap. Erat lux vera quæ illuminat omnem hominem, non quia nisi ab ipso nullus illuminatur, inquit sanctus Augustinus in Enchir. cap. 103. 1. ad Corint. cap. 15. Sicut in Adam omnes moriuntur, ita & in Christo omnes vivificabuntur. At omnes revera in Christo non vivificantur, cum tam multi æterna morte puniantur. Act. 1. cap. Primum quidem sermonem feci, inquit sanctus Lucas, de omnibus quæ cepit Jesus facere & docere. Nemo nescit autem multa Christi gesta silentio prætermisisse sanctum Lucam, & sic de cæteris; unde sanctus Fulgentius lib. de Incarn. & grat. cap. 13. Familiare est, inquit, divinis eloquiis, ut omnes nonnunquam dicant, nec tamen omne humanum genus in ipsis omnibus semper intelligi debere commoneant; ergo, licet in nonnullis Scripturæ locis Christus dicatur mortuus pro omnibus hominibus; non inde sequitur eum revera mortuum esse pro omnibus ac singulis, nullo excepto.

Dist. maj. & quia hæc a nobis adducta Scripturæ loca in præfatum sensum de morte Christi pro omnibus & singulis hominibus, nostro quidem iudicio accipiuntur ab omnibus Sanctis Patribus & Conciliis, C. præcise propter illam vocem, omnibus, N. Christum igitur

igitur mortuum esse pro omnibus hominibus eo tantum nomine non putamus assertum; quod ter aut quater legitur in Scripturis, *mortuus pro omnibus*; fateatur enim cordate nonnunquam in sacris litteris omnes homines non significare totum genus humanum, & cum aliqua restrictione accipi debere; sed ex illa voce luculentum enim argumens, quatenus ejusmodi interpretationem arbitramur confirmatam esse & roboratam omnium Patrum & Conciliorum autoritate, ut supra ostendisse putamus; non aliam porro esse regulam qua determinari debeat dubia incertave alicujus vocis Scripturarum significatio, quam unanimum SS. Patrum consensum & Conciliorum decreta, fatebitur quisquis in rebus Theologicis vel mediocriter versatus est.

Instabis, pro iis mori positive noluit Christus, pro quibus noluit rogare Deum Patrem: atqui Christus positive noluit rogare Patrem pro reprobis, *non pro mundo rogo, sed pro his quos dedisti mihi, quia tui sunt*. Ubi mundus ex omnium consensu significat reprobos: ergo Christus non est mortuus pro reprobis.

Nego min. Christus enim oravit pro suis tortoribus, a quibus nempe cruci fuit affixus, ut habetur Lucæ 23. *Pater, inquit, dimitte illis, non enim sciunt quid faciunt*. Adeoque falsum est illum rogasse pro solis prædestinatis: id agnovit S. Augustinus sermone i. in Pl. 68. ubi sic habet: *Et de cruce cum diceret, sitio: fidem illorum querebat, pro quibus dixerat, Pater, ignosce illis, quia nesciunt quid faciunt; sed illi homines quid propinarunt sitienti? acetum*. Ubi manifeste docet Christum orasse pro iis qui nunquam in eum crediderunt.

Quod autem loco citato profiteatur ipse Christus se non rogare Patrem pro mundo, id unum probat, tunc temporis voluisse Christum rogare solummodo pro

suis discipulis; sed inde non sequitur eum nunquam oralle pro reprobis & pro eorum salute. Scilicet varia & multiplex fuit Christi oratio; quandoque enim oravit pro se ipso, ut a Patre clarificaretur, ut Joan. 17. cap. *Et nunc clarifica me tu Pater apud te ipsum*. Aliquando rogavit specialiter pro S. Petro, ut testatur Luc. 22. c. *Ego autem rogavi pro te, ut non deficiat fides tua*. Quandoque etiam pro solis discipulis, ut evidens & perspicuum est ex loco in objectione citato; tandem & oravit pro impiis Judæis, qualis fuit oratio quam fudit pendens in cruce pro suis tortoribus quos optime sciebat nunquam in Deum credituros: quamvis igitur in hac particulari oratione non pro mundo rogo &c. pro solis suis discipulis, pro solis electis oravi Christus, inferri non debet eum nunquam orasse pro reprobis; adeoque nec pro illis reprobis esse mortuum, quin immo si Christus oravit aliquando pro impiis, pro reprobis in eum nunquam credituris, ut mox ostendimus, certissimum est eum pro ipsis etiam reprobis, adeoque pro omnibus & singulis hominibus esse mortuum.

Instabis: Christus fuit semper exauditus in iis quæ petiit a Patre divino, ut testatur Joan. 11. cap. his verbis: *Pater, gratias ago tibi, quoniam audisti me. Ego autem sciebam, quia semper me audis*. Audis, certum est eum non fuisse exauditus pro reproborum salute: ergo sincere non oravit pro reprobis.

Dist. maj. in iis quæ postulavit absolute & in quibus voluit efficaciter exaudiri, C. in iis quæ quidem fieri voluit tantum voluntate generali & antecedente, N. scilicet duplicem Christi admittere orationem, aliam nempe efficacem & aliam mere sufficientem; illam absolutam & istam conditionatam; quemadmodum & in Deo duplicem voluntatem, quarum una est consequens & efficax; altera vero generalis & antecedente.

recedens; sicut autem omnia fecit Deus quæcunque voluit voluntate efficaci & consequente, non autem quæcunque voluit voluntate generali & antecedente: ita Christus semper exauditus est in iis quæ postulavit a Deo Patre, oratione scilicet absoluta, qualis fuit oratio quæ citatur in objectione, ubi petit resurrectionem Lazari; non autem in iis quæ postulavit oratione tantum conditionata, ut cum pendens in cruce petit a Deo veniam pro Judæis dicens: *Pater ignosce illis quia nesciunt quid faciunt*. Nemo enim ejusmodi orationem dixerit illusoriam, quantumvis in rei veritate fuerit inefficax; unde nihil est cur diffiteamur Christum vere & sincere, quantumvis inefficaciter, orasse pro reprobis eorumque salute.

Atque hinc facile colligitur hic nostræ doctrinæ nihil quicquam adversari S. Thomam, 3. parte q. 21. art. 4. ubi ait Christum in cruce pendentem pro solis orasse prædestinatis: *Dominus*, inquit, *non oravit pro omnibus crucifixoribus, neque etiam pro omnibus qui erant credituri in eum, sed pro his solum qui erant prædestinati, ut per ipsum vitam consequerentur æternam*. Is enim orationem Christi considerat quantum ad salutis effectum quem habuit in prædestinatis; quam tamen putat pro omnibus & singulis fuisse, ut constat ex lectione secunda in caput 17. sancti Joannis: *Dicendum*, inquit, *quod Christus, quantum est de se, efficax est ut valens toti mundo, sed tamen non in omnibus sortitur effectum, nisi in sanctis electis Dei, & hoc propter impedimentum mundanorum*.

Obijcies nonnulla S. Augustini testimonia, in quibus apertè docet Christum pro solis fidelibus, pro solis prædestinatis mortis suæ pretium impendisse. Tractatu 1. & 5. in primam Epistolam Joannis hæc verba exponens: *Ipsæ est propitiatio pro peccatis nostris, non pro*

nostris autem tantum sed etiam pro totius mundi, ait per mundum significari Ecclesiam, & Christum nonnisi pro peccatis omnium fidelium fuisse propitiationem. Lib. 2. de civit. Dei cap. 24. id quod Apostolus dicit, *Conclusit omnes in infidelitatem, ut omnium miseretur*, ad solos prædestinatos limitat. *Quid est omnium?* inquit, *& eorum scilicet quos ex gentibus & eorum quos ex Judæis prædestinavit, vocavit, justificavit, non omnium hominum*. Et tractatu 45. in Joan. *Quibus nobis præstitis, prædestinatis, justificatis*. Tractatu 52. in illa verba, *Omnia traham post me*, ait, *si omnia ipsi homines intelligendi sunt, omnia prædestinata ad salutem possumus dicere; ex quibus omnibus ait nihil esse perituum, cum supra de suis ovibus loqueretur*. Unde & ne quis forte suspicetur, inquit Janfenius, ita phrasæ hujusmodi affirmativas de prædestinatis intelligendas esse, ut tamen alii non excludantur; non uno in loco invertit istiusmodi locutiones; ita ut dicat expresse Christum pro cæteris non esse mortuum, sic Epistola 102. quæ ad Evodium: *Non perit unus ex illis pro quibus mortuus est Christus*. Quod quidem confirmat tractatu 100. & 107. in Joan. ergo, &c.

Dist. ant. in quibus docet Christum non esse mortuum pro omnibus efficaciter, C. sufficienter, N. iis igitur in locis loquitur August. de morte Christi efficaci quæ suum plenum habet effectum in solis prædestinatis; sed non idcirco negat eum pro cæteris hominibus, licet modo longe minus præstanti, mortis suæ pretium sincera voluntate impendisse: ut aperte indicant testimonia ex illius scriptis superius adducta. Præterea, si quid virum haberent præfata S. Augustini testimonia, ex illis colligi deberet Christum esse mortuum pro multis reprobis, mundum enim explicat de tota Ecclesia quæ multos suo sinu continet reprobos.

In-

Instabis: ille existimavit Christum non esse mortuum pro reprobis, qui docet illum nunquam orasse pro reprobis: atqui S. Augustinus docet Christum nunquam orasse pro reprobis; is enim aperte docet Christum non orasse pro reprobis, qui ut certum ac indubitatum supponit fundi non debere preces pro iis qui cognoscuntur esse reprobi: atqui ut certum ac indubitatum tenet sanctus Augustinus, fundi non debere preces pro iis qui cognoscuntur reprobi; ait enim Ecclesiam non magis debere pro reprobis orare, si eos cognosceret, quam pro ipso Diabolo, lib. nempe 21. de Civit. Dei cap. 24. his verbis: *Si de aliquibus, inquit, ita certa esset Ecclesia, ut qui sint illi, etiam nosset, qui licet adhuc in hac vita sint constituti, tamen prædestinati sunt in æternum ignem ire cum Diabolo, tam pro eis non oraret quam nec pro ipso. Sed quia de nullo certa est, orat pro omnibus duntaxat hominibus inimicis suis in hoc corpore constitutis, nec tamen pro omnibus exauditur. Unde ob hoc nos velle omnes salvos fieri, quia prædestinatos a non prædestinatis discernere non valeamus, docet lib. de correptione & gratia c. 15. Proinde, inquit, quantum ad nos pertinet, qui prædestinatos a non prædestinatis discernere non valeamus, & ob hoc omnes salvos fieri velle debemus, omnibus ne pereant, vel ne alios perdant, adhibenda est a nobis medicinaliter severa correptio: ergo.*

Nego min. siquidem multa superius laudata sunt S. Augustini loca, e quibus aperte colligitur Christum orasse pro suis tortoribus. Ad probat. vero dist. min. ita ut ejusmodi regula & principium locum habeat pro fidelibus, pro Ecclesia, C. pro Christo ipso, N. hic igitur neutiquam affirmat S. Augustinus Christum non orasse pro reprobis, & id solummodo colligit adversarii, ex eo quod ut certum ac indubitatum supponit S. Doctor, fundi non debere preces pro

iis qui cognoscuntur certo esse reprobi. Verum non constat illum voluisse ejusmodi regulam generalem pro ipso etiam Christo locum habere, quam e contra statuit pro solis fidelibus. Scilicet disputat ibi Augustinus adversus nonnullos qui putabant, *Sanctos Angelos simul cum sanctis hominibus pro damnandis & Angelis & hominibus oraturos, ut misericordia non patiantur quod veritate merentur pati. Quam sententiam tanquam fidei contrariam affirmat, Alioquin nulla causa est, inquit, cur non etiam nunc pro Diabolo & Angelis ejus oret Ecclesia. Ubi continenter addit, nec pro reprobis oraturam Ecclesiam, si nescit qui sint illi reprobi.*

Sed non ideo colligi potest existimasse S. Augustinum, nec debuisse ipsum Christum orare pro reprobis quos certo noverat a Deo reiectos; siquidem Christum inter & fideles longum latumque est hac in parte discrimen; fideles enim, cum pro mortuis fundunt preces, incerti sunt de illorum statu, & prædestinatione, secus vero Christus Dominus; præterea si Ecclesia oraret pro impiis in hæresi defunctis, vel etiam pro Diabolo; hinc dubitare viderentur fideles, an certa sit dæmonum & impiorum damnatio, quod nemo sana fidei dicturus est, inquit ibidem S. Augustinus. Sed Christus qui mediatoris partes agebat sincere volentis homines cum Deo reconciliare, pro iis etiam orare potuit quos noverat reprobos: *Unus enim Deus, unus & mediator Dei & hominum homo Christus Jesus, qui dedit redemptionem semetipsum pro omnibus.*

Objicies, ea sententia propugnari non debet, quam nono sæculo rejecit Gallicana Ecclesia pene universalis: atqui sententiam, quæ docet Christum pro omnibus hominibus esse mortuum, nono sæculo rejecit Gallicana Ecclesia pene universalis. Cum enim an. 847. docuisset Gotescalchus J. C. Dominum nostrum & Salvatorem non fuisse crucifixum,

neque mortuum pro redemptione totius mundi, sed pro eis duntaxat qui salvantur; quemadmodum dixerat Deum non velle omnes homines salvos fieri, sed eos duntaxat qui salvantur; quæ duo inter se coherent indivulſe; poſt varias ſuper iſto negotio nonnullorum in Gallis Scriptorum altercationes, conventiculum quoddam habuit Hincmarus Remenſis an. 853. ibique quatuor edidit capitula, in quorum tertio definitur: *Velle Deum generaliter omnes homines ſalvos fieri, licet non omnes ſalventur*; in quarto vero, *Chriſti ſanguinem pro omnibus fuſum, licet non omnes paſſionis myſterio redimantur*. Verum in illa quatuor capitula Carifiaca, & nominatim in duas præſatas propoſitiones protinus inſurrexit univerſa Eccleſia Gallicana.

1. Enim Prudentius Trecentium clariffimus Præſul, eodem anno Tractoriam per Vicarium miſit ad Concilium Senonenſe, qua ordinationi Æneæ in Episcopum Pariſienſem ita demum contentiebat, ſi Æneæ mox ordinandus, *Apoſtolica ſedis omnibus inſtitutus, & B. Patrum ſcriptis ac dictis & ſpecialiter capitulis, quibus Eccleſia Catholica adverſus Pelagium, ejuſque hæreſeos ſequaces pugnavit ac viciis, conſiſtendo ſubſcriberet, ſcilicet 1. liberum arbitrium, &c. 2. quosdam impenetrabili &c. 3. Chriſti ſanguinem pro ſolis credentibus fuſum. 4. Deum omnes quoſcunque vult ſalvare, & quicunque non ſalvantur, penitus non eſſe voluntatis illius ut ſalventur. Ubi quatuor capitula quatuor Hincmarianis oppoſuit. Hanc porro Tractoriam in Concilio Senonenſi leſtam, approbatam & reverenter ſuſceptam a Uenilone & Coepiſcopis ſuis, ex eo maxime colligere licet; quod non aliter conſentire ſe Æneæ ordinationi profiteretur Prudentius, quam ſi Æneæ huic Catholicæ doctriinæ ſubſcriberet, & tamen in Epistoſa Synodica de ordinatione Æneæ apud Lupum Fer-*

ſarienſem Epistoſa 99. Prudentius Tractoriaſſinus, qui nonniſi per Tractoriam ſuam præſens aderat, ſuo loco inter alios numeratur.

2. Cum an. 854. quatuor illa Hincmari capitula delata eſſent ad Eccleſiam Lugdunenſem, Remigius tunc illius Eccleſiæ Archipræſul adjuncto ſibi, ut ait, Fratrū Concilio, ejuſmodi capitula gravi cenſura notavit, lib. *De tenenda veritate Scripturæ*, cap. 2. ſic habet: *Hæc igitur cum legiſſemus, & adjuncto nobis fratrum noſtrorum Deo donavit bene ſtudentium & recte intelligentium Collegio, pia & fideli attentione ſingula pertractaſſemus, graviter percuſi & conſuſi animo, vidimus in eis & Scripturæ ſanctæ certiffimam veritatem, & beatiffimorum Patrum præcipue S. Auguſtini reverendam, & in omni Eccleſia Catholica receptiffimam autoritatem novo conatu & ajuſu nimis temerario impugnari. Ex ad quartum Hincmari capitulum hæc ſcribit cap. 14. Quod definitum eſt, quod nullus hominum ſuit, eſt, vel erit pro quo Chriſtus paſſus non fuerit; quid aliud reſpondere poſſumus, niſi ut primum ipſos, qui hoc definiunt, ſedulo interrogemus & admoneamus, ne vigilanter & fideliter penſare ſtudeant; ne forte minus conſiderando quod dicendum erat, contra fidem, & conſcientiam ſuam talia dixerint & ſcripſerint. Nam ut taceamus de his qui nunc ſunt vel adhuc uſque ad finem ſæculi futuri ſunt, in quibus utique & Antichriſtus erit, certe de illa innumerabili multitudine impiorum, qui fuerunt ab initio mundi uſque ad adventum Chriſti, & in ſua impietate mortui in æternis pœnis ſunt condemnati. Nec ipſos qui hæc dixerunt, credere putamus; quod pro eis in ſua impietate mortui & æterno jam judicio condemnati Dominus paſſus eſſe credendus ſit: ſi enim pro eis paſſus eſſe creditur; cur non etiam pro Diabolo & Angelis ejus ſimiliter paſſus eſſe credatur?*

3. Cum

3. Cum anno sequenti Lotharii Imperatoris iussu in causa Valentini Episcopi criminibus diffamati celebratum esset Concilium Valentini ab Episcopis trium Provinciarum, Lugdunensis, Viennensis, & Arelatensis, finito semel Episcopi Valentini negotio, Synodus nonnullos edidit canones, quorum hic recensetur quartus de Capitulis nempe Carisiacis. Porro Capitula quatuor quæ a Concilio fratrum nostrorum minus prospecte susceptæ sunt propter inutilitatem, vel etiam noxietatem, & errorem contrarium veritati; hujus porro Concilii definitiones una cum libellis Ecclesiæ Lugdunensis ad Imperatorem misit Remigius, ut per easdem aliis Gallici regni Præfules transmissas, Hincmari ejusque sanctorum inscitia reprimeretur.

Deinde an. 859. iidem fere Episcopi in suburbium Lingonicæ urbis conveniunt, ibique præsentem Carolo Rege, sex priores Concilii Valentini canones repetiti & confirmati fuerunt; ea lege ut in Concilio Tullensi proximo futuro, quo tum vocati se conferebant, recitarentur, & ab omnibus Episcopis reciperentur. Quapropter post quindecim dies in Concilio Tullensi apud Saponarias convenientibus Episcopis, Remigius Lugdunensis sex illos Canones cum reliquis Lingonenſis Concilii protulit & deposuit comprobandos solo reclamante Hincmaro cum paucis sequacibus. Unde sexdecim illi Concilii Lingonenſis Canones actis Concilii Tullensis inserti sunt. Hactenus de iis quæ acta sunt adversus quatuor Carisiaca capitula.

Quibus merito subjungere possumus cæteros hujusce regni Scriptores vel ab ipso emergentis dissidii exordio, ante Carisiacum conventiculum in doctrinam Hincmari acriter insurrexisse; cum enim ille ipse Prudentius composuisset collectaneum ex sacris Scripturis & ex multis SS. Patrum testimoniis, quibus evincitur Christum pro solis fidelibus passum, Lupus Abbas Ferrariensis sententiam

Prudentii in omnibus comprobavit, ut patet ex ejus Epistola ad Carolum Regem. Hunc secutus est alter Lupus Servatus qui iidem temporibus suum de tribus quæstionibus librum edidit, in quo similiter Gotschalchi doctrinam amplectitur. Quin & ipse Ratramnus Corbejenſis Monachus Epistola ad amicum data, Hincmari sentia refellere non timuit. Ex quibus palam est hanc sententiam, quæ docet Christum pro omnibus & singulis passum fuisse, non sæculo ab universa Ecclesia Gallicana rejectam.

Disting. min. sententiam quæ docet Christum pro omnibus passum universa Ecclesia Gallicana rejectit, ad sensum aliquem erroneum vel etiam hæreticum intellectam, C. ad sensum nostrum qui maxime catholicus est, N. Scilicet hæreticum est asserere Christum pro omnibus & singulis mortuum esse efficaciter, & eo animo pro illis passum, ut eos qui jam in inferis erant, inde extraheret; quod unum dubio procul detestati sunt Gallicani Præfules qui Hincmaro restiterunt, id aperte liquet.

Primo quidem ex lib. de tribus Epistolis, ubi sic habetur c. 18. *Quamvis igitur idem Dominus noster & ad omnes salvandos & omnes redimendos, etiam quos nec salvavit nec redemit, id est infideles & impios in sua infidelitate & impietate perditos & pereuntes sive perituros, venisse contendatur: unum tamen est, quod nos & fidelissime credimus, & verissime novimus, quia pro illa innumerabili & infinita multitudine impiorum, qui ab exordio mundi usque ad passionem Domini per quatuor ferme annorum millia in sua impietate sunt mortui, & apud inferos æternæ perditione damnati, nunquam Dominus passus, nunquam mortuus est; nec ad eos salvandos ullatenus venit, nec pro eis pretiosum sanguinem sudavit. Quoniam solos illos ex his qui ab exordio mundi usque ad passionem ejus extiterunt, eadem*
Gg 2 pas-

passione sua redemisse & salvasse, atque ab inferni clausuris eduxisse credendus est, qui & fideliter cum speraverunt venturum, & fideliter per eum redemptionem & liberationem ad salutem se accepturos esse crediderunt.

Idem repetit eadem Ecclesia Lugdunensis libro de tenenda veritate Scripturae cap. 14. his verbis: Nam ut taceamus de his qui nunc sunt, vel adhuc usque ad finem seculi futuri sunt, in quibus utique & Antichristus erit, certe de illa innumerabili multitudine impiorum, qui fuerunt ab initio mundi usque ad adventum Christi & in sua impietate mortui, in æternis penis sunt condemnati . . . unde cesset hæc nova & inaudita definitio, imo nova & inaudita presumptio, ut nullus leminum etiam impiorum, & apud inferos irrevocabiliter damnatorum fuerit, pro quo Christus passus non sit.

Eadem porro mens fuit Concilii Valentini, quod obijcitur, canone scilicet 4. Item, inquit, de redemptione Sanguinis Christi, propter nimium errorem, qui de hac causa exortus est; ita ut quidam, sicut eorum scripta indicant, etiam pro illis impiis a mundi exordio usque ad passionem Domini in sua impietate mortui æterna damnatione puniti sunt, effusum enim definiant, contra illud propheticum, *Ero mors tua, o mors, ero mortuus tuus, inferne*, &c. Ex quibus manifestum est eo sensu impugnari ab Præfatis Gallicanis mortem Christi pro omnibus & singulis hominibus, quod putetur absoluta & efficax etiam pro impiis in impietate sua morituris; ita ut eos qui jam in Inferis erant sepulti, inde voluerit efficaciter extrahere; suum enim argumentum petunt, ex eo quod impii in sua impietate mortui, sint irrevocabili judicio damnati, nec ulla unquam futura sit in Inferno redemptio; quod certe non adversatur Patribus Concilii Carisiaci qui hoc solum adversus Gotschalchum definire voluerunt Christum esse mortuum pro omnibus,

quatenus voluit sincere omnes redimere, tametsi, ut ait Concil. Tridentin. non omnes mortis ejus beneficium recipiant.

Quapropter huncce errorem sibi ab adversariis afflictum conquisitus est Hincmarus, lib. de Prædestinatione, cap. 29. sub fin. ubi & observat in hanc hæresim fuisse a S. Augustino animadversum: Sed & quando hæc scripsimus, inquit, non ignoravimus S. Augustin. in Catalogo heresum, ad Quod vult Deum, Diaconum scripto, LXXX. loco hæresim descripsisse de qua dicitur, est hæresis qua dicit descendente ad Inferos Christo credidisse incredulos, & omnes exinde liberatos. Id revera habetur apud August. hæresi 79. & impugnatum fuit a S. Gregorio Magno in homil. 22. in Evangel. tum a Venerabili Beda in primam sancti Petri Epistolam.

Secundo, Gallicanos Præfules Hincmari doctrinæ & Capitulis Carisiaci adversatos fuisse duntaxat, quia in iis assertam putabant mortem Christi efficacem pro omnibus vel impiis in impietate morituris: inde manifeste colligitur, quod aliunde verum Ecclesie dogma de sufficienti mortis Christi pretio vel ex ejus intentione, & quantum in se est, omnibus impensis diserte stabilium.

Ac 1. quidem Lupus Servatus quæst. 3. sic habet: Curiosos tamen divinatorum eloquiorum non fugiat probabiliter dici posse, mortuum pro omnibus Christum, qui ejus fidei Sacramenta sive servaturi, sive non servaturi suscipiunt. . . verumne me irridendum & respondendum pronuncient, quibus placet omnes sive bonos sive malos indifferenter a Christo redemptos, ponam unum, quod cum eis faciat testimonium, & eos omnes, ut opinor, in gratiam reducere. Joannes Constantinopolitanus doctrina & sanctitate juxta insignis Episcopus ut gratia Dei pro omnibus gustaverit mortem, quod supra jam posui, sic exposuit, qualiter gratia Dei pro omnibus.

nibus gustaverit mortem, non pro fidelibus tantum, sed pro mundo universo & ipse quidem pro omnibus mortuus est. Quid autem si non omnes credant, id quod suum erat, implevit. Ubi t. dicit Servatus aliquo sensu dici posse, Christum pro omnibus mortuum. 2. Iis solum adversari videtur, quibus placet omnes sive bonos sive malos, indifferenter esse redemptos, quod sane nunquam docuit Hincmarus. 3. demum, eorum sententiam, qui dicunt Christum esse mortuum pro omnibus, cum aliis qui id ipsum negant, conciliari purat adducto S. Chrylostomi testimonio, quatenus ait id quod suum erat implevisse Christum, tamen non omnes credant & redimantur.

Præterea Concilium Valentinum non uno in loco aliquam agnoscit redemptionem pure sufficientem, ait enim can. 2. *Nec ipsos malos ideo perire, quia boni esse non potuerunt, sed quia boni esse noluerunt, suoque vitio in massa damnationis, vel merito originali, vel etiam actuali permanserunt.* Et can. 5. *ex ipsa multitudine fidelium & redemptorum alios salvari æterna salute, quid per gratiam Dei in redemptione sua fideliter permanent . . . alios quia noluerunt permanere in salute fidei quam initio acceperunt; redemptionisque gratiam potius irritam facere prava doctrina, vel vita, quam servare elegerunt, ad plenitudinem salutis, & ad perceptionem æternæ beatitudinis nullo modo pervenire.* Quibus profecto verbis nihil ad rem nostram luculentius afferri potest.

Adde tamen quod illi omnes Gallicani Præsules aperte profiterentur, Christum pro omnibus baptizatis esse mortuum, tamen non perseverant; adeoque sint & numero reproborum; sic Ecclesia Lugdunensis lib. de tenenda veritate Scripturæ cap. 14. *De cæteris vero hominibus, inquit, qui ab ejus Passione usque nunc fuerunt, aut sunt, aut usque in finem sæculi futuri sunt, Catholica fi-*

*des tenet, & Scriptura sancta veritas docet, quod pro omnibus credentibus & per gratiam Baptismi ex aqua & Spiritu sancto regeneratis & Ecclesie incorporatis vere Dominus & Salvator noster sit passus. . . . quapropter de omnibus credentibus in Christum & in Christo regeneratis re-
le & veraciter creditur, quod pro eis Dominus Christus sit passus. Idem scribit Lupus Servatus lib. de tribus quæstionibus, q. 3. Curiosos tamen, inquit, divinorum eloquiorum non fugiat probabiliter dici posse mortuum pro omnibus Christum, qui ejus fidei sacramenta sive servaturi, sive non servaturi suscipiunt.* Unde manifeste sequitur illos admisisse veram redemptionem, mere tamen sufficientem, & inefficacem, quæ ad baptizatos reprobos pertineat.

Instabis: in eum sensum Christi meritum & redemptionem pro omnibus rejiciunt Episcopi Gallicani, quo illam admittebat Hincmarus; hujus enim sententiam potissimum debellant, & in capitula Carisiaca præcipue stilum acunt: atqui non censuit unquam nec docuit Hincmarus Christum pro omnibus efficaciter passum, sed solummodo sufficienter ex vera & sincera intentione redimendi omnes homines: ergo, &c.

Nego ant. & dico istam Hincmari doctrinam, qua dicebat Christum pro omnibus esse mortuum, non fuisse ab Gallicanis Episcopis eo præcise sensu impugnatum, quo illam publicabat clarissimus Præsul; certum est enim Hincmarum nunquam mentem fuisse Christum pro ipsis etiam impiis ita esse mortuum, ut eos aliquando sit ab Inferis liberaturus; in id tamen inclamasse & quarto Concilii Carisiaci capitulo hunc sensum affinxisse nostros Episcopos abunde, ut puto, mox ostendimus tum ex illorum scriptis, tum ex ipsius Hincmari expositione; quocirca cum illi iidem Præsules, qui forte judicio nimis præcipiti capitula Carisiaca condemnaverant in Valentino Concilio, quasi minus pro-

spe-

specie suscepta propter inutilitatem vel etiam noxietatem & errorem contrarium veritati, convenissent postea ad Concilium Lingonense, sic Valentini Concilii decreta confirmarunt, ut præfatam adversus Concilium Carisiacum notam sustulerint, quod ipsum itidem præstiterunt in Synodo Tullensi æquissimi iudices. Scilicet coram ipsis mentem & doctrinam aperuit Hincmarus, quasi Christum eo tamen sensu dixisset omnes & singulos homines redemisse, quod pretium impenderit sufficientissimum cum sincera voluntate antecedenti tantum & generali, neutiquam vero consequenti & efficaci, ut omnes & singuli vel etiam impii in impietate morituri redimerentur; unde pacatum est tandem grave illud dissidium, quod in varias partes jam tum scindebat Gallicanam Ecclesiam; præterquamquod enim in utroque Concilio Lingonensi & Tullensi eam censuræ notam sustulerunt Episcopi qua Valentini cõfixerant capitula Carisiaca; insuper in Concilio Tullensi rem novo examini subjiciendam decernunt.

Instabis: constat saltem censuisse Gallicanos Scriptores Christum dici non posse mortuum pro Infidelibus; id enim sexcentis affirmant ut aperte consonum & Scripturis & sanctis Patribus, præsertim Augustino: ergo.

Distinguo ant. mortuum efficaciter, C. ineffaciter saltem & sufficienter, N. scilicet, ut dictum est, hanc propositionem, Christus pro omnibus passus est, in rigore ac veluti in priorem partem lucebant quasi voluisset Hincmarus ita Christum pro omnibus & singulis hominibus passum, ut & impios in impietate sua morituros extraheret ab inferis; unde fit ut obijciant Hincmaro saltem id dici non posse de infidelibus; sed loquuntur de morte & redemptione Christi quæ esset efficax, aliam vero mere sufficientem minime negant.

Instabis: satentur illi Christum esse mortuum: pro fidelibus baptizatis non perseveraturis, nequaquam vero pro Infidelibus; sic Ecclesia Lugdunensis lib. de tribus Epistolis c. 15. ubi cum quadruplicem hominum ordinem distingisset, primum qui est electorum, secundum qui est fidelium reproborum, tertium vero eorum qui adhuc in infidelitate positi, aliquando tamen baptizandi sunt; quartum denique Infidelium qui in sua infidelitate peribunt: agnoscit tres primos ordines ad Christi redemptionem pertinere, neutiquam vero quartum seu Infideles in sua infidelitate morituros; unde sic argumentor: In eundem sensum Christi mortem accipit Ecclesia Lugdunensis, cum dicit Christum non esse mortuum pro Infidelibus in sua infidelitate morituris, ac cum dicit eum esse mortuum pro reprobis baptizatis: atqui non loquitur de morte efficaci, cum fateatur Christum esse mortuum pro baptizatis reprobis, ut per se patet: ergo etiam cum dicit Christum non esse mortuum pro infidelibus non baptizandis, non loquitur de morte efficaci; adeoque non modo negat pro ejusmodi hominibus Christum esse mortuum efficaciter, quasi sit eos aliquando ab Inferis liberaturus; sed & negat quamlibet in Christo fuisse pro illis moriendi voluntatem.

Dist. min. non loquitur de morte efficaci quoad salutem æternam, C. quoad gratiam saltem aliquam, vel etiam baptismum, N. hæc igitur fuit mens. Episcoporum, qui tunc temporis Hincmaro adversabantur, Christum posse dici mortuum pro baptizatis non perseveraturis, non autem pro Infidelibus nunquam baptizandis, & id intelligebant de morte & redemptione efficaci; quia nempe putabant in iis efficacem esse saltem ex parte, qui baptisabantur, nempe quoad gratiam aliquam & baptismum, nequaquam vero in iis qui nec credituri erant nec baptizandi, pro-

qui-

quibus consequenter Christus non est mortuus efficaciter, qui tamen mortuus est pro illis sufficienter, quippe *qui dedit semetipsum redemptionem pro omnibus*.

Instabis: iidem Episcopi docent passim non magis Christum esse mortuum pro Infidelibus in infidelitate perituris, quam pro Antichristo, & pro Diabolo; ut constat ex libro *de tenenda veritate Scripturæ* cap. 14. superius citato: atqui nullo sensu catholico dici potest Christum esse mortuum pro Diabolo: ergo.

Dist. maj. non magis efficaciter ut eos ex Inferis ac suppliciis æternis erueret, C. secus, N. hæc non indigent majori explicatione.

Atque hinc facile colligitur, quo sensu aliud capitulum Carisiacum, quo affirmatur Deum velle omnes homines salvos fieri, improbaverint Gallicani Præfules, hanc scilicet intellexerant re nondum satis examinata, ab Hincmaro assertam Deo voluntatem generalem, quæ esset æqualis pro omnibus & singulis cum exclusione cuiuscunque alterius, quod sane Pelagianum & Semi-pelagianum est; idque ex eo maxime evincitur, quod veram & sinceram Dei voluntatem salvandi omnes homines ubi-

que & passim prædicant; sic Ecclesia Lugdunensis lib. de tribus Epistolis cap. 24. prolato hoc Apostoli testimonio, *qui vult omnes homines salvos fieri*, ait, ita exponi a S. August. ut Deus non velit salvare omnes & singulos homines, & tamen ad sensum Hincmari intelligi posse sine errore cum nonnullis sanctis Patribus. *Es licet*, inquit, *alii quidam sancti, & venerabiles Patres simpliciter illi Apostoli verba accepisse inveniantur, utrorumque tamen sententia fuerat honoranda, nec jam, ut superius dictum est, una pro altera damnanda; quia & illa ex divina autoritate vera esse monstratur, & ista quadam pia ratione non abhorrens a veritate fideliter creditur, quod idem clarius exprimit cap. 26. ait enim recte dici posse Deum velle omnes homines salvos fieri, modo id non intelligatur de voluntate efficaci: Et si ceteros ita vult salvos fieri, ut tamen non eos salvos faciat, sed omnino perire permittat, utrumque hic evidenter apparet, & erga creaturam suam scilicet bonitas creatoris, & erga ejusdem creatura iniquitatem severitas judicii. Ita & c. 28. ejusdem libri, & lib. de tenenda veritate Scripturæ cap. 12.*



T R A C T A T U S

D E

JUSTIFICATIONE ET MERITO.

HIS fufe pertractatis quæ ad gratiam actualem pertinent, fupereft ut nonnulla dicamus de gratia habituali, quæ quidem divina eft illa forma, per quam homo impius renovatur fpiritu mentis, renafcitur in filium Dei, confortem divinæ naturæ factum, & de pofitis fordium inquinamenti coram Deo vere faneus iustificatur: unde brevem inftituemus tractatum de Iuftificatione & Merito, ut eorum, quæ ad gratiam Salvatoris noſtri J. C. ſpectant, nihil quicquam a nobis prætermiſſum eſſe videatur.

Quæ in hac controverſia tractari ſolent, fere omnia referuntur vel ad diſpoſitiones Iuftificationis, vel ad ipſam formalem Iuftificationem, vel denique ad illius proprietates & effectus.

Quod ſpectat diſpoſitiones Iuftificationis, tria inquiremus. 1. Utrum ad Iuftificationem impii requiratur actus fidei, 2. An ſola fides per modum diſpoſitionis iuſtificet. 3. Utrum ad Iuftificationem requiratur motus liberi arbitrii.

Quod ſpectat ipſam formalem Iuftificationem, examinabimus. 1. Utrum in Iuftificatione peccata auferantur & deleantur. 2. An præter remiſſionem peccatorum in Iuftificatione requiratur renovatio interior. 3. Utrum Iuftificatio poſita ſit in iuſtitia inhærente, vel in imputativa.

Denique quod ſpectat proprietates & effectus Iuftificationis, tria ſunt ſimiliter quæ cadunt in controverſiam, dux quidem ejuſ proprietates, nimirum certitudo & amiſſibilitas, unus vero

præcipuus effectus nempe meritum, de quibus ſigillatim & paucis differemus, præmiſſa tamen ipſius Iuftificationis noſtione.

Nomen & definitio Iuftificationis.

Multis modis accipitur in ſcripturis vox iſta *iuſtificatio*.

1. Pro declaratione ſeu manifeſtatione innocentie alicujus hominis, quæ appellatio eſt frequenter uſitata apud Juſconſultos: Eccleſ. 7. cap. *Non te iuſtifices ante Deum*. Iſay. 5. cap. *Va illis qui iuſtificant impium pro omnibus*. Luc. c. 16. *Phariſai iuſtificabant ſe ipſos*.

2. Sumitur pro ipſa lege divina quæ iuſtitiam docet, quo ſenſu illam vocem accipere amant Lutherani & Calviniſtæ, Plal. 118. *Uinam dirigantur via mea ad cuſtodiendas iuſtificationes tuas*. Lucæ 1. cap. *Incedentes in omnibus mandatis & iuſtificationibus ſine querela*.

3. Accipitur pro acquisitione iuſtitie ſeu ſanctitatis per quam formaliter iuſtificatur homo; & quandoque ſumitur pro mutatione ſeu tranſitu a carentia gratie ſanctificantis ad ipſam gratiam ſanctificantem, quo ſenſu nunc accipitur; ut habetur ad Rom. 4. cap. *Credenti in eum qui iuſtificat impium, ut & apud Auguſt. lib. de ſpir & lit. c. 26. Quid eſt enim aliud iuſtificati quam iuſti facti, ab illo ſcilicet qui iuſtificat impium, ut ex impio ſiis iuſtus?* Quandoque pro ſtatu ſeu permanentia in illa iuſtificatione ſemel adepta, 1. ad Corint. cap. *Sed nunc abluti eſtis, ſanctificati eſtis, ſed iuſtificati eſtis*.

4. Denique, pro incremento ejusdem iustitiæ, ut legitur Apocalip. cap. ult. *qui iustus est, justificetur adhuc*. Ubi etiam justificationis nomen sumitur non pro declaratione, sed pro effectiōne iustitiæ, uti declaratur aliis verbis, *Qui sanctus est sanctificetur adhuc*.

Utrum ad justificationem impii requiratur actus fidei, & qualis.

Certum est motum fidei necessarium esse ad nostram justificationem; id enim declarat infinitis prope Scripturæ sacre locis, Marci ultimo cap. *Qui non credit jam iudicatus est*. Et ad Hebr. cap. 11. *sine fide impossibile est placere Deo*. Id præterea testantur omnes sancti Patres, & præsertim S. Augustinus qui passim docet sine fide in Christum nec antiquos sub lege potuisse justificari, sic enim habet lib. de peccato orig. cap. 24. *Sine fide incarnationis & mortis & resurrectionis Christi nec antiquos iustos, ut iusti essent, a peccatis potuisse mundari, & Dei gratia justificari veritos Christiana non dubitas*. Quod idem aperte definitum est a Concil. Trident. Sess. 6. cap. 6. & 8.

Verum disputatur acerrime Novatores inter & Catholicos, quænam & qualis sit illa fides, quæ per modum dispositionis requiritur ad justificationem impii; seu quænam sit illa fides quæ dicitur justificans; ad cuius difficultatis elucidationem,

Observandum est illos hæreticos triplicem distinguere fidem: prima est quam appellant historicam qua nempe assentimur omnibus quæ continentur in sacris codicibus, cuius fidei sermo habetur Hebr. 11. cap. his verbis: *Fide credimus aptata esse sacula verbo Dei*. Secunda quam vocant miraculorum, qua scilicet credimus nihil esse quod a Deo fieri non possit; hujus mentio fit 1. ad Corint. cap. 13. *Si habuerō omnem fidem, ita ut montes transferam*, inquit Apostolus.

Tom. IV.

Tertia denum quam dicunt promissionum, qua credimus veras esse Dei promissiones de hominum salute, ut legitur Marci ultimo, *qui crediderit & baptizatus fuerit, salvus erit*.

Porro solam fidem promissionum, non fidem historicam aut miraculorum, esse fidem justificantem contendunt illi, ut de Lutheranis constat ex art. 4. Confessionis Augustanæ, & de Calvinistis ex ipso Calvino lib. 3. Instit. cap. 2. paragr. 7. fidem illam promissionum dividunt in generalem & specialem: prior est ea qua credimus Deum generaliter omnibus credentibus promississe remissionem peccatorum; posterior, qua unusquisque sibi divinam promissionem applicans confidit sibi omnia sua peccata dimissa esse per Christum, quam solam specialem divinarum promissionum fidem putant esse justificantem.

Nos vero, licet agnoscamus dari fidem historicam, miraculorum, & promissionum: hanc tamen rejicimus divisionem, quatenus triplicem illam fidem distinguunt ut triplicem virtutem, quia videlicet eadem fides est historica, quatenus per eam credimus omnia facta quæ continentur in Scripturis; est miraculorum, quatenus credimus fieri posse a Deo miracula; est denique fides promissionum, quatenus credimus in omnes Dei promissiones. Quamobrem in eo vehementer Novatoribus adversamur, quod solam fidem promissionum dicant fidem justificantem per exclusionem cujuscunque alterius fidei, unde sit

CONCLUSIO.

Fides justificans non est specialis fides promissionum, sed ea censi debet fides qua credimus vera esse quæcunque revelavit Deus; seu sint historiæ, seu miracula, seu promissiones.

Probat ex iis Scripturæ locis; in quibus aperte legitur fidem justificantem pertinere ad intellectum; fides enim

H h pro-

promissionum quæ potius est fiducia quam fides, minus proprie pertinet ad intellectum, non enim posita est in assensu qui præbetur alicui veritati. Joan. 6, cap. *Verba vite æterna habes & nos credimus & cognoscimus, quia tu es Christus filius Dei vivi*. Et cap. 20. *Hæc scripta sunt, ut credatis quia Jesus est Christus filius Dei vivi*. Rom. 4, cap. habetur per fidem de omnipotentia Dei justificatum fuisse Abraham. *Plenissime sciens quia quacunq; promissit, potens est & facere*. Et cap. 10. *Hoc est verbum fidei quod predicamus, quia si confitearis in ore tuo Dominum Iesum & in cor de tuo credideris, quod Deus illum suscitavit a mortuis, salvus eris*. Hæc fides, ut patet, est pure historica, qua nempe creditur facta Christi resurrectio. Heb. c. 11. *Fide intelligimus, inquit Apostolus, aptata esse sæcula Verbo Dei*. Et rursus, *sine fide impossibile est placere Deo; credere enim oportet accedentem ad Deum, quia est*. Denique cap. 8. Actuum, Eunuchus baptismum petenti his verbis: *Ecce aqua, quid prohibet me baptizari?* Respondit Philippus; *Si credis ex toto corde, licet: & respondens ait, Credo filium Dei esse J. C.* Hæc fides est historica, & tamen accipitur a Philippo ut dispositio sufficiens ad baptismum, adeoque ad justificationem.

Quapropter hoc definit Concilium Trid. Sess. 6, cap. 12. *Si quis dixerit fidem justificantem nihil aliud esse quam fiduciam divina misericordia peccata remittentis propter Christum, vel eam fiduciam solam esse qua justificamur, anathema sit*. Scilicet editus est ille Canon adversus Novatores, qui licet fateantur fidem justificantem esse actum intellectus, volunt tamen ejusmodi actum non esse justificantem, nisi ratione fiduciae sibi adjunctæ; contra vero fides catholica docet fidem sumptam pro assensu qui præbetur veritatibus a Deo revelatis, suo modo justificare; puta per modum remotæ cujusdam præparationis.

Adde quod fides illa promissionum secundum hæreticos specialis quædam est fiducia, per quam unusquisque confidit certissime sibi peccata esse remissa per Christum, & qua dicunt hominem apprehendere beneficia Christi: at ejusmodi confidentiam rejicit Ecclesia Catholica.

Obiciunt innumera Scripturæ loca, in quibus justificatio tribuitur fidei quæ vel posita est in confidentia, vel saltem importat secum ejusmodi fiduciam in promissiones. Math. 9, cap. *Confide fili, remittuntur tibi peccata*. Cap. 24. *omnia quacunq; petieritis in oratione credentes, accipietis*. Ad Rom. 4, cap. *ideo ex fide, ut secundum gratiam firma sit promissio*. Unde ad Hebr. cap. 11. fides dicitur *substantia rerum sperandarum*.

Respondeo ex istis & similibus Scripturæ testimoniis id unum colligi posse, justificationem sequi ad spem quam fideles in Deum ejusque misericordiam & promissiones collocant; quod nemo nemo negaverit Catholicus, suas enim in negotio justificationis partes habet spes Christiana; sed quæ certa est fiducia de peccatis remittendis per misericordiam Dei, qua non dubitamus Deum posse facere quod ab ipso cum tremore hac in vita suppliciter postulamus, æternamque demum expectamus mercedem, juxta illud Apostoli ad Titum cap. 2. *Expectantes beatam spem & adventum gloriæ magni Dei*. Sed non est posita fiducia, ut volunt hæretici, in fide quadam speciali promissionum, qua homo certissime confidit peccata sua esse remissa; quæ confidentia omnem excludit tremorem; nulli enim constare potest absque speciali revelatione sibi remissa sua peccata; nescit quis an sit amore vel odio dignus. Adde quod ejusmodi confidentia ab hæreticis confecta, non excludit fidem quatenus pertinet ad intellectum, fidem quæ dici solet historica & quam putamus non immerito justificantem.

Quis-

Quisnam vero sit actus hujusce fidei intellectualis, quæ virtus est Theologica & quam dicimus suo modo præparare ad justificationem; an sit mera & simplex veritatum a Deo revelatarum apprehensio, qualis esse potest in Infidelibus vel hæreticis, vel sit infirma intellectus adhesio, firmus assensus qui præbetur veritatibus propositis; an vero certam præterea & exploratam rerum quæ creduntur, postulet notitiam & intelligentiam; an possideat in intellectu vel in voluntate tanquam in subiecto, ac demum quodnam sit hujusce fidei primum obiectum, suo tandem loco in Tractatu de fide examinabimus.

*An sola fides per modum dispositionis
justificet.*

NON solum per modum dispositionis ad justificationem comparandam requiritur fides, de qua mox dictum est, sed & alia bona opera, alii virtutum actus. Id aperte definit Concilium Tridentinum Sess. 6. cap. 6. his verbis: *Disponuntur autem ad ipsam justitiam, dum excitati divina gratia & adjuti, fidem ex auditu concipientes, libere moventur in Deum, credentes verum esse, quæ divinitus revelata & promissa sunt: atque illud imprimis a Deo justificari impium per gratiam ejus, per redemptionem quæ est in Christo Jesu, & dum peccatores se esse intelligentes a divina justitia timore, quo utiliter concutiantur, ad considerandam Dei misericordiam se convertendo in spem eriguntur, fidentes Deum sibi propter Christum propitium fore, illumque tanquam omnis justitiae fontem diligere incipiunt; ac propterea moventur adversus peccata per odium aliquod & detestationem, hoc est per eam penitentiam, quam ante baptismum agi oportet, denique dum proponunt suscipere baptismum, inchoare novam vitam & servare divina mandata.* Ubi pro dispositionibus ad justificationem in baptismo

consequendam requisitis in adulto (identique sentiendum est de justitia quæ comparatur in Sacramento penitentiae) exigis Concilium Tridentinum cum fide, timorem, spem, dilectionem Dei saltem inchoatam, odium & detestationem peccati, votum Sacramenti suscipiendi, & divina mandata servandi.

Quales porro debeant esse illarum virtutum actus, qualis timor, qualis Dei amor, qualis contritio, &c. fusius jam inquirere præsentis non est instituti.

Est autem hic diligenter observandum hæreticos non leviter hallucinari, cum dicunt solam fidem proprie loquendo esse dispositivè justificantiem, & præfatos actus bonos virtutum non esse dispositiones proprie dictas justificationis, non esse instrumenta proprie dicta & per se justitiæ percipiendæ; sed se habere duntaxat concomitanter cum ipsa fide. Siquidem eo modo Scripturæ sacræ loquuntur de cæteris bonis operibus ac de fide, & sicut in iis justificatio hominis tribuitur fidei, sic & aliis bonis operibus; sic v.g. tribuitur spei, *Spe-rantes autem in Domino non deficient omni bono*; tribuitur charitati, *remittuntur ei peccata multa, quoniam dilexit multum*. Unde Concilium Trident. Sess. 6. can. 9. sic loquitur: *Si quis dixerit sola fide impium justificari, ita ut intelligat nihil aliud requiri quod ad justificationis gratiam consequendam coope-retur, & nulla ex parte necesse essent sui voluntatis motu preparari atque dis-poni; anathema sit.*

Nec moror quod dicat Apostolus ad Rom. cap. 3. *Arbitramur justificari hominem per fidem sine operibus legis*; quasi doceat sanctus Paulus solam fidem sufficere in negotio justificationis, & non requiri alia bona opera; ibi enim; uti & in aliis nonnullis similibus locis & sermo habetur de operibus legis Moisaicæ, quæ quidem opera nemo Catholicorum sensit unquam esse necessarias dispositiones ad justificationem; &

H b. z. nem-

nempe ejusmodi legis Mosaicæ opera fierent, non ex spiritu legis seu in Christum, sed ex ipsa legis littera; *Nam littera occidit, spiritus autem vivificat.* Et alibi, *lex iram operatur.*

Si vero perconteris, cur Scripturæ frequentius fidei ascribant justificationem, quam aliis bonis operibus, spei, charitati, poenitentiae, &c.

Respondedo hanc appositam esse rationem, quod fides sit humane salutis initium & omnis justitiæ radix & fundamentum, sine qua impossibile est placere Deo & ad filiorum ejus consortium pervenire, inquit Concilium Tridentinum Sessione 6. cap. 8.

Utrum ad justificationem acquirendam requiratur in peccatore motus liberi arbitrii per modum prævia dispositionis..

NON agitur in præsentī controversia de justificatione infantium; certum est enim illos ad justificationem minime præparari per ullum liberi arbitrii actum, cujus omnino sunt incapaces, ut vulgo docent omnes Theologi post sanctum Thomam qui in 4. dist. 17. q. 1. art. 2. sic loquitur; *In illis qui non per propriam voluntatem culpam incurrunt, & usum voluntatis non habent, non exigi ex parte eorum aliquam præparationem, sicut de pueris in baptismo patet.* Quæstio itaque est de adultis.

Affirmant Novatores nostri nullam requiri dispositionem ex parte peccatoris adulti, ut justificetur. Quamvis enim fateantur justificationem non fieri sine quibusdam hominis actibus, negant tamen ejusmodi actus esse causam vel præparationem ad justitiam. Ortum habet iste error ex aliis longe gravioribus; contendit enim Lutherus, ut prope ad initium hujusce Tractatus observavimus, peccare hominem mortaliter in iis actionibus quas in statu peccati mortali constitutus operatur, quam quidem

pestilentem doctrinam ex hoc ipso refutavimus, quod manifeste innuit per talia opera hominum non posse præparare se ad propriam conversionem, & frustraneas ac irrisorias esse alias exhortationes quibus tam frequenter ad poenitentiam agendam excitantur peccatores in Scripturis.

Alius hæreticorum error est, liberos non esse in homine actus, quibus possit se ad justificationem præparare; unde licet actui fidei justificationem tribuere soleant, nolunt tamen hunc actum credere causam vel dispositionem justificationis, sed dicunt esse necessarium fidei actum, ut manum qua possumus nobis applicare Christi justitiam quæ nobis imputatur; aliter, inquit, justificationem non esset ex fide Christi, sed ex operibus: in eos itaque sit

CONCLUSIO.

Ad justificationem adultorum requiritur motus liberi arbitrii per modum præviæ dispositionis.

Probatur 1. ex Scripturis in quibus remissio peccatorum, renovatio per gratiam, demum ipsa justificatio & sanctificatio promittuntur sub conditione alicujus actus ex parte peccatoris, 1. Regum 7. cap. *Si in toto corde vestro revertimini ad Dominum, anserit Deos alienos de medio vestri, & præparate corda vestra Domino.* Proverb. 16. *Homini est præparare animam.* Ilayæ 45. *Convertimini ad me, & salvi eritis.* Apocalipsi. 3. cap. *Si quis aperuerit mihi januam, intrabo ad eum.* Ad Philipenses cap. 2. *Cum metu & tremore salutem vestram operamini.* In his enim & similibus locis postulantur ab homine actus fidei, spei, charitatis & conversionis, ut nimirum peccatorum remissionem consequantur.

Quamobrem id aperte definiit Concilium Tridentinum sess. 6. cap. 5. his verbis quibus pronunciat exordium justificationis—

ificationis sumi a vocatione, ut homines a Deo averti, *Per ejus excitantem & adjuvantem gratiam ad convertendum se ad suam ipsorum justificationem, eisdem gratia libere assentiendo & cooperando disponantur.* Dehinc in can. 3. & 4. declaratur hominem excitatum & adjutum a Deo aliquid operari, quo ad obtinendum justificationis & gratiam se disponat ac præparet.

Et ratio est quia nisi quidam actus liber, quidam liberi arbitrii motus intercederet ex parte peccatoris in opere justificationis, nulla esset ratio cur redarguerentur peccatores adulti qui non convertuntur; spreis scilicet ac neglectis admonitionibus; quandoquidem nihil ex parte sui efficeret peccator; absurdum consequens, ejusmodi enim admonitiones & correptiones frequentissime leguntur in Scripturis, quæ quidem dici non possunt illusoriæ: igitur sentiendum est hominem non habere se mere passivæ cum justificatur a Deo.

Accedit altera ratio, siquid enim obstaret quominus partes suas haberet voluntas humana in negotio justificationis, id maxime diceretur, vel quia homo per peccatum suam amisit libertatem, vel quia gratia efficax quæ necessaria est ad singulos pietatis actus, vim infert voluntati: sed neutrum dici potest; non primum, quia tametsi per peccatum originale labefactum aliquo modo fuerit liberum hominis arbitrium, non fuit tamen penitus extinctum, ut definitum est in Concilio Arausicano secundo non semel a nobis citato; ac nec secundum dici potest, quia, ut supra ostendimus, quamvis gratia efficax propria virtute voluntates nostras indeclinabiliter & invincibiliter moveat, liberum tamen arbitrium non evertit; ac proinde homo se præparat & disponit ad justificationem per liberos voluntatis suæ actus.

Cum porro dicimus hominem per proprias suæ libertatis actus præparare

se ad justitiam consequendam, id intelligimus fieri beneficio gratiæ, non autem quasi homo possit præparare se ad consequendam justitiam solis suis viribus, uti aperte declaravit Concilium Tridentinum sess. 6. cap. 5. his verbis, *Declarat sancta Synodus ipsam justificationis exordium adultis a Dei per Jesum Christum præveniente gratia sumendum esse.* Et can. 3. *Si quis dixerit, sine præveniente Spiritus sancti inspiratione atque ejus adjutorio hominem credere, sperare, diligere, aut ponitèr posse, sicut oportet, ut ei justificationis gratia conferatur, anathema sit.*

Scilicet ad singula pietatis opera quæ de se ad salutem æternam conducunt, diximus necessariam esse gratiam: sed omnis dispositio ad justificationem etiam remora, opus est pietatis, & ad vitam æternam conducit: ergo.

Utrum in justificatione peccatoris peccata vere auferantur, vere deleantur.

DOCENT Protestantes peccata hominum non ita remitti ut penitus tollantur, auferantur, deleantur; sed ut potius radantur, aut tegantur; quatenus propter justitiam Christi ipsis imputatam, Deus illa non imputat ad judicium & condemnationem; unde veram ac propriè dictam peccati remissionem quoad culpam non agnoscunt; sic Lutherus docet art. 2. in puero baptizato manere peccatum, & in art. 10. peccata manere nisi credantur remissa; in quem errorem sit.

CONCLUSIO.

In justificatione peccatoris peccata vere auferuntur, vere delentur, vere remittuntur.

Probatur 1. ex Scripturis, in quibus sic Deus peccata remittere dicitur, ut ea censetur vere auferre, ac delere; dicuntur enim tolli, auferri; homines dicuntur.

dicuntur lavati, mundati, abluti, sanctificati; quæ quidem & alia similia ad sensum. Novatorum emolliri non possunt, nisi penitus enerventur. Psal. 50. *Amplius lava me ab iniquitate mea, & a peccata mea munda me...* omnes iniquitates meas dele. *Isay. 1. Venite & arguite me...* sicut nix dealbabitur. Et Cap. 43. *Ego sum qui deleo iniquitates tuas propter me.* Michæ 7. *Qui Deus similis tui qui auferis iniquitatem & transis peccatum reliquiarum plebis sue.*

Eadem iterum, clarius leguntur insignis in locis novi Testamenti. Joan. 1. *Ecce Agnus Dei qui tollis peccata mundi.* Ad Rom. 8. cap. *Nil damnationis est iis qui sunt in Christo Jesu.* r. ad Corint. 6. post enumerationem peccatorum ait Apostolus, *Hæc quidem fuistis, sed abluti estis, sed sanctificati estis.* 1. Joannis 3. *In hoc apparuit filius Dei ut dissolvat opera diaboli, hoc est peccata.* Denique sanctus Petrus Act. 10. ait: *Huic omnes Propheta testimonium perhibent remissionem accipere per nomen ejus omnes qui credunt in eum.* Ex quibus aperte sequitur perperam affirmare Novatores nostros, peccata vere ac proprie non remitti, non auferri, non deleri.

Probatur 2. ex sanctis Patribus quorum nonnulla tantum exscribimus testimonio, in re scilicet per se clara & evidenti; sanctus Cyprianus Epist. 2. *baptismum appellat mortem criminum.* Sanctus Ambrosius sic loquitur lib. 6. in Lucam, *In eo justificatio Dei est, si non ad indignos & obnoxios, sed ad innocentes per abluendum factos videatur, & justos sua munera transulisse.* Sanctus Chrysostomus in Psal. 50. *Sola gratia, inquit, sordes meas perfecte absterge ac nivis candorem mihi conciliare potest.* Theodoretus in Psal. 31. super illa verba, *Beati quorum remissa sunt iniquitates, & quorum tota sunt peccata;* sic obiter pertrahit Messalianos qui tunc temporis dicebant, baptismum

non delere sed tantum ad instar novæ culæ radere peccata: *Ea liberalitate utitur Deus, ut non modo remittat, verum etiam peccata obliuiscit, ita ut neque vestigia eorum remaneant.*

Sed hoc ipsorum dedita opera probat sanctus Augustinus lib. 1. contra duas Epistolas Pelagianorum c. 13. adversus quendam Pelagianum qui præfatum errorem Catholicis imponebat, quasi dicerent baptismus radere peccata, non auferre; *Quis hoc, inquit, nisi infidelis affirmet? Dicimus enim baptismus dare omnium indulgentiam peccatorum & auferre crimina, non radere.* Unde hæc scribit Enchiridio c. 52. *Christum cum Adamo comparans, Sicut in illo vera mors facta est, ita & in nobis vera remissio peccatorum; & sicut in illo vera resurrectio, ita & in nobis justitia.*

Quapropter illud adversus Protestantes definivit Concilium Trid. Sess. 5. can. 5. his verbis: *Si quis per Jesum Christi Domini nostri gratiam, qua in baptismo confertur, reatum originalis peccati remitti negat; aut etiam asserit non tolli totum id quod veram & propriam peccati rationem habet, sed illud dicit tantum radi aut non imputari, anathema sit.*

Obijciunt hæretici nonnulla Scripturæ loca in quibus impiorum justificatio designatur per voces istas, peccata tegi, abscondi, non imputari. Psal. 31. *Beati quorum remissa sunt iniquitates & quorum tota sunt peccata.* Beatus vir cui non imputavit Dominus peccatum. Psal. 84. *Operiunt omnia peccata eorum.* Sapientiz 15. cap. *Miseris omnium, quis omnia potes & dissimulas peccata hominum propter penitentiam.* Ezechiel. cap. 33. de peccatore agente penitentiam dicitur, *Omnia peccata ejus quæ peccavit, non imputabuntur ei.* 2. ad Corint. c. 5. *Deus erat in Christo mundum reconcilians sibi, non reputans illis delicta ipsorum.* Et sanctus Petrus 11 Epistolæ cap. 4. *Charitas operis multitudine*

animem peccatorum. Igitur, inquiunt, sic impius a Deo justificatur, ut ejus peccata tegantur, operiantur, & amplius non imputentur, adeo ut nihil proprie deleatur, nihil auferatur.

Respondeo hæc & similia Scripturæ testimonia Catholico nostro dogmati neutiquam adversari; quia regi, operiri; & non imputari censentur peccata, quando, vere a Deo deleatur & auferuntur; ut enim habet S. Augustinus Enarr. 2. in Psal. 31. *Cooperita sunt peccata, tecta sunt, abolita sunt ... nec sic intelligatis quod dixit peccata cooperita sunt, quasi ibi sunt & vivant*. Sed e contra manifeste enervarentur ea loca Scripturæ in quibus dicuntur peccata tolli, deleri, & auferri, si ad sensum hæreticorum exponerentur; sic enim remitterentur, ut nihil deleteretur, nihil tolleretur, nihil auferretur.

Sunt tamen permulti inter Protestantés, qui quidem eatenus solum peccatum non tolli & aboleri in justificatione docent, quatenus in sanctissimis quibusque viris manet prava illa concupiscentia, quæ eos continuo ad malum impellit, & in bene agendo impedit & retardat, quo sensu semper in ipsis justificatis aliquid peccati superest, falsi aliunde per gratiam Christi peccata vere tolli, & eradicari; quo posito isti aut parum aut nihil distant a fide Catholica; scemur enim & nos in homine justificato remanere concupiscentiam, quæ tamen ipsa per se formaliter peccatum non est, sicuti nec motus ejus plane involuntarii.

An præter remissionem peccatorum in justificatione requiratur renovatio interior.

ID negare primum visus est Calvinus lib. Inst. cap. 11. ubi sic integram justificationis essentiam explicat parag. 2. *Ita nos, inquit, justificationis simpliciter interpretamur acceptionem, qua nos*

Deus in gratiam receptos pro justis habet; eamque in peccatorum remissione ac justitia Christi imputatione positam esse dicimus. Is tamen postea docuit in Antidoto ad can. 8. Sess. 6. ad justificationem pertinere interiorem hominis renovationem, non quidem tanquam aliquid essentialiale ipsi justificationi, sed ita ut ad illam habeat se concomitantem.

Quapropter solemne est Protestantibus, uti apparet ex scriptis ipsius Calvini & ex publicis Ecclesiarum suarum confessionibus profiteri se aliquam in justificatione inhzrentem justitiam agnoscere; sic enim habet v. gr. confessio Reformatorum ex Polonia publice in Conventu Thorunienſi lecta an. 1645. cap. 4. sect. 2. num. 9. *Falso accusamus quasi omnem inhzrentem justitiam fidelibus negemus, eosque sola externa justitia Christi imputatione, quæ sit sine ulla interna renovatione, justificari statuamus; cum tamen solis poenitentibus & viva fide in Christum credentibus justitiam imputari, simulque per eandem fidem a Spiritu sancto corda contrita vivificari, ad ardentem erga Christum charitatem, & novæ obedientiæ studium excitari, a pravis scilicet cupiditatibus mundari; atque ita justitiam & sanctitatem vitæ novæ inchoari, & in dies perfici doceamus*. Idem tradit Anglicana Confessio eodem anno publicata cap. 13. & similiter Gallica Reformatorum Confessio articulo 22.

Ut ut sit, constat justificationem impii præter remissionem peccatorum includere formaliter interiorem hominis renovationem; hæc enim duo ubique passim confundunt aut saltem conjungunt Scripturæ. Ezechiel. 38. *Mundamini ab omnibus iniquitatibus vestris, & dabo vobis cor novum, & spiritum novum ponam in medio vestri, & auferam cor lapideum de carne vestra, & dabo vobis cor carneum*. Ephel. 4. *Deponite veterem hominem, renovamini au-*

tem

tem spiritus mentis vestra, & induite novum qui secundum Deum creatus est in iustitia & sanctificatione. Ubi certe aut confunduntur, aut saltem indivulse conjunguntur remissio peccatorum & gratiæ sanctificantis infusio.

Unde S. Augustinus Epist. 174. Neque, inquit, quisquam liberatur & iustificatur, nisi gratia Dei per J. C. Dominum nostrum, non solum remissione peccatorum, sed prius inspiratione fidei & timoris Dei, impertito salubriter orationis affectu & effectu, donec sanet omnes languores nostros.

Et Concilium Trid. sess. 6. can. 11. Si quis dixerit hominem justificari, vel sola imputatione iustitiæ Christi, vel sola peccatorum remissione, exclusa gratia & charitate quæ in cordibus eorum per Spiritum sanctum diffunduntur, atque illis inhaerent, aut etiam gratiam quæ iustificamur, esse tantum favorem Dei, anathema sit.

Neque est quod dicatur interdum Scripturas resignare justificationem nomine solius mundationis ab iniquitate, solius peccatorum remissionis, ut patet ex isto Apostoli testimonio 2. Corint. 5. Deus erat in Christo mundum reconcilians sibi, non reputans illis delicta ipsorum. Quia nempe satis est quod alia suppetant loca, in quibus mentio fiat simul & remissionis peccatorum & renovationis interioris.

Ex certe in quibusdam locis fit mentio explicita solius renovationis interioris, ut Psalm. 50. Cor mundum crea in me Deus, & spiritum rectum innova in visceribus meis. Neque tamen inferre licet justificationem fieri sine remissione peccatorum: ergo similiter licet nonnulla extent Scripturæ testimonia, in quibus fit mentio solius peccatorum remissionis, non ideo putandum est justificationem fieri sine renovatione interiori quæ sit per infusionem gratiæ sanctificantis.

An Justificatio posita sit in iustitia inhaerente, aut solum in imputativa.

Quamquam in eo consentiunt Catholici & Protestantés, quod renovatio aliqua interior seu iustitia inhaerens admittenda sit in Justificatione; inter eos tamen questio est magna contentione animorum agitata, per quid magis proprie & formaliter iustificetur homo, an per iustitiam Christi imputatam, an per solam remissionem peccatorum. Porro iustitia inhaerens appellatur ea quæ in nobis vere existit, unde dicitur interna: imputativa ea est quæ in nobis vere non existit sed imputatur, unde dicitur externa.

Calvinus sic integram justificationis essentiam explicat, ut a nobis supra dictum est, ut eam in peccatorum remissione ac iustitiæ Christi imputatione positam esse dicat. Sed ab illius sententia valde recedunt nonnulli recentiores Calvinistæ, qui suam de justificatione doctrinam per Christi iustitiam nobis imputatam sic proponunt; non quod negent nos justificari coram Deo per iustitiam propriam & nobis inhaerentem; sed quod nemo tam iustus & sanctus reperiatur, quin reus mortis & damnationis iudicetur, si Deus nolit eum illo misericorditer agere, unde quod nos iustificemur, id unice debemus, inquirunt, morti & passioni Christi, cujus meritis movetur Deus, ut a peccato nos liberet & jus ad hæreditatem vitæ æternæ concedat.

Cæterum in eo semper inter se consentiunt; & in eo mox illos oppugnaturi sumus, quod dicant magis proprie & formaliter justificari hominem per iustitiam Christi ipsi imputatam, quam per iustitiam inhaerentem.

Mitto quod unus ex Antesignanis Lutheri discipulis Andreas Oziander do-

cet causam formalem nostræ justificationis esse illam ipsam justitiam qua Deus essentialiter iustus est, quam sententiam velut monstrum & delirium merito refellit Calvinus lib. 3. Institut. cap. 11. parag. 5. & seq.

CONCLUSIO.

Justificatio magis proprie & formaliter posita est in iustitia inhærente; ita ut iustitia Dei vel Christi non sit nisi causa efficiens nostræ justificationis.

Id manifeste constat ex Scripturis doctibus iustitiam per quam iusti sumus, esse aliquid in nobis manens, & præterea aliquid derivatum a Christo ut a causi efficiente.

1. Describitur iustitia nostra ut manens habitualiter in nobis, dicimur enim accipere gratiam, accipere Spiritum sanctum, renovari, regenerari, renasci, vivificari, cor habere novum, ad Rom. 5. *Charitas Dei diffusa est in cordibus nostris.* Cap. 8. *Accepistis Spiritum adoptionis filiorum in quo clamamus Abba Pater.* Joan. 3. *Nisi quis renatus fuerit ex aqua & Spiritu sancto, non intrabit in regnum celorum.* ad Titum 3. *Salvos nos fecit per lavacrum regenerationis & renovationis Spiritus sancti quem effudit in nos abunde per J. C. Salvatorem nostrum, ut iustificati gratia ipsius, heredes simus secundum spem vite æternæ.* 2. Petri 2. *ut efficiamur divine consortes naturæ.*

2. Ejusmodi iustitia Deo vel Christo tribuitur velut causæ efficienti, Joan. 1. *De plenitudine ejus nos omnes accepimus, & gratiam pro gratia, quia lex per Moysen data est, gratia & veritas per Jesum Christum facta est.* Ad Rom. 1. *Per quem accepimus gratiam.* Ad Ephes. 1. *Gratia vobis & pax a Deo Patre nostro & Domino Jesu Christo.*

Neque est quod dicant hæretici ex istis Scripturæ locis ad summum colligere.

Tom. IV.

gi quadam conferri hominibus gratiæ donæ, sed non inde sequi per illa homines formaliter justificari. Siquidem ut jam supra diximus, justificare aliquem in Scripturæ contextu, idem simplicissime significat ad iustum facere, adeoque homo fit formaliter iustus per illa dona per quæ justificatur. Præterquamquod alia quam multa loca perscrutant per ipsam gratiam homines justificari, Roman. 3. *Justificari gratis per gratiam ipsius.* Et cap. 5. *Si enim unus delicto multi mortui sunt, multo magis gratia Dei & donum in gratia unius hominis Jesu Christi, in plures abundavit.* Ex qua comparatione peccati cum gratia manifeste colligitur gratiam infundi hominibus & in eis formaliter inhærentem, de qua tamen gratia mox subjungit Apostolus, *Gratia autem ex multis delictis in justificationem.* Ac postea, *Si enim unus delicto mors regnavit per unum, multo magis abundantiam gratiæ & donationis & iustitiæ accipientes in vita regnabunt per unum Jesum Christum.*

Idem confirmant alia sancti Pauli testimonia, ait enim v. g. 1. ad Corint. 6. *Abluti estis, sanctificati estis, iustificati estis.* Quæ quidem effectum formalem justificationis declarant. Ad Titum cap. 3. baptismum appellat, *Lavacrum regenerationis, & renovationis Spiritus sancti quem effudit in nos abunde per Jesum Christum Dominum nostrum.* Quibus similia proferri possent prope infinita.

Probatur vero ex sanctis Patribus qui eandem doctrinam apertissime tradunt. Unum aut alterum proferam adinital cæterorum. Ita sanctus Chrysostomus homil. 1. in Epistolam ad Ephesios ad illa verba, *Gratificavit nos in dilecto Filio suo*, quæ quidem sic exponit: *Hoc est, non solum liberavit a peccatis, sed etiam fecit amabiles; quomodo enim si quis acceptum quempiam scabiosum, & peste ac morbo, senioque & paupertate*

ac fame confectum & perditum, statim formosum fecerit juvenem omnes homines pulchritudine videntem, egenis quidem splendorem valde emittentem, & micantium oculorum ejaculationibus fulgores occultantem. Deinde eum constituit in ipso flore ætatis, & postea eum purpura induerit, & diadema imposuerit, & omni ornatu ornaverit; ita nostram instruxit & ornavit animam, pulchramque fecit, desiderabilem & amabilem. Idem sanctus D. & homil. ad Neophitos docet gratiam Baptismi non in sola remissione peccatorum positam, sed & in donorum infusione, ut eis, inquit, addatur sanctitas, justitia.

Ex quibus perspicuum est hominem formaliter justificari per justitiam sibi inhaerentem, & nonnisi efficienter & meritorie per justitiam Dei & Christi.

His aperte consonant quæ passim scribit S. Augustinus, lib. de spiritu & lit. cap. 9. in illa verba, Rom. 3. *Justitia Dei manifesta est, hæc habet: non dicit justitia hominis, vel justitia propria voluntatis, sed justitia Dei, non qua Deus justus est, sed qua induit hominem, cum justificat impium.* Cap. 11. *Ideo justitia Dei dicitur, quod imputando eam justos facit, sicut Domini est solus, quia salvos facit.* Et iterum cap. 23. *Christus Dei dilectus est diffundi in cordibus nostris, non qua nos ipse diligit, sed qua nos facit dilectores suos, sicut justitia Dei qua justus ejus munere efficiuntur, & Domini salus qua nos salvos facit, & fides Jesu Christi, qua nos fideles facit.*

Quapropter hanc doctrinam merito sanxit Concilium Trid. Sess. 6. can. 10. his verbis: *Si quis dixerit homines sine Christi justitia per quam nobis meruit, justificari, aut per eam ipsam formaliter justos esse, anathema sit.*

Accedunt & nonnullæ rationes. Prima est, quia per id formaliter homo justus est, quod in eo est vel in sub-

jecto in eo insidentem: sed justitia Dei vel Christi non potest esse in homine velut in subjecto, ut per se patet. 2. est, quia justitia per quam homines justi sunt, suscipit magis & minus, minoritur vel augetur, 1. Petri 3. *Crescite in gratiam.* Apo al. ultimo, *qui justus est, justificetur adhuc.* Justitia autem vel Dei vel Christi non suscipit magis & minus. 3. est, quia justitia Christi ex Apostolo ad Rom. 5. nostra est, quemadmodum peccatum Adæ est nostrum peccatum: atqui peccatum Adæ vere nostrum est, sumus enim vere peccatores non per meram imputationem, sed per veram propagationem, ut dicemus in tractatu de peccatis: ergo similiter justus formaliter per gratiam sanctificantem nobis inhaerentem.

Objicies, innumera sunt Scripturæ loca, in quibus justificatio explicatur per imputationem, sic ad Rom. 4. *Credidit Abraham Deo, & reputatum est illi ad justitiam.* Ei autem qui operatur, merces non imputatur secundum gratiam, sed secundum debitum. Ei vero qui non operatur, credenti autem in eum qui justificat impium, reputatur ejus fides ad justitiam secundum propositum gratia Dei. Et infra, non est autem scriptum tantum propter ipsum, quia reputatum est illi ad justitiam, sed & propter nos, quibus reputabitur credentibus in eum. Ergo justificatio formaliter posita est in justitia Christi nobis imputata.

Dist. ant. per imputationem internam, C. externam tantum, N. Imputatio interna ea est, qua subjecto aliquid imputatur quod revera in eo est; imputatio vero externa, qua subjecto aliquid reputetur ex munificentia creditoris debitum solvisse quod revera non solverit. Porro Scripturæ quidem interdum justificationem hominis designant per imputationem justitiæ Christi, sed quæ sit imputatio interna supponens,

ponens præter Dei Salvatoris benignitatem, veram & internam in homine justificato gratiam per Spiritum sanctum datam; id enim manifeste declarant testimonia a nobis adducta.

Instabis, ad Ephes. cap. 4. ait Apostolus debere nos induere novum hominem, ut simus justi, *induite novum hominem, inquit, qui secundum Deum creatus est in justitia & sanctitate veritatis*. Atqui induere novum hominem, idem est ac induere Christum, induere Christi justitiam externam; ergo nostra justificatio posita est in justitia Christi.

Dist. maj. induere novum hominem per justitiam insulam, internam, & inhærentem, C. per solam ipsius Christi justitiam imputatam, N. nam induere novum hominem, est transire a statu peccati ad statum gratiæ; ita ut qui novum hominem induit, debeat simul expoliare veterem; sed homo vetus qui deponitur, est peccatum unicuique inhærens: ergo induitur quoque novus homo per justitiam inhærentem.

Instabis, in prioris Epist. ad Corinth. cap. 1. Christus dicitur *factus nobis sapientia a Deo & justitia, & sanctificatio, & redemptio*: & ad Rom. cap. 5 dicimur per Christi obedientiam constitui justi: ergo formaliter justificamur per justitiam Christi.

Dist. ant. factus est nobis justitia efficienter & meritorie, C. formaliter per seipsum vel suam justitiam, N. neque enim sine absurditate dici potest nos esse formaliter justos per Christum; atqui ramen eo loci non dicitur justitiam Christi factam esse nostram justitiam, sed Christum ipsam factum nostram justitiam. Deinde vero Christus factus est nobis justitia, quemadmodum factus dicitur nobis sapientia; sed non est nostra sapientia quasi formaliter sapientes simus per illius sapientiam; ergo nec factus est nobis justitia eo sensu quod per illius justitiam simus

formaliter justi; sed ita demum illud debet accipi, ut Christus efficienter sit nostra justitia, quia de plenitudine ejus omnes accepimus; quia per eum abimur, justificamur.

Instabis, eodem modo efficiamur justitia in Christo, quo Christus peccatum fecit, juxta illud secundæ ad Corinth. cap. 5. *Eum qui non noverat peccatum fecit, ut nos efficeremur justitia Dei in ipso*. Atqui Christus vere & formaliter peccator non est, sed solum imputative; ergo efficiamur justi solummodo imputative.

Nego maj. neque enim scribit Apostolus eodem modo nos effici justos, quo Christus fuit peccator, docet solum voluisse Christum reputari inter peccatores (sic enim intelligi debent ista verba, *qui pro nobis peccatum fecit*) ut nos hoc pacto efficeremur justi coram Deo, & quidem justi in Christo, hoc est per Christi merita, non per legem, non per propria merita quæ non fluunt a Christo.

Quæres utrum justitia illa interna & inhærens, sit actus, an habitus.

Resp. 1. certum esse apud omnes, nonnisi per habitualement justitiam, justificari infantes in baptismo; tum & adultos, cum ab omni actu cessant, ut quando dormiunt, nonnisi per justitiam habitualement esse formaliter justos.

Resp. 2. idem certum esse de cæteris hominibus, hoc est nullum esse qui justificetur formaliter per actum; est contra nonnullos Theologos qui docent actum charitatis perfectæ tum & actum contritionis non tantum dispositive sed & formaliter justificare.

Verum nostra sententia ex eo maxime liquet, quod licet remissio peccatorum & justificatio passim tribuantur in Scripturis, variis actibus fidei, charitatis, poenitentiae, &c. Ezechiel. 18. *Si impius egerit poenitentiam, vita vivet*. Psal. 50. *Cor contritum & humiliatum Deus non despicies*, &c. Con-

fiat tamen ejusmodi actus esse meras dispositiones ad justificationem consequendam, & non esse ipsam justificationis formam.

Si vero hanc sententiam aperte tradunt Patres Tridentini; nam Sess. 6. cap. 6. inter dispositiones ad justificationem, enumerant actus poenitentiae, timoris, dilectionis Dei, quod idem docet can. 3. his verbis, *Et qui dixerit sine Spiritus sancti inspiratione hominem posse diligere & poenitere, sicut oportet, ut ei justificationis gratia conferatur, anathema sit.* Unde Sess. 14. cap. 4. docet motum contritionis quovis tempore fuisse necessarium ad impetrandam veniam peccatorum.

Quæres utrum in justificatione præter justiciam inhærentem & internam, opus sit aliquo Dei favore extrinseco.

Resp. 1. censuisse Albertum Pighium cum Theologis Colonienſibus formalem nostræ justificationis ex duobus constare, quorum unum est internum & inhærens, alterum est extrinsecum & imputativum, quod est scilicet ipsa Christi Domini justitia. Sed ejusmodi opinio aperte revincitur ex ista Concilii Trident. definitione Sess. 6. cap. 7. *Demum unica formalis causa est justitia Dei, non qua justus est, sed qua nos justos facit.* Quibus verbis statuitur non esse duplicem, sed unicam tantum causam formalem justificationis.

Resp. 2. ad illam sententiam non parum accedere quosdam alios Theologos, quibus placet præter gratiam habitualement requiri favorem aliquem extrinsecum, sed ceteri vulgo Theologi docent nequaquam in justificatione opus esse favore illo extrinseco, qui sit pars causæ formalis nostræ justificationis; tum quia soli gratiæ attribuitur in Scripturis & remissio peccatorum & sanctitas; tum quia Concilium Tridentinum ejusmodi favoris extrinseci non meminit; immo aperte rejicere vi deſur, cum unicam sta-

tuit causam formalem justificationis, ut mox dictum est.

Quæres utrum de potentia Dei absoluta heri possit remissio peccati per solam extrinsecam condonationem sine infusione gratiæ sanctificantis.

Resp. affirmative. Siquidem de potentia Dei absoluta fieri potest id omne, quod non involvit manifestam contradictionem: sed istud non involvit manifestam contradictionem; neque enim implicat aliquam formam recedere a subiecto; ita ut nulla alia locum ejus subeat; quin immo cum macula peccati mortalis sit tantum aliquid morale, certe ad eam tollendam sufficit aliquid morale; satis est quod Deus velit ejusmodi maculam amplius non remanere in anima, necesse non est physice agendo illam expellat per introductionem formæ contrariæ; quemadmodum igitur homo remittit offensam alterius hominis per condonationem mere extrinsecam, ita nil impedit quominus similiter Deus hominum peccata remittat. Et ratio est, quia absolute loquendo, necesse non est hominem habere rectitudinem internam, gratia enim ipsi est indebita, nec implicat eum creari in puris naturalibus, ut a nobis superius demonstratum est.

Utrum homo sit certus de sua Justificatione.

EST in confesso apud omnes speciali quadam revelatione Dei, posse hominem certum esse certitudine infallibili de sua justificatione; nimirum illud certo cognoverunt nonnulli, ut B. Virgo, cui dixit Angelus in salutatione: *Ave gratia plena, Dominus tecum.* S. Joannes Baptista, qui dicitur Lucæ 1. *Spiritu sancto repletus adhuc in utero matris suæ.* Tum vero Paralyticus in Evangelio, cui dixit ipse Christus, *remittuntur tibi peccata tua.*

Constat præterea justos omnes posse habere aliquam certitudinem conjecturali.

talcm de sua Justificatione; potest enim aliquis prudenter existimare se esse in statu gratiæ, quando sincerum habet dolorem de peccatis commissis, & post rigorosum suæ conscientię examen absolutionem accepit a Sacerdote; modo dicatur ejusmodi certitudinem non excludere omnem fortitudinem.

Sed quæstio est, utrum homo credere possit fide divina prorsus infallibili, immo credere teneatur certo peccata sua sibi esse remissa, adeoque se esse justificatum.

Contendunt Protestantes non tantum homines scire posse, sed certo credere posse, vel etiam credere debere se esse justificados; quippe qui hac fide speciali, & fiducia certa justificantur. Nonnulli tamen ex illorum Antesignanis agnoscunt ejusmodi certitudinem fidelium non æquare certitudinem quæ requiritur in assensu quem articulus fidei debemus, & quo credere tenemur, v. g. Christum esse filium Dei & mundi servatorem. Non negant etiam esse quendam timorem pie sollicitudinis securitati carnali oppositum, qui nunquam a fidelibus in hac vita abesse debet; quæ in re laudant hæc Calvini verba, quæ leguntur in Antidoto Concil. Trident. ad Sess. 6. *Nos certe, inquit, dum fidem docemus esse debere certam & securam, non certitudinem aliquam imaginamur, quæ nulla tangitur dubitatione, nec securitatem, quæ nulla inquietudine sollicitatur, quin potius dicimus perpetuum esse fidelibus certamen cum sua ipsorum dissimilitudine. Tantum abest ut eorum conscientias in placida aliqua quiete collocemus, quæ nullis omnino turbis interpelletur. Sunt etiam & nonnulli inter eos qui hanc certam hominum fiduciam de impetrata a Deo venia, volunt non esse cum fidei justificantis actum, ratione cujus in Scriptura dicimur fide justificari, sed nihilominus eam esse apud illos communem sententiam facile intelligitur ex illorum scriptis.*

Ab illa Protestantium doctrina non valde recesserunt nonnulli Doctores Catholici, quos inter primas tenet Ambrosius Catharinus, qui in opusculo de prædestinatione docuit quemlibet hominem qui justificatur, certum esse posse divinam fidem privatam se esse in statu gratiæ; quia scilicet omnis adultus qui justificatur, credit illum justificari qui ad Sacramentum rite dispositus, aut qui extra Sacramentum perfectè contritus est; is enim ille stupidus sit necesse est, inquit, qui de se ipso ignoraverit, utrum ex animo & recta conscientia, an vero fide ad Sacramentum accesserit. In eo tamen ab hæreticis dissentire se præstatur Catharinus: 1. quod dicat homines posse id certo credere, non autem debere. 2. quod non loquatur de certitudine fidei divinæ sed catholicæ. 3. quod non doceat hac fide speciali homines justificari.

Altera est quorundam Theologorum sententia, qui affirmant justos perfectiores posse, immo etiam solere certo credere, non quidem fide divina sed certitudine morali, quæ sit sine ulla hæsitacione & deceptionis formidine, se esse justificados; tribuitur vulgo hæc sententia Dominico Soto, Andræ de Vega, & Ruardo Tappero; in quos omnes sit

CONCLUSIO.

Nemo debet neque potest certo credere fide divina se esse justificatum.

Id constat primum ex Scripturis Proverb. 20. cap. *Quis potest dicere, Mundum est cor meum, purus sum a peccato; & beatus vir qui semper est parvus.* Ecclesiasticus cap. 9. *Sunt justi atque sapientes, & opera eorum in manu Dei, & tamen nescit homo, utrum amore an odio dignus sit.* Primæ Corint. 4. *nihil mihi conscius sum, sed non in hoc justificatus sum.* Quamobrem ubique passim in usdem Scripturis commendatur timor salutaris in negotio salutis, Eccle-

Ecclesiastici 5. *De propitiis peccato noli esse sine metu*. Ad Rom. 11. *Noli altum sapere sed time*. Ad Philip. 2. *Cum metu & tremore salutem vestram operemini*.

2. Idem uno ore docent SS. Patres, imprimis vero S. Augustinus, sic enim habet lib. de perfect. Just. cap. 15. *Quantalibet iustitia sit praditus homo, cogitare debet, ne aliquid in illo quod ipse non videt, inveniat esse culpandum; cum Rex iustus sederit in throno, cujus cognitionem fugere delicta non possunt, nec illa de quibus dictum est, delicta quis intelligit?* Ita & S. Cyprianus de Eleemosyna, S. Basil. in Consilio, monasticis cap. 2. S. Hieron. dial. 1. adversus Pelag. S. Greg. Mag. lib. 9. Mor. cap. 17. S. Bernardus Sermō. 3. de Adventu.

3. Denum, illud expresse definivit Concilium Trident. Sess. 6. cap. 9. *Sed neque illud asserendum est oportere eos qui vere iustificati sunt, absque ulla dubitatione apud semetipsos statuere se esse iustificatos, neminemque a peccatis absolvi, nisi eum qui certo credat se absolutum & iustificatum esse; atque hac sola fide absolutionem & iustificationem perfici: quasi qui hoc non credit, de Dei promissis, deque mortis & resurrectionis Christi efficacia dubitet; nam sicut nemo prius de Dei misericordia, de Christi merito, deque Sacramentorum virtute & efficacia dubitare debet, sic quilibet dum seipsum, suamque propriam infirmitatem & indispōitū onem respicit, de sua gratia formidare & timere potest; cum nullus scire valeat certitudine fidei, cui non potest subesse falsum, se gratiam Dei esse consecutum. Ubi Patres Tridentini eorum omnium universim sententiam condemnant, qui docent fide certa cognosci posse ab homine suam gratiam & iustificationis statum.*

Obijcies id quod habet Apostolus ad Rom. 8. cap. *Ipse enim Spiritus, inquit,*

testimonium reddit spiritui nostro, quod sumus filii Dei: ergo quilibet nostrum scit certo & credere debet se esse iustum, si revera sit iustus: Spiritus enim Dei fallax esse non potest.

Nego consequi quia licet Spiritus Dei qui fallax cogitari non potest, omnibus iustis testimonium redderet de eorum iustificatione, nemo propterea certus esset de sua iustitia; quia nimirum certus non est illud testimonium esse Spiritus sancti quod similiter esse posset Spiritus mendacis, ibi quidem nonnulla veri testimonii indicia præbet Apostolus, puta si quis ad pios motus in Deum excitetur, si tranquillitatem conscientie experiatur &c. Sed ita reperiri posse in hominibus nondum iustificatis nemo diffiteri potest. Adde quod illud testimonium Spiritus sancti ex ipso Apostolo sit conditionatum, ait enim verbis immediate sequentibus, *Si autem filii heredes, hæredes quidem Dei, coheredes autem Christi, si tamen compatimur*. Quis vero certus est se compati, in Christo nempe & cum gratia, ut oportet.

Instabis: ait Apostolus sub finem ejusdem capitis, *Certus sum quia neque mors neque vitæ, neque alia creatura poterit nos separare a charitate Christi*. Ergo certus erat Apostolus de sua charitate.

Resp. 1. sic forsitan loqui Apostolum, quia fuerat illi revelata specialiter sua iustitia; hæc autem non debent trahi in exemplum, nec locum habent pro cæteris fidelibus. 2. Certum eo loci idem esse ac persuasum; neque enim certitudo apud Apostolum semper famitur pro certitudine fidei; ut quando scribit ad Rom 5. *Certus sum, fratres, quod estis pleni dilectione*. Et primæ ad Timoth. cap. 1. *Certus sum quod habitas in te fides non ficta*. Hoc est, puto, existimo, spero habeo ita rem esse.

Instabis idem Apostolus 2. Corint. 13. sic habet: *Vosmetipsos tentate, si estis in fide,*

fide, ipsi vos probate, annon cognoscitis vosmetipsos, quia Christus Jesus in vobis est, nisi forte reprobi estis. Ubi supponit Apostolus posse aliquem certo cognoscere, an sit in fide, an Christum habeat in se habitantem per gratiam, quo posito erit justus: ergo.

Dist. ant. posse aliquem certo cognoscere certitudine aliqua, certitudine morali, relinquire tamen aliquam dubitationem & timorem, C. certitudine fidei, infallibili, excludente omnem dubitandi formidinem, N. porro de posteriori illa certitudine locutum non esse Apostolum, manifestum est; quia qui de sua justificatione certus est certitudine fidei, opus non habet probare se, quod tamen monet Apostolus, *ipsi vos probate*. Præterquamquod non constat divum Paulum loqui de gratia habituali, qui probabilis differit de præsentia Christi secundum potestatem imperandi, aut de fide Christi quæ ipsis fuerat annunciata. Nec obstant illa verba, *nisi forte reprobi estis*, quasi possit quis certo scire se esse e numero reprobos, quia nempe vox illa *reprobi* eo loci non significat reclusus a Deo, prout opponitur prædestinatus; sed idem est ac *viles* in quibus nulla est excellentia, nulla dignitas; quemadmodum ipse ait in versiculo sequenti, *Spero autem, quod cognoscitis, quia nos non sumus reprobi*.

Non me latet alia ejusmodi atque innumera prope Scripturarum testimonia obijci solere ab hæreticis, sed ex iis evinci solummodo potest justos plerumque certos esse certitudine morali, & conjecturali, quæ non excludat omnem dubitationem, omnem deceptionis formidinem; illiusmodi est quod legimus primæ ad Corinth. cap. 2. *Nos Spiritum Christi accipimus, ut sciamus quæ a Deo donata sunt nobis.* Secundæ Epist. c. 1. *Gloria nostra hæc est, testimonium conscientie nostræ.* Primæ Joan. 3. *Nos scimus quia translati sumus de morte ad*

vitam, quoniam diligimus fratres. Apocal. 3. *Vincenti dabo manna absconditum, quod nemo novit, nisi qui accipit.* Quod idem respondendum est ad nonnulla etiam loca, quæ quidem occurrunt plane similia apud Sanctos Patres, & consuli possunt apud Bellarminum, qui fustissime quæstiones illas de justificatione adversus hæreticos tractavit, easdem propterea nonnisi strictum & compendiose tradimus, quod actum agere animus non sit.

Objicies, nisi justus de sua justificatione sit certus, nullam habebit in corde pacem, nullam in conscientia tranquillitatem: absurdum consequens, & pugnat cum Apostolo dicente ad Rom. cap. 5. *Justificati ergo ex fide, pacem habeamus ad Deum:* ergo admitenda est illa certitudo.

Nego ant. ut enim justus legitima conscientie pace & tranquillitate fruatur, sufficit ut certus sit de sua justitia certitudine aliqua & conjecturali; nequam vero necesse est, ut sit certus certitudine fidei & plane infallibili, quæ omnem excludat dubitationem, omnem tremorem. Optanda est igitur in homine Christiano non tumultuosa anxietas, sed utilis & salutaris dubitatio, vi cujus respiciat ad inscrutabilia Dei judicia, timens futurum, de præsentia non præsumens; cum enim nemo sciat an amore vel odio dignus sit, beatus præfecto ille qui semper pavidus est.

At inquires, qui scit se esse baptizatum, & nullum post baptismi susceptionem commisisse peccatum mortale; item qui martyrium pro Christo volens & forti animo subit, præfecto ignorare non potest se esse justum: ergo certus est certitudine infallibili de sua justificatione.

Nego ant. erit enim adhuc in illis casibus timendi locus, nec erit tunc illa certissima quam hæretici prædicant, confidentia. Quoad primum enim, ignoratur num jocole, an serio, sciens & vo-

& volens, tanquam Minister Ecclesiæ baptismum ipsi administraverit? an legitimam adhibuerit materiam, an præscriptam a Christo formam? Quod spectat secundum, quis certo novit inter Martyres se mori pro Christo ex motivo laudabili & ex vera in Deum conversione? quis scit an sit amore vel odio dignus?

Utrum Justitia possit amitti.

Negant Calvinistæ justitiam semel habitam, per scelera vel atrocissima unquam amitti posse; tam stupendum tamque horrendum est eiuscemodi dogma, ut unus ex illis clarissimus Grotius hæc scripserit animad. pro suis ad Cassand. notis, art. de discrimine peccati mortalis & venialis: Nullum potuit, inquit, in Christianissimum induci dogma perniciosius quam hoc, hominem qui credidit, aut qui regenius, (nam hæc multis valem) posse prolabi in scelera & flagitia, sed accidere non posse, ut propterea divino favore excidat, aut damnationem incurrat: Hoc nemo veterum docuit, nemo docentem tulisset. Nec aliud evidentius vidi argumentum detorta ad privatos & malos sensus Scripturæ, quam in hoc negotio. Hoc delirium ex æquo detestantur Catholici & Lutherani, quocirca sit.

CONCLUSIO.

Justitia semel habita etiam in electis per peccatum mortale amittitur.

Siquidem id aperte declarant Scripturæ sacræ, Ezechiel. 18. Cum averterit se justus a justitia sua & fecerit iniquitatem, nunquid vivet? Omnes justitiae ejus quas fecerit non recordabuntur in prævaricatione qua prævaricatus est, & in peccato suo quod peccavit in ipsis morietur. Et cap. 33. Fili hominis dic ad filios populi mei, justitia justii non liberabit eum in quacunque die peccaverit.

Unde divus Paulus timebat ne gratiam amitteret, ait enim primæ Corint. 9. *Castigo corpus meum, & in servitutem redigo, ne forte cum aliis prædicaverim, ipse reprobus efficiar.* Idque supponit ut certum ad Hebr. cap. 6. his verbis: *Impossibile est eos qui semel sunt illuminati, gustaverunt etiam donum cælestis & participes facti sunt Spiritus Sancti... & prolapsi sunt, rursus renovari ad penitentiam.*

Quibus Scripturæ locis accedit, quod negari non possit multos vel etiam Prædestinatos justitiæ semel habitæ fuisse jacturam, quos inter citati possunt primi parentes, David, & S. Petrus. Cui argumento ut respondeat unus ex Calvinistarum antesignanis Perkinsus hæc scribit in dialogo de statu hominis, ubi hac sibi proposita objectione, *Nonne vult Deus electos suos condemnari si peccent?* ait, non vult; fundamentum enim salutis nostræ fundatum est in æterna electione Dei, ita ut mille peccata, immo omnia peccata totius mundi, quin omnes diaboli qui sunt in inferno, electionem Dei irritam facere nequeunt: Fieri quidem potest, ut corda nostra obfirmet peccata, fidem infirmet spiritumque Dei in nobis tristitia efficiant; verum fidem auferre & Spiritum Sanctum prorsus excludere non possunt. Deus neminem condemnat propter peccata, qui modo in filium Dei adoptatus est in Christo Jesu. Hæc porro juvat exhibere, inaudita quidem & plane monstruosa, sed quæ genuinam hac in parte Calvinistarum doctrinam referunt.

Hanc deinde nostram sententiam tradunt aperte SS. Patres, unus loco cæterorum citabitur Augustinus qui lib. de corrept. & grat. cap. 13. sic habet: *Credendum est quosdam de filiis perditionis, non accepit dono perseverandi usque in finem, in fide, quæ per dilectionem operatur, incipere vivere & postea cadere, neque de hac vita, prorsusquam id contingat, auferri.* Certum est præ-

præterea docuisse passim S. Doctorem & præsertim toto lib. de dono persever. alios in gratia Dei perseverare, alios non perseverare.

Quocirca sic loquitur Conc. Trident. Sess. 6. can. 23. *Si quis hominem semel justificatum dixerit amplius peccare non posse, neque gratiam amittere, atque ideo eum qui labitur & peccat, nunquam vere fuisse justificatum ... anathema sit.*

Obijciunt Calvinistæ illud Apostoli quod habetur primæ Corinth. cap. 13. *Charitas nunquam excidit.* Dixerat ad Rom. 8. *Quis nos separabit a charitate Dei?* Ex quo sequitur hominem semel justificatum gratiam non amittere.

Respond. Apostolum id unum docere, charitatem remansuram in homine etiam in altera vita quæ multis aliis donis quæ ad statum hominis viatoris pertinent, adeoque peribunt in ejus morte; hujus responsionis veritas abunde intelligitur ex ipso contextu; sic enim habet divus Paulus: *Charitas nunquam excidit, sive prophetia evacuabuntur, sive lingua cessabunt, sive scientia destruetur, ex parte enim cognoscimus, & ex parte prophetamus. Cum autem venerit quod perfectum est, evacuabitur quod ex parte est.* Quod tamen non obstat quominus eadem charitas per peccatum mortale hac in vita omnino deleri possit; quemadmodum deleta fuit penitus & extincta in primis parentibus, in malis Angelis, in divo Petro, in Juda & aliis.

Obijcies illud primæ Joan. 3. *Omnis qui natus est ex Deo peccatum non facit, quoniam semen ipsius in eo manet, & non potest peccare, quoniam ex Deo natus est.* Et cap. 5. *Scimus quia omnis qui natus est ex Deo non peccat, sed generatio Dei conservat eum.* Porro qui nec peccat nec peccare potest, non amittit gratiam: ergo justus, qui nempe ex Deo natus est, non amittit gratiam.

Tom. IV.

Dist. maj. omnis qui natus est ex Deo peccatum non facit, & peccare non potest, in sensu composito, quando nempe justus manebit, C. in sensu diviso, quasi justus justitiam semel habitam amittere non possit, N. Is igitur sancti Joannis locus, in quo patrocinium omne suum collocant adversarii, exponi debet de justis qui nec peccant unquam nec peccare possunt, quando nempe justi manent; quando nati semel ex Deo per gratiam, non sunt filii degeneres per peccatum; non autem eo sensu quod justi semel facti homines justitiam per peccatum amittere non possint: hunc vero esse istius testimonii sensum constat.

1. Ex proposito divi Pauli, vult enim eo loci justos ab improbis discriminare, eos qui ex Deo sunt ab aliis qui ex Diabolo, ut inde inferat bona opera præter fidem esse ad salutem necessaria: *Filioli, inquit, nemo vos seducat; qui facit justitiam justus est, sicut & ille justus est: qui facit peccatum ex Diabolo est, quoniam ab initio Diabolus peccat. In hoc apparuit filius Dei ut dissolvat opera Diaboli. Omnis natus est, &c.* Unde cum hæc dicit, *Omnis qui natus est ex Deo, peccare non potest*; id intelligit in sensu composito, quia nempe hac vera nota discernuntur justus ab improbis, filii Dei a filiis Diaboli, sicut arbores cognoscuntur ex fructibus; totus est enim hac in Epistola S. Joannes, ut ostendat bona opera præter fidem esse necessaria ad salutem.

2. Quia innumeræ propemodum occurrunt in Scripturis similes propositiones, in quibus quod negatur de aliquo, illi quidem non convenit spectato in certo quodam statu, ei vero competit in alio statu; sic enim v. g. hæc leguntur in Scripturis, Math. 7. *Non potest arbor bona malos fructus facere, neque arbor mala bonos facere.* Ad Rom. 8. *qui autem in carne sunt, Deo placere*

K k

non

non possunt. 1. ad Corint. 2. *animalis autem homo non percipit ea quæ sunt Spiritus Dei*. Ex quibus colligi quidem potest arborem malam non posse fructus bonos facere, quandiu mala est; neminem Deo placere posse qui in carne est, quandiu est in carne, hoc est in malis carnis operibus, denique animale hominem non percipere ea quæ sunt Dei, quandiu animalis est: sed idcirco negari non debet, eum quem Scriptura appellat arborem malam, evadere posse arborem bonam, & sic de cæteris.

Hanc porro responsionem subministrat ibidem 6. Joannes: *Nos scimus*, inquit, *quoniam translati sumus de morte ad vitam, quoniam diligimus fratres*. Qui non diligit manet in morte, omnis qui odit fratrem suum homicida est, & scitis quoniam homicida non habet vitam æternam. Si homicida non habet vitam æternam; ergo David qui fuit homicida non habet vitam æternam: quid respondebunt adversarii? nisi dicant homicidam non habere quidem vitam æternam, quandiu homicida est, habere vero posse, si ad exemplum Davidis agat poenitentiam.

De merito bonorum operum.

His præmissis quæ ad justificationem attinent, nunc sequitur ut dicamus de Merito quod est effectus gratiæ sanctificantis, per quam homo iustus formaliter iustificatur.

Meritum in genere nomen est commune quod promiscue tribuitur bono & malo operi, nam in Scripturis dicitur homo per peccatum mereri supplicium, Hebræorum 10. cap. *Quanto magis puritatis deteriora mereri supplicia qui filium Dei conculcaverit*. Item & iram Dei mereri, Job. 6. cap. *Utinam appendèrentur peccata mea quibus iram merui*. Sed magis proprie meritum sumitur in bonam partem, uti usus invaluit apud

Theologos, & quomodo illud nunc accipimus in hoc compendio Tractatu.

Meritum igitur proprie loquendo est bonum opus cui debetur merces & præmium, & duplex est, scilicet meritum de condigno, cui debetur præmium ex iustitia; & meritum de congruo, cui debetur merces ex decencia: tria super isto negotio paucis expediemus; 1. quidem examinabimus, an vere homo dici possit aliquid a Deo mereri. 2. Quid possit mereri, quid vero non possit. 3. denum, breviter recensebimus veras conditiones ad merendum requisitas.

Utrum homo possit apud Deum aliquid mereri.

Quod nomen meriti tribueretur operibus humanis ægre ferebat Calvinus lib. 3. Inst. c. 15. *Primum*, inquit, *de meriti nomine id mihi præfari necesse est, quicunque primus illud operibus humanis ad Dei iudicium comparatis præstitit, eum fidei sinceritatis pessime consuluisse ... quorsum enim obsecro, opus fuit invahi nomen meriti, quum pretium bonorum operum significanter alio nomine circa offendiculum explicari posset, &c.* Sed meo quidem iudicio perperam id de vocabulo meriti affirmat Calvinus. 1. quia reperitur in Scripturis sacris ad sensum quo usurpari solet a Theologis, scilicet Ecclesiast. c. 16. *Omnis misericordia faciet locum unicuique secundum meritum operum suorum*. Et ad Hebr. 13. *Talibus enim hostiis promeretur Deus*. 2. quia vox illa usitata est apud Veteres favente ibid. Calvino his verbis: *Ubi sunt, fateor, passim vetusti Ecclesiæ Scriptores, atque ætinam vocula unius abusu erroris materiam posteris non præbuisse*. Quæ quidem quam temere tam insolenter ab eo dicta nemo non videt. Is vero non modo nomen sed & rem ex æquo detestatur; addit enim iustos nihil unquam

mereri posse. *Bonorum operum*, inquit, *laudem* (non ut *Sophista* faciunt) *inter Deum & hominem partitur, sed totam integram ac illibatam Domino servamus. Tamen hoc homini assignamus, quod ea ipsa quae bona erant, sua impuritate polluit & contaminat. Nihil enim ab homine erit quantumvis perfectio, quod non sit aliquis macula inquinatum. Idem docet Lutherus in articulis suis.*

Habet iste error non parum affinitatis cum alio graviore quem similiter propugnant praefati haeretici, qui videlicet contendunt non esse in iustis bona opera; inde enim sequitur justificationem non esse ex operibus, nullum esse in operibus nostris meritum.

CONCLUSIO.

Recte dicitur hominem aliquid mereri apud Deum, si nimirum per gratiam operetur.

Id primum evincitur ex innumeris Scripturae sacrae locis; scilicet ubi fideles iusti dicuntur digni esse aliqua mercede, quod idem plane est ac mereri mercedem, Sapientiae 3. *Deus tentavit eos, dignos se.* Ecclesiast. 16. *Misericordia facit unicuique locum secundum meritum operum suorum.* Ad Coloss. 1. *Ut ambuletis digne Deo per omnia placentes, in omni opere bono fructificantes.* 2. ad Thessal. 1. *ut digni habeamini regno Dei.* Idem ostenditur ex aliis locis, in quibus dicitur Deus reddere secundum opera. Psal. 61. *Tu reddes unicuique secundum opera ejus.* Et quod longe significantius est dicitur Deus reddere secundum justitiam, Psalm. 17. *Reddet tibi Dominus secundum justitiam meam.* Et 2. ad Timoth. 4. *Reposita est tibi corona justitiae quam reddet tibi Dominus in illa die iustus iudex.* Ut enim ait idem Apostolus ad Rom. 4. c. *Ei qui operatur merces non imputatur secundum gratiam, sed secundum debitum.* Perperam igitur ne dicam stultec nomen

meriti humanis operibus tribuere reformidant Novatores.

Scripturis una voce consonant Sancti Patres & Graeci & Latini, quorum hic testimonia recensere animus non est; tum quia ejusmodi momentum parvi faciunt haeretici quos impugnamus; tum quia fatente Calvino, ut diximus, nobis ultro consentiunt veteres illi Scriptores.

Atque inde rem expresse definiunt Conc. Trid. Sess. 6. c. 16. his verbis: *Nolite amittere confidentiam vestram qua magnum habet remunerationem. Atque ideo bene operantibus usque in finem, & in Deo sperantibus proponenda est vita aeterna, & tanquam gratia filiis Dei per Christum Jesum misericorditer promissa, & tanquam merces ex ipsius Dei promissione bonis ipsorum operibus & meritis fideliter reddenda: hoc est enim illa corona justitiae, &c.* Vide & Canonem 32.

Obicies id quod habet Isayas c. 64. *Facili sumus ut immundus omnes nos, & quasi praevis menstruatae, omnes iustitiae nostrae.*

Respondeo cum S. Hieronymo ibi locutum Prophetam de Judaeis, quorum omnes iustitiae, hoc est, omnia vel optima quoque opera nullius fuerunt meriti ante Christi adventum per se nimirum, etsi considerentur sejuncta ab ipsius Christi meritis. Unde initio capitis ait Isayas, *utinam disrumperes caelos & descenderes*, quae verba ad Messiam venturum diriguntur.

Obicies illa verba S. Lucae c. 17. *Cum feceritis omnia, dicit, Servi inutilis sumus, quod debuimus facere, fecimus.* Ergo nullius valoris sunt actiones nostrae.

Respondeo nos appellari servos inutiles juxta eum communem & usitatum loquendi modum, quo servum inutilem dicere solemus eum, qui nihil ex se facit supererogationis, sed tantum ea quae sibi facienda prae-

piuntur, qui quidem genuinus eo loci videtur esse verborum Christi sensus, subiungit enim, *quod debemus facere, fecimus*. Vel dici potest nos esse servos inutiles, si attendatur non ad gratiam sed ad naturam, ut explicat Sanctus Ambrosius in hunc locum: *Ergo, inquit, agnosce te esse servum plurimis obsequiis deservierat; non te praeferas, quia filius Dei diceris; agnosce gratia, sed non ignoranda natura*.

Obijcies: sic loquitur sanctus Paulus ad Rom. 8. cap. *Non sunt condignae passionibus hujus temporis ad futuram gloriam quae revelabitur in nobis*. Ubi manifeste excludit condignitatem nostrorum operum.

Respondet Sanctum Paulum loqui de passionibus externis hujus vitae absolute & in se consideratis seorsim a promissionibus, ut inde summam commendat Dei liberalitatem, qui nimium, ut ait idem Apostolus 2. ad Corint. c. 4. sic rerum ordinem instituit ut leves & momentaneae passionis magnam & aeternum gloriae pondus operentur, *Quod momentaneum est, & leve tribulationis nostra, aeternum gloriae pondus operatur in nobis*. Quanquam aliunde verum sit eadem bona opera praesuppositis Dei promissionibus & eo statu in quo vivimus, mereri proprie coronam, uti sexcentis in locis Scripturarum, quorum nonnulla superius a nobis adducta sunt, aperte legitur.

Obijcies: citra injuriam Deo irrogatum dici non potest hominem mereri aliquid ab eo persolvendum, Dominus enim nihil debet servo: ergo proprie loquendo non est meritum in homine eorum Deo.

Dist. ant. absolute loquendo, C. ex hypothese pacti & ordinationis divinae, N. Fieri enim potest, ut Dominus ejusmodi pactum ineat & ordinationem, ut propter quaedam opera bona servus aliquam mereatur mercedem quae ei retribuitur. vi pacti & promissionis Domini.

Quaes utrum isthaec omnia superius dicta intelligi debeant de merito quod dicitur de condigno.

Respondet affirmative. Siquidem solum meritum de condigno est meritum simpliciter & proprie loquendo; adeoque soli merito de condigno respondet merces & praemium: atqui in locis Scripturae mox allatis fit sermo de merito simpliciter, & cui respondet praemium & merces vel etiam ex iustitia: igitur illa Scripturae loca intelligi debent de merito quod dicitur de condigno.

Dicimus tamen & hominem aliquid a Deo posse mereri de congruo. Siquidem tunc homo meretur aliquid de congruo, quando congruum ei, ut homini aliquid bonum opus facienti, praemium retribuatur, quantumvis non sit ejusmodi praemium homini debitum, neque ex ejus cum praemio proportionem, neque ex ordinatione divina & pacto: sed aliquando congruum est Deum mercedem aliquam retribuire propter bonum opus, tametsi operi bono condignitas desit, nec ulla fuerit de ejusmodi praemio divina ordinatio; ergo & quandoque homo meretur aliquid de congruo.

Quid homo possit mereri.

Dico r. hominem non posse sibi mereri primam gratiam actualem, neque de condigno neque de congruo; non posse quoque sibi mereri primam gratiam habituales de condigno, sed posse de congruo; tres sunt hujusce propositionis partes. Primam esse veram abunde ostendimus in superiori Tractatu adversus Pelagianos & Semipelagianos. Secunda pars facile ex eo intelligitur, qui quod meretur de condigno debet esse in gratia sanctificante constitutus, ut mox dicturi sumus. Tertia denique pars constat ex eo quod ad meritum de congruo ex parte ejus qui meretur, necesse non est.

est ut sit in gratia sanctificante constitutus.

Dico 2. hominem non posse alteri mereri nequidem de congruo gratiam seu adualem seu habitualement, posse vero de congruo. Ac prima quidem propositionis pars constat, quia nullibi videmus Deum sese pacto quodam obstrinxisse ad dandam alicui gratiam propter merita alterius hominis, puri scilicet; namque non est hic sermo de Christo Domino. Secunda vero pars intelligitur ex eo, quod persepe conversio & sanctificatio quorundam hominum debeat aliorum precibus, si Stephanus non orasset, inquit S. Aug. *Ecclesia Paulum non haberet.*

Dico 3. hominem non posse sibi mereri nequidem de congruo gratiam poenitentiae & reparationis post lapsum, est contra nonnullos Theologos. Et ratio est quia in contraria sententia sequitur esse in homine iusto aliquod meritum quod per peccatum mortale subsequens non pereat, quod nempe meritum maneret in homine peccatore, vi cuius haberet gratiam poenitentiae & resurrectionis a peccato: absurdum consequens, qui enim per peccatum gratiam amittit & charitatem, omne consequenter amittit meritum: ergo non potest homo sibi mereri nequidem de congruo gratiam poenitentiae, & reparationis post lapsum.

Dico 4. hominem posse sibi mereri de condigno augmentum gratiae habitualis. Siquidem nihil deest homini, ut censetur legitime mereri augmentum gratiae habitualis suis nempe bonis operibus. Adde quod Concilium Tridentinum c. 32. jam citato definit hominem posse vere mereri augmentum gratiae. Sed vere mereri, est mereri de condigno, ut enim diximus, mereri de congruo non est vere & simpliciter mereri.

Dico 5. hominem iustum sibi mereri non posse de condigno perseveran-

tiam finalem. Id aperte docuit non uno in loco Sanctus Augustinus, sic enim loquitur verbi gratia libro de correptione & gratia cap. 8. *Si a me queratur, inquit, cur eis Deus perseverantiam non dederis, quibus eam qua christiane viverent dilectionem dedit, me ignorare respondeo. . . si ergo confiteris donum Dei esse perseverare in bono usque in finem, cur hoc donum ille accipiat, ille non accipiat, puto quod mecum pariter nescis.* Et libro de dono perseverantiae cap. 9. *Ex duobus autem piis, inquit, cur huic donetur perseverantia usque in finem, illi autem non donetur, inscrutabilia sunt iudicia Dei.* Ubi cum dicat Sanctus Doctor se ignorare cur unus homo habeat perseverantiam, alter vero non habeat, idque ex inscrutabilibus Dei iudiciis suspensum esse profecto existimavit illam non cadere sub meritum, aliter dixisset alterum perseverare quia meruit, alterum non perseverare quia non meruit.

Id rursus apparet ex eo quod Concilium Tridentinum dedita opera recensens ea quae sub meritum de condigno cadunt locis jam citatis, nempe Sess. 6. cap. 16. & canon. 32. perseverantiae finalis nullam inijcit mentionem.

Et ratio est quia ad meritum de condigno requiritur ex parte Dei pactum & promissio, aliter enim non potest homo quicquam a Deo mereri: atqui non legimus ejusmodi pactum & promissionem Dei qua se obstrinxerit ad dandam perseverantiam, quin potius Scripturae doceant nos debere cum metu & tremore salutem nostram operari: ergo non potest homo sibi mereri de condigno perseverantiam finalem.

Nec dicas promissum fuisse a Deo donum perseverantiae, tum in generali promissione dandi hominibus quicquid petierint, Matth. 21. *Omnia quaecumque petieritis in oratione credentes*

acipietis. Tum quia promisit Deus se neminem deserturum, quin prius ab eo desertus fuerit; ut habet Concilium Tridentinum Sess. 6. cap. 11.

Si quidem neutro ex illo capite colligi potest Deum promississe hominibus perseverantiam finalem. Non ex primo, quicquid Deus concedit precibus nostris, non est merces proprie dicta; alioquin & prima gratia habitualis & bona temporalia caderent sub merito de condigno. Neque etiam ex secundo; quia, ut diximus supra, ubi de necessitate gratiæ ad perseverandum agebamus, neminem censetur Deus deserere, priusquam ab eo desertus fuerit, non quod nemini denegat gratiam ad perseverandum, est enim donum speciale & efficax; sed quia semper datur iustus ad bene agendum aliqua gratia sufficiens; vel quia Deus nunquam tollit ab homine gratiam sanctificantem, nisi homo prius Deum per peccatum mortale deseruerit.

At, inquires, qui potest mereri de condigno majus, potest & minus: sed homo meretur de condigno vitam æternam, ut mox dicitur; ergo. Item qui meretur finem, meretur quoque media ad illum finem consequendum necessaria: ergo.

Nego maj. utriusque syllogismi; neque enim inde judicatur, an unum potius quam aliud mereatur homo, quod sit minus aut majus, finis aut medium, sed id solum pensatur ex pacto & promissione divina; porro Deus promisit vitam æternam recte viventibus, non promisit perseverantiam. Et certe sequeretur ex ejusmodi argumentis primam gratiam cadere sub merito de condigno; est enim quid minus vita æterna, & medium ad illam consequendam aptatum: ergo.

Dico 6. bona temporalia secundum se spectata non cadere simpliciter sub merito, sed tantum secundum quid.

Prior pars ex eo colligitur, quod bona temporalia non sunt bona simpliciter, per se & secundum se, per se non sunt optabilia. Posterior vero pars constat, quia bona temporalia prout conducunt ad vitam æternam, promittuntur hominibus ut præmia bonorum, Matth. 6. *Querite primum regnum Dei & justitiam ejus, & hæc omnia adjicientur vobis*.

Dico denique hominem posse mereri de condigno vitam æternam. Id abunde certum est ex iis Scripturæ locis superius adductis, in quibus vita æterna dicitur præmium, merces & corona, quæ conceditur iustis propter eorum laborem & bona opera. Quod quidem suadet etiam ex eo quod apud Sanctum Paulum ad Ephesios 1. cap. gratia dicitur *pignus hereditatis nostræ*. Et 1. Joan. 3. cap. eadem gratia dicitur semen gloriæ, *Semen Dei manet in illo*. Semen quippe virtutum habet producendi fructum.

Unde Concilium Trident. Sess. 6. cap. 16. sic habet; *Bene operantibus usque in finem & in Deo sperantibus proponenda est vita æterna, & tanquam gratia filiis Dei per Christum Jesum misericorditer promissa, & tanquam merces ex ipsius Dei promissione bonis ipsorum operibus & meritis fideliter reddenda*. Can. 32. damnat eum qui dixerit, *Iustificatum bonis operibus quæ ab eo per Dei gratiam & Jesu Christi meritum, cujus virum membrum est, sunt, non vere mereri augmentum gratiæ, vitam æternam, & ipsius vita æterna, si tamen in gratia decesserit, consecrationem*.

Huic Sancti Pauli testimonio ad Rom. 8. cap. Existimo quod non sunt condigne passionem hujus temporis ad futuram gloriam quæ revelabitur in nobis. Quod in præsentii questione proponi solet, quantum necesse erat, respondimus supra,

De

De conditionibus requisitis ad meritum.

Opus bonum seu meritum dupliciter considerari potest, nimirum ex parte hominis qui meretur, & ex parte Dei apud quem homo meretur. Porro ad meritum, de condigno scilicet, si consideretur ex parte hominis, hæc requiruntur conditiones. 1. Ille qui meretur debet esse viator. 2. in gratia sanctificante constitutus. 3. debet propterea esse adjutus gratia quadam actuali. 4. debet agere libere. Si vero opus meritum consideretur ex parte Dei, requiritur promissio de dando præmio. De his pauca sigillatim dicemus.

Ac primo quidem homo qui meretur debet esse viator. Id manifestè constat ex Scripturis, Ecclesiast. 11. *Si cecideris lignum ad austrum aut ad aquilonem, in quocumque loco cecideris, ibi eris.* Ad Hebr. 9. *Statutum est omnibus hominibus semel mori, post hoc autem judicium.* Et ratio est quia meritum est medium quoddam ad finis consecutionem datum, quod proinde locum habere solum potest in viatore.

Secundo, qui meretur debet esse in gratia sanctificante constitutus. Ait enim Christus Joan. 15. *Manete in me & ego in vobis, sicut palmes non potest ferre fructum a semetipso nisi manserit in vite, sic nec vos, nisi in me manseritis.* Item Matth. 7. *Non potest arbor mala bonos fructus facere.* Et ratio est quia si quis mereri posset sine gratia sanctificante, merita non penderent ex amicitia Dei, quod absurdum est.

Tertio, debet præterea homo ad merendum esse adjutus aliqua gratia actuali; id fusc ostendimus in superiori Tractatu, ubi de necessitate gratiæ actualis ad quodcunque bonum opus, vel etiam ad initium fidei adversus

Semipelagianos differuimus. Unde Concilium Tridentinum sess. 6. cap. 16. definit Christum jugiter in Justificatos influere virtutem, *quæ virtus bonarum opera semper antecedit, & comitatur, & subsequitur, & sine qua nullo pacto Deo grata & meritoria esse possent.*

Quarto demum, homo ut mereatur, debet agere libere. Ecclesiast. 31. de justo dicitur: *Qui posuit transgredi & non est transgressus, & facere mala & non fecit, mox additur, ideo stabilita sunt bona illius in Domino.* Et 1. ad Corint. 9. *Si volens hoc ago, mercedem habet.* Et ratio est quia nemo peccat nisi libere agit, ergo nec mereri potest, qui libere non operatur; unde velut axioma receptissimum est apud omnes, libertatem esse principium meriti & demeriti, laudis & vituperii.

Denique si meritum consideretur ex parte Dei, requiritur promissio de dando præmio: nam Jacob. 1. *Beatus vir qui sustulit temptationem, quoniam cum probatus fuerit, accipiet coronam vitam quam repromisit Deus diligentibus se.* Ad Hebr. 6. *ut non segnes efficiamini, verum imitatores eorum qui fide & patientia hæreditabunt promissiones.* Et cap. 10. *ut voluntatem Dei facientes reportetis promissionem.* Unde Concilium Tridentinum sess. 6. c. 16. *Bene operantibus usque in finem & in Deo sperantibus proponenda est vita æterna, & tanquam gratia filii Dei per Jesum Christum misericorditer promissa, & tanquam merces ex ipsius Dei promissione bonis ipsorum operibus & meritis fideliter reddenda.* Et ratio est, quia requiritur ad meritum de condigno, ut præmium sit illi debitum: atqui nullum præmium homini debet Deus nisi ex bona sua voluntate, & pacto seu promissione homini facta: igitur ad meritum de condigno requiritur ex parte Dei promissio de retribuendo præmio.

INDEX QUESTIONUM ET CONCLUSIONUM

TRACTATUS DE GRATIA DEI.



P refatiuncula .	Pag. 1	ris necessitatem ad initium fidei	
Definitio & divisio Gratia ,	ibid.	admisserint .	45
Gratia iterum dividitur in gratum		Concl. Semipelagiani omnes cuiuslibet	
facientem & gratis datam , in		gratie interioris ad initium	
habitualement & actualem , in pre-		fidei necessitatem rejiciebant .	46
venientem & subsequentem , in		Solvuntur objectiones .	48
operantem & cooperantem , in		Utrum gratia sit necessaria ad cognoscendum	
excitantem & adjuvantem , in		omne verum .	53
gratiam Dei & Gratiam Christi ,		Concl. Intellectus humanus potest	
denique in sufficientem & efficacem .	6. 7. 8	sine ullo divina gratia adjutorio ,	
De variis natura humana statibus .	10	modo adsit generalis concursus ,	
De statu nature innocentis .	11	cognoscere omnes veritates mutuales .	54
Utrum primi parentes gratiam sanctificantem seu iustitiam originalem		An fides ad salutem necessaria , sit	
habuerint in statu innocentia .	ibid.	gratia Dei .	55
Concl. Adamus fuit primitus in		Concl. Fides ad salutem necessaria ,	
statu gratia & iustitia originalis		est gratia proprie dicta .	ibid.
constitutus ,	12	Utrum initium fidei sit a nobis sine	
Quenam gratia in statu natura innocentis		gratia .	57
necessaria fuerit Adamo ad bene		Concl. Initium fidei , seu boni operis ,	
agendum & perseverandum .	17	non est a nobis sine gratia	
Concl. In statu nature innocentis		auxilio operantibus .	58
non indigebat primus homo gratia		Solvuntur objectiones ex Scripturis	
per se efficaci , & sufficiebat ei		petita .	63
ad bene agendum gratia versatilis .		Expenditur sententia sancti Chrysostomi .	66
Solvuntur objectiones .	18	Utrum homo possit per solas natura	
De statu nature pure . An sit	23	vires preparare se ad gratiam .	71
possibilis .	26	Concl. Nullo modo potest homo	
Concl. Status nature pure est		preparare se ad primam gratiam per	
possibilis .	27	bona opera sine gratia adjutorio	
Solvuntur objectiones .	29	elicita .	ibid.
De existentia & necessitate gratia ,	38	Utrum homo possit sine gratia aliquod	
De Pelagianis ,	ibid.	facere bonum opus morale .	ibid.
De Semipelagianis .	43	Utrum sine fide fieri possit aliquod	
Utrum Semipelagiani gratia interiori		bonum opus , vel omnia infidelium	
		opera sint totidem peccata .	72
		Concl.	

Concl. Sine fide homo potest aliquod facere bonum opus in ordine naturali . . .

ibid.

Solvuntur objectiones .

76

Utrum homo possit sine gratia actuali aliquod bonum opus naturalis ordinis exercere .

84

Concl. Homo etiam in hoc statu naturae lapsae potest aliquod bonum opus morale naturalis ordinis exercere sine speciali Dei gratia .

ibid.

Utrum homo possit sine gratia Dei vincere tentationes .

86

1. Concl. Nulla tentatio superari potest vel gravis, vel levis ex motivo honesto in ordine ad vitam aeternam sine gratia Dei .

87

2. Concl. Sine gratia vinci possunt tentationes ex motivo mere naturali .

Utrum homo potest sine gratia diligere Deum .

1. Concl. Homo non potest sine gratia diligere Deum super omnia in ordine ad salutem aeternam .

2. Concl. Non potest quidem homo naturaliter & sine gratia Dei diligere Deum super omnia ut autorem naturae dilectione simpliciter effectiva, recte vero dilectione affectiva .

ibid.

Utrum homo sine gratia Dei legis praecepta implere possit .

91

1. Concl. Sine gratia Dei homo non potest servare mandata ut oportet, ea observatione qua illi utilis sit ad vitam aeternam .

ibid.

2. Concl. Sine gratia Dei non potest quidem homo omnia collectivae praecepta legis naturalis adimplere . . .

93

Utrum homo possit sine gratia ab omni peccato abstinere .

ibid.

1. Concl. Si Christum Dominum & B. V. ejus matrem excipiamus, nemo homo ad eum unquam iustitiae & sanctitatis gradum pervenit, ut sine omni peccato vitam duceret .

94

2. Concl. Fieri potest absolute ut iustus ab omni peccato per totam vitam praeservaretur .

96

Utrum homo iustus possit sine speciali Dei gratia perseverare in bono .

ibid.

1. Concl. Perseverantia parvulorum post susceptum baptismum morientium speciale Dei donum est .

97

2. Concl. Perseverantia adultorum est quoque speciale Dei donum .

ibid.

De essentia & natura Gratiae .

99

Utrum homo possit sine gratia sanctificante, aliquod bonum opus facere .

100

Concl. Potest homo sine gratia sanctificante & in statu peccati mortalis existens aliquod bonum opus facere .

ibid.

De Gratia efficaci .

101

Utrum admittenda sit gratia ex se efficax .

ibid.

89 Concl. Admittenda est gratia per se, ex se, & ab intrinseco efficax .

103

Solvuntur objectiones .

112

90 Quid sit gratia efficax, & a quo repetenda sit ejus efficacia .

124

1. Concl. Efficacia divina gratiae non est repetenda a congruitate, prout subest scientiae mediae .

125

2. Concl. Efficacia gratiae repeti non debet a physica praedeterminatione Thomistarum .

126

3. Concl. Efficacia gratiae est: vitatrix quadam deletitatio .

127

De Gratia sufficiente .

129

Concl. In statu naturae lapsae praeter gratiam efficacem . . . alia debet admitti gratia actualis in voluntate . . .

130

Solvuntur objectiones .

139

Quid sit gratia sufficiens .

150

1. Concl. Rejici debet sententia Molinae dicentis gratiam sufficientem dari ad quaslibet pietatis actus immediate producendos . . .

151

2. Concl. Rejicienda quoque est sententia eorum qui dicunt, gratiam sufficientem ex se interdum suum

<i>consequi effectum sine adiumento gratia per se efficax . . .</i>	<i>ibid.</i>	
3. <i>Concl. Non placet etiam sententia Thomistarum, qui dicunt gratiam sufficientem effectum suum nunquam habere defectu auxilii physice praeordinantis.</i>	159	193
4. <i>Concl. Admittenda est gratia quae docet gratiam sufficientem posse quidem habere effectum, sed nunquam habere defectu gratia efficax moraliter morientis ac determinantis voluntatem nostram.</i>	<i>ibid.</i>	194
<i>Utrum gratia sufficiens detur omnibus & singulis hominibus.</i>	160	203
<i>Utrum iustis hominibus detur semper gratia sufficiens, adeoque illis possibilia sint praecepta.</i>	161	202
<i>Concl. Datur iustis gratia sufficiens qua Dei praecepta possint observare, quae proinde non sunt ipsis impossibilia.</i>	162	204
<i>Solvuntur Objectiones.</i>	169	205
<i>Utrum infidelibus omnibus detur gratia sufficiens.</i>	175	209
<i>Concl. Non datur semper gratia sufficiens infidelibus negativa infidelitate laborantibus.</i>	176	217
<i>Solvuntur objectiones.</i>	182	219
<i>Utrum peccatoribus-execratis & obduratis detur gratia sufficiens.</i>	192	221
1. <i>Concl. Omnibus peccatoribus execratis & induratis Deus non omnem semper gratiam sufficientem denegat . . .</i>		229
2. <i>Concl. Sunt tamen quidam peccatores tam insigniter execrati & indurati, ut nullam penitus habere gratiam merito censeantur.</i>		
<i>An omnibus & singulis infantibus sufficienter providerit Deus de remedio salutis.</i>		
<i>Concl. Omnibus & singulis infantibus vel etiam in utero matris decedentibus media ad salutem sufficientia providit Deus.</i>		
<i>An Deus velit voluntate sincera omnes & singulos homines salvos fieri.</i>		
<i>Concl. Est in Deo vera & sincera voluntas salvandi omnes & singulos homines etiam post Ada peccatum.</i>		
<i>Solvuntur objectiones.</i>		
<i>Utrum voluntas salvandi omnes homines sit voluntas beneplaciti vel signi.</i>		
<i>An Christus pro omnibus & singulis hominibus sit mortuus.</i>		
<i>Concl. Christus Dominus pro omnibus & singulis hominibus, non pro felis praedestinati mortuus est.</i>		
<i>Solvuntur objectiones.</i>		

TRACTATUS

DE JUSTIFICATIONE ET MERITO.

N omen & definitio Justificationis .	240	<i>An Justificatio posita sit in iustitia inherente , aut solum in imputativa .</i>	248
<i>Utrum ad justificationem impii requiratur actus fidei , & qualis .</i>	241	Concl. Justificatio magis proprie & formaliter posita est in iustitia inherente . . .	249
Concl. Fides justificans non est specialis fides promissionum . . .	ibid.	<i>Utrum homo sit certus de sua Justificatione .</i>	252
<i>An sola fides per modum justificationis iustificet .</i>	243	Concl. Nemo debet neque potest certo credere fide divina se esse iustificatum .	253
<i>Utrum ad justificationem acquirendam requiratur in peccatore motus liberi arbitrii per modum praevia dispositionis .</i>	244	<i>Utrum Iustitia possit amitti .</i>	256
Concl. Ad justificationem adultorum requiritur motus liberi arbitrii per modum praevia dispositionis .	ibid.	Concl. Iustitia semel habita etiam in electis per peccatum mortale amittitur .	ibid.
<i>Utrum in justificatione peccatoris peccata vere auferuntur , vere deleantur .</i>	245	<i>De merito bonorum operum .</i>	258
Concl. In Justificatione peccatoris peccata vere auferantur , vere deleantur , vere remittuntur .	ibid.	<i>Utrum homo possit apud Deum aliquid mereri .</i>	ibid.
<i>An prae remissionem peccatorum in justificatione requiratur renovatio interior .</i>	247	Concl. Refle dicitur hominem aliquid mereri apud Deum , si nimirum per gratiam operetur .	259
		<i>Quid homo possit mereri .</i>	260
		<i>De conditionibus requisitis ad meritum .</i>	263

F I N I S.



I N D E X

RERUM ET MATERIARUM LOCUPL ETISSIMUS

ORDINE ALPHABETICO DIGESTUS.

A

Adam fuit primitus in statu gratiæ,
& iustitiæ Originalis constitutus. 12

An sententia, quæ docet Adamum
non fuisse creatum in gratia &
iustitia originali, sed tantum in
tali gratia fuisse constitutum an-
te legis transgressionem sit abso-
lute erronea vel temeraria. 13

Fuit in intellectu cumulatus scientia
perfectissima omnium rerum
naturalium. 14

Voluntate habuit sanam, & per-
fecte liberam sine ulla prava li-
bidine creatam. ibid.

Ejus pars inferior erat ad nutum
subdita superiori. 15

Carebat miseris omnibus, quibus
nunc affligimur. ibid.

Corpus gaudet immortalitate. ibid.

Hoc propugnat Augustinus contra
Pelagianos. 16

Et definitum est a Concilio Tri-
dentino. ibid.

Quomodo Adam factus immortalis,
& nunquam moriturus, si non
peccasset, fuisset tamen morta-
lis. ibid.

Adamo Immortalitas concessa fuit
a Deo per gratiam. ibid.

Iustitia Originalis ipsi fuit superna-
turalis & indebita, etiam quate-
nus consistebat in perfecta subje-
ctione Animæ ad Deum & par-
tem inferiorem cum superiore. 17

Tom. IV.

Non indigebat in statu suo inno-
centiæ gratia per se efficaci, seu
adjutorio quoad bene operandum
& perseverandum. 18

Fuit hæc fundatissima Augustini do-
ctrina. ibid.

Non conciliatur cum Thomistica
predestinatione. 21

Objectiones solvuntur. 23

Adulti quando perseverant usque in fi-
nem speciale Dei donum est. 97

Adultis infidelibus infidelitate negativa
laborantibus applicari potest exemplum
parvulorum sine baptismo decedentium,
quibus non datur auxilium gratiæ suf-
ficiens. 187

Albertus Pighius censuit cum Theologis
Coloniensibus formalem nostræ iusti-
ficationis consistere uno intrinseco- &
inhærente a tero extrinseco, & impu-
tativo, quod est iustitia Christi. 252

Ambrosius Catharinus: peculiaris ejus opi-
nio, circa justificationis certitudinem. 253

In qua tamen ab Hæreticis se dis-
sentire profitetur. ibid.

Amor Dei alius naturalis, alius super-
naturalis & definitur. 89

Uterque vel est amor Dei, qui sit
super omnia, vel qui non sit. ibid.

Qui est super omnia alius est affe-
ctivus, alius est effectivus. ibid.

Amor Dei super omnia in ordine
ad salutem æternam haberi non
potest sine gratia Dei. 90

Amor tamen Dei super omnia sed
ut auctoris naturæ haberi potest
naturaliter, & sine gratia Dei,
L1 lo-

- loquendo de amore pure affectivo,
non autem simpliciter effectivo. 38
ibid.
- Angeli ad perseverandum non indiguerunt ex Augustino gratia per se efficaci, nec pariter ex Fulgentio. 42
- Arbitrium liberum hominis non subvertitur per gratiam efficacem ab intrinseco. 43
- Manet etiam in peccatoribus obduratis, quibus Deus subtrahit gratiam sufficientem. 47
- Motus liberi Arbitrii requiruntur ad justificationem per modum praeviae dispositionis. 50
- Requiritur ad meritum. 50
- S. Augustinus apertissime docuit in statu naturae innocentis primum hominem non indiguisse gratia efficaci, seu adiutorio quo &c. 50
- Et non tamen ipsi collatam non fuisse gratiam efficacem. 50
- Doctrina ab ipso posita de discrimine status naturae innocentis & lapsae conciliari nequit cum praedeterminatione Thomistica. 51
- Ejus eadem fuit mens circa Adiutorium Angelis necessarium ad perseverandum. 55
- S. Augustinus: stat ex Augustino discrimen gratiae pro utroque statu; licet iidem Angeli diversas in gradu dispares haberint gratias. 54
- Agnoscat ut possibilem statum naturae purae. 57
- Etiā ubi disputat adversus Manichaeos. 58
- Quamvis diverso modo argumentatus sit adversus Manichaeos, & Pelagianos, possibilitatem fateatur naturae purae. 59
- Quae ex Augustino obijciuntur a Janenio solvuntur, eo principio, quod loquatur Augustinus non absolute, & in quacumque hypothesis, sed solum in praesenti statu, quo sumus constituti. 64
- Docet aperte Pelagianos nullam voluntatis & actionis gratiam statuisse. 68
- Definiri certo nequit an controversia inter Augustinum & Pelagianos mota fuerit de gratia habituali, an vero de actuali. 62
- Augustini scopus fuit demonstrare necessitatem cujusdam auxilii mere gratuiti, & supra naturam positi. 63
- Supponit Semipelagianos nullam gratiam interiorē ad initium fidei necessariam admisisse. 67
- Cur non probet hominem in statu innocentiae habuisse auxilium gratiae interioris. 70
- Non docuit omnia infidelium opera esse peccata, sed contra Julianum agens docet ea non esse meritoria vitae aeternae. 78
- Cur Augustinus contra Pelagianos scribens expresse mentionem non faciat utriusque ordinis naturalis, & supernaturalis, relate ad opera moralia. 85
- Quomodo probet in suo Systemate gratiae non fore inutiles, exhortationes ad bonum. 115
- Non adduci homines in desperationem suae salutis. 117
- Non subverti liberum Arbitrium. 119
- Et consistere cum sincera Dei voluntate salvandi omnes homines. 120
- Ex quibusnam libris, ejus doctrina de gratiae efficacia sit desumenda. 122
- Non impugnavit in Pelagio gratiam sufficientem interiorē. 142
- Cur contra Pelagium iis utatur momentis, quae gratiam efficacem indicant, & non etiam sufficientem. 143
- Nunquam docuit gratiam sufficientem fieri aliquando efficacem, seu per se solum immediate suum ponere effectum. 155
- S. Augustinus: ex Augustino fides est prima gratia qua cetera impetrantur. 177

Nunquam docuit Peccatoribus nondum obduratis denegari gratiam sufficientem, quin immo contrarium. 192

Varie ejusdem explicationis sententia: *Deus vult omnes homines salvos fieri.* 212

B

Bajus negavit possibilitatem status puræ naturæ. 27

Ejus propositiones circa hoc damnatæ a summis Pontificibus. 29

Propositiones damnatæ circa omnia opera Infidelium, quæ putavit esse totidem peccata. 76

Propositio quod liberum Arbitrium sine gratiæ Dei adjutorio nonnisi ad peccandum valeat damnata. 84

Propositio quod omne quod agit peccator, & servus peccati sit peccatum damnata a Pio V. & Greg. XIII. 85

Propositio quod mandata Dei homini lapsi sunt impossibilia damnata. 168

Baptismus non modo illum infantibus præparavit Deus, sed voluit sinere & ipsis administraretur. 202

Neque contrarium docuit Augustinus. 103

Beatitudo naturalis non est impossibilis. 30

Eam respicit Augustinus solum in præsentis naturæ humanæ statu. 31

Bonum temporale secundum se spectatum non cadit simpliciter sub merito, sed tamen secundum quid. 262

C

Calvinus negat gratiæ sufficientis existentiam. 179

Deum velle omnes homines salvos fieri. 202

Christum esse mortuum pro omnibus. 221

Primum negare visus est in justificatione renovationem fieri interioriorem. 247

Tota justificationis essentiam dicit positam in peccatorum remissione & imputatione justitiæ Christi. 248

Negat justitiam semel habitam per scelera etiam gravia amitti. 256

Ægre ferebat nomen meriti operibus humanis tribui. 258

Ab ejus opinionibus in nonnullis ejus Sectatores recedunt. 247

Carissaca Capitula quo sensu fuerunt improbata ab Ecclesiâ Gallicana errore facti decepta. 234

Cassianus nihil diversum sensit circa necessitatem gratiæ a Pelagianis. 46. 52

Catharinus Ambrosius peculiaris ejus opinio circa certitudinem justificationis. 253

In qua tamen ab hæreticis se dissentire profitebatur. 253

Chrysostomus Semipelagianismi errore accusatur sed immerito. 66

Innumeris in locis necessitatem gratiæ ad singula bona opera expresse tradit. 67

Ejusdem Locutiones similes reperiuntur tum in Scripturis, tum apud SS. Patres Semipelagianismi minime suspectos. 68

Christi mors fuit pretium sufficiens ad redimendos omnes & singulos homines. 219

Christus non est mortuus efficaciter pro omnibus. 219

Prædestinatiani negarunt Christum esse mortuum pro omnibus hominibus. 219

Ostenditur Prædestinatorum Sectam non esse meram fabulam. 220

Quo sensu dixerit Jansenius Christum non esse mortuum pro omnibus. 221

Cur Scriptura Christi mortem ad multos tamen restringat. 230

An Christus pro omnibus etiam rogatus. 230

gaverit. 231

An Augustinus putaverit Christum non rogasse pro reprobis. 233

Hæc sententia de Christi morte pro omnibus non fuit rejecta ab Ecclesia Gallicana nono Sæculo. 233

Concilium Viennense quid definiert circa gratiam (Vide Viennense).

Concupiscentia qualis fuisset in statu nature puræ. 32

Ejus discrimen in Statu nature lapsæ. ibid.

D

DEI voluntas sincera salvandi omnes homines optime consistit cum systemate gratiæ efficacis ab intrinseco. 120

Ex voluntate Dei salvandi omnes homines non sequitur omnibus infidelibus dari auxilium gratiæ sufficiens & supernaturale. 187

Id ostenditur exemplo infantium sine baptismo decedentium. ibid.

Non sequitur Deum omnibus obduratis dare gratiam sufficientem. 197

Est in Deo voluntas sincera ut baptismus administretur infantibus omnibus etiam in utero materno decedentibus. 202

Duplex Dei voluntas Antecedens, & consequens. 204

Diversimode utraque voluntas explicatur juxta diversum Systema de gratia. 204

Probatur esse in Deo veram & sinceram voluntatem salvandi omnes homines & singulos etiam post Adæ peccatum. 202

Quam voluntatem in Deo salvandi omnes homines admiserint Pelagiani, & Semipelagiani, ac reproba-verint SS. Patres. 211

Cur Augustinus voluntatem Dei salvandi omnes homines ad solam prædestinatos restringat. 213

Quo sensu dicat voluntatem Dei

semper impleri. 213

Quomodo conciliantur in Deo duæ voluntates in ordine ad salutem reproborum. 214

Hæc duplex voluntas antecedens & consequens debet admitti relate ad salutem Angelorum. 216

Voluntas Dei antecedens salvandi omnes dici potest absoluta & conditionata. ibid.

Est voluntas beneplaciti, non signi. 218

Desperatio: Systema gratiæ efficacis ab intrinseco non inducit homines in desperationem suæ salutis. 116

E

Efficax Quid sit gratia efficax ex se, & ab intrinseco. 102

An sit admittenda. 103
Sententia de gratia efficaci stabilitur auctoritatibus Scripturæ & Patrum, & validissimis momentis. 104

In quo consistat efficacia gratiæ. 124

Consistit in victrici quadam delectatione, superante omnem & quamlibet terrenam delectationem per quam sit peccatum. 127

Hæc victrix delectatio, non est actus deliberatus, seu formatus amoris Dei, sed est actus vitalis indeliberatus per modum cujusdam desiderii a Deo infusi. 127

Dubitari tamen nequit quin Deus aliunde, & aliis modis homines trahat ad se. 127

Excursio. (Vide imduratio, & Peccator.)

Exhortatio ad bonum in Systemate gratiæ efficacis ab intrinseco non sunt absurdæ nec inutiles exhortationes. 114

Sicuti nec illæ quas peccatoribus obduratis frequenter objicit Deus in Scripturis. 199

Fauftus Regienſis eſt potius Pelagianis annumerandus, quam Semipelagianis. 52

Fauftus non confixit hiftoriam Prædeſtinationam ad conciliandam invidiam diſcipulis Auguſtini. 219

Fides ad Salutem neceſſaria: eſt gratia proprie dicta, ſeu ſine gratiæ auxilio haberi nequit. 53

Id negabant Pelagiani, contra quos Catholica veritas offenditur. ibid.

Et ipſum initium fidei, ſive boni operis non eſt a nobis ſine gratiæ auxilio operantibus. 58

Hæc fuit doctrina omnium Eccleſiæ Patrum. 59

Quia & Chryſoſtomi, cuius locutiones a Semipelagianismo purgantur. 67

Sine Fide poteſt homo facere aliquod opus bonum in ordine naturali. 72

Fides eſt prima gratia, ex qua impetrantur cætera ex Auguſtino. 177

Tripticem diſtinguunt Novatores. 241

Solam fidem promiſſionum, aut miraculorum docent eſſe fidem iuſtificantem. 241

Catholici eam diſiſionem rejiciunt. ibid.

Per Catholicos fides iuſtificans non eſt ſpecialis fides promiſſionum, ſed ea cenſeri debet fides, qua credimus vera eſſe, quæcumque revelavit Deus ſive ſint hiftoriæ, ſive miracula, ſive promiſſiones. 242

Adeoque fides, quæ iuſtificat non eſt fiducia ſpecialis qua homo certiffime confidat ſibi eſſe remiſſa peccata. ibid.

Non ſola fides per modum Diſpoſitionis iuſtifieat. 243

Cur Scripturæ frequentius fidei adſcribant iuſtificationem, quam

aliis bonis operibus. 244

Fide divina nemo debet, neque poteſt certo credere ſe eſſe iuſtificatum. 253

Gallicana Eccleſia - quo ſenſu rejecerit nono ſæculo ſententiam docentem Chriſto pro omnibus mortuum eſſe. 234

Hincmari doctrinæ & Capitulis Carifiaciſ adverſata fuit quia in iis putabat aſſertam Chriſti mortem fuiſſe efficacem pro omnibus vel impiis in impietate morituris, vel ut eas extraheret qui jam erant in inferis. 237

Id intelligitur ex Libro de tribus Epiftolis. 235

Ex libro Eccleſiæ Lugdunenſis. 236

Ex Concilio Valentino, & Servato Lupo. ibid.

Errore facti decepti Gallicani Præſules ſententiam cenſuræ ſuſtulerunt in Hincmarum latam in Conciliis Liogoniienſi & Fullenſi. 238

Quo ſenſu putaverit Chriſtum non poſſe dici mortuum pro infidelibus in ſua infidelitate morituris. 238

Quo ſenſu reprobaverit Carifiacum Capitulum in quo affirmatur Deum velle omnes homines ſalvos fieri. 239

Gennadius ejus opus de Eccleſiaſticis diſciplinis ſi genuinum eſt, fuit conſcriptum cum ab hæreſi Semipelagianorum reſpuiſſet. 53

Goteſchalculus fuit Prædeſtinatianus. 221

Gratia - pariter ſine gratia Dei non poteſt homo ſervare omnia collectivè præcepta legis naturalis, nihil enim vetat quo minus nonnulla diſtributive per ſolas naturæ vires ſine peccato obſervare poſſit. 93

Perſeverantia Parvulorum poſt ſuſceptum Baptiſma morientium ſpecialis Dei gratia eſt, ſicquæ perſe-

- severantia adulatorum . 97
Potest homo sine gratia sanctifi-
cante, & in peccato mortali exis-
tens aliquod bonum opus facere . 100
- Contraria propositio damnata a Con-
ciliis & Pontificibus . ibid.
- Gratia quia ex culpa ipsius hominis vel
actuali, vel originali profectum est
quod gratia per se efficaci ad recte
agendum necessaria caruerit . 115
- Retorquetur difficultas contra moliti-
os Molinistas . 116
- Hoc systema gratiæ efficacis ab in-
trinseco homines in desperationem
sue salutis non adducit .
- Fuit hæc vere Semipelagianorum . 117
- Retorquetur contra Molinistas & non
everit liberum arbitrium . 118
- Ratio quia Deus determinat unum-
quodque agens ad actum juxta
suum agendi modum . 120
- Optime stat cum sincera voluntate
salvandi omnes homines . ibid.
- Tres diversæ sententiæ circa gratiæ
efficaciam . 121
- Efficacia gratiæ non est destruenda
a congruitate prout subest scien-
tiæ mediæ . 125
- Neque repeti debet a physica præ-
determinatione Thomistarum . 126
- Sed efficacia gratiæ est victrix quæ-
dam delectatio . 127
- Quid sit ista victrix delectatio . 128
- Gratia sufficiens quid sit . 159
- Hanc negant Calvinus & Janſenius . 159
- Sed probatur in statu naturæ lap-
sæ præter gratiam efficacem, aliam
admitti debere gratiam actualem
in voluntate quæ sit inefficax &
pure sufficiens, suoque privetur
effectu . 130
- Hæc enim est adiutorium possibili-
tatis quod admittebat Pelagius . 143
- Est non fortitatur suum effectum
non est illusoria, per accidens
enim est quod cum ea homo non
agat actu . 145
- Falsum & erroneum cam non in-
servire nisi augendis hominum pec-
catis . 146
- Quomodo gratia sufficiens non sit
inutilis si non dat agere, & ad
hoc necessaria est alia gratia,
quæ non datur meritis nostris . 147
- Deus dat gratiam efficacem his qui
gratiæ sufficienti non resistunt,
ostenditur id variis momentis . 147
- Denegatio gratiæ efficacis non est
causa resistantiæ, quæ sit gratiæ
sufficienti . 149
- Causæ moraliter operanti, quam non
removendo prohibens effectus non
debet imputari, modo non teneat-
ur removere prohibens . 149
- Quenam sit natura patriæ sufficien-
tiæ . 150
- Gratia rejicitur sententia Molinæ di-
centis gratiam sufficientem dari ad quos-
libet pietatis actus immediate produ-
cendos, ita ut præter illam non requi-
ratur gratia efficax . 151
- Rejicitur quoque sententia eorum,
qui dicunt gratiam sufficientem
ex se interdum suum consequi ef-
fectum adiumento gratiæ efficacis
per se . 152
- Rejicitur præsertim ex Augustino,
cujus typologiæ difficultates solvun-
tur . 157
- Gratia sufficiens non caret suo ef-
fectu ex defectu auxilii physici
prædeterminantis . 159
- ene vero ex defectu gratiæ effica-
cis moraliter moventis ac deter-
minantis voluntatem nostram . 159
- Posita est in motione voluntatis, in
qua est per modum actus vitalis
indeliberati; cui motioni semper
resistit voluntas . 160
- Gratia actualis: primam gratiam actua-
lem non potest homo mereri sibi ne-
que

que de condigno, neque de congruo.

260

Alteri vero non potest mereri de condigno, bene vero de congruo.

260

Ad meritum debet homo esse adju-
tus gratia quodam actuali.

263

Gratia habitualis quid sit. (Vide Iusti-
ficatio)

240

Gratia, non potest homo sibi mereri pri-
mam gratiam habitualement de condigno,
sed potest de congruo.

260

Potest tamen de condigno mereri
sibi augmentum gratiæ habitua-
lis.

260

Sed homo non potest alteri mereri
primam gratiam habitualement de
condigno, bene vero de congruo.

261

Gratia, cur agatur de gratia Dei post
Tractatum de Incarnatione Verbi.

3

Quid sit gratia universim sumpta.

ibid.

Dividitur in naturalem & superna-
turalem.

4

Supernaturalis alia externa, alia in-
terna.

4

Scientia legis divinæ non qualiscun-
que, sed solummodo quatenus ho-
mini salutaris, est inter gratias
Christi reponenda.

4

Gratia interna alia gratum-faciens,
alia gratis data, quid utraque.

5

Quot species gratiæ gratis datæ.

ibid.

Gratiæ gratis datæ non semper con-
junguntur cum gratia gratum fa-
ciente.

8

Potestas administrandi Sacramenta,
non est gratia gratis data.

ibid.

Gratia gratum-faciens est nobilior
gratia gratis data.

ibid.

An gratiæ gratis datæ sine actuales,
vel habituales.

ibid.

Gratia habitualis quid sit.

6

Cur tam Venerabiles Patres, quam
Tridentini in ea explicanda obti-
nuerint a voce habitus.

7

Gratia habitualis est in voluntate

tanquam in subiecto.

7

Gratia habitualis est in voluntate

tanquam in subiecto.

7

Gratia actualis quid sit.

6

Hæc alia præveniens, alia suble-
quens.

7

Utraque vel operans, vel coope-
rans.

8

Cui affinis est divisio gratiæ in ex-
citantem, & adjuvantem.

ibid.

Iterum alia est gratia Dei, alia
gratia Christi.

ibid.

Alia demum est divisio gratiæ in
sufficientem, & efficacem.

9

secundum Molinam gratia sufficiens,
& efficax non distinguuntur se-
cundum naturam, & entitatem.

ibid.

Alii discernunt utramque quoad ef-
fectum vel non certo, vel certo
consequendum.

ibid.

Thomistæ, & alii Theologi utram-
que ab invicem differre volunt
secundum entitatem, & naturam,
licet in explicatione efficacis non
conveniant.

ibid.

Janſenius rejicit gratiam sufficien-
tem non Molinisticam, sed Tho-
misticam.

10

Calvinus docuit nullam dari gra-
tiam sufficientem.

ibid.

Gratiæ existentia & necessitas quid sit.

11

Adam fuit primitus in statu gratiæ
& justitiæ originalis constitutus.

13

An Justitia originalis sit a gratia ju-
stificante distincta.

17

Quid sit adjutorium sine quo, &
adjutorium quo.

ibid.

In statu naturæ innocentis Adam
non indigebat ad bene agendum.

Et perseverandum gratia per se
efficaci, seu adjutorio quo.

18

Hæc est vera Augustini doctrina.

ibid.

Quæ conciliari nequit cum præde-
terminatione Thomistica.

21

Angeli ad perseverandum non in-
duguerunt ex Augustino gratia pe-

se

se efficaci. 23
 Quid gratiæ nomine intellexerint Pelagiani. 40
 De quam gratia potissimum agat contra Pelagianos, de habituali, an vero de actuali. 42
 Semipelagiani cujuslibet gratiæ interioris ad initium fidei necessitatem rejiciebant. 47
 Fides ad salutem necessaria est gratia proprie dicta, seu sine gratiæ auxilio haberi non potest. 55
 Quin nec ipsum fidei initium est a nobis sine gratia operantibus. 57
 Solvuntur Semipelagianorum objectiones. 63
 Nullo modo neque de condigno, neque de congruo potest homo præparare se ad primam gratiam per bona opera sine gratiæ adjutorio. 71
 Homo etiam in hoc statu naturæ lapsæ potest aliquid bonum opus morale naturalis ordinis exercere sine speciali Dei gratia. 84
 Sine gratia Dei vinci non potest tentatio quælibet sive gravis, sive levis ex motivo honesto in ordine ad vitam æternam. 77
 Bene vero ex motivo mere naturali. 88
 Homo non potest sine gratia diligere Deum super omnia in ordine ad vitam æternam. 90
 Neque nec potest naturaliter, & sine gratia Dei Deum diligere super omnia, ut Auctorem naturæ dilectione simpliciter effectiva bene vero dilectione affectiva. ibid.
 Sine gratia Dei homo non potest servare mandata, ut oportet ea observatione quæ sit utilis ad vitam æternam. 92
 Gratia essentia & natura. Quid sit gratia ex se efficax. 102
 Molina nullam dare voluit, sed omnem gratiam ex se nonnisi sufficientem reddi efficacem a solo voluntatis nostræ consensu. 102

A quo recedunt cæteri de eadem familia docentes gratiæ efficaciam positam esse in quadam congruitate prout subest scientiæ mediæ. 102
 Sententia Alphonfi le Moine contententis solum sufficientem dari ad initium fidei. ibid.
 Admittenda est gratia per se, ex se, & ab intrinseco efficax ad singulos pietatis ætus, 103
 Id colligitur ex orationibus Ecclesiæ. 109
 Ex incomprehensibilitate illius Questionis cur ex duobus hominibus unus bonum faciat, alter non. 104
 Ex difficultate quam etiam agnoscit Augustinus eam conciliandi cum libertate. 110
 Quia Molinæ doctrina evertit immobilem Prædestinationis veritatem. ibid.
 Ex natura ipsa gratiæ efficacis recte intellecta. 111
 Quia eadem sunt objectiones Molinistarum ac Semipelagianorum. 111
 Cur gratiæ efficacia ab intrinseco non probetur momentis Thomistarum. 111
 Quomodo justa fuerit Christi reprehensio facta Corozaitis in Systemate gratiæ efficacis ab intrinseco. 114
 Cur in eodem Systemate non sint absurdæ exhortationes ad bonum. 114
 Gratia sufficientis explicatio. 161
 Datur justis qua Dei præcepta possint observare, quæ proinde non sunt ipsi impossibilia. 163
 Error in hoc Lutheri, & Jansenii licet ex diversis principiis. 162
 Non datur semper infidelibus infidelitate negativa laborantibus. 176
 Hoc manifeste ostendit illud Christi Domini Marc. 11. ibid.
 Hæc fuit Augustini doctrina, nec non Prosperi, & Fulgentii. 178
 Oppo-

Oppositum non evincitur ex locutionibus generalibus Scripturæ dicentis Deum omnes ad se vocare. 182
 Nec ex voluntate Dei salvari omnes homines. 187
 Nec ex Conciliis Lateranensi, Synonensi, & Tridentino. 189
 Non omnes semper denegant gratiam sufficientem omnibus excorcat & obduratis. 193
 Denegant tamen aliquibus in penam præcedentium peccatorum, ibid.
 Iis tamen manet libertas ad peccandum, vel non peccandum, quamvis non habeant sufficientiam ad non peccandum. 198

H

Hincmarus nunquam docuit Christum ita esse mortuum pro impiis, ut eos sit aliquando ab inferis liberaturus. 237
 Hanc doctrinam errore facti decepta ipsi imputavit Gallicana Ecclesia. 235
 In Concilio Lingonensi clarius suam mentem aperuit. 238
 Et in Concilio Fuldensi res fuit novo examini subjecta. 238

I

Jansenius excludit gratiam sufficientem non tantum Molinisticam, sed & Thomisticam. 10
 Post Bajum negavit statum naturæ puræ. 27
 Contendit Pelagianos tandem convictos agnovisse gratiam voluntatis necessariam, non quidem ad initium, sed ad perfectionem operis, & quæ daretur propter merita nostra. 41
 Sed confutatur. 42
 Duo distinguit Semipelagianorum genera. 46
 Vult Semipelagianos mitiores admitti. 47

Tom. IV.

esse gratiæ interioris necessitatem ad singulos actus, etiam ad initium fidei, & in hoc fuisse hæreticos quod vellent eam gratiam esse talem cui humana voluntas posset resistere. 48
 Hæc propositio declarata a Pontificibus falsa & hæretica. ibid.
 Docuit hominem sine Christi fide non posse ullum facere opus bonum morale etiam naturalis ordinis. 72
 Gratiam sufficientem penitus excludit. 130
 Ejus propositio damnata. 138
 Jansenius iustis hominibus pronunciat esse impossibilia mandata Dei ex defectu gratiæ sufficientis, quam ipse non admittit. 162
 Propositio hæc damnata. 169
 Quo sensu dixerit Christum non esse mortuum pro omnibus. 221
 Immortalitas Corporis fuit appendix status naturæ innocentis Adami. 15
 Fuit a Deo concessa per gratiam. 16
 Adeoque Adam adhuc fuisset mortalis. ibid.
 Quotuplex sit mortalitas. ibid.
 Induratio quomodo ex Augustino Deus dicatur excoecare & indurare. 196
 Est in penam peccatorum præcedentium. 198
 Quod sit ab homine in ea constituto si sit contra legem Dei, peccatum est. 199
 Quomodo voluntariæ sint actiones induratorum, etsi gratia sufficienti sint destituti. 199
 Paritates infidelitatis negativæ, ebrietatis, amentiarum nihil faciunt ad rem. 200
 Infideles non omnia Infidelium opera sunt totidem peccata. 72
 Quid sint Infideles negative & positive. 175
 Non datur semper gratia sufficiens infidelibus infidelitate negativa laborantibus. 176

M m

Ex-

- Excusabiles tamen non sunt ob peccatum Originale quod contraxerunt. 177
- Infideles infidelitate negativa iis solum ea imputantur peccata quæ legi naturali adversantur. 181
- Cum non habeant fidem, nec per consequens gratiam sufficientem. ibid.
- Si iis daretur semper gratia sufficiens Augustinus non confugeret ad inscrutabilia Dei iudicia, ut Quæstionem solveret, cur unum potius quam alium Infidelium vocet ad fidem. ibid.
- Quomodo accipiendæ locutiones scripturæ dicentis Deum omnes vocare, & ad se trahere. 182
- Quomodo explicanda relate ad istos voluntas Dei sincera omnes homines salvos &c. 187
- Deus his impossibilia non jubet. 191
- Cur infidelitas negativa sit pæna peccati, sed non peccatum. 200
- An Ecclesia Lugdunensis nono Sæculo putaverit Christum non esse sufficienter pro iis mortuum. 238
- Infans omnibus & singulis infantibus etiam in utero materno decedentibus media ad salutem sufficientia providit Deus. 202
- Intellectus humanus potest sine ullo gratiæ auxilio, modo adsit generalis concursus cognoscere veritates naturales. 54
- Non autem cognoscere certo veritates supernaturales cognitione conjuncta cum assensu, quæ dicitur fides. 55
- Judas: est scripturæ magis consonum asserere illum habuisse gratiam sufficientem qua posset tentationem desperationis vincere. 201
- Justificatio quot modis accipiat in scripturis. 240
- Certum apud omnes ad Justificationem requiri actum fidei. 241
- Qualis fides requiratur. ibid.
- Justificatio: triplicem distinguunt Novatores. ibid.
- Sola fides importans confidentiam vel fiduciam in promissiones non est fides justificans. ibid.
- Sed fides qua credimus vera esse quæcumque revelavit Deus. 242
- Non sola fides est dispositio ad justificationem, sed & alia bona opera, & alii Virtutum actus. 243
- Ad justificationem Adulterorum requiritur motus liberi Arbitrii per modum præviæ dispositionis. 244
- Quod tamen semper intelligitur fieri beneficio gratiæ. 245
- In Justificatione Peccatoris peccato vere auferuntur, verè delentur, & remittuntur. ibid.
- Novatores docent tamen non imputari, & confutantur. ibid.
- Ex Scripturis peccata tegi, non imputari censentur, cum vere a Deo delentur. 246
- Justificatio præter remissionem peccatorum formaliter includit interiorem hominis renovationem. 247
- Justificatio propriè & formaliter posita est in iustitia inharrente itaut iustitia Dei, vel Christi non sit nisi causa efficiens nostræ justificationis. 249
- In justificatione opus non est aliquo Dei favore extrinseco, qui sit pars causæ formalis nostræ justificationis. 252
- De absoluta tamen potentia Dei fieri potest remissio peccati sine infusione gratiæ. 252
- Justificationem suam nemo potest neque debet certo credere fide divina. 253
- Contrarium docent Protestantes. 253
- A quibus non multum recedit Ambr. Catharinus. ibid.
- Ut iustus legitima conscientie pace fruatur sufficit ut certus sit de sua justificatione certitudine aliqua vel conjecturali. 255
- Iustitia inharrens magis propriè & formaliter.

maliter pertinet ad justificationem ,
quam iustitia Dei vel Christi imputa-
tiva quæ est potius causa efficiens. 249

Quid sit iustitia hæc inherens. 251

Præter iustitiam inherentem non est
opus ad justificationem aliquæ Dei
favore extrinseco. 252

Iustitia semel habita etiam in Ele-
ctis per peccatum mortale amit-
titur. 256

Iustitia Originalis quid sit. 16

An distinguatur a gratia Sanctifican-
te. ibid.

Iustitia Originalis etiam quatenus
consistebat in perfecta subiectione
Animæ ad Deum , & partis in-
ferioris cum superiore fuit Adamo
supernaturalis. 17

Contraria Bæi propositio damnata.
ibid.

Iustus: datur iustus gratia sufficiens qua
Dei præcepta possunt observare. 162

Damnata Lutheri, & Calvini Do-
ctrina Deum jubere iustis impos-
sibilia. 161

Idipsum dicit Janfenius fundatus in
eo quod nulla admittat gratiam
sufficientem. 162

L

Lucifer Prædestinationorum primus. 219

Lutherus docuit iustos etiam cum bene
vivunt non posse Dei mandata adim-
plere sed in omnibus suis actionibus
peccare ob concupiscentiæ labem ipsis
adherescentem. 162

Solam fidem historicam voluit esse
fidem iustificantem. 242

Nec alios virtutum actus se habere
per modum præviæ dispositionis. 244

In Iustificatione peccata tantum non
imputari non vero remitti. 245

M

Medina ejus opinio circa interiorem
hominis renovationem. 6

Rejicitur pluribus Argumentis. 7

Meritum quid sit. 258

Recte dicitur homines aliquod me-
ritum habere apud Deum, si ni-
mirum per gratiam operentur. 259

Ob pactum scilicet & ordinationem
divinam in Scripturis revelatam.
ibid.

Meritum hoc intelligi debet de con-
digno, & aliquando etiam de con-
gruo. 260

Quid possit homo mereri. ibid.

Homo non potest sibi mereri pri-
mam gratiam actualem, neque
de condigno, neque de congruo,
neque primam gratiam habituales
de condigno, bene vero de con-
gruo. ibid.

Nequidem de congruo potest sibi
post lapsum mereri gratiam pen-
nitentiæ, & reparationis. ibid.

Iustus non potest de condigno sibi
mereri perseverantiam finalem.
ibid.

Sed tamen potest de condigno me-
reri augmentum gratiæ habitua-
lis. ibid.

Alteri vero nullus potest mereri de
condigno primam gratiam seu
actualem seu habituales, bene
vero de congruo. ibid.

Homo potest sibi mereri de condi-
gno vitam æternam. 262

Ad meritum de condigno ex parte
hominis requiritur quod sit Via-
tor, quod sit in gratia Sanctifi-
cante constitutus quod sit adjuvus
gratia quadam actuali, & quod
agat libere. 263

Ex parte Dei requiritur promissio
de dando præmio. ibid.

Molina docuit eandem esse gratiam suf-
ficientem, & efficacem secundum na-
turam & entitatem. 9

M m 2 Hæc

Hæc doctrina primo sui ortu plures
in Hispania morbos concitavit .

109

Facultas Lovaniensis eam damnavit

Anno 1587. ibid.

Idemque fecit facultas Duacensis

Anno 1588. ibid.

Celebres Congregationes de Auxi-

liis sub Clemente VIII. & Pau-

lo V. ibid.

Baronius in quadam Epistola testa-

tur Romanam Ecclesiam in iis

quæ spectant ad gratiam sequi

semper S. Augustinum , adeoque

Clem. VIII. si vixisset idem fuisset prædicturum .

ibid.

N

Naturale quot modis summi possit . 17

Potest homo sine fide facere ali-

quod opus bonum in ordine na-

turali . 72

Cognitio naturalis existentie Dei ,

quam habent Infideles satis non

est ut per eam possint habere gra-

tiam sufficientem . 181

Natura humana quotuplex ejus status di-

stinguatur . 10

Quid sit status nature lapsæ repa-

ratæ . ibid.

Quid status nature lapsæ non repa-

ratæ , & quid integræ . 11

Quomodo hic status differat a statu

nature innocentis & nature pu-

re . ibid.

Status nature innocentis qui nam

sit . ibid.

In hoc statu Adam vere fuit con-

stitutus . ibid.

Quenam fuerunt dotes hujus sta-

tus . 14

In statu nature innocentis homo

non indiguit gratia efficaci ad bene

agendum , & perseverandum . 18

Status nature pure quid sit . 26

Hunc possibilem esse negarunt Ba-

jus & Janſenius . 27

Hujus status nature pure possibili-

tas ostenditur ex Augustino . ibid.

Non repugnat status iste divinæ pro-

videntie . 29

Nec divinæ justitiæ . 33

Nec denique bonitati divinæ . 33

Potest homo etiam in statu nature

lapsæ aliquod bonum opus in or-

dine naturali facere sine fide . 72

Quin & sine speciali gratia Dei . 84

Novatores triplicem fidem distinguunt .

241

Solam fidem historicam , seu Mira-

culorum contendunt esse fidem ju-

stificantem . ibid.

Confutantur eorum errores . 242

Docent alios Virtutum actus se ha-

bere dumtaxat concomitanter cum

ipsa fide ad justificationem . 243

Non autem se habere per modum

præviæ dispositionis . 244

Docent in justificatione peccata vere

non deleri , sed tamen ob Christi

justitiam non imputari . 245

Docent hominem magis proprie &

formaliter justificari per justitiam

Christi ipsi imputatam , quam per

justitiam inherentem 248

Novatores docent homines certo credere

posse immo debere se esse justificados .

253.

O

Opus Morale aliquod in ordine natu-

rali potest fieri ab homine sine fi-

de Christi . 72

Quin & sine speciali gratia Dei . 84

Per accidens tamen non potest quod

libet opus morale bonum ejusdem

ordinis naturalis fieri sine speciali

gratia Dei , ob gravia , quæ ut

plurimum obstant impediunt .

ibid.

Opus vero morale in ordine supernatu-

rali , seu vitæ æternæ meritorium pul-

lum fieri potest sine gratia Dei . 72

Id intenderunt unice Patres dum

dixerunt nullum sine fide Christi ,

sine ejus gratia fieri posse bonum

opus morale . 84

SS. Pa-

SS. **P**atres Græci ex iis qui ante Pelagianam hæresim scripserunt, non est depromenda Ecclesiæ doctrina in negotio prædestinationis & gratiæ.

122
Non sequitur tamen eos in hac materia errasse. 123

Cum dicunt nostrum esse incipere, intelligunt semper cum aliquo Dei auxilio. ibid.

Prædestinatiani negarunt Christum mortuum pro salute omnium hominum. 219

Quisquam fuit primus hujus Sæctæ auctor. ibid.

Hæc secta non est merum Faustii commentum, ut nonnulli dicebant. 219

Intelligi nequit quando Faustus hanc confixit historiam, ut Augustini discipulis invidiam concitaret. 220

Codex Faustii quem citat Canisius nullam meretur fidem. ibid.

Gothelatchus fuit Prædestinarianus. 221

Prædestinatio Physica Thomistarum fuit Augustino ignota. 126

Mannette adversatur ejusdem principis. ibid.

vix intelligi & exprimi potest quid illa sit. ibid.

vix cum libertate conciliari posse viderur. 127

Peccator communis Theologorum doctrina est, quod si nondum sit obduratus, ei det Deus gratiam sufficientem. 192

Fuit hæc etiam Augustini doctrina. ibid.

Circa induratos & excecatos tres Theologorum sententiæ. 193

Omnibus peccatoribus induratis & excecatis Deus non omnem semper gratiam sufficientem denegat. ibid.

Sunt tamen quidem peccatores in-

signiter excecati, & obdurati, ut nullam penitus habere gratiam censeantur. 194

Hujus rei memorabilia exempla nobis subministrant Scripturæ. 195

Ex Augustino indurare, & obcecari apud Deum nihil aliud est quam subtrahere gratiam sufficientem. 196

Sententiæ subtractionis gratiæ sufficientis nonnullis obduratis conciliatur cum Ecclesiæ dogmatibus. 198

adeoque excusabiles non sunt. 199
hinc quod ab homine qualibet gratia destituto fit contra legem Dei peccatum est. 199

Quia liberum in seipso, & in sui causa. 200

Solvuntur paritates ex infidelitate negativa ex amentia & ebrietate delumptæ. 207

Peccatum - non est absolute necessaria connexio inter peccatum & miseria hujus vitæ. 33

Quomodo verum sit illud Augustini principium sub Deo iusto nemo miser nisi mereatur. ibid.

Opera omnia infidelium non sunt totidem peccata. 72

Nullus homo exceptis Christo Domino, & B. M. V. ad eum sanctitatis & justitiæ gradum pervenit, ut sine omni peccato vitam duceret. 94

Fieri tamen absolute potest, ut iustus ab omni peccato per totam vitam præservetur. 96

Infidelitas negativa in pœnam peccati est, sed non peccatum. 200

Peccata sunt, quæ committuntur contra legem Dei ab induratis gratia sufficienti destitutis. 198

Peccata in justificatione vere delentur & remittuntur. 243

Pelagiana hæresis, hujus caput fuit asserere concupiscentiam, ignorantiam, & miseria mala esse homini naturalia, qui-

quibus obnoxium fecit Deus hominem .

36

Historia, progressus, & damnatio

Pelagianæ hæresis refertur .

38

Varii status Pelagianæ hæreseos distinguuntur .

40

Docuit initio Pelagius homini ad consequendam salutem sufficere

naturam solam, & ingenitas li-

beri arbitrii vires .

ibid.

Pelagiani per gratiam aliquando intellexerunt liberum arbitrium .

40

Nonnunquam gratiam tantum externam agnovere .

41

Probabilius est nunquam admisisse gratiam voluntatis, & gratiam

actionis .

42

Negabant fidem ad salutem necessariam, esse gratiam proprie dictam .

43

Docent sine gratia Dei vinci polle tentationes quascumque ex motivo etiam honesto in ordine ad vitam æternam .

87

Sed rejicitur hæc perversa doctrina .

ibid.

S. Petrus iustus erat cum Ancillæ voce perterritus Christum abnegavit .

172

Ei non defuit gratia quæcumque, sed solum efficax .

173

Id solum SS. Patres docuerunt, cum dixerunt Petro gratiam defuisse .

ibid.

Hæc propositio gratia defuit S. Petro generatim offerri non debet .

174

Hoc modo prolatam damnavit in Arnaldo Facultas Parisiensis .

ib.

Promissio Dei de præmio dando requiritur ad meritum de condigno in homine .

263

Quamlibet gratiam interiorem, & non tamen efficacem negabant Pelagiani .

143

Horum error fuit quod dicerent esse in Deo voluntatem salvandi omnes homines, sed æqualem,

& indifferentem pro omnibus hominibus .

210

R

Remissio peccatorum vere fit in justificatione, & non eorum non imputatio .

245

Renovatio interior formaliter includitur in hominis justificatione .

247

S

Salus non est desperanda in systemate gratiæ efficacis ab intrinseco .

116

Semipelagiani cur sic dicti .

43

Cur appellati Massilienses, quinam iis potissimum sint accensendi .

44

Damnati primum fuere in Synodo Arausicana anno 529 .

45

Negabant gratiam esse necessariam ad initium fidei .

ibid.

Jansenius contendit mitiores Semipelagianos exclusisse solum gratiam efficacem, non autem gratiam versatilem .

ibid.

Duo distinguuntur Semipelagianorum genera .

46

Probatur Semipelagianos omnes cuiuslibet gratiæ interioris ad initium fidei necessitatem rejecisse .

47

Contraria Jansenii propositio declarata falsa .

48

Solvuntur objectiones .

49

Nec in Adamo innocente gratiæ necessitatem admiserunt Semipelagiani ad initium fidei .

ibid.

Chrysostomus immerito Semipelagianismi errore accusatur .

66

Obiciebant Augustino sicuti recentiores Molinistæ in ejus systemate inutiles fore exhortationes ad bonum .

114

Homines in desperationem suæ salutis adduci .

117

Everti liberum arbitrium .

118

Et

Et ejus systema de gratia non consistere cum sincera Dei voluntate salvandi omnes homines. 120
 Agnoscebant in Deo voluntatem salvandi omnes homines, sed æqualem & indifferentem pro omnibus. 210
 Adeoque ab ea repeti non debet efficacia gratiæ. ibid.

T

Tentatio quid sit. 86
 Ex triplici causa oritur. ibid.
 Alia gravis, alia levis. ibid.
 Tribus modis vinci potest. 87
 Pelagiani docuerunt, tentationes quascumque vinci posse sine gratia, & quidem ex motivo casto, & ex amore Dei. ibid.
 Gregorius Ariminensis, & Vasquez docent, sine gratia nullas vinci posse tentationes ex motivo etiam mere naturali. ibid.
 Nulla tentatio superari potest vel gravis, vel levis ex motivo honesto in ordine ad vitam æternam sine gratia Dei. ibid.
 Bene vero ex motivo vere naturali. 88
 Judas habuit gratiam sufficientem, qua poterat superare tentationem desperationis. 201

V

Viator - status viatoris requiritur ad meritum de condigno. 263
 Veritates, quæ ab homine cognoscuntur, aliæ sunt naturales, aliæ supernaturales. 54
 In supernaturalibus distinguitur simplex apprehensio, & actus voluntatis. 54
 Intellectus humanus potest sine ullo gratiæ adjutorio, modo adsit generalis concursus cognoscere omnes veritates naturales. ibid.
 Cognitio veritatum supernaturalium certa, non mere speculativa, sed cum assensu conjuncta, idem est ac fides. 53
 Hæc haberi nequit sine gratiæ auxilio. (Vide Fides.) 55
 Veritas existentiae Dei naturaliter cognita satis esse nequit infidelibus ad habendam gratiam sufficientem. 181
 Wiclephus docuit, quod quicquid homo in peccato mortali facit, peccat mortaliter. 100
 Damnata hæc propositio in Constantiensi Concilio. ibid.
 Viennense Concilium quid definiert circa gratiam sanctificantem. 7
 Cur abstineret a voce habitus. ibid.
 Visio Dei intuitiva non est naturalis & debita homini in quacumque hypothefi considerata. 29
 Vita æterna, eam potest homo sibi mereri de condigno. 262



5-2



